

L






RESPONSIONIS
AD DISSERTATIONEM
DE DVOBVS DIONYSIIS
DISCVSSIO.

IN QVA
PROBATVM IAM VTRIVSQUE
discrimen ex inueniendi asseren-
dique veri legibus defenditur.

*Accedit utriusque Dionysij vita, ex optime
fidei scriptoribus collecta.*

Auctore IOANNE DELAVNOY Con-
stantiensi, Theologo Parisiensi.



PARISIIS,
E Typographiâ EDMUNDI MARTINI,
viâ Iacobæâ, sub Sole aureo.


▲ M. DC. XLII.

Theodoretus Epistola 88.

*Veritate nihil est potentius, potest
enim illa etiam cum paucis vincere.*

Idem Epistola 135.

*Oportet autem non tempori accom-
modare sermones, sed rectam semper &
nusquam inflexam veritatis normam
conservare.*



BEATISSIMIS EPISCOPIS

ET MARTYRIBVS

DVOBVS

DIONYSIIS;

VNI

ATHENIENSI;

ALTERI

PARISIENSI.

MVLTA sunt ; Beatissimi
Episcopi & Martyres, qui-
bus ad clientelam vestram
& iudicium hæc lucubratio
referenda est: imprimis tuenda veritas oc-
currit, sancitum videlicet ab ipsa natura
vtriusque vestrum discrimen, quod à

quibusdam auferri, sed frustra tenta-
tum est: Quos enim natura secreuit, &
diuina gratia duabus disiunctissimis Ec-
clesiis præfecit, omnium hominum nemo
in unum confundet. Deinde accedit iu-
stitia, quæ prohibet, ne quod vnius est, al-
teri ab æquis rerum æstimatoribus detur.
Suum unicuique vestrum sufficit honos,
quem exantlati in ædificanda domo Dei
labores promeruerunt. sua unicuique sa-
tis est palma, quam diuersa pro Christi
nomine prælia pepererunt, & nulla un-
quam temporum circumscriptio metietur.
Tum interuenit suis vindicata legibus
Ecclesiæ traditio, quæ vos notis distin-
guere clarioribus vix potuit. Inauspica-
tò peruiderunt istud aduersarij, qui hanc
traditionem vt eluderent, eludendis cete-
ris viam imprudenter aperuerunt. Sic illi
sui æmulis dum inuident suffragium,
denegant illud veritati. Denique succe-
dit vestrum in cælo patrociniū, quod
non vnum, sed duplex omni retrò ætate

sacri fastorum codices exhibuerunt: quod
exhibitum Gallicanae Ecclesiae fideliter
agnouerunt: quod agnitum nocturnis
precibus & vigiliis efflagitarunt. Quo-
ties benignè audiuitis Narbonenses, Ve-
netenses, Carnotenses, Ambianenses, &
alios, qui diuersa vobis officia consecra-
runt, & consecrata celebri postmodum
veneratione persoluerunt. Efficite igitur
quæso, beatissimi Cælites, ut qui contrà
sentiant, patiantur illo duplici nos uti
patrocinio, quod habuerunt maiores no-
stri, quod idonea Ecclesiae traditio demon-
strat, quod iustitia publicæ Gallorum pie-
tati vindicat, quod aduersus nonnullo-
rum artes per seipsam defensa veritas atte-
statur. Efficite, ut pij quidem, sed incauti
scriptores desinant traditionem iis machi-
nis oppugnare; quibus ceteræ traditiones
cōmouentur, quibus iustitia læditur, qui-
bus veritas torquetur, quibus alter nobis
Patronus è cælo deturbatur. Efficite, ut
iustitia, quæ suum cuique partitur, aduer-

sariorum voluntates sic temperet, ut de-
bitum vobis honorem tribuant, neque
superstitiosum ducant ampliùs, quod om-
nis retrò atas religiosum duxit, ut asser-
tam veritatem tueantur, ut vestrum du-
plex Patrocinium colant, ut illustrem
Ecclesiæ traditionem locis communibus
non obscurent. Efficite tandem, ut quos
in hac causa veritas obnunciatores ha-
buit, defensores obtineat, ut vestrum
Patrocinium agnoscant, ut Ecclesiæ tra-
ditionem obseruent, & summam erga
cultum vestrum exhibeant aequitatem.





PRÆFATIO LECTORI

PER NECESSARIA.

Dvo sunt, quæ à te efflctim postulo, erudite lector: vnum est, vt aduersarij in respondendo methodum consideres, cuius totam in hac præfatione imaginem amplector: alterum, vt meum in examinanda illius responsione consilium inspicias, quod hîc quoque ante oculos breui oratione propono.

Imprimis aduersarius in respondendo totus est, sed in probando nullus, nec insuper satagit, quid respondeat, dummodo aliqua dicendi facultate exorner, quæ & paginam implere, & qualiscumque responsionis rationem habere possint. De tribus illud hîc æstimare licet.

Primum sic se habet: Capite tertio Dissertationis conquerenti Sirmondo, quòd in codice Vsuardi apud Sanctum Germanum erasum fuerit, quicquid quinto Nonas Octobris de Arcopagira

PRÆFATIO

legebatur, ad idem caput paragrapho
 secundo responderet, neque Vsuardi co-
 dicem illum esse, neque quod expun-
 ctum est mentionem ullam Areopagi-
 tæ fecisse; & præterea ex septimo Idus
 Octobris videri, Martyrologium fuisse
 Bedæ, quod ab inimico veritatis malè
 habitum est. At quibus quæso specillis
 cerni potest, nullam Areopagitæ fieri
 mentionem, si quod antea cernebatur,
 nunc *antiquissima*, ut ait, *litura* expun-
 ctum est? Deinde si Vsuardi non sit, sed
 Bedæ Martyrologium, nōne istud di-
 sertissimam Areopagitæ mentionem ha-
 bet quinto Nonas Octobris? *Natale San-
 cti Dionysij Areopagite*, &c. *Ex similibus*,
 inquit, *quæ innumera sunt, exemplaribus*
pater, nullam in illo codice factam esse
 mentionem Areopagitæ. otiosè omni-
 no. Vel enim similia sunt illa exempla-
 ria, quæ codex ille, cuius Sirmondus me-
 minit, Bedæ tribuitur, aut quæ in eo de-
 letum est quicquid de Dionysio Athe-
 nie si legebatur: si primum velit aduer-
 sarius, mentio fit Areopagitæ, ut vidi-
 mus, & mentitur egregiè qui negat: si
 secundum, innumera exemplaria in fal-
 siorum manus incidisse dolendum est;

AD LECTOREM.

& sic viderit, quinam fuerint falsarij, monachiue, an clerici, vel laici?

Secundum colligitur ex responsione ad caput quartum Dissertationis paragrapho quinto. Vbi primum inter Latinos opinionis suæ testem appellat Bedam, cuius Martyrologium, quia nobis fauet, in Vindiciis lib. 2. cap. 4. vti corruptum repudiat, & ex eo deceptum fuisse vsuandum, muliebriter indignabundus vociferatur.

Tertium ex collatis duobus inter se locis facile concluditur. Alter locus est in responsione ad caput quintum paragrapho tertio, vbi scribit, *Arcopagitam egregia sua opera Athenis lucubrasse*. Alter verò in responsione ad caput octauum paragrapho tertio, vbi tradit, *Arcopagitam seipsum liquidò testari, superstitem Sancto Ignatio fuisse, qui Traiani anno undecimo martyr occubuit*. Ex quo manifestum est, Arcopagitam à Clemente mitti non potuisse, quamuis ab eodem missum vehementissimè contendat Miletus. Clemens siquidem anno Traiani tertio mortuus est, & Arcopagita (vt illi placet) libros de diuinis nominibus scribens Athenis epistolæ meminit, quam

P R Æ F A T I O

Beatus Ignatius ad Romanos misit, cùm anno Traiani decimo Romam peteret. Hæc & similia Responsionis titulum & auctoritatem ementiuntur.

Secundò, an illæ quibus vtitur rationes, sint oppositis efficaciores vel inefficaciores, nusquam attendit, satis esse ratus, si vel infimissimæ responsiones amplificentur, & aliqua dicendi pompa efflorescant: quasi ambitioso eloquentiæ mendacio simplex narratio veritatis non antecellat. Profectò longè mihi gravior est sexcentis etiam inquinata solecismis veritas, quàm mendacium rhetoricæ coloribus excultum vniuersis. Non vnā vel alteram, sed omnes fermè responsiones in exemplum adducerem, si hoc exempli natura pateretur. Quæ parrem ad vtramque rationes faciunt, expendendæ sunt, vt in Areopago, ἀντὶ τοῦ τοῦ τοῦ & παθὸς, & quæ præponderant, iis continuò assentiendum, sed studia priuata bonum illud publicum impediunt.

Tertiò, quibus vtitur monimentis ea nullatenus examinat, siue falsa, siue dubia sint, suos in vsus omnia cupidissimè deriuat.

AD LECTOREM.

Sic gesta conuentus Parisiensis, qui sub Ludouico Imperatore propter imagines habitus est, summam in auctoritatem admittit, licet illa ceteri Catholici scriptores reiiciant; & hîc miror fuisse, qui in hac responsione *omnia fidei publica & veritati consona se deprehendiss* testetur.

Sic in epilogo citat Gregorium Turonensem de gloria Confessorum c. 80. vbi de Ursino Bituricensi ita scribit, *Bituriga vrbs primum à Sancto Ursino, qui à discipulis Apostolorum Episcopus ordinatus in Gallias destinatus est, verbum salutis accepit.* Dissimulat verò quæ lib. 1. historiæ cap. 29. cogitatiùs ea de re tradit: *De horum (Gatiani & aliorum collegarum) discipulus quidam Biturigas ciuitatem aggressus salutare omnium Christum Dominum populis nunciauit.* Hæc duo loca conciliare oportuit, aut velut discrepantia præterire, aut certè primis secundas cogitationes anteponere: sed horum nullum cōtradicens cupiditas permisit.

Sic tempus, quo missum ad Arelatenses Trophimum, & ad Viennenses Crescentem disputat, implicatum relinquit, eum capiti secundo Dissertationis responderet, & parag. 8. ex Adonis libello

P R A E F A T I O

de festiuitatibus contendit , Trophimum in Gallias missum esse ante Crescentem : cùm tamen Ado in Chronico ætate sexta an. 59. disertè scribat, *eo tempore , quo creditur Paulus ad Hispanias peruenisse, & Arelat. e Trophimum, Vienna Crescentem discipulos suos ad predicandum reliquisse.* Debit ista omnia priùs euoluere quàm ex vno Adonis opere certum aliquid statuere. Hic in me non recipio, quæ de Trophimo & Crescente scripsit Ado , sed quale sit Milleti iudicium, ostendo.

Quæ verò alij obiiciunt, non tam examinat, quàm examinando illudit. Sic in Vindiciis lib. 2. cap. 4. vetus Romanum Martyrologium, cui Rosuueidus lucem dedit, vt dubium in fide suspectumque reiicit, quia inter cetera *Parisiis* pro *Parisius* repræsentat. Nunc secundùm ista eò modestiæ deuenit, vt in responsione ad cap. 4. parag. 5. affirmet, *alios* (qui legitimè veritatem quærunt) *adunco suspēdentes omnia naso sibi videri bellissimè triumphare.*

Quartò locis communibus ita indulget, vt in nullam propemodum paginam incidas, quæ non aliquem præ se ferat:

AD LECTOREM.

sed locis communibus omnia cùm probentur, probari nihil viri prudentes censuerunt. Quò fit, vt hunc disputandi modum acriter redarguant Tertullianus & Hieronymus. Etenim nulla traditio est quamlibet testatissima, quæ eiusmodi locis communibus non interturbetur: verbi causa, siquid ex Martyrologiis Ecclesiarum probare velis, statim occurret Millerus in Vindiciis scribens, *nulla ad nos nisi adiectione nouorum Sanctorum, aut imitatione Grecorum Martyrologia corrupta peruenisse.* Item si ex iisdem Martyrologiis contendas hunc Martyrem, vel illum Confessorem hoc aut illo die mortuum, quia ibi natalis eius hoc illòve die memoratur, reclamabit in responsione ad cap. 3. parag. 3. *asserétque, nomine natalis quamlibet solemnitatem, & cuiuscumque inaugurationis, aut naturalis obitus, aut martyrij, aut translationis memoriam significari.* Quòd scilicet apud Augustinum sermone 15. de Sanctis Natalis Cathedrę Beati Petri colatur. Atque ita quæ nominis significatio ex subiecta materie, vel ex adiacentibus definitur, ex illis auulsa, cothurno versatilior euadit. Sic aduersarius non aliter, quàm atramenti effu-

P R A E F A T I O

sione sepia, & limi commotione torpescendo sese tutatur.

Quintò, in iis, quæ ad præcipuam controuersiam spectant, incertum rumorem historiarum & recentissimos scriptores antiquissimis non opponit modò, sed & sæpissimè præfert, cum nemo nesciat recentissimos auctores à ferendo de rebus antiquis testimonio per ætatem prohiberi. Sic fucum facit in iis, quibus definitam Seueri epocham de primis Galliarum martyribus sollicitat, quibus Saturnini Martyris historiam & Gregorij auctoritatem quoad Dionysium impugnat.

Sextò, in perpetuam ἀσολογία incurrit; quod vnum si obserues, de Milleti Iudicio, & Responsione penitus actum erit. Nam vbi missum à Clemente Dionysium reperit, tunc eum Areopagitam fuisse statim concludit, quasi alium ab Areopagita Dionysium non potuisset Clemens mittere. Cur quæso missus à Clemente Dionysius erit potius Areopagita, quàm missus à Petro Dionysius? Quippe vita Sancti Memmij, Rabanus & Notkerus in locis ab aduersario citatis legatum à Petro Dionysium tradunt. Non hoc perinde obseruamus, ac si mis-

AD LECTOREM.

sum à Clemente vel Petro Dionysium probemus, sed ut rhetoris nostri ἀπυλλο-
γιασται ostendamus.

Deinde ex quibusdam Martyrologiis, quæ vnum duntaxat Dionysium habent nono die Octobris, colligit eundem fuisse Areopagitam, tametsi nec Areopagita, nec Atheniensis, nec ab Apostolo Paulo conuersus dicatur. Quasi verò non posset vnicus in illis exhiberi Dionysius, qui sub Decio in Galliam venerit. Caduca sunt eiusmodi Martyrologia, & dirimendæ quæstioni nequicquam inferunt.

Septimò, Sulpitium Seuerum superbè contemnit, virum de Ecclesia, de Gallia, & de ordine monastico benè meritum. De eo ita decernit in responsione ad cap. 1. parag. 8. *Quem sola penè vetustas commendat.* Quod si sola penè vetustas commendet Seuerum, non fides vel accurata scriptio, iam de tota Martini historia, de epistolis, de Dialogis, & de sacræ Historiæ Breuiario dubitari iustissimè licet. Sulpitium non commendo, quem Hieronymus, Paulinus, Guibertus Abbas Gemblacensis, & alij copiosè commendarunt. Nec præterea

PRÆFATIO

is est, qui petulantem vnus monachi stilum reformidet. Immo idipsum, cuius gratia hic homo Sulpitium tam malè accipit, nominatissimi in paucis scriptores in se receperunt Robertus Bellarminus, Nicolaus Faber, & Dionysius Petauius. Primus quidem in libro de scriptoribus Ecclesiasticis, vbi secundam Martialis epistolam repudiat, ob memoratum in ea Valeriæ cuiusdam Virginis martyrium; quia *id repugnat*, inquit, *Sulpitio lib. 2. sacre Historiæ, qui scribit temporibus M. Antonini primum intra Gallias martyria visa*. Secundus in Schediasmate de Dionysio, vbi de Sulpitio sic loquitur: *Seuerus Sulpitius Primuliacensis presbyter & Beati Martini discipulus, testis est, persecutione demùm quinta Martyria in Galliis visa fuisse, seriùs trans Alpes Dei religionem suscepta*. Tertius denique Rationarij temporum partis primæ lib. 5. cap. 9. scribens, Soteri subrogatum esse Eleutherum anno circiter M. Aurelij 17. *Quando in Galliis ferali Imperatorum edicto Christiani complures occisi sunt, inter quos Lugdunenses martyres excelluerunt, actum primum (ait Seuerus) intra Gallias Martyria visa, seriùs trans Alpes Dei religionem*

gione suscepta. Hos auctores eò lubentiùs adfero, quòd quicquid Sulpitio contrarium Millerus iactitat, spreuerunt potiùs, quàm non legerunt, & pleno iudicii notitiæque silentio postponendum censuerunt.

Octauò, Gregorium Turonensem ignominiosè traducit, scriptorem quoque de Ecclesia, & de Gallia benè meritum. Et primò quidem in Responsione ad caput 2. parag. 1. vbi *Sancto*, inquit, *viro facilitatem eius & hallucinationem satis frequentem obiiicimus.* Deinde in epiloغو his verbis: *& certè si vel in vno Episcopo veram non esse constat narrationem, nihil erit, cur in reliquis impetrare fidem mereatur.* Sed quæ causa fecit, vt Millerus Gregorium tam immaniter accusaret, eadem est propter quam tres memorati scriptores illum laudarunt. Vnus quidem loco iam citato: *Primus*, inquit, *auctor harum epistolarum dicit, se cum Christo vixisse, antequam crucifigeretur. Martialis autem Episcopus primus Lemouicensium missus fuit ad eam urbem, Decio Augusto & Grato Consulibus, vt Gregorius Turonicus testatur lib. 1. hist. cap. 28.* Alter verò loco etiam citato: *Gregorius*, inquit, *Turonensis Episcopus diligentissimus histo-*

P R A E F A T I O

ria scriptor & antiquissimus, ex historia martyry Sancti Saturnini tradit Dionysium Parisiensem venisse in Gallias, Decio secundum & Grato Consulibus, Lutetiaeque Episcopum factum. Tertius tandem eodem lib. sed cap. 13. Eodem, inquit, imperante Decio, eiusque anno primo, vel secundo, Christi 250. hoc est Decio & Grato Consulibus, ait Gregorius Turonensis Sanctum Saturninum Tolosae Episcopatum iniisse, cum eoque missos esse Gavianum Turonorum, Dionysium Parisiensem Episcopum. Iudicet nunc æquissimus censor, an Milletus emundioris sit naris inolfaciendis Gregorij erroribus, quàm Bellarminus, Faber & Petavius, qui in hunc historiae locum meditatè incubuerunt?

Nonò. Plura de Crescente Viennensi, & de Trophimo Arelatensi congerit, quàm de Dionysio Parisiensi, qui vel vnicum, aut certè præcipuum Responsionis argumentum esse debuit, *παρεργον μὲν τὸ ἐργον*. Hoc autem vitiosum esse differendi genus, quis ignorat?

Decimò. Tamen commentitia genuinis, incerta certis, & falsa veris aliquando misceat, in tota tamen Responsione nullum probatae fidei scriptorem adducit, quo ante Carolum Magnum

AD LECTOREM.

constet, Dionysium Parisiensem eundem fuisse cum Areopagita. Hoc vnicum obseruasse, vicisse est. Ergo verissima illa est epocha, quam nouæ opinioni fixit Nicolaus Faber his verbis: *Beatum Dionysium Parisiensem eundem fuisse, qui in Areopago à Beato Paulo cum uxore ad Christi fidem conuersus est, nemo ante Caroli Magni tempora & Ludouici Imperatoris eius filij, scriptis, quæ ad nos peruenerint, asseruit, immo verò omnes contrà senserunt.* Ceterum Faber, seu optimarum artium scientiam, seu Ecclesiasticæ & ciuilis antiquitatis cognitionem, seu quæsitam apud eruditos omnes estimationem attendas, infinitis Milletis antecellit. At maior, inquit Athanasius, *honus habendus est vel uni probata fidei viro, quàm decem aliorum millibus qui se insolentiùs iactitant.* Quales sunt sine dubio Milletus, & quidam hodierni fautores illius, quos non veritatis inquisitio, & suis asserta legibus Ecclesiarum traditio, sed splendida tantùm librorum inscriptiones in politiori charta delectant, sed

Τίς τει πρόπτερον ὑπινέμιον νύξ ἢ μελαγχόλος ὢόν.

En tibi summa totius collatitiæ Re-

P R A E F A T I O

sponsionis, quam Milletus ad Sirmondi Dissertationem de duobus Dionysiis apparauit. Ex quo planum est, virum grauioribus studiis occupatum in publicam vtilitatem peccaturum, si de confutanda istiusmodi Responsione cogitaret, ne ceteroqui respondendo dignus fieret aduersarius, qui vinceretur. Ego verò ad Responsionis istius Discussionem non appulsem animum, nisi vt responderem, in epilogo sub finem capituli 6. me prouocasset arrogantius. Ecce igitur adsum, sed caueat, ne tandem Theocriti Menalcas habeatur.

Quod autem pertinet ad meæ Discussionis consilium, illud sic se habet: Imprimis totam aduersarij Responsionem ad inueniendi asserendique veri regulas expendam, quæ, nî fallor, sunt, vt verbi gratia Sulpitius Seuerus nulla in re falsitatis arguatur, nisi per eos scriptores, qui rem controuersam melius nouerint, antiquiores scilicet, æquales, vel suppare: sed cum hoc discrimine.

Antiquiores, si generatim loquaris, Seuero semper antepones, nisi forsam prompta ex adiunctis ratio nonnunquam aliter suadeat. Hic qui in Gallia de rebus Galliaæ sine affectu scribit, ma-

iolem illo si diffiderent, fidem meretur,
qui in Asia degens, vel in Hispania de
iisdem Galliæ rebus paulò ante Seue-
rum, aut illius ætate scripsisset.

Si plures æquales eiusdem potissimum
doctrinæ & regionis ab Seuero dissent-
rent, illi absolutè præferendi sunt. Sin
vnus tantum, non continuò præferen-
dus, sed cum primis diiudicandum, vtri
ex circumstantiis personæ, eruditionis &
præsertim loci fides potior habeatur.
Quod vbi præstari non poterit, tunc fa-
tius esse suspendere iudicium, quàm
quod nescias temerè pronuntiare, viri
prudentes decreuerunt.

Supparibus demùm scriptoribus, nisi
plures sint, nulla præ Seuero, aut exigua
fides tribuenda est, si aliunde non con-
stet eos æqualium vel antiquiorum com-
mentariis vti.

Deinde Vindicias pro Gregorio Tu-
ronensi, cui Gallia nostra plurimum de-
bet, duobus maximè in locis, & alibi pas-
sim oblata occasione repetam; in Hil-
duino, Milieto, atque aliis, qui *simplicem*
illum vocare amant, longè grauiores er-
rores ostendam, quàm quos vnquam ad-
miserit Gregorius. Qua in re facturum
me spero, vt iactatam de Gregorio victo-

P R Æ F A T I O .

riam relinquant, eamque insuper Cadmea multò peiorem sentiant. Vnde si quid paulò duriùs dictum offendatur, id repetitæ pro Gregorio & aliis eruditis hominibus Vindiciæ permittet. Præterea sæpiùs aduersario reponam, non quæ sunt mea, sed quæ sua, & quæ mihi quamlibet inuito ex contagiosa librorum illius lectione adhæserunt. Quamquam ego semper persuasum habui, bonæ causæ tuendæ disceptantium modestiam non obesse, sed nonnumquam inducenda est ferro sanitas.

Tum in excutiendis testimoniis, quæ citat, & in explicandis auctoribus, quos adducit, locos communes auctori suo reddam, non ignarus, quanti vir modestus æstimet sua, sed quoniam non omnes fortassis æstimant quæ æstimat, aliquid de meo subiungam. Quod si in frequenti & iterata locorum communium redditione molestus sim, indulgeat lector, quem scire cupio me id in gratiam aduersarij, qui me deuinctum habet, præstaturum. Hinc enim sua à nobis dissimulari queritur, inde non semper meminit, quid ipse legerit, scripseritque. Sic & præterea importunis diuersarum paginarum replicationibus occurram, &

AD LECTOREM.

quod maximè notandum est, efficiam, vt
suos aduersarius communes locos habi-
turus sit instar adulterinæ monetæ, quã
qui cudunt, dare quidem volunt aliis,
sed recipere nunquam.

Deinde ludentem in parergis hominẽ
sequar quocunque ierit, vt cũ Hieronymo
dicam, *aut pariter in luto harebimus*, *aut*
pariter expediemur. Quamobrẽ multa de
Crescẽte, de Trophimo, de epist. Cypria-
ni 67. de quibusdam Zosimi Papæ epist.
de libello supplicij Episcoporũ Prouin-
ciæ ad Leonem primum, & de aliis disse-
ram, quę sine vllò de Dionysij quæstione
dispendio prætermitterentur, si cum vi-
tiligatore mihi res non esset. Quam er-
go disputandi legem imponit, accipiam,
satiùs esse credens à recta scribendi me-
thodo non nihil deflectere, quàm vt vl-
lum veritas detrimentum patiatur, aut
etiam pati existimeretur.

Denique quod parerga fastidiũ crea-
re poterunt, rerum, quæ de Dionysio
iam disputatę sunt, & in hac Discussionẽ
disputabuntur, duplici compendio leua-
bo. Vnum varias ex præhabitis concer-
tationibus in re hystorica vtilitates dabit.
Alterum ex veræ traditionis legibus
distinctum semper ab Arcopagita Dio-

PRÆFATIO AD LECTOREM.

nyfium nostrum demonstrabit. Sic quibus & aduersarij & mea parerga non placebunt, ea sine damno poterunt inuoluta relinquere.

Ceterum illa omnia si rectè obierim, tuum erit, Lector, videre, cuius sit veritas, & eam, si lubet, amare. Sed etiam atque etiam credas velim, singulis paginis scriptum à me, receptumque, quod Beatus Augustinus lib. 1. de Trinitate c. 2. & 3. in se recepit: *Nec pigebit me, si tibi hæsito, querere, nec pudebit, si tibi erro, discere. Proinde quisquis hæc legit, ubi pariter certus est, pergat mecum, ubi pariter hæsitat, querat mecum, ubi errorem suum cognoscit, redeat ad me, ubi meum, reuocet me.* Quo ultimo nihil mihi potest accidere gratius, & utilius. Nam cum Epiphanio hæresi 64. *μειζον τὸ ἀγαθὸν τὸ ἐλεγχθῆναι τῷ ἐλέγχει νομίζω. ὅσω μείζον ὅτι τὸ αὐτὸν ἀπαλλαγῆναι, τῷ ἄλλον ἀπαλλάττειν.*

Quorundam erratorum correctio.

Pag. 1. linea 2. & alibi, lege Mill. p. 13 l. 11. l. præfide. p. 24. l. 8. l. verbum Dei. p. 25. l. ult. l. 118. p. 34 l. 10. l. putidis. p. 79. l. 1. l. parti. p. 83. l. ult. l. afferatur. p. 88. l. 23. l. in Gallia. p. 119 l. 1. l. legeram. p. 125 l. 1. l. erit. p. 140. l. ult. l. qui hic de. p. 152. l. 18. l. Romanæ, sed & p. 153. l. 28. dele die. p. 159. l. 8. l. æquius. p. 176 l. 24. l. quod. p. 200. l. 19. l. in Gallia. p. 210. l. 3. l. referatur. p. 261. l. 9. l. quem. p. 265. l. 7. l. augetur. p. 275. l. 28. l. Metaphrastæ. p. 278. l. 1. l. plen-

RESPON-



RESPONSIONIS


AD DISSERTATIONEM

DE DVOBVS DIONYSIIS

DISCVSSIO.

CAPVT PRIMVM.

Dissimulate à Mileto in Sulpitij Seueri textu epochæ duæ explicantur, explicate confirmantur, & à quibusdam obiectiunculis defenduntur.

I.  T ad primum Dissertationis caput respondeat Miletus, duas in oratione Seueri epochas dissimulat, quæ non prius expenduntur, & suis confirmantur momentis, quã quicquid obiicit, statim euanescat. Prima epocha illa est, quæ primos Galliarum martyres Aurelio Imperatori consignat, eamque idcir-

cò vocamus Definitam: Altera, quæ susceptam intra Gallias Christi religionem nulli consignat Imperatorum, sed in certa versatur comparatione, qua seriùs in Galliis suscepta Christi religio traditur, quàm in Italia & in Oriente, vbi non vna iam agitata fuerat Christianorum persecutio. Quæ sic instituta comparatio facit, hanc vt epocham appellemus Indefinitam. Seuerum intuère. *Sub Aurelio*, inquit, *Antonini filio persecutio quinta agitata, ac tum primum intra Gallias martyria visa, seriùs trans Alpes Dei religione suscepta.* Hoc loci duplicem illam epocham quis non distinguit facile, & non obseruat continuò causam reddi, cur non æquè citò in Galliis, atque in Italia & in Oriente, ad perniciem Christianorum translatum sit nomen sanctissimum religionis? Præterea singulas ita recenset persecutiones, vt quibus in locis, & quibus etiam de causis maior, minòrve pro suscepta religione fuerit vexatio, maiorem illam, minoremve repræsentet vexationem. Qua in re vix falli potuit, si ea maximè consideres, quæ ad Gallos spectant. Cui rei fidem faciunt duo, quorum vnum in auctoris præfatione legitur: *Non peperci,* inquit, *labori meo, quin ea, quæ permultis voluminibus perscripta continebantur, duobus libellis concluderem, ita breuitati studens, vt pænè gestis nihil subduxerim.* Alterum verò ex his libri 2. verbis habetur: *Nullis unquam magis bellis mundus exhaustus est, neque maiori unquam triumpho vicimus, quàm cum decem annorum stragibus vinci non potuimus. Extant etiam man-*

data literis præclara eius temporis martyrum passionēs, quas connectendas non putavi, ne modum operis excederem. Hæc omnia perpendenti occurrit primò, Seuerum non potuisse non rectam primis Galliarum martyribus epocham assignare; tum quia nihil prætermisit eorū, quæ permultis exarata voluminibus continerentur, tum quia descriptas à synchronis martyrum historias habuit, tum quia Seueri tempore incertis narrationibus, quas per otium vulgus fingit, locus nondum fuit.

Deinde recentiores Seuero auctores non potuisse rectiorem iisdem martyribus epocham defigere, tum quia certiora veterum monumenta non habuerunt, tum quia rerum & annorum vices non tulerunt, vt mandata literis veterum martyrum passionēs ad posteros integræ peruenirent. Quamobrem nulla in re Seuerus falsitatis argui potest, nisi per eos scriptores, qui rem in quæstione positam meliùs nouerint: Id est, per antiquiores, æquales, vel suppare: sed cum illo discrimine, quod in præfatione notauimus. At eos, qui postea ex vulgi credulitate Sanctorum historias interpolarunt, omninò reiicimus, cùm memoratis de causis, tum maximè propter auctoritatem Athanasij, qui peculiari disceptatione vetat, ne in diiudicanda veritate solius iudicio multitudinis faramur.

*Seueri definita martyrum epocha
defenditur.*

II. Quod autem pertinet ad Seueri definitam martyrum epocham, his illa machinis oppugnatur. 1. Clemens Romanus in epistola ad Iacobum prima, iubet, ut Episcopos per suas consecret Diœceses, consecratosque Romam mittat, quorum alij in Gallias & Hispanias, alij in Germaniam & Italiam ablegentur. 2. Apud Paulum Diaconum Petrus Clementem ad Metensem, & alios religionis Doctores ad alias, quæ præcipuæ erant Galliarum vrbes, verbo Dei obtinendas dirigit. 3. Apostolorum ætate Crescens Viennenses ad Christum conuertit, Trophimus Arelatenses, Martialis Lemouicenses, Paulus Narbonenses, Memmius Catalaunenses, & alij Apostolici viri alios Lugdunensis Galliæ populos diuina religione imbuerunt. Hinc apud Orosium lib. 7. hist. edicit Nero, *ut per diuersas Imperij prouincias*, atque adeò per Galliam interprete aduersario Christiani suppliciis afficiantur ultimis. Deinde Domitianus sub initium imperij iussit, *ut confirmatissima toto orbe Ecclesia, datis ubique crudelissima persecutionis edictis conuelleretur.* Hoc agunt præfecti Prouinciarum, quod mandant Imperatores. Sed in tanta Galliæ Christianorum strage, quantam Nero & Domitianus fieri voluerunt, vnicus nobis à Mileto exhibetur Zacharias, qui Viennæ ne sub Nerone quidem, vel Domitiano, sed sub Tra-

iano martyr occubuit. Quis nunc risum contineat? Tam acutè tamen disputat & solidè, qui fragilitatem argumentorum in aduersariis ridere consuevit, qui singulis paginis non semel triumphat. Insanus sim si mentior. In antecedente illo totus tumet, in consequente totus iacet, in antecedente attollit se per singula, in consequente eneruis factus in ipso conatu frangitur. Verùm istud, quia cuiuslibet fidem superat, non exaggero, sed lectorem ad librum remitto.

Quantò autem prudentiùs ex Neronis & Domitiani edictis, & Miletì diligentia in notandis primis Galliarum martyribus disputaretur in hunc modum: Nullus in Galliis sub Nerone & Domitiano martyr nominatim asseritur idoneis testibus, qui nimirum verustiores sint Seuero, æquales, vel suppare. Itaque certò colligendum est, Neronis & Domitiani tempore nondum fuisse Christi religionem intra Gallias susceptam.

Verùm de Orosio cur litem mouet, qui non ante Aurelium, & Antoninum Verum, sed sub ipsis duntaxat Christianos in Gallia disertè afflictos fuisse testatur? Quo vel maximè confirmatur nostri Seueri testimonium. Et licet Seuerus quintam persecutionem vocet, quam Orosius appellat quartam, re ipsa tamen conveniunt, & qui utrumque scriptorem hac in re conciliare non potuit, neutrum legit, intellexitque; nisi forsan velit Orosium Ecclesiæ persecutiones minus accuratè descripsisse, quòd quartam sub Adriano persecutionem omiserit.

Ceterum ex inueniendi afferendique veri legibus quis defendit martyrium Zachariæ contra Seuerum, qui martyrem sub Traiano nullum agnouit? Beda, inquit ille, Ado & Romanum Martyrologium. Itane verò? tantum Chronologica eruditionis! erit igitur Seuerus vetustior, æqualis, aut suppar Beda, qui ad annum 720. floruit, vel Ado, qui ad annum 870. scripsit, vel ille tandem, qui post annum 1548. Martyrologio Romano Zachariæ martyrium intulit.

Quod si placet Seueri testimonium infirmare per Bedam, qui Seuerus trecentis, per Adonem, qui quadringentis, per alium, qui mille & ducentis annis posterior est, nihil verabit æquissimus scriptor, quominus tam nobile exemplum secuti Bedam infirmemus per Bellarminum, qui alteram Martialis epistolam ex memorato in ea Valeriæ cuiusdam martyrio reiiicit, Adonem per Nicolaum Fabrum in schediasmate de utroque Dionysio, & illum alium per Dionysium Petauium Rationarij temporum partis primæ lib. 5. Qui tres eximij scriptores epocham Seueri sibi nec perfunctoriè tantum vindicarunt, sed re ad maturioris iudicij trutinam exactâ. Quod an Beda, Ado, & ille tertius fecerint, non necessitatis, vt apparet, sed superpondij causa videndum est.

*Beda Martyrologium expenditur quoad
Zachariam martyrem.*

III. Et primò quidem cur de Bedæ Martyrologio disputat aduersarius, postquam illud hoc suo calculo momordit in Vindiciis lib. 2. cap. 4. *Venerabilis Beda*, inquit, *corruptum, ut probatum est, Martyrologium adducunt.* & post alia: *sed ponamus V suardum nobis aduersari, quid tanti denique est? Ex corrupto Bedæ Martyrologio, unde pleraque alia mutuatus est, mendum illud contraxit.* Ita lectores suos egregiè ludificat, & meritò, si fucum sibi fieri velint. In Vindiciis Bedæ Martyrologium, ut corruptum repellitur, in hac Vindiciarum defensione, ut amplissimum producit. Quid enim? Ibi Bedæ Martyrologium damnatur, quia causæ nocet, hîc probatur, quia causam iuuat. De tali scriptore diceret Tertullianus, quod *nulla illi constantia de conscientia comperat ad defendendam sibi veritatem.*

Iam de Bedæ Martyrologio sic censemus. Bedæ Martyrologium, quod habemus, cùm ex puro exemplari non prodierit, ut alibi iam obseruauimus, & nunc dissimulat aduersarius, nemo est, qui Zachariæ martyris fidem de Bedæ temporibus asserat, & quamuis per Bedam asserere quis vellet, huius tamen epochæ assertionem reuellerent alij duo, & Beda insuper antiquiores, Gregorius Turonensis & Sulpitius Seuerus, qui inter primorum Galliæ martyrum historias, neque huius Zachariæ passio-

nem, neque nomen ipsum inuenerint. Illa verò passio, cur tunc fuisset omiſſa? vel si omiſſa, quibus quæſo commentariis Zachariæ nomen & martyrium ad Bedæ & recentiorum notitiam peruenit?

*Adonis Chronicum expenditur quoad
Zachariam martyrem.*

IV. Ado quidem in Chronico martyrium Zachariæ meminit, non in Martyrologio, vbi præſertim rem meminisse suam debuit. Quare vt alibi iam aduertimus, & diſſimulat aduerſarius, vehemens coniectura est, Zachariæ martyrium ab aliis insertum fuisse Adonis Chronico, vel Adonem in Martyrologio tacitum Zachariæ martyrium præteruisse, quod indiderat Chronico, rerum Zachariæ minus peritus.

Quod autem interpolatum sit Adonis Chronicum, vel ab alio scriptum, aduerſarius ſignificat in responsione ad cap. 2. Dissertationis. *Idem*, inquit, *Ado, seu alius in Chronico*. Itaque non Adonem falsi arguimus, sed hunc innominatum auctorem, vel alium Adone verustiore, quem ille securus est. Quæ Mileti argutia est, vt Gregorium Turonensem excuset, quod veterem Saturnini martyris historiam sibi vindicarit. At ponamus Adonem nobis aduerſari, quid tanti denique est? ex corrupto Bedæ Martyrologio mendum illud contraxit, quæ est altera Mileti subtilitas, qua in Vindictis lib. 2. cap. 4. Vſuardum refellit.

Deinde cùm nullus Zacharias martyr extet in veteribus Viennensium Litaniis, quæ anno 1578. prodierunt, hunc Episcopum martyrem Viennæ quondam notum fuisse, quis affirmaret? Nemo enim benè moratam Ecclesiam vidit ullam, quæ primum Episcopum suum martyrem non inuocarit in Litaniis suis? Non dubito tamen, quin ex quo Chronicum Adonis editum est, Zachariæ Episcopi & martyris nomen potuerit Calendarium & officium Viennensis Ecclesiæ occupare. Sed vetera quærimus, quæ, ut ait Vincentius Lirinensis, *non possunt ab ulla nouitatis fraude seduci.*

Ego facilè crediderim, propter rerum gestarum ignorantiam, alterutrum è duobus accidisse, seu quòd Zachariam presbyterum, qui Lugduni sub Aurelio passus est, pro Episcopo Viennensi habuerit Ado, seu quòd Zachariæ, si quis tunc fuerit Viennæ Præsul, martyrium ex altero nominis similitudine communicarit.

Denique si quis Adonis Chronicum paulò inspiciat diligentius, non abnuet profectò ex veris appositè digesta non esse, quæ in illo de quibusdam Viennensium Episcopis leguntur.

I. Quem tertium Viennensem Episcopum appellat Martinum, in annis ab illius excessu computandis Martino Turonensi comparat: at verò cur compareret, quid tandem causæ fuit? An gesta & virtutes Episcopi, cuius vel nomen incognitum est primis Ecclesiæ sæculis? An diuturnitas Episcopatus, qui in Chronico nouem annos tantùm durauit? quippe circa annum 110. mori debuit, à cuius transitu vsque

ad Martini Turonensis transitum annos numeret Ado ducentos & nonaginta? An denique illius ab Apostolis facta ad Viennenses legatio, quam Ado memorat in Martyrologio Calendis Iulij? Neque etiam istud, cum quo tempore Martinum Zachariæ successorem facit, in viuis non erant Apostoli, à quibus legaretur.

Deinde Concilium Arelatense primum ad annum 635. iuxta Parisiensem editionem anni 1512. vel ad annum 322. iuxta Parisiensem alteram editionem anni 1563. & Coloniensem anni 1618. collocat, & in eo Concilio Claudium Viennensem Episcopum. At neque anno 635. aut 322. habitum est Concilium illud, sed anno 314. Neque etiam illi Claudius interfuit, sed Verus, qui eidem Concilio subscribit.

3. In Martyrologio sanctum facit Verum illum, qui Euantio successit circa annum 590. sed in Chronico nullum illi titulum Sancti tribuit, licet Euantium, & Desiderium Veri istius successores Sanctos appellet. Denique in Chronico doctrina & confessione fidei illustrem sub Traiano scribit alium Verum, cuius nulla est in Martyrologio memoria. Hic ille fortassis, qui Arelatensi Concilio interfuit, & qui ad tempora Traiani perperam reuocatus est.

Ex Catalogo Turonensium Episcoporum simile quid obiciant, qui in Vindiciis & Arcopagiticiis suis Gregorij Turonici famam & diligentiam corrodunt.

Romanum Galefinij, & Baronij Martyrologium expenditur, quoad Zachariam martyrem.

V. Romanum Galefinij aut Baronij Martyrologium ex Adonis seu alterius Chronico Zachariã Viennæ Episcopum & martyrem fecit, vt apparet ex notis Atqui Ado ex Beda seu altero deceptus Galefinium & Baronium in fraudem induxit. Sic ex suis comunibus locis responderet Miletus.

Quod autem Galefinius & Baronius Zachariam non scripserint martyrem ex Romana traditione, colligitur primùm ex veteri Romano Martyrologio, quod Rosuueidus edidit, deinde ex illo Martyrologio, quod ad vsum Romanę Ecclesię Patauij ante annum 1500. tum Venetiis 1522. & 1548. euulgatum est: In his enim ne nomen quidem Zacharię istius legitur, tantum abest, vt martyrium legatur. Quinetiam nescio, an vllum sit verus in Gallicanis Ecclesiis Martyrologium, vbi reperiat. At primum, vt quidam volunt, Gallicanę Ecclesię martyrem, qui quadraginta & amplius annis antè passus sit, quàm Aurelius Christianos vexaret, tandiu Gallicanę Ecclesię, tandiu Romanę ignotum fuisse, nullus autumat vnquam.

In epilogo productum quorundam aliorum martyrium expenditur.

VI. Huc commodè iuxta & breuiter reuo-

camus, quicquid in loco minus ſuo contra Seuerum diſſeruit aduerſarius. Scilicet ut quem in reſponſione ad primum caput Diſſertationis fucum facere oblituſ erat, in epilogo reſponſionis faceret, poſthabitis omnibus inueniendi aſſerendique veri regulis. Quod ſingillatim oſtendimus.

Opponit primò Eutropium Sanctonum Epiſcopum & martyrem ſub Clemente. Sed in Gregorio Turonenſi, quem laudat, duo malitiſe diſſimulat: vnum eſt, Gregorium in libro de miraculis non ex ſe, ſed ex incerta fama miſſum à Clemente Eutropium referre: alterum, Gregorium lib. 1. hiſtoriæ Francorum tacitò reiicere, quod alibi ex aliorum opinione dixerat, cùm videlicet primos Galliæ martyres ſub Aurelio deſcribit. Deinde quoad Eutropium vel vnicus ſufficit Seuerus, qui cùm eſſet Primuliacenſis preſbyter, & Sanctonum vicinus, ignorare non potuit, an Eutropius ante Aurelium occubuerit martyr. Uſuardus verò & alij recentiores certum pro incerto, quod Gregorius retulit, acceperunt. Quare & hac de cauſa, & quia nec ſunt antiquiores Seuerus, æquales, vel ſuppareſ, ex inueniendi aſſerendique veri legibus repelluntur.

Opponit 2. Caraunum Carnotenſium Epiſcopum & ſub Domitiano martyrem. Sed id tantum probat ex Romano Galeſinij Martyrologio, cui omnem in Vindiciis libro 2. cap. 4. fidem ſic detrahit. *Nulla ad nos, niſi adiectione nouorum Sanctorum, aut Græcorum imitatione Martyrologia corrupta perue-*

nerunt. Deinde repugnant veteres Ecclesiæ Carnotensis Litaniæ, vbi Caraunus inter martyres ponitur, qui sub Maximiano migrarunt. Denique in Vsuardi & Romano Martyrologio, quod Pataniij, & Venetiis editum est, hæc tantum de Catauno traduntur. 5. Calend. Iunij: *Eadem die Sancti Carauni, qui apud Carnotum civitatem capite amputato martyrium sumpsit.*

Opponit 3. Nicasium Rotomagensem, qui ex Romano Galefinij Martyrologio sub Præsule Fescennino passus est. Quid tum? sub eodem passus est Dionysius Parisiensis, quem Martyrologia & Litaniæ Gallicæ Maximiano consignat. Immo & Rotomagenses Litaniæ Nicasium eidem Imperatori tribuunt. Deinde allegat Ordericum Vitalem, quem vt auctorem Sciuero & Gregorio quingentis annis posteriorem ætas excludit.

Opponit 4. Sabinianum & Potentianum, quos Petri discipulos & Martyres tradit Bedæ Martyrologium. Sed aduersarius in Vindiciis Martyrologium Bedæ vt corruptum reiecit. Deinde ista in illud Martyrologium irrepserunt ex historia Sabiniani & Potentiani, in qua vtrumque sub Nerone passum, & Sabinianum à Petro Galliæ primatem nugator aliquis affirmat. Hæc quippe dignitas iam tum primùm Senonensibus à Ioanne octauo concessa est. Denique furtim præterit, quæ de Sabiniano & Potentiano notauimus in Animaduersionibus ad Samblacatum: vbi sic egimus: Non

de Sauiniani & Potentiani martyrio, sed de tempore martyrij disputamus. Hos quidem in Martyrologio Ado ab Apostolis, sed Vsuardus Adone vetustior, & Senonibus vicinior, non ab Apostolis, sed à Pontifice Romano missos scribit; Vsuardum sequuntur multarum Ecclesiarum Martyrologia, in quibus & Parisiense & hodiernū Romanum. His adde, quòd in veteribus Senonensium Litanis Sauinianus post Laurentium & Vincentium collocetur.

Opponit 5. Ionium martyrem & Dionysij socium: qua in re subtilem Philosophum non pudet idem per idem probare: Ionij porrò gesta, quæ nomine tenus citat, cùm recentissima sint, Sulpitio Seuero non possunt opponi.

Quod à recentiori auctore, vt ait Baronius, de rebus adeo antiquis sine alicuius vetustioris auctoritate profertur, contemnitur.

Opponit 6. Agoardi & Agliberti gesta, in quibus illi sub Nerone passi dicuntur. At primò hæc gesta recentia sunt, vt sola lectio docet. Deinde si vera essent, de visis ante Aurelium rarò martyribus ridiculè explicaret aduersarius Seuerum. Scilicet apud Baronium & Vsuardum in Martyrologio, *Agoardus & Aglibertus, cum aliis innumeris promiscui sexus martyrium fecerunt.*

Quædam ex superioribus corollaria deducuntur.

VII. Porro ex tota præcedenti Discussionè,

quæ ad definitam Seueri epocham pertinet, nonnulla corollaria deducuntur.

Primum est, tria, quæ Miletus amplissima gloriatur de Zachariæ martyrio testimonia, nec certò ad vnicum Adonem referri, & frustra referri, vt ex inueniendi, asserendique veri regulis constat. Secundum, vnicam, quæ suo loco ex Zacharia contra Seuerum facta est, obiectionem sua ipsius explicatione primùm refelli, deinde illam vsque adeo elumbem esse & debilem, vt propter æui, quo res sæpè vitiuntur, posteritatem antè pereat, quàm in Aurelij tempus regrediatur, & Seueri iugulum perat.

Tertium, accersitas ex epilogo nescio quas obiectiones, cum præcedentem infirmitate superent, Seuero longè minus incommodare.

Quartum, à temporibus Traiani remouendum esse Zachariæ martyrium, tum quia recens & incerta illius exigit historia; tum quia nec in veteri Romano Martyrologio, nec in vllis Gallicarum Ecclesiarum Martyrologiis, nec in Viennensibus Litaniis inuenitur, tum quia Ado missum fecit eiusmodi martyrium in suo Martyrologio, tum denique quia Concilium Francofordiense can. 42. præcipit, vt *ij soli in Ecclesia venerentur, qui ex auctoritate passionum & vite meritò electi sint.*

Quintum, Responsionem ab aduersariò sic institutam fuisse, vt nisi contra veteres recen-
tiorum, adeoque prisca minus callentium iudicio steteris, iudicium nullum futurum sit. Hoc autem quæ in Academia, quo in foro quis feret?

Sextum , Religiosum scriptorem non satis accuratè expendere quæ aliis opponit, ac proinde non veritati , sed studio partium litare, immo verò totam illius qualemcumque diligentiam nobis plurimum fauere, cùm ne vnum quidem Seuerò vetustiorē , æqualem aut supparem auctorem producat, qui superiores Aurelio martyres in Gallia notarit.

Septimum , immobilem perstare Seueri de primis Galliæ martyribus epocham , atque adeò Dionysium Parisiorum Episcopum , cùm sit martyr , Areopagitam non esse, & quod necessariò connexum est, causa penitus cecidisse Miletum, qui non quemadmodum oportuit, aduersus Sulpitium Seuerum egerit.

Indefinita Seueri de suscepta intra Gallias religione epocha defenditur.

VIII. Nunc inspiciendum est, an feliciùs impugnetur epocha , quæ à nobis indefinita nominata est. In hoc certamine, quem sibi pugnx campum vir fortis delegit, habuit, in eo solus dimicauit, nec difficile suo & meo iudicio vicit. Quæcumque enim de suscepta Christi apud Gallos religione congerit, tam non sunt contra indefinitam Seueri epocham, quàm contra Pompeium, nisi monstrum sibi fingat Miletus, vt Herculem postea possit agere. Omnes industriæ neruos eo contendit, vt probet, Petri , Pauli & Clementis temporibus susceptam Christi apud Gallos religionem fuisse. Sit ita. quid tum? An inficiatur Seuerus, dum in Galliis

Galliis tardiùs , quàm in Italia & in Oriente susceptam Christi religionem asseuerat. minime gentium.

Age verò supponamus , concordia esse de Crescente testimonia , & vera insuper omnia , quæ in hanc rem diligentissimus scriptor adducit : Tunc fingat ille sibi , si volupe est , Petrum & Paulum , postquam Romæ octodecim vel viginti annos steterunt , homines in Galliam legare , qui Euangelium docendo suadeant alicubi persuadeantque. Tunc amabo te nonne verè & affirmatè quis diceret , quod dixit Seuerus , qui non absolutè , sed comparatè locutus est ? Pudet me in his tandiu immorari , ex quibus uti visum est , definita Seueri de primis Galliæ martyribus epocha refigetur nunquam.

Laboriosum quidem fuit Apostolorum ætate Christianam facere Galliam ferè totam , sed parum mea sententia ingeniosum & subtile. Etenim si Gallia ferè tota Christum induit ætate Apostolorum , cur ne vnus quidem martyr ex certis monumentis assertus est ante Aurelium ? cur non potiùs innumerabiles probati auctoribus Seuero vetustioribus , æqualibus , supparibus ? Scilicet Gallicani fideles Italis & Orientalibus cautiore pacem cum carnificibus inierunt , ignes , ferrum , cruces , equuleos , & cetera id genus tormenta feliciter eluserunt , aut opum suarum profusione vexationem à tyrannis redemerunt. Ad Gallos igitur non spectat verus illud effatum : *Sanguis martyrum , semen Christianorum*. Quippe ante Aurelium se-

minatus nullus est Christianorum sanguis in Gallia, quæ sub Petro, Paulo, & Clemente per præcipuas ditionis suæ ciuitates Christum profiteretur; dissimulantibus centum & amplius annos Imperatoribus, amicis tortoribus, fauentibus tyrannis. Quo tempore, ut cum Seuero nostro dicam; per alias prouincias, *Acta sunt in innoxios crudelissima quæstiones, quin nouæ mortes excogitata, multi crucibus affixi, aut flamma vsti: plerique in id reseruati, ut cum defecisset dies, in usum nocturni luminis verterentur. Hinc datis legibus religio verabatur, palamque edictis propositis Christianum esse non licebat.*

Quis ergo non videt Milletum in Atheniensis Perilli fortunam incidere; & suis miserum machinis obrui, quas ad euerrendam Seueri epocham inconsideratus apparatus. Hinc itaque inanem & cassum laborem reddit, & coaceruata ex pluribus testimonia dubia relinquit & incerta: Inde prudentiam & iudiciū prosti-
tuit infelicitet.

Hæc cum absurda sint & ridicula, quo se loci communis propriat, quæruerit?

Præterea in exquisenda veritatis gratiam demus, non ita accuratam esse Seueri epocham, quæ indefinita est, & in comparatione consistit. Quid inde damni feret altera, quæ definita est, & primos Galliæ martyres sub Aurelij constituit Imperio? Magnum inde, respondet Milletus, Seuerò damnum accidit, quia per indefinitam epocham definita comprobatur. Tantumne istud? tantum, ac totum? futile

prorsus atque otiosum est. Quinetiam hoc respondere hominem illum miror, qui cum tam bonas horas, ut audio, in Philosophorum & Theologorum Scholis impenderit, adhuc ignoret, aliquas esse certas alioqui propositiones, quæ momentis non ultraquam probabilibus muniuntur nonnullas admitti conclusiones, habitis insuper rationibus, quæ illæ probantur.

Sit igitur anceps, seu, si velis, falsa Seueri epocha, quæ indefinita est, quia ancipitem, seu falsam auctores Seuero antiquiores, vel æquales conuincunt. Eritne continuò anceps aut falsa martyrum epocha, quæ definita est, nisi illam pariter ancipitem, vel falsam auctores Seuero antiquiores, æqualésve conuincant?

Credidit fortè vir doctus & prudens, eum, qui semel errauit scribendo, postea semper errauisse. Hoc verò si persuasum habet, de omnibus actum est, quæ in Vindiciis & in hac Vindiciarum defensione scripsit.



CAPUT II.

*Collecta ab aduersario de Crescente testimo-
nia discutiuntur. Ex discussione pro-
babilius asseritur in Galliam
nunquam venisse.*

I. **Q**UANTUM superiori capite planis-
simum fecimus, nonnulla quorundam
testimonia, quibus indefinitam Seueri epo-
cham Milletus adoritur, illi multò magis offi-
cere, quàm Seuerò: sunt tamen in causa duo,
cur nunc illa omnia testimonia singillatim ex-
pendamus. Alterum est, quòd illorum pens-
ratio Ecclesiasticæ historiæ nonnihil allatura sit
lucis: alterum & potissimum, quòd sua non
minoris æstimet modestus scriptor, qui & alios
in respondendo iniustæ dissimulationis priùs
accusat, quàm & ipse eiusdem criminis longè
iustiùs accuseretur. Sed iam pridem desitum est
his artibus disputari.

A Crescente ordimur perspicuè demonstra-
turi, quàm parum constet illum vnquam in
Gallias venisse, ni forsan iudicaueris numquam
venisse.

Locus Eusebij de Crescente expenditur.

II. Milletus iterum producit Eusebium, cu-
ius Græca cùm aliter atque aliter interprete-

tur, vetat, nequid auctor apertè senserit, agnoscamus. In Vindiciis lib. I. c. 4. sic Græcū Eusebij locum Latinè vertit, πῶν δ' λοιπῶν ἀνακολουθῶν τῷ Παύλῳ Κρήσης μὲν ἐπὶ τὰς Γαλλίας τελεόμενος ὑπ' αὐτῶ μαρτυρεῖται. *Inter alios Pauli discipulos Crescēs in Gallias missus, & sub ipso (Nerone videlicet) martyrio coronatus est.* Hic verò in respōsione ad caput primū Dissertationis sic aliter vertit: *Inter alios Pauli discipulos Crescens ab ipso missus in Gallias dicitur.* Prima versio in duobus ab altera dissidet: vnum est, Crescentem non modò in Gallias missum, sed etiam in Galliis martyrio coronatum. Alterum sub Nerone martyrium eiusmodi contigisse. Hæc versio auctoris ignorantiam vel fraudem prodit; ignorantiam quidem, cū Eusebij mentem adedò non assecutus sit, vt corruerit; fraudem verò, cū martyrem sub Nerone in Galliis Crescentem fecerit, vt postea martyres ante Aurelij principatum inueniret, & Seueri auctoritatem eleuaret. Quæ duo nī fallor, Christianum scriptorem, & strictioris obseruantix virum minimè decent.

Secunda versio subdola est. Hæc enim *ab ipso* non cum *missus*, sed cum *dicitur*, iungenda sunt. Quippe Paulus ipse est, qui quò abierit Crescēs, testatur in altera ad Timotheū epist. quam citat Eusebius. Quod cū aduerteret Christophorus; & aliunde apud Paulum Galatiam scribi, non Galliam sciret, & mendum in Eusebij historiam irrepsisse ex manuscriptis rectissimè coniiceret, sic Eusebij locū reddidit: *Ex ceteris Pauli comitibus, & discipulis vnum fuisse Crescentem, quem in Galatiam profectum Paulus*

ipse testatur, alterū Linum, quem in 2. ad Timotheū epist. simul cum illo Roma versatū memorat.

Deinde si Eusebium Ruffini habuit Seuerus, vt ex Paulino commodè docet aduersarius, vel in exemplari suo legit Crescentem in Galatiam missum à Paulo vel in Galliam; si primum legit, contra aduersarium stat Eusebius Ruffini, & deinceps librariorum vitio hac in parte corruptus est, nisi fortè aliud ex Corbeiensi Bibliotheca Eusebij producatur exemplar, quod Seuerus verustius sit. Si verò secundum legit, ex Gallicanæ Ecclesiæ traditione, & veterū scriptis rectius nouit aduersario, an multum, an parum, an nihil Euangelij prædicatione Crescens profecerat in Gallia, atque sic suam potuit cōscribere historiam, quæ Eusebio non repugnaret, aut eruditè repugnaret. Horum autem vtrum receperit Milletus, graue foret incommodum.

Tertiò, in Eusebij vel Ruffini codice, quem habuit Hilduinus, cū ad Ludouicum Imperatorem scriberet, ita habebatur: *legitur*, inquit, *sic in eadem Ecclesiastica historia cap. 4. libro 3. Memorantur autem ex comitibus Pauli, Crescens quidem ad Galatas esse profectus, Linus verò & Clemens in vrbe Roma Ecclesiæ præfuisse, qui comites & adiutores eius fuisse ab ipso Paulo perhibentur* Ex his Chronicum Mariani Scoti ann. Chr. 72. & recentiores MM. SS. Codd. qui vt Corbeiensis *Gallias* habent, corrigendi sunt Regius, Victorinus, Nauarricus noster, & alij similes. Sed nunc quò se verter Hilduini discipulus? Siue enim magistri fidem accuset, siue laudet, vincimus: si accuset, nobis plurimum fauebit, qui Hilduino in citandis aucto-

ribus imposturæ dicam scripsimus; si laudet, manuscriptos Corbeianæ Bibliothecæ codices accusabit, & in iis interpolationem admittet, qua monachus quidam pro *Galatas* imperitè reposuit *Gallias*.

Denique scripserit Eusebius Crescentem in Gallias missum, quid inde certi concludetur ab eo, qui in Vindiciis lib. 1. cap. 4. contendit Galatiæ nomen idem olim fuisse, quod Gallia? tunc enim liberum erit, quam volueris ex Asia, vel Europa regionem interpretari. Immo ex sensu, quem Seueri verbis tribuit aduersarius, Galliam nostram non interpretaberis.

Epiphaniꝝ locus examinatur.

III. Epiphanius de loco, vbi Crescens nuntiavit Euangelium, sic suam aperit mentem hæresi 51. Cum secundæ ad Timotheum epistolæ cap. 4. *in Galatiam* abiisse dicitur, *in Galliam* ibi reponendum putat, contra quam tunc legebatur, & hodie in exemplaribus Pauli legitur vniuersis. Sed cum nihil obtinuêrit Epiphanius, cum Epiphanio Areopagiticus causa cadit, etiam decernente Ecclesia, quæ in eadem epistola Pauli legit & legi vult, Crescentem in Galatiam profectum: deinde licet Epiphanius, & Theodoretus, qui Galatiam explicat Gallias, æquales sint Seueri, hic tamen illis duobus ex circumstantia regionis, vbi scripsit, præferendus est. Etenim ex traditione maiorum scire sine dubio potuit, quo tempore Crescens venisset in Galliam, & quem

ibi fructum fecisset. Ex quo sic postea scrip-
pisset historiam, vt nulla illum inter &
Epiphanium ac Theodoretum discrepantia
fuiſſet.

*Sophronius, & Chronicum Alexandrinum
examinantur, deinde cum Adonis
& Vſuardi Martyrologiis
committuntur.*

IV. Sophronius libro de ſcriptoribus Eccle-
ſiaſticis Creſcentem in Galliis predicaffe verbum,
atque ibi ſepultum tradit, quod quia Hieronymi
libro de ſcriptoribus inſertum eſt, Hieronymo
impetitè tribuit Samblacatus in Palladio rur-
ſus edito, vt vel ſolùm alios calumniaretur.
Sed Chronicum Alexandrinum addit, mortem
Creſcentis ſub Nerone contigiffe. At enim ſi Gal-
liarum nomine intelligunt eam Europæ par-
tem, quæ nunc Gallia vocatur, reclamabit
Ado in Chronico, vbi ſic habetur: *Primus
Creſcens diſcipulus Apoſtolorum Vienna aliquot
annis reſedit, quo ad Galatiam reuerſo tertius
Martinus Epiſcopus Vienna reſedit.* Reclama-
bit idem in Martyrologio 27. Iunij: *Apud
Galatiam Beati Creſcentis diſcipuli Sancti Pauli
Apoſtoli, qui ad Galliaſ tranſitum faciens, verbo
predicationis multos ad fidem Chriſti conuertit,
Vienna ciuitate Galliæ per aliquot annos ſe-
dit. Rediens verò ad gentem, cui ſpecialiter fue-
rat Epiſcopus datus, Galatas uſque ad beatum
finem vitæ ſuæ in opere Domini confortauit. De-*

nique reclamabunt Vsuardus, Beda & Baronius in Martyrologiis, in quorum ultimo additur, *Crescentem sub Traiano martyrium consummasse.*

Hic, ut apparet multiplex oritur inextricabilis quaestio. Nam si apud Sophronium & in Chronico Alexandrino Galliarum nomine Galatiam Asiae regionem intelligas, Crescens Viennam non accessit: si verò hanc Occidentis partem, quam incolimus, significes, Crescens in ea occubuit, quod Ado, Vsuardus, Beda & Baronius negant in Martyrologiis, & aduersus Milletum praescribunt Galatiae nomen pro Gallia sumi quondam non consueuisse. Adde quòd nullus sit in scriptura locus, ubi Galatiae nomen pro Gallia usurpetur, nisi forsàn velit ex Ammiani obseruatione Apostolum ad Gallos nostros scripsisse, cum epistolam ad Galatas scripsit.

2. Si Crescens in Galliis nostris mortuus est, ut Sophronius & Chronicum Alexandrinum dicunt, quì passus est in Galatia sub Traiano, ut habent Annales, & Martyrologium Baronij?

3. Si Crescens ad Galatarum gentem specialiter destinatus est Episcopus, ut Martyrologia tradunt, cur amplissimam messem deseruit, ut in Gallias veniret non legatus?

4. Si Crescente in Galatiam reuerso Martinus tertius Viennensium factus est Episcopus, ante annum 110. mori debuit Zacharias, quem ex Adone in Annalibus anno circiter 119. passum Baronius affirmat. Porro au-

tem in tanta rerum dissensione quæ veritas? Præterea Ado seu alius in Chronico dubiam Crescentis in Gallia prædicationem relinquit his verbis ad annum 59. *Quo tempore, inquit, creditur Paulus ad Hispanias peruenisse, & Are-lata Trophimum, Vienna Crescentem discipulos suos ad prædicandum reliquisse.* An autem Paulus in Hispaniam ierit, fuit olim à Gelasio Papa negatum, inter alios controuersum, hodièque Baronium inter & Estium controuertitur. Deinde iuerit in Hispaniam Paulus, Crescentem fuisse itineris comitem, & per Galliam Paulum transiisse, quid quæso necesse est?

Epistole duæ ex Viennensium antiquitatibus productæ expenduntur.

VI. Duas ex Viennensium antiquitatibus, quas Ioannes à Bosco consarcinauit, Pontificum epistolas opponit: vnâ Pauli primi ad Carolum regem: alteram Paschalis primi ad Bernardum Viennensem Episcopum. In prima Viennensis Ecclesia dicitur *Collegam Apostolorum* Crescentem habuisse *magistrum*: In secunda verò dicitur *ab Apostolis fundata*. Sed primò vt hæ & complures aliæ apud illum auctorem Pontificum epistolæ meritò credantur subdititiæ, & illarum lectio, & grauium, eruditorumque hominum contemptus faciunt.

2. Quæ Paulo primo tribuitur, dic & Consule, vt aiunt caret, quibus monimenta publica firmari solent, & ab imposturis defendi. 3. Neque extat in codice Carolino, vbi plures epistolæ

Pauli referuntur, neque in Vaticano Codice epistolarum Pauli, quæ à Baronio recensentur. Curenim hæc abesset potiùs, quàm cæteræ? 4. Francofordiense Conciliũ, vt motũ inter Arelatenses & Viennenses Episcopos controuersia sedaret, in mediũ plures Pontiff. epistolas produxit, sed inter illas epistola Pauli ad Carolum non cõparuit. At si fuisset vera, cur quæso non comparuit? An quia Viennensem Episcopũ, in cuius gratiam conficta est, latuit? An quia Carolum Magnum præterit; qui eam debuit nuper accepisse, qui Concilium illud coëgit, & interfuit? Verba canonis octau sunt ista:

De altercatione Vrsionis Viennensis Episcopi, & Elifanti Arelatensis lecta sunt epistola B. Gregorij, Zosimi, Leonis, & Symmachi, quæ definierunt, eo quod Viennensis Ecclesia quatuor suffraganeas habere sedes deberet, quibus illa quinta præmineret, & Arelatensis Ecclesia nouem suffraganeas habere deberet, quibus ipsa præmineret.

In secunda epistola Viennensis Ecclesia fundata dicitur ab iisdem Apostolis. cum tamen vnus Petri Apostoli mentionem fecerit. 2. Hæc fundatio sexcentis primis Ecclesiæ sæculis ignota est? At ex Baroni regule, quod à recentiore auctore de rebus adeo antiquis sine alicuius vetustioris auctoritate profertur, conuenitur. 3. Si hanc epistolam indefinitæ Seueri epochæ credat aduersarius opponi, ex inueniendi asserendique veri legibus repellenda est, quia Paulus vel eius Commentariensis, nec est Seuero vetustior, æqualis aut suppar. 4. Impostor se & suam inscitiam prodit sub si-

28 *Discussionis Caput II.*

nem epistolæ, quæ datur anno quarto Ludouici Imperatoris, & Patriciatus eius tertio. Fictitia nimirum est in Imperatore Ludouico Patriciatus dignitas. Lege Eginhardi Annales, lege opus Thegani de gestis Ludouici, lege scriptam ab incerto, sed cœtaneo auctore Ludouici vitam, de Patriciatu illius ne verbum quidem vllum leges. Denique fuerit antè, si vis, Patricius, quàm Imperator, ex quo tamen factus esset Imperator, Patricius esse defuisset. Quod in Carolo Magno factum legimus. Ceterum hanc vtramque epistolam, & alias similis fabricæ laudat Samblacatus, sed eius attrahilis non patitur, vt illas expendat, & excernat supposititias. Quantò sagacior Berterius & ipse Tolosas, qui Pithanôn diatribæ 2. cap. 5. viam aperuit euentilandis Pontificum epistolis, quæ inter Viennenses antiquitates editæ sunt.

*De primis Viennensium Episcopis scribens
Baronius dissidet à seipso.*

V I I. Baronius, vbi de primis Viennensium Episcopis disputat, in laqueos inextricabiles incidit. Audiamus verò: Et primum quidem anno 118. *Sub eius Traiani Imperio passus est quidem in Galliis Crescens, eius quoque natalis dies anniuersaria memoria celebratur, immo & qui ei successit in sede Viennensi Zacharias, sub eodem Traiano martyrium consummasse traditur.* Deinde ad annum 166. *Fuit porrò Verus, cuius meminit (Pius) primus Viennensis Ecclesiæ Episcopus.* Hoc autem si admittatur, neque Crescens

primus, neque Zacharias secundus, neque Martinus tertius erit Viennensium Episcopus. Nunc Gregorium Turonensem replicet aduersarius, & parem nobis simplicitatem ostendat.

Quadam ex superioribus corollaria deducuntur.

VIII. Ceterum ex recensitis de Crescente, & discussis testimoniis hæc quatuor colliguntur. Primum est, iure optimo in Milletum retorqueri, quæ in responsione ad caput 2. Dissertationis paragrapho 10. aliis exprobrat. Hinc de sua absurditate erubescat aduersarius, qui tot secum discordes auctores produxit.

Secundum, scriptorem nostrum pensi habere nihil, quæ scribat, sed sufficere sibi, si vel dubia, vel commentitia, vel discordia coniciat in Commentarios. Benè est, respondere aiunt Monasterium, saltem erit liber, cui & splendidum nomen appingeretur, & Tulliani flores inspergentur, quæ duo apud imperitam plebeculam plurimum valent.

Tertium, Milletum de seipso malè penitus mereri, dum queritur, Sirmondum ista omnia de Crescente testimonia dissimulauisse, ex quorum discussione exigui omnino iudicii scriptor apparet. An autem de me, qui quod voluit præstiti, conquesturus sit postea, non credo.

Quartum, incertius nihil esse, quàm Crescentis aduentum in Gallias & prædicatio-

nem. At ex re tam incerta quid asseretur certi contra Seuerum si repugnet, nisi certa ad incertorum regulam probentur. Quod olim in hæreticis grauitè redarguit Tertullianus.

*Probabilius est Crescentem in Gallias
nunquam venisse.*

IX. Quid autem nobis de Crescente probabilius videtur, nunc paucis aperiendum est. Et primò quidem ex veteri Romano Martyrologio, quod Rosuueidus publici iuris fecit 27. Iunij: *Apud Galatiam Crescentis Beati Pauli Apostoli.* 2. Ex vulgato sub nomine Bedæ Martyrologio 27. Iunij: *Apud Galatiam beati Crescentis Episcopi, discipuli Sancti Pauli Apostoli.* 3. Ex Martyrologio Autisiodorensi, quod asseruatur in Bibliotheca Thuana: 27. *Apud Galatiam Beati Crescentis discipuli Pauli Apostoli:* 4. Ex abbreviato Hugonis Victorini vel alterius Chronico, quod extat in Bibliotheca Sancti Victoris: 27. Iunij: *Apud Galatiam Sancti Crescentis discipuli Beati Pauli Apostoli, qui Galatas usque ad beatum finem vitæ suæ in opere Domini confortauit.* 5. In veteribus Viennensium Litanis nullus legitur Crescens, quod manifestum signum est, primis Ecclesiæ sæculis Crescentem fuisse Viennensibus incognitum. Aliàs producat Milletus Romanæ Ecclesiæ, Lugdunensis, Parisiensis, vel Ordinis sui Litanias, in quibus nec Petrus, nec Photinus, nec Dionysius nec Benedictus iunocetur.

6. Crescens apud Eusebium Hilduini & Christophorsoni, & quod his maius est, apud Sanctum Paulum non in Galliam, sed in Galatiam profectus est.

7. Cum ex vna parte apud Adonem, Vsuardum & Baronium in Galatia Crescens obierit, & ex altera apud Sophronium, & in Chronico Alexandrino Crescens mortuus sit, vbi primum fidem Christi prædicauit, in textu Sophronij & Chronici mendum irrepsit, ibique *in Gallis*, pro *in Galatia* scriptum videtur.

8. Cum Epiphanius & Theodoretus de genuina Pauli epistolæ lectione disputent, & in ea semper remanserit, Crescentem in Galatiam abiisse, ex eo sententia illa validè confirmatur, qua Crescentem in Galliam nunquam venisse credimus.

Quæ verò Vsuardus, Ado & Baronius de Crescentis in Gallias transitu scribunt in Martyrologiis, si cum præcedentibus componas, ex incertis historiis addita iudicaueris, quibus de Crescente disputantes Epiphanius & Theodoretus potuerunt fundamentum aliquod præbere. Deinde assumenta illa testimonium ex antiquiori Galliarum traditione nullum habent, quo loci valet regula Baronij: *Quod à recentiori auctore de rebus adeò antiquis sine alicuius vetustioris auctoritate profertur, contemnitur.*

CAPVT III.

De Clementis ad Iacobum epistola, de Pauli Diaconi testimonio, de Memmij Catalaunensis, de Sixti Remensis temporibus differitur.

I. **H**Ic non possum non mirari hominis Iudicium, qui audeat Clementis ad Iacobum epistolam, vti germanam ostentare, posteaquam vetus Martyrologium, quod Rosuueidus edidit, dubiæ fidei esse voluit, propter vnius elementi in aliud mutationem, scilicet, quia septimo Idus Octobris *Parisiis* pro *Parisis* repræsentat. Ad hanc observationem fulgurita cadunt omnia, quæ in Vindiciis, & in hac responsione magno verborum apparatu vir hypercriticus obtrudit. Deinde hanc epistolam reiiciunt velut apocrypham Comestor, Gobelinus Persona, Turrecremata, Cusanus, Baronius, Bellarminus, Perronius, Driedo, Espencæus, Binius, Posscuius, & alij. Aut igitur mittat hoc suum argumentum ex epistola Clementis, aut tantorum virorum rationibus satisfaciat, si potest. In arenam prodibit congressurus Dares cum Entellis, cum Hercilibus pumilio.

Pauli Diaconi testimonium expenditur.

II. De iis, quæ ex Paulo Diacono in libro Metensium Episcoporum adferuntur, idem sit primò nostrum, quod Milleri de historia Saturnini martyris iudicium, vt nos identidem fateamur aliquid ex tam eloquenti Critico proficere. Hanc ille reiicit historiam quantumvis ab auctore scriptam, qui rei gestæ æqualis, aut suppar cùm fuerit, à vero aberrare vix potuit. Quanto igitur magis reiiciendus est Paulus Diaconus, qui res ab ætate sua septem plus minus sæculis remotas exequitur. At Paulus, inquit, *antiquam relationem* citat: Audio te: Gregorius etiam Turonensis veterem Saturnini historiam laudat, & in ea fidelis recordatio laudatur. *Vnde*, inquit Milletus, *nec illum* (Gregorium) *falsi arguimus, sed auctorem anonymum, quem citat.* Neque ego volo Paulum Diaconum insimulare falsi, sed anonymos antiquæ relationis auctores, quos laudat.

Deinde inueniendi veri causa, demus Paulum istum Seuero repugnare: cuinam quæso maior fides debebitur? An Paulo, qui à tempore rerum gestarum, quas narrat, septem circiter sæculis distabat? An Seuero, qui quatuor tantùm? An Paulo, qui reconcinnatas, & in plerisque corruptas Sanctorum historias legebat? An Seuero, qui aut prorsus incorruptas, aut certè minùs corruptas? Notum est quid in rerum præteritarum recensione & in

Sanctorum historiis tria possint sæcula. Tot enim ab Seuero ad Paulum Diaconum effluxerunt. Quippe *eiusmodi historiarum pars magna, ut ait Massonus, multis post sæculis scripta est ab imperitis ex quotidianis vulgi sermonibus sæpè delirantis, semperque aliquid adiicientis de suo.* E re nata in exemplum sunt passio Sancti Dionysij, & historia Sancti Eugenij præbyteri & martyris, quæ omnia à monachis Sancti Dionysij conscripta sunt, & putridis inspersa fabulamentis.

Quæ autem de Pauli Diaconi inerudita, & fabulosa ætate diximus, sustinent Canones Francofordienses & Capitularia, quibus & incerta Sanctorum gesta & nomina prohibentur. Sed cum illa generatim tantum notentur, non omnium est speciatim ab illis sibi semper temperare.

Præterea ex ciuitatibus, quæ apud Paulum Diaconum à Petro Euangelij doctores habuerunt, fuit & fortè Parisiorum Lutetia, si Milletus Rabanum, & Notkerum, quos in epilogo citat, sua fide dignos putet. Ex Rabano in Martyrologio Nonis Augusti: *In ciuitate Catalaunica depositio Memmij Episcopi & Confessoris, de quo legitur, quod à Beato Petro Apostolo in Romana sede Episcopus ordinatus missus fuisset in Galliam simul cum Sancto Dionysio, &c.* Hæc eadem omnino verba refert Notkerus eadem die, quæ & ex vita Sancti Memmij vterque Martyrologus deprompsit: vbi sic legitur: *Igitur Beatissimus Mimus Episcopus nobilis genere de ciuitate Roma oriun-*

duis fuit , sed cùm à Sancto Petro Apostolo in Episcopum benedictus fuisset , ad partes Galliarum ad prædicandam verbum Dei missus est unà cum fratribus suis sancto Dionysio futuro Parisiensi Episcopo , &c. At hæc historia , qua Milletus apud Rabanum & Notkerum pro Memmio vtitur , ab eodem duabus de causis reiici debet ; tum quia Dionysius hic futurus Parisiorum Episcopus frater est Memmij genere Romani , ac proinde Romanus , non Arcopagita vel Atheniensis ; tum quia non à Petro missum , sed à Clemente Dionysium pro aris & focus contendit.

Memmij Catalaunensis tempus examinatur.

III. Quæ iam ex occasione de Memmio diximus , perspicuè ostendunt , aduersarium , nullum scriptorum & historiarum delectum habere , sed quò corruptiores libri , eò meliores , dummodo præsentis causæ seruiant , licet aliàs incommodent Arcopagiticæ. Quo autem id fiat iudicio viderit , sed pares apud Gregorium Turonensem mentis hallucinationes inueniat.

Nunc verò satis est si Memmij missionem à Petro veteribus Martyrologis incognitam fuisse demonstramus. Ex Vsuardo Nonis Augusti : *Catalaunis Sancti Memmij Episcopi & Confessoris*. Ex Beda ibidem : *In ciuitate Catalaunica depositio Memmij Episcopi & Confessoris*. Ex veteri Martyrologio Autisiodorensi. *Cata-*

launis Sancti Memmij Episcopi & Confessoris.
 Ex Martyrologio Romano, quod ante annum 1500. Patauij editum est, deinde Venetiis 1522. & 1548. & Parisiis 1573 recusum. *Catalaunis Sancti Memmij Episcopi & Confessoris.*

His addimus Gregorium Turonensem, qui libro de gloria Confessorum cap. 66. Memmij miracula recenset, atque aded in suis ad suas preces famulis patrata, sed ibi de tali à Petro facta missione ne vnum quidem verbum habet. Atenim, Milletus obiicit Galesinij & Baronij Martyrologium, vbi Memmium à Petro missum tradunt. Verum quidem istud est, sed meminere se de omnibus Martyrologiis sic censuisse: *Nulla ad nos nisi adiectione nouorum Sanctorum, aut Gracorum imitatione Martyrologia corrupta peruenerunt.* Baronius quoque meminere suæ regulæ: *Quod à recentiore auctore de rebus adeo antiquis sine alicuius vetustioris auctoritate profertur, contemnitur.* Si in Commentario Martyrologij quoad tempus missionis Vsuardum & Bedam laudet, fallitur, vt vidimus, & Adonem præterea falsò citat.

Denique Galesinius, qui missione Petri Martyrologium auxit, cum non sit Seuero vetustior, æqualis, aut suppar, illi hac in parte nulla fides habenda est.

*Sixti Remensis epocha & martyrium
 expenduntur.*

IV. De Sixto Remensi rixatur quoque, dum illum Petri discipulum, & martyrio sub

Nerone coronatum tradit. At primò id facit contra primam Remensium traditionem, cuius meminit Hincmarus Remensis opusculo 55. cap. 16. *Postquam, inquit, Beatus Sixtus à Sixto Romana sedis Pontifice primus ad Remensem Metropolim fuit directus Episcopus.* Deinde id facit aduersus veteres Remensis Ecclesiæ Litanias, vbi non inter Martyres sed inter Confessores collocatur. Legat illas, si lubet, quæ anno 1504. & 1530. editæ sunt in Remensi Sacerdotali, quod postea ex auctoritate Prouincialis Concilij ad vsum omnium Prouinciæ Ecclesiarum prodiit anno 1585. Denique id facit contra Vsuardum, & infinita Ecclesiarum Martyrologia, vbi de Sixto hæc tantum traduntur Calendis Septembris: *Remis depositio Sancti Sixti Episcopi primi ciuitatis ipsius.*

Verum his omnibus obiiçit Romanum Baronij Martyrologium, in quo Sixtus Petri discipulus, & sub Nerone passus traditur. At de hoc, vt & de aliis omnibus Martyrologiis discernit aduersarius, quod *nulla ad nos, nisi adiectione nouorum Sanctorum aut Græcorum imitatione Martyrologia corrupta peruenierint.* Hæc sæpiusculè repero, ne sua dissimulari à nobis conqueratur. 2. Duo illa, quæ magni pendit auctor noster, Galestinus addidit Martyrologio Romano, quod ante annum 1500. Patavij, deinde Venetiis 1522. & 1548. vulgatum est. Vbi hæc solummodo legimus, *Remis depositio Sancti Sixti primi Episcopi ciuitatis ipsius.*

Romano postea Martyrologio subiungit, quæ Fulco Remensis Episcopus scribit apud

Flodoardum : *Sedem verò Remensem ab antecessoribus suis præ Gallicanis omnibus Ecclesiis semper fuisse honoratam , utpote cùm primus Apostolorum Beatus Petrus primum destinavit huic urbi Sanctum Sixtum Episcopum. Et cetera , quæ religiosè truncavit , ne scripti ampliter mentientis fraudem detegerent. Hoc est, Et totius Gallicanae regionis dederat Primatum.* Hæc Fulcone antiquior Hincmarus ignoravit, Remensium ceteroque priuilegiorum non indiligens custos, immo & amplificator. Quæret forsan aliquis , num Milletus examinavit quæ ex Hincmaro retulimus? Minimè gentium. Quid ita? quia causæ officiunt suæ, tum non potuisset de Sulpitio Seuero sic triumphare in Vindiciis: *Ignitur, inquit, in Sixto Remensi nihil occurrit non equabile , quo missionis tempus dubitationem ullam commoueat , debuit addere & priuilegiy , quo præ Gallicanis omnibus Ecclesiis Remensis semper cohonestata fuit , & ab Apostolorum principe totius Gallicanae regionis obtinuit primatum. Tam sunt hæc vera, quàm & permulta alia in Vindiciis & in hac Vindiciarum defensione.*

Postremò suam de Sixto assertionem potuit probare ex iis, quæ ex Rabano, Notkero, & vita Sancti Memmij proposuimus. Sed cùm ad se rediit, ista omnia maluit perire, quàm Dionysium pro Memmij & Sixti Romanorum ciuium fratre agnoscere.

*Observatio quedam de more sæculi synchroni-
simum Apostolorum affectantis.*

V. Ceterum pro more sæculi synchroni-
simum Apostolorum ubique affectantis, cùm
Hilduinus Dionysium Parisiensem à Clemente
missum scripssisset, & totius Galliæ Apostolum
fecisset; postea Fulco nequid Remensium de-
periret gloriæ, Sixtum suum non Clementis
sed Petri discipulum afferuit, deinde Remen-
sem Episcopum constituit, & ex auctoritate
Petri totius Gallicanæ regionis primatem. Sic
alii Gatianum Turonensem à Clemente mis-
sum, alij in quodam carmine directum à Pe-
tro Episcopum scripserunt, ne scilicet tertiæ
Lugdunensis caput seriùs Christi fidem ha-
buissè diceretur, quàm plures primæ, secundæ
& quartæ, immò & tertiæ Lugdunensis Eccle-
siæ, quarum primos Sacerdotes lapsu tempo-
ris, & affectu synchronismi Apostolorum ad
primum sæculum posteri reuocarunt. In ho-
rum temporum scriptis habitat Milletus. In
his eloquenter triumphat. Sed non satagit, an
verè. *At melior est vera stipula, inquit Augu-
stinus, quàm lux inani cogitatione pro suspican-
tis voluntate formata.*

CAPUT IV.

*Antiquissimus Saturnini passionis auctor,
& Gregorius Turonensis de Dionysio
Parisienſi ſcribentes defenduntur.*

I. **I**N reſponſione ad ſecundum caput Diſſertationis Gregorium Turonenſem aggreſſitur, quem vt more ſuo eludat, hinc ad communes locos tanquam ad conuolundæ rei aſylum confugit, inde oblatam à nobis de Gregorij auctoritate diſputandi conditionem furtim præterit. Sed in vno ſe à communibus locis magna cum Vindictiarum iactura exturbatum diſſimulat, in altero parum ſe præbet amatorem indagandæ & aſſerendæ veritatis. Quæ duo non priùs nudè exponuntur, quàm quicquid ille à pagina 30. ad paginam 51. producit, ſua ipſius expoſitione refellatur.

*Loci communes aduerſarij exponuntur, &
in eundem grauiter retorquentur.*

II. Ad primum autem quod attinet, còtendunt, quæcunque aduerſus antiquum Saturnini paſſionis auctorem, & illius vindicem Gregorium diſſerit, vt è Septemuiris, quos ambo ſub Decio legatos ſcribunt, Trophimum Arelatenſem, Paulum Narbonenſem, & Marcialem Lemouicenſem excipiat, quòd longè

citiùs, sub Apostolis videlicet, in Galliam aduen-
nerint. Quare cum in his tribus errasse suo iu-
dicio constet, errasse quoque in Dionysio Pa-
risiensi concludit. Ad hanc ratiocinationem
velut ad vnum compitum, tota confluunt si-
quæ sint responsiunculæ momenta.

Porro hunc locum communem in aucto-
rem repercutiendo iam displosimus, & iterum
cum auctario sic displosimus. In Vindiciis qua
partè Massiliensibus Lazarum, Aquensibus
Maximinum Episcopum tribuit, Gallicanam
id esse traditionem affirmat, & in huius tradi-
tionis testimonium adducit Sigebertum in
Chronico ann. 745. Martyrologium Roma-
num 22. Iulij & Martinum Polonum in Chro-
nico. At Sigebertus Miræi, qui ex puro exem-
plari prodiit, & Martinus in Chronico edi-
tionis Colonienfis anni 1616. de Lazaro & Ma-
ximino nihil penitus scribunt: Sigebertus Pi-
storij de Maximino loquitur, sed de Lazaro
silet, & Romanum Martyrologium 22. Iulij de
Maximino & Lazaro ne gry quidem. Præterea
confictam à maioribus suis Eugenij martyris
& Archiepiscopi Toletani historiam obtrudit,
& Genouefæ Virginis acta turpiter affingit
Genesis presbytero, & illa vocat antiquissima,
quæ recentissima sunt, & impostorem vel stu-
pidissimo cuique produnt. In hac verò Vindi-
ciarum defensione *totius Gallicanæ Ecclesiæ sen-
sui per suos Episcopos* tribuit, quod non toti
Gallicanæ Ecclesiæ, sed quibusdam tantum
Episcopis sub Ludouico Pio congregatis tri-
buendum est. Immo, qui his præsulibus om-

nem auctoritatem asserit , contra Baronium, Bellarminum & alios controuerſiarum ſcriptores , qui illos Episcopos ignoratæ traditionis accusant. Qui autem ſic diſputat , illi ex ſuæ dialecticæ principiis nulla fides danda eſt. Selige ergo , lector , quæ in Vindiciis & in hac Vindiciarum deſenſione placuerit , illa facile de mendatio præiudicabis.

Deinde vt huius dialecticæ methodi vanitas clariùs appareat , ex aduerſarij proſitione , vt directo in Gregorium ariete , quis non conficeret , æquè in Gatiano Turonenſi , atquè in Dionyſio Pariſienſi lapſum eſſe ? Hoc autem nemo reciperet vnquam præter eum , qui ſcribendo verecundiam exueret omnem , & in recentiorum fictis fabulis ſtilum penitus haberet delibutum.

Abeat igitur fucata illa diſputatio , quæ ſola apud rudes & imperitos principatum tenet : deſinat tandem à locis communibus , vt cum Hieronymo & Tertulliano loquar , & in gradum & lineas regrediatur. De Dionyſio Pariſienſi contra duos ſcriptores noſtros diſputer , & in huius Episcopi tempore hallucinatos probet auctoribus vetuſtioribus , æqualibus , ſupparibus. In Trophimo Arelatenſi , in Paulo Narbonenſi , in Martiali Lemouicenſi errauerint , eſto , ſi probetur per eos , qui rem meliùs nouerint , ſcilicet per antiquiores , æquales vel ſupparos. At in Dionyſio Pariſienſi , cur continuò erraſſe dicentur , ſi pari non probetur via ? Quod cum ille non potuerit hætenus exequi , veritas vicit. Cur ergo primos

veræ traditionis fontes interuertit ? cur ceteris viam parat traditionibus arte non impari compilandis ? Etenim nemo est tam hebes in plebecula , qui non facilè reprehendat aliquid in Irenæo , in Tertulliano , in Cypriano , in Eusebio , in Theodoretò & aliis , vt eos eludat , dum in Sanctarum traditionum testes producuntur. Hac itaque Arcopagiticorum differendi methodo nihil esse in Ecclesia Dei periculosius , nihil perniciosius , amplissimè nunc probarem , si tam vtili , & breui negotio fieri posset , quàm potest facili. Satis est indicasse malum , in quod pius quidem , sed parum consideratus scriptor incurrit.

*Repetita pro Gregorio Turonensi
Vindiciæ.*

III. Verumenimuerò Milletus interim reuoluat Gregorium nostrum , replicet omnia illius opera. Discruciet virum de Ecclesia & de Gallia benè meritum , ostendétne vnquam illum Gallicanæ traditioni falsum aliquid affinxisse tribus subornatis testibus ? At hoc in Maximino & Lazaro Milletum fecisse iam iam vidimus. 2. Deprehendétne vnquam illum tales de Sanctis aliquibus imposturas vindicasse , quales ipse de Eugenio Toletano & de Genouefa Virgine vindicauit ? 3. Ostendétne vnquam Gregorium sua simplicitate aliquam iis monumentis auctoritatem dedisse , quibus , qui Romanæ communionis non erant , utebantur ? Athoc summa dicendi facultate præ-

stitit aduersarius in responsione ad caput 4. Dissertationis paragrapho quinto, ubi quæ silentio sepeliri oportebat, rediuiua opinione diffamauit. Cetera, quæ scribendo peccauit, infra omnem cum Gregorio comparisonem posita esse quis non videt? Nam tamen me iudice stultus sit, qui ex tam incredibile & densa hallucinationum congerie velit, multis, quæ eleganter differit, omnem auctoritatem abrogare. Hac tamen gratia indignus est aduersarius, qui quærendæ veritati nullatenus incumbit, sed sic agit cum Sirmondo, quasi in tota Dissertatione nihil vnquam veri dixisset. An autem Ethnicus homo sic ageret, apud Deum viderit, qui non Christianum modò se, sed & strictioris apud Christianos vitæ religiosum profitetur.

*Intègrum Gregorij testimonium refertur,
& expenditur.*

IV. Redeo ad Gregorium, cuius historia de septem Episcoporum missione & gestis referenda est, cum sciamus antiquiorem nullam posse exhiberi: *Huius, inquit, tempore septem viri Episcopi ordinati in Gallias missi sunt, sicut historia passionis Sancti martyris Saturnini denarrat: Ait enim sub Decio & Grato Consulibus, sicut fidei recordatione retinetur, primum ac summum Tolosana ciuitas Sanctum Saturninum habere coeperat sacerdotem. Hi ergo missi sunt; Turonicis Gatianus Episcopus, Arelatensibus Trophimus Episcopus, Narbone Paulus Episcopus, Tolosa Saturninus Episcopus, Parisiacis*

Dionysius Episcopus, Aruernis Stremonius Episcopus, Lemonicinis Martialis destinatus est Episcopus. De his verò Beatus Dionysius Parisiorum Episcopus • diuersis pro Christi nomine affectus pœnis presentem vitam gladio imminente finiuit. Saturninus verò iam securus de martyrio dicit duobus presbyteris suis; Ecce ego iam immolor, & tempus meae resolutionis instat, rogo, ut usque dum debitum finem impleam, à vobis penitus non relinquar. Cùmque comprehensus ad Capitolium duceretur, relictus ab his solus adtrahitur. Igitur, cùm se ab illis cerneret derelictum, orasse fertur, Domine IESU Christe, exaudi me de caelo sancto tuo, ut nunquam Ecclesia de his ciuibz mereatur habere Pontificem in sempiternum.

Quod usque nunc in ipsa ciuitate ita euenisse cognouimus. Hic verò tauri furentis vestigiis alligatus, ac de Capitolio precipitatus vitam finiuit. Gaius verò, Trophimus, Stremoniùsque & Paulus atque Martialis in summa sanctitate viuentes post acquisitos Ecclesiae populos, ac fidem Christi per omnia dilatata felici confessione migrarunt. Et sic tam isti per martyrium, quàm hi per confessionem relinquentes terras in caelestibus pariter sunt coniuncti.

Quis nunc studio partium vacuus hæc omnia & singula expendit, nec illico fateri cogitur, Gregorium conscribendæ septem Episcoporum historiae sedulam operam nauasse? Horum martyrium, & martyrij circunstantias, illorum confessionem, & Euangelicæ prædicationis fructum diligenter annotasse? quæ sunt amuleta etiam aduersus Satanam potentissima.

A Miliero Gregorius hinc excusatur, inde accusatur, sed à nobis defenditur.

V. Occurrit tamen è clauistro Monachus, qui hinc Gregorium excuset à peccato, inde dubiam illius in Saturnino mentem contendit, hinc ingenti criminatione maculet.

Excusat verò sic: *Vnde nec illum falsi arguimus, sed auctorem anonymum, quem citat.* O lepidum acumen! quasi verò Gregorium, qui frequentissimè Parisiis vixit, in domesticis rebus faciliè deciperetur à Septimanix scriptore, qualem fuisse illum ex ipso historiae argumento coniicimus. Quasi verò Gregorius ex Parisiorum traditione, quæ præ manibus erat, & oculis, non correxisset Saturnini historiam, siquid de Dionysio contra maiorum, contra Parisiensis Ecclesiæ, contra sui temporis fidem exhibuisset? Cur enim quod Eutropio Sanctonum Episcopo incertæ credens famæ præstitit, Dionysio Parisiensi negasset? Eutropium à Clemente missum ex vulgi sermone retulit in priori de miraculis libro? Cur igitur legatum à Clemente Dionysium non retulit, si de tali missione tunc vel leuissimus increbuisse rumor? Hoc ab illius facilitate, quam exprobrant, debuit expectari. Quis præterea ex Parisiensibus Episcopis, ex florentissimo Clero, ex tota Gallia redarguit Gregorium? Stupor omnes forsan inuaserat, donec vnus nasceretur Hilduinus, quem liberanda veritas expectabat. Quis ante hunc Abbatem simpli-

citatis & inconfiderantiæ arguit Episcopum, quòd sub Decio collocaret Dionysium, qui sub Domitiano collocandus fuisset, & insuper Areopagita? Cedo tu vel vnum ex tota Gallia, qui contrà de Dionysio scripserit, & nos sine vlla controuersia cedemus. Diceret Tertullianus vnica præscriptione Areopagiticos *remouendos, quod deserto eo, quod prius fuerat, postea elegerint quod prius non erat.* Adderet, *peruersitatem fidei esse probata non credere, non probata præsumere.*

Deinde aduersarius suppressis vocabulis duobus (*ut fertur*) recenset quæ Gregorius libro miraculorum primo ex fama recensuit de Saturnino, & illa cum iis, quæ idem lib. i. hist. Francorum asseruit, sic committit, vt imminutam historici fidem relinquat. *Cui credam?* inquit, *Gregorione vnum ex se dicenti, an oppositum ex aliis eidem memoranti?* O egregiam animi suspensionem! Nemo dubitauit hactenus, cuinam crederet? Historicone vnum ex certo asserenti? an aliud eidem ex incerto narranti? Nunc in terras si rediret Gregorius, & vno in loco ex se diceret Milletum strictioris obseruantia monachum esse, & in alio ex quorundam rumore narraret non esse strictioris obseruantia monachum. Cui crederet? Gregorione vnum ex se dicenti, an oppositum ex aliis eidem memoranti? Dubius sit ille quantum voluerit, cui crederet? ego sine vlla dubitatione Gregorio vnum ex se dicenti crederem. Noui enim famam, nomen incerti, locum non habere, vbi certum est.

At verò Gregorius omnem de tempore Saturnini occasionem ambigendi sustulit. Dum scriptam illius ex *fideli recordatione* vitam laudauit lib. I. hist. Francorum, immò ex ea Martyrologij sui textum Baronius confirmat, nisi fortè rectiùs dicatur idem ex seipso confirmari. Quæ enim Vsuardus, Beda, Ado & Baronius in Martyrologiis suis de Saturnino referunt, eadem & Gregorius noster refert Vsuardo, Adone, Beda, & Baronio vetustior.

Denique Gregorium quàm vehementer criminatur in epilogo: *Et certè, inquit, si vel in uno Episcopo veram non esse constat narrationem, nihil erit, cur in reliquis impetrare fidem mereamur. errore nimirum deprehenso non in aliqua circumstantia, sed in ipsa rei narrate substantia.* Os hominis istius quis deinceps ferat? Quàm alia est Baronij modestia & opinio, qui licet Gregorium in causa Trophimi, Pauli, Martialis & Dionysij reiiciat, illum tamen in negotio Austremonij, Gatiani & Saturnini studiosissimè amplectitur. Sed immodestissimus scriptor ex albo historicorum tollere voluit, quem de Dionysio differentem ex inueniendi asserendique veri legibus non potuit arguere. Ad hæc præ homine isto bardi sunt & hebetes Nicolaus Faber, Robertus Bellarminus, & Dionysius Petavius, qui Gregorij nostri locum magnam in auctoritatem receperunt, nec cursum, sed cogitatè receperunt.

Propiùs accedo: in vnus putà Trophimi historia errorem substantiæ vocat, quem alij circumstantiæ vocarent. Quæ enim ad Trophimi

phimi personam, & Episcopatum spectant, in historia Trophimi substantiam potissimum componunt. Quæ verò ad urbem, cuius fuit Episcopus, ad Episcopatus annos, ad martyrium, vel confessionem attinent, inter appendices historię rectius numerarentur. Numerare noluit humanus scriptor, ne non satis acriter accusaretur Gregorius, sed accusatorem sequor, qui certam Episcopatus epocham ad historię Trophimi substantiam pertinere contendit. Age verò qua ratione scribentem de Trophimo Gregorium repudiat, quòd non citius, quàm par fuit, in Gallia vixisse scripserit, eàdem & repudiet necesse est, quæcunque de Christo docuit Irenæus, quòd multo tardius, quàm veritas tulit, Christum inter mortales vixisse prodiderit. Ad rationis æqualitatem sapiat, vel rumpatur Arcopagiticus.

Ceterum à quibus verustioribus Gregorio scriptoribus habet Gallia Paulum Narbonæ, non alterius urbis, Martialem Lemouicæ, non alterius urbis Episcopum? Paulum & Martialem non Martyres, sed Confessores fuisse? Quæ omnia certæ Episcopatus epochæ præstant. Veruntamen quia Gregorius iudicio Milleti in Paulo, Trophimo & Martiali falsus est, in reliquis nulla fides illi concedatur. At verò tota Milletio auctoritas tribuenda est, qui de Lazaro & Maximino scribens Gallicanæ Ecclesiæ per mutos testes imposuit.

*In oblata de Gregorio Turonensi disputandi
conditione Milletus fuga reus
convincitur.*

VI. Quod autem pertinet ad secundum, cuius numero primo mentionem fecimus, mortaliū nemo quisquam est, qui si veritatem querat & amet, oblata a nobis de vetustissimo Saturnini passionis auctore, & de Gregorio disputandi conditionem non amplectatur. Hæc illa est in nostro de Areopagitice Hilduini iudicio num. 33.

Detur igitur vel unus auctor antiquior, equalis vel suppar, qui similem de Areopagita in Gallias missione historiam scripserit, modò de illius veritate & scriptorum veritate iuxta constet, atque de Gregorio, deque historia Saturnini, sine ulla controuersia cedemus. Quicquid aliàs alia de re in tali historia dubium, vel minus exquisitum narraretur. Pudet me aduersariorum, qui facilem vindicandæ sibi & mihi veritatis conditionem non accipiunt. Sibi, inquam, & mihi, quia, ut ait Augustinus, Ego amo quod dicunt, quando verum dicunt, non quia ipsorum est, sed quia verum est. Pudet me oblata conditionis, in qua duobus domesticis scriptoribus, vel vnius domestici, immo & extranei præponderaret auctoritas.

Nunc eruditorum hominum confesum appello, videat ille, iudicetque, uter nostrum funem trahat contentiosum? Egone? an Mille-

tus? vter veritatem ſincerius indaget? vter in aſſerendas traditiones religioſius incumbat? Hinc ad epinicia deuolat, inde ante victoriam triumphum canit, dum locis communibus veteres hiſtoricos inuadit, bouinatúrque, & quosdam poſtea Carolo Magno recentiores in aciem producit. Quantò verò prudentius noſtri in aſſerenda contra mendaces veritate magiſtri aliter ſtatuērunt. *Quis*; inquiunt, *inter nos determinabit, niſi temporis ratio, ei præſcribens auctoritatem, quod antiquius reperietur, & ei præiudicans vitiationem, quod poſterius reuincetur.*

Veriſſimum eſt iſtud; ait aliquis, ſed cum Sirmondo ſi non diſputandum, certè litigandum fuit, ne Hilduini & monachorum Sancti Dionyſij fraudes detegantur, ne nouorum aſſeclarum fama & eruditio tentetur, ne vnus homo ſupra totam fratrum familiam ſapiat, ne non minus alicui ex Monasteriis, quàm ex Societate deeſſe videatur eloquentia, ne appetito tantæ exiſtimationis ſcriptore ceteri quicquam audeant, ne Monasterium ſua fide poſſidens quod poſſidet, in rutuba verſetur. Quæ omnia quanti ſint ad conuoluendam veritatem ponderis, qui nescit, nihil ſcit. Pergamus ad alia, quæ licèt ſine vllo de Dionyſij quaſtione detrimento poſſint omitti, illa tamen cum Milleto tantisper examinabimus.

CAPUT V.

*Consignata sub Decio Trophimi Arelatensis,
Pauli Narbonensis, & Martialis
Lemoicensis epocha pro-
pugnatur.*

I. **Q**UOD duo scriptores ante annos plusquam mille Trophimum Arelatensem, Paulum Narbonensem, & Martialem Lemoicensensem sub Decio constituunt, eos Milletus errauisse contendit; nos contra verum dixisse sustinemus. Res igitur ex certis inueniendi asserendique veri legibus ponderanda est. Qui Trophimum, Paulum & Martialem Decio consignant; fuit in primis vetustissimus auctor, Saturnini martyris æqualis, aut certè suppar, sed qui æqualium traditione instructus, Saturnini vitam conscripsit, sicut ipsemet testatur apud Gregorium. *Ait enim, inquit Gregorius, sub Decio & Grato Consulibus, sicut fidei recordatione retinetur, &c.* Deinde Gregorius Turonensis Gallicarum rerum peritissimus approbator accessit historiæ Francorum libro primo.

Ex his, quæ an verè ab illis auctoribus scripta sint, in dubium non vocantur, hæc tria colligimus; vnum est, nullam inter Gallos de missis à Petro vel Paulo tribus illis Episcopis opinionem tunc fuisse, cum primùm ab ho-

mine in Septimania degente ni fallor, Saturnini vitæ historia scripta est. Quippe pugnant inter se, vt ille ex fideli recordatione, vt loquitur, Trophimum, Paulum & Martialem sub Decio locarit, & alij passim in Gallia crediderint, aut scripserint, missos à Petro vel Paulo Trophimum Arelate, Paulum Narbonam, & Martialem Lemouicam venisse.

Alterum, nullam pariter inter Gallos de legatis à Petro vel Paulo tribus illis Episcopis opinionem, aut etiam rumusculum tunc fuisse, cum Gregorius illud idem, quod alter, in historia Francorum asseruit, & præcipuas illorum antistitum circumstantias confirmavit. Neque simile vero est, Gregorium id tam constantor affirmasse, quod alij plerique tunc negassent. Huic rei fidem faciunt, quæ de Saturnino Tolosatium, & de Eutropio Sanctonum Præsulibus ex incerta fama scripsit aliquando. Verùm hanc vulgi credulitatem tacitus reiecit in historia, dum antiquiorem Aurelio martyrem refert neminem, & Septemvīrorum missionem sub Decio collocat, vt alibi monuimus. Adhæc in Arelatensis & Lemouicensis Ecclesiæ rebus versatum se demonstrat Gregorius, vbi hinc Genesij Arelatensis martyris, inde Martialis Confessoris miracula posteritati commisit.

Tertium, si contra receptam de Trophimi, Pauli, & Martialis ætate fidem non nihil attentassent historici nostri, dubium vix vllum est, quin, vt assolet, Arelatensium, Narbonensium, Lemouicensium, vel etiam Gallorum

aliquis scribendo reclamasset. At ex veris edisseras tu; quis tunc reclamavit? quis illos violatæ in Gallia traditionis reos egerit? Quod si feceris, libenter cedimus; vt intelligas nos solo quærendæ veritatis affectu duci.

Hæc autem cùm ita sese habeant, duobus nostris auctoribus, vt detrahatur fides, opponendi sunt alij, qui rem meliùs nouerint, antiquiores videlicet, æquales, vel supiores.

*Opposita Gregorio epistola Cypriani 67.
vobis, accusatur.*

II. Imprimis opponitur epistola Cypriani 67. ex recensione Pamelij, sed illam non esse Cypriani, sed alterius, qui longo pòst tempore floruit, pluribus doceri potest argumentis. Primum est, quod in multis, quibus Cypriani epistolæ continentur, manuscriptis optimæ notæ codicibus non extet: vnus est in Bibliotheca Thuana vetustissimus, alter in Regia, tertius in Victorina, quartus in nostra Nauarrica, quintus in monasterio Sancti Remigij Remensis, & alij fortè plures, quos videre non licuit. Sed vt vt sit, quòd in nullis aliis, qui Cypriani sint, codicibus extare debeat, comprobatur.

Secundum, quòd scriptorum veterum nemo meminerit huius historiæ, quæ cùm ex epistola sic se habeat, omnibus notissima esse debuit. Marcianus Arelatensium Episcopus Nouatiano Romæ contra Stephanum sedenti coniungitur, & Christiani complures à Mar-

ciano Nouatianorum dogmatibus imbuti sine pace excedunt. Marcianus à Faustino Lugdunensi, & aliis Galliæ Episcopis deponendus iudicatur. Hi ea super re ad Stephanum semel atque iterum scribunt, tum nihil consecuti Cyprianum rogant per literas vt cunctantem Stephanum excitet, & ad succurrendum Ecclesiæ laboranti vehementiùs impellat. Huius, inquam, historiæ nemo meminerit historicorum Latinorum, aut Græcorum; non quidem inter Latinos Seuerus, qui centum quinquaginta circiter annos post Cyprianum & Stephanum scripsit; non Paulus Orosius, qui eodem tempore historiam contexuit amplissimam; non Gregorius Turonensis, qui Christianæ apud Gallos religionis exordia, résque memoratu dignas summo studio persecutus est; non Ado Viennensis; non Freculphus Lexouiensis in Chronico; non illi omnes, quos ante Carolum Magnum Gallicanæ, seu etiam Latinæ historiæ monimenta reuoluisse comperimus. Non verò inter Græcos Eusebius, qui tamen Lugdunenses Martyres, & habitas ab Irenæo in causa Paschatis Synodos recenser. Non Socrates, non Sozomenus, qui duo, quæ ad Nouatianorum initium, disciplinam, successionem, multiplicem propagationem, immò & singularem commendationem pertinent, diligentissimè notarunt. At totam illam Marciani historiam, & abdicationem, quæ prima intra Galliam, eaque inter Italos, Africanos & Gallos celebris facta fuisset, tot historicos, totque veteres ex toto orbe scriptos

res fugisse, quis credat vnquam? Hoc vnico ratiocinij genere auctores omnes eruditi passim vruntur; dum pleraque veterum scripta excutunt, quæ ceteroqui multò minùs, vt apparet, nota fuerunt.

Tertium, quòd si Nouatiani dogma tam latè propagatum sit inter Arelatenses, quemadmodum propagatum esse docet epistola, cur in Concilio Arelatensi, quod 63. post Stephanum anno coactum fuit, non est conditus aliquis canon contra Nouatianos, qui nondum omnes, opinor, erant extincti, cùm vt malorum graminum, sic & falsorum dogmatum vberissima seges, & difficillima extirpatio esse consueuerit; immò, qui non facilius in Gallia periissent, quàm Romæ, vbitandiu durarunt. Oblatam condendi canonis occasionem nemo negabit, cùm ex loco, & re ipsa, quæ palam loquitur, tum ex hoc canone 22.

De his, qui apostatant, & nunquam se ad Ecclesiam representant, ne quidem agere pœnitentiam querunt, & postea infirmitate arrepti petunt communionem, plaenit eis non dandam communionem, nisi reualuerint, & egerint dignos fructus pœnitentia.

Quartum, quòd auctor epistolæ id suadeat fieri, quod assertæ à Cypriano in iudicandis Episcopis disciplinæ repugnat. Nempe, vt Stephanus Marcianum abstineat, & in illius abstenti locum, alius ab eodem, vt satis apparet, Stephano substituatur: *Dirigantur, inquit, in Prouinciam, & ad plebem Arelatensem à te litera, quibus abstento Marciano*

alius in locum substituat. Hæc autem abdicandi Marciani ratio contraria est Cypriano sic epistola 55. scribenti : Nam cum statutum sit omnibus nobis , & æquum sit , ac iustum , ut uniuscuiusque causa illic audiat, ubi est admissum crimen. Quod disciplinæ genus etiam olim obseruarunt Gallicani Præsules , cum ad annum 362. in Concilio Parisiensi Saturninum Arelatensem deposuerunt. Cur ergo Faustinus & alij collegæ ad Stephanum & Cyprianum toties scripsissent , ut id exequerentur , quod sine eorû opera poterant exequi , atque eò facilius , quo Marcianus sententia damnati nuper in Concilio Nouatiani convincitur adstringi , & in ipsius pœnam meritò recidisse , cuius elegerat consortium , sicut in ceteris heresibus facta semel Synodus abiecti cuiuslibet erroris cunctos sequaces consequenter inuoluit. Ut ait Felix III.

Quintum, quòd conscribendæ epistolæ tempus nec Cypriano , nec Faustini , si tamen iste fuit vnquam , consilio suffragetur. Hoc ita planum facio. Faustinus de Marciano ad Stephanum scribit: Stephanus Faustino non satisfacit , siue rescripserit ad Faustinum Stephanus , siue non. At istud anno Stephani primo expediri non potuit citiùs , etiamsi pacem in Ecclesia Dei constitutam supponas. Deinde Faustinus , cui , ut apparet , non fuërat ab Stephano factum satis , ad Cyprianum ea super rescribit semel atque iterum , nec iterum scripsisset , nisi postquam vidisset prioribus se literis nihil consecutum esse. Ut demus inte-

res fugisse, quis credat vnquam? Hoc vnico ratiocinij genere auctores omnes eruditi passim vruntur; dum pleraque veterum scripta excutunt, quæ ceteroqui multò minùs, vt apparet, nota fuerunt.

Tertium, quòd si Nouatiani dogma tam latè propagatum sit inter Arelatenses, quemadmodum propagatum esse docet epistola, cur in Concilio Arelatensi, quod 63. post Stephanum anno coactum fuit, non est conditus aliquis canon contra Nouatianos, qui nondum omnes, opinor, erant extincti, cùm vt malorum graminum, sic & falsorum dogmatum vberissima seges, & difficillima extirpatio esse consueuerit; immò, qui non faciliùs in Gallia periissent, quàm Romæ, vbitandiu durarunt. Oblatam condendi canonis occasionem nemo negabit, cùm ex loco, & re ipsa, quæ palam loquitur, tum ex hoc canone 22.

De his, qui apostatant, & nunquam se ad Ecclesiam representant, ne quidem agere pœnitentiam querunt, & postea infirmitate arrepti petunt communionem, placuit eis non dandam communionem, nisi reualuerint, & egerint dignos fructus pœnitentie.

Quartum, quòd auctor epistolæ id suadeat fieri, quod assertæ à Cypriano in iudicandis Episcopis disciplinæ repugnat. Nempe, vt Stephanus Marcianum abstineat, & in illius abstenti locum, alius ab eodem, vt satis apparet, Stephano substituatur: *Dirigantur, inquit, in Prouinciam, & ad plebem Arelate consistentem à te litera, quibus abstento Marciano*

alius in locum substituatur. Hæc autem abdicandi Marciani ratio contraria est Cypriano sic epistola 55. scribenti : *Nam cum statutum sit omnibus nobis , & æquum sit , ac iustum , ut uniuscuiusque causa illic audiat , ubi est admissum crimen.* Quod disciplinæ genus etiam olim obseruauerunt Gallicani Præsules , cum ad annum 362. in Concilio Parisiensi Saturninum Arelatensem deposuerunt. Cur ergo Faustinus & alij collegæ ad Stephanum & Cyprianum toties scripsissent , ut id exequerentur , quod sine eorû opera poterant exequi , atque eò facilius , quo Marcianus *sententia* damnati nuper in Concilio Nouatiani *conuincitur adstringi* , & *in ipsius pœnam meritò recidisse* , cuius elegerat consortium , sicut in ceteris heresibus facta semel Synodus abiecti cuiuslibet erroris cunctos sequaces consequenter inuoluit. Ut ait Felix III.

Quintum, quòd conscribendæ epistolæ tempus nec Cypriano , nec Faustini , si tamen iste fuit vnquam , consilio suffragetur. Hoc ita planum facio. Faustinus de Marciano ad Stephanum scribit: Stephanus Faustino non satisfacit , siue rescripserit ad Faustinum Stephanus , siue non. At istud anno Stephani primo expediri non potuit citius , etiamsi pacem in Ecclesia Dei constitutam supponas. Deinde Faustinus , cui , ut apparet , non fuerat ab Stephano factum satis , ad Cyprianum ea super rescribit semel atque iterum , nec iterum scripsisset , nisi postquam vidisset prioribus se literis nihil consecutum esse. Ut demus inte-

rim Faustinum semel duntaxat scripsisse ad Stephanum, quem multò satius fuit secundis literis compellare, quàm Cyprianum. At ista omnia, vt minimùm, inciderunt in annum Stephani secundum, quo omnes collatum ab hæreticis baptisma reiicientes à sua communione summouit. Nunc verò ex epistolis Cypriani 70. 71. 72. 73. 74. & ex Carthaginensis Concilij præfatione iudicetur, vtrum abstinens Cyprianus fauorabilis apud Stephanum Patronus Faustini & collegarum fuisset? An quod Faustinus cum Coepiscopis Stephano communicans ab eodem obtinere non potuerat, excommunicatus obtinuisset pro Faustino Cyprianus? An quod tota Galliæ Synodus non effecerat apud Pontificem, id vnus Afer effecisset? An denique Cyprianus plenam tanta humanitate epistolam misisset ad Stephanum, maxime cùm Stephanus improperandæ in causa Marciani negligentia iustissimam dedisse videretur occasionem.

Sextum, quòd incredibile sit penitus Stephanum in deponendo Marciano, qui sedenti, atque docenti Romæ Nouatiano coniungebatur, aut certè in procuranda illius depositione tandiu sese habuisse negligenter, vel tot tantisque cohortationibus ad pium iuxta & necessarium opus exequendum indiguisse, quot, quantasque adhibet auctor epistolæ sub finem: *Seruandus est, inquit, antecessorum nostrorum beatorum martyrum Cornelij & Lucij bonæ gloriosus, quorum memoriam cùm nos honoremus, multo magis tu, frater carissime, honori-*

ficare & seruare granitate & auctoritate tua debes, qui Vicarius & successor eorum factus es. Quorsum amabo vos in retinendis antecessorum decretis tam iners, tamque lentus fuisset Stephanus, qui aliàs contra Cyprianum tam vehementer incaluit, aut quorsum Nouatianum ipsum Romæ sedentem, eique in Gallia studentem Marcianum tam æquo animo tulisset?

Septimum, quòd auctor epistolæ non obscurè doceat se pro more communicatorias ad Arelatenses vel alios Galliarum Episcopos literas tunc misisse. *Significa, inquit, planè nobis, quis in locum Marciani Arelate fuerit substitutus, ut sciamus, ad quem fratres nostros dirigere, & cui scribere debeamus.* At inter omnes Cypriani epistolas nulla est, quæ vel ad Arelatenses, vel etiam ad alios Galliarum Episcopos mittatur.

Octauum, si tanta lapsorum multitudo fuit Arelate, quantam fuisse significat auctor epistolæ, cur à veteribus non memoratur persecutio, quæ Arelatensibus Christianis deficienti causam dedisset? cur nullus in Arelatensi Ecclesia martyr legitur ante Genesium, qui sub Maximiano passus est? Consuetam profectò de lapsis Cypriani tempore scribendi rationem, non res eo tempore gestas, neque temporum conditionem attendit: quæ omnia suppositionem arguunt.

Nonum, quæ de prisco Saturnini vitæ scriptore, & de illius vindice Gregorio disseruimus, & postea disseremus, huic epistolæ fidem

omnem detrahunt. Quod ex annorum expansione manifestum fiet. Trophimus apud Arelatenses Christianam religionem prædicare cœpit anno circiter 251. Nouatianus contra Cornelium eligitur Episcopus, & schisma conflatur anno 254. Nouatiano coniungi postea debuit Marcianus, Trophimi successor, sua prædicatione efficiens, ut plures Christiani sine pace excedant. At quæ quæso factum, ut deinceps verum sit, tot Christianos annis superioribus excessisse sine pace, si Christiana religio primum prædicata sit Arelatensibus anno 251. si Marcianus Trophimi successor Nouatiano coniungi non potuerit ante annum 254. quo Nouatianus schisma conflauit? Si Stephanus, cui scribitur, factus anno 257. Episcopus obierit anno 259. Quasi verò intra spatium tam paucorum annorum à tam multis ethnicis Christiana suscepta sit religio, & tam multi superioribus annis exceſſerint sine pace? Ceterum quæ primo & secundo argumento notauimus, efficiunt, ut vetus Saturnini historia huic epistolæ non immeritò opponatur.

Decimum, inter initium Nouatiani, & electionem Stephani vix anni tres intercedunt, & tamen de Marciano & Nouatiano perinde loquitur auctor epistolæ, ac si ab ætate Stephani longissimè abfuissent. *Qui (Marcianus) iam pridem iactat & prædicat, quòd Nouatiano studens, & eius perniciem sequens à nostra se communionem segregauerit.*

Vndecimum, quòd hæc epistola licet Cypriani stilum affectetur, & ex nonnullis illius

locutionibus consuta sit, non vbique tamen prudentiam Cypriani & iudicium repræsentat; non prudentiam quidem, cùm epistolâ ferre totâ Stephanum doceat auctor, qua in re Nouatianorum prauitas, & præpositorum Ecclesiæ munus consistent. At his de rebus multo minus docendus erat Stephanus Nouatiæ prauitatis oculatus testis, quàm Cyprianus, qui & insuper eo tempore expertus est, quanta fuerit Stephani in castigando schismate, & in obeundo munere cura & seueritas: non iudicium quoque & ingenium; 1. quidem, quia sub initium epistolæ, eandem, cuius nulla præcesserat mentio, *Prouinciam* dicat, nisi velit idem esse Lugdunum, atque Prouinciam, sed aliud Lugdunum, aliud Lugdunensis Prouincia. 2. quia id ipsum intra paucas lineas repetit: *Quapropter*, inquit, *facere te oportet plenissimas literas*, &c. & paulo pòst, *dirigantur à te literæ*. 3. Quia nimium affectat *abstenti* vocabulum, quod identidem quater iteratur: at hæc nimia affectatio signum fraudis est. 4. Quia quæ Galliæ regio nunc *Prouincia* dicitur, *Prouinciam* appellat absolutè, quod ex vsu recepto suffragium nullum habet in antiquis Galliæ civilibus, seu Ecclesiasticis diuisionibus. Quinetiam Arelatensi Synodo subscribunt Marinus de ciuitate Arelatensi *Prouincia Viennensi*, Oresius Episcopus de ciuitate Massiliensi, *Prouincia Viennensi*, & alij. Vt non referam Aquileiense Concilium *Episcopis Prouinciæ Viennensis & Narbonensis primæ & secundæ* rescribens. 5. quia hæc duo pugnant inter se, No-

uavianus olim abſtentus , & Nouatianus nuper reſuſus & reſutatus. 6. quia Stephanum Cornelij & Lucij prædeceſſorum Vicarium & ſucceſſorem appellat : fuerunt quidem benè multi , qui Felicem tertium ſecuti , Romanum Pontificem Beati Petri Vicarium nuncuparunt ; ſed hoc nec ad Cyprianum ſpectat , nec ad rem facit , in qua Stephanus non Petri , ſed ſucceſſorum Petri Vicarius nominatur. 7. quia hæc parum conſentanea videntur : Quàm vanum eſt , vt Nouatiano nuper reſuſo & reſutato, & per totum orbem à ſacerdotibus Dei abſtento nunc adulatoribus adhuc nobis patiamur illudere. Quam in re quæſo & cuiusnam adulabantur Nouatiani ſectatores ? Lapiſiſne ac pœnitentibus, quos , vt ait auctor epistolæ , Sine ſpe pacis & communicationis relictos ad luporum rapinam & prædam diaboli proiciebant ? Cornelione forſitan , Lucio , & Stephano Romanis Pontificibus contra quos , vt idem auctor ait , adulteram Cathedram Romæ collocarat Nouatianus , & in Gallia Marcianus ? Procul à me iſtud inauditum adulationis genus , quo vnus vita luporum rabiei committitur , & alterius corpus duas in partes diſsecatur.

Oppoſita Zoſimi Papæ epistoſa quinta reſiſcitur , & roſciæ accuſatur.

III. Deinde opponitur Zoſimus Pontifex in epistoſa quinta ad annum 417. Sed primò nec debet , nec poteſt opponi. Etenim cum de Trophimo Arelatenſi loquitur , eum nun-

quam *discipulum Apostolorum* appellat, & tamen ab aduersario perinde quasi appellasset, opponitur. Ex quo manifestum sit, quàm sincera fide agat. Aliud est, Trophimum ab Apostolica sede ad Arelatensem urbem mitti, quod asserit Zosimus, aliud, illum esse *Apostolorum discipulum*, quod asserit nunquam.

Tum ne vera sint, quæ diximus, scriptori nostro Zosimus opponatur, & æqualis sit: vtri tunc in re historica potior fides habebitur? Zosimone, seu eius Commentariensi, qui Romæ scripsit epistolam? an alteri; qui Arelatensium longè vicinior fuit, atque certam illorum de suo Trophimo traditionem calluit multò magis? Zosimone, qui non eam opinor in conscribenda epistola diligentiam adhibuit, quam alter in conficienda Saturnini vita adhibuisse censendus est? Ait enim se quicquid ea de re scribit, *ex fidei recordatione* scribere; quæ verba summam accuratorem significant, & veritatem ex suis legibus attestantur.

Denique hæc epistola mihi multis de causis spuria videtur. Prima est, quòd Arelatensem Episcopum semper fuisse Metropolitanum Episcopum tradat. Sed hoc imprimis repugnat antiquis omnibus Prouinciarum notitiis, in quibus Arelatensium ciuitas Viennæ, vt metropoli subiicitur. Secundò repugnat Concilio Arelatensi primo, vbi *Marinus Episcopus de ciuitate Arelatensi, Prouincia Viennensi subscribit*. Tertiò repugnat Taurinensi Concilio, vbi canone 2. de primatu Arelatensis, & Viennensis Ecclesiæ sic statutum est: *Illud deinde inter*

Episcopus urbium Arelatensis & Viennensis, qui de primatus apud nos honore certabant, à sancta Synodo definitum est, ut qui ex eis approbauerit suam ciuitatem esse Metropolitim, is totius Prouincia honorem primatus obtineat. Ludicrum esset sanè decretum illud, si Arelatensis Episcopus fuit semper Metropolitanus, aut ut est in septima Zosimi epistola, iam inde à Trophimo ordinationis seriem temporibus roboratam inuiolabili in utraque Narbonensi & Viennensi auctoritate possideat. Quartò, hæc ipsa septimæ epistolæ verba, & quæ sunt eadem in quinta, falsi conuincuntur ex Taurinensi Concilio, ubi canone primo Arelatensis Episcopus non conqueritur de Massiliensi Proculo, qui ordinationes Episcoporum Narbonensis secundæ sibi vindicabat. Sic enim ibi statutum est in gratiam Proculi: Hac ipsi tantum in vita eiusdem forma seruabitur, ut in Ecclesiis Prouincia. secunda Narbonensis, quas vel suas parochias, vel suos discipulos fuisse ordinatos constiterit, primatus habeat dignitatem.

Secunda causa, quòd vetus priuilegium appellet ius Metropoliticum, quo per Viennensem & Narbonensem vtramque Arelatensis Episcopus utebatur. At Taurinensi Concilio nihil dici potest repugnantius, ubi sancitum est, ut qui ex Arelatensi & Viennensi Episcopis suam ciuitatem probaret esse metropolitim, illa Ecclesiastico primatu gauderet; tantum abest, ut vetus priuilegium confirmaretur. Deinde ius illud Metropoliticum, quod sibi in Viennensem & Narbonensem vtramque ar-

rogat,

rogat, omni retrò ætate inauditum est. Immo aduersatur iuri communi, quod in ordinandis per vnamquamque prouinciam Episcopis Nicæna Synodus statuit. At Zosimus contra Nicænos canones nihil vnquam molitus esset. Nec est insupér, quo Arelatensium Præsul exceptus canone sexto dicatur, vbi agitur *de privilegiis, quæ quibusdam ciuitatibus conueniunt*. Hoc autem fingere quid absurdius? Et tamen Antiochenus in prouincias Orientis nihil habuit, quod Arelatensis non habuisset in Viennensem, & Narbonensem primam & secundam.

Tertia causa, quòd *ex Trophimi fonte totæ Gallias fidei rinulos accepisse* dicat auctor epistolæ. Sed ab Ecclesiastica historia nihil excogitari potest alienius. Da primùm tu vel vnam ex vniuersa Gallia prouinciam, quæ se ab Arelatensi sede fidem accepisse profiteatur. Deinde, si, vt contendit Milletus, ex discipulis Petri Sixtus fuit Remensis Episcopus, si Martialis Lemouicensis, si Sauinianus Senonensis, si Memmius Catalaunensis, si Eucharis Treuirensis, si Fronto Petragoricensis, si Iulianus Cenomanensis, si ex discipulis Pauli Crescens Viennensis, si Paulus Narbonensis, quomodo ex Trophimi fonte totæ Galliæ fidei rinulos acceperunt? Hæc ramen premit omnia, hæc vrget aduersarius, sed quo cerebro? quâ prudentiâ? scilicet, vt in Areopagiticis campis Andabatarum certamen repræsentet, & in tanta rerum contrarietate non lumen, sed te-
bras adferat antiquæ veritati.

Quarta causa, quòd hæc decretalis epistola in codice Canonum Ecclesiæ Romanæ non extet, cùm tamen minoris momenti non sit, quàm quæ vel ad Hesychium Salonitanum antistitem, vel ad presbyteros Rauennæ dirigitur. Taceo quòd etiam in collectione Isidori non reperiatur.

Quinta & vltima, quòd in epistolis Leonis, Hilari & Symmachi, qui exortas subinde Arelatensem inter & Viennensem Episcopum controuersias diremerunt, nulla vnquam fiat Trophimi vel Zosimi mentio. At sine dubio facta fuisset, si Zosimus illa scripsit omnia, quæ in eius epistolis de Trophimo, & de veteribus Arelatensis Ecclesiæ supra Viennensem & Narbonensem vtramque prærogatiuis leguntur.

Oblatus Leoni Papæ Episcoporum Prouinciæ libellus opponitur, sed reiicitur & vobiscum accusatur.

IV. Post epistolam Zosimi quintam opponitur libellus Episcoporum Prouinciæ Leoni Papæ oblatas, quo renouanda Arelatensis Ecclesiæ priuilegia postulant. Sed multa sunt, quæ subdititium esse hunc libellum probent, & ab imperito quodam confarcinatum.

Primum, quòd nulla sit in libello supplicis honorifica Papæ illius, cui mittitur inscriptio. At hoc est contra Gallicanorum antistitum morem, vt constat ex epistolis, quas ad Leonem ipsum & alios Pontifices dirigit.

Alterum, quòd hic libellus sine Consule sit & die, quæ duo publicis monumentis auctoritatem vindicant.

Tertium ex his verbis ducitur: *Omnibus Gallicanis regionibus notum est, sed nec sacrosancta Romana Ecclesia habetur incognitum, quòd prima intra Gallias Arelatensis ciuitas missum à Petro Sanctum Trophimum habere meruit sacerdotem.* At istud tam obscurum, quàm quod obscurissimum. Etenim nullus est, Græcus vel Latinus, Gallus, vel Italus scriptor, qui per annos à Christo sexcentos huic rei fidem præstet. Immo verò sunt, qui contrarium manifestè asserunt, Saturnini martyris historiæ scriptor, & Gregorius Turonensis; quorum primus, quæ fronte id ausus esset de Trophimo scribere, quod Gallicanarum regionum, & Ecclesiæ Romanæ traditioni contradiceret, & *fidei prætereà recordationi* tribuere, quod infami tribuendum mendaciò fuisset? Alter verò quâ audaciâ notam veritatem oppugnasset, qui ceteroquin alibi non omisit, quæ de Saturnino & Eutropio rumor incertus euulgarat?

Quartum ex his verbis colligitur: *Et exinde (Arelatensi ciuitatè) aliis paulatim regionibus Galliarum bonum fidei & religionis infusum.* Hæc, quæ cum epistola Zosimi quinta conueniunt, pari ratione dissipantur. Deinde quid magis contrarium est Innocentio primo scribenti, manifestum esse in Gallia nullum instituisse Ecclesias nisi eos, quos venerabilis Apostolus Petrus, aut eius successores constituerint sacerdotes.

Quintum ex his verbis habetur: *Prius alia loca ab hoc trophimo fidei (Trophimo & eius Arelatenſi ſede) quem ad nos Apoſtolica inſtitutionis ſtuenta miſerunt, meruiſſe manifeſtum eſt ſacerdotes, quàm Viennenſem ciuitatem, quæ ſibi nunc impudenter ac notabiliter primatus expoſcit indebitos. At ex ſcriptis eorum, qui Leonis tempore vixerunt, oſtendat aduerſarius, quænam ciuitates ante Viennenſem Epiſcopos habuerint in Gallia, & eos habuerint ab Arelatenſibus? tum Adonem. cum hoc libello concilier: ſic enim de Trophimo diſſerit ætate ſexta anno 59. Quo tempore creditur Paulus ad Hiſpanias perueniſſe, & Arelata Trophimum, Vienna Creſcentem diſcipulos ſuos ad prædicandam reliquiſſe.*

Sextum ex his verbis concluditur: *Quam quidem antiquitatem ſequentes prædeceſſores beatitudinis veſtra, hoc quod erga priuilegia Arelatenſis Eccleſia inſtitutio veſtra tradiderat, promulgatis, ſicut & ſcrinia Apoſtolica ſedis proculdubio continent, auctoritatibus confirmarunt; credentes plenum eſſe rationis atque iuſtitie, vt ſicut per beatiffimum Petrum Apoſtolorum principem ſacroſancta Eccleſia Romana teneret ſupra omnes totius mundi Eccleſias principatum, ita etiam intra Gallias Arelatenſis Eccleſia, qua Sanctum Trophimum ab Apoſtolis miſſum ſacerdotem habere meruiſſet, ordinandi Pontificium vindicaret. Vide quaſo ac circumſpice, quid libellus Leoni, quid Leonis prædeceſſoribus tribuat falſi? quid abſurdi? Nemo ſanè adduci poterit vnquam, vt credat tempore Leonis fuiſſe, qui Arelatenſem in omnes Galliarum Eccle-*

has principatum vendicaret, quem publica disciplina redarguisset, quem omnis retrò memoria damnasset. Hæ & similes imposturæ ad posteriora & obscuriora sæcula pertinent.

Septimum ex his verbis colligitur : *Cui* (Trophimo & Arelatensi Ecclesiæ) *id etiam honoris dignitatisque collatum est, ut non tantum has provincias potestate propria gubernaret; verum etiam omnes Gallias sibi Apostolica sedis vice mandatâ, sub omni Ecclesiastica regula contineret.* At hæc oratio impostorem manifestè prodit, Cæsario, Auxanio, Aureliano & aliis Arelatensium Episcopis posteriorem, quibus Episcopi Romani suas in Gallia vices identidem delegarunt. Quare non his furtivis precibus Leo, sed aliis epistolis responderet, quæ ut & illæ de electione & consecratione Rauennij, vel adhuc delitescunt in Bibliothecis, vel iniuria temporum perierunt.

Quedam aliæ in epistolas Zosimi, & libellum Episcoporum Prouinciæ observationes.

V. Ceterum hîc alia nonnulla obseruanda sunt. Vnum, libellum Episcoporum Prouinciæ, & epistolam Zosimi quintam, & alias similes post ætatem Gregorij magni confictas videri, ut ex nostris rationibus apparet satis superque. Alterum, hæc monimenta primò prodiiisse ex Codice Arelatensi, hoc est illius ciuitatis, vbi nata sunt. Tertium, dignitatem ciuilem, qua ab Imperatoribus Arelatensis ci-

uitas aucta est, fecisse, vt imprimis Episcopi Metropolitico honorem affectarint, & iudicantibus Leone & aliis Pontificibus obtinuerint. Deinde, vt (postulantibus etiam Galliarum regibus) Pontificum vices in Gallia gesserint. Tum vt postea quidam otiosi homines ea monimenta fingerent, quibus Arelatensis primatus originem obscurarent, & in hac obscuritate primatum ad incunabula Ecclesiæ reuocarent. Quartum, nostras coniecturas aduersario non posse displicere, cum leuiore opinor, non sint iis, quibus vetus Romanum Martyrologium dubiæ fidei probatum voluit. Quintum, Viennenses fictis quoque epistolis & priuilegiis contra æmulos Arelatenses decertasse, quæ ex Viennensi codice Ioannes à Bosco edidit ad calcem Bibliothecæ Floriacensis: In exemplum sit hæc epistola Siluestri Papæ: *Siluester Papa vniuersis Episcopis per Gallias & per septem prouincias. Placuit Apostolicæ sedis, vt si quis ex qualibet Galliarum parte, sub quolibet Ecclesiastico gradu ad nos venire contendit, vel ad alia terrarum loca ire disponit, non aliter profisciscatur, nisi Metropolitanus Viennensis formatas acceperit, &c.* An autem hæc verba, quæ sublati Siluestri & Metropolitanus Viennensis nominibus eadem sunt, quæ in epistola Zosimi quinta, Viennensis impostor ab Arelatensi, vel Arelatensis à Viennensi desumpserit, non faciliè iudicari. Vt sit, Arelatensis præualuit, quippe qui spuriam Zosimi epistolam inter cetera sic vulgavit, vt apud Vsuardum & quosdam Martyr.

rologos transferit, qua parte docet ex Trophi-
mi fonte totas Gallias fidei rinulos accepisse. Cui
quidem rei quadrat illud Milleti pronuntia-
tum pag. 138. *Ita successiuus error maximè in
promptu est.* Sextum, Concilij Francofordien-
sis Patres & Vsuardum primos esse, qui, nî
fallor, epistolarum Zosimi meminere. Septi-
mum, has Zosimi epistolas Baronio placuisse,
& grauibus eruditissq; viris etiamnum placere.
Ex quo fit, vt illorum iudicio nostras omnes
coniecturas ex animo submittamus, *Non vin-
cimur, inquit Cyprianus, sed instruimur, dum
offeruntur meliora.*

*Opponuntur Martyrologia Bedæ, Vsuardi,
Adonis, & Romanum, sed diluuntur.*

VI. Denique opponuntur Martyrologia
Bedæ, Vsuardi, Adonis, & Romanum. Sed im-
primis aduersarius Martyrologia reicit vni-
uersa lib. 2. Vindiciarum cap. 4. *Sed ponamus,*
inquit, Vsuardum nobis aduersari, quid tanti
denique est? ex corrupto Bedæ Martyrologio unde
pleraque alia mutuatus est, mendum illud contra-
xit. Nulla enim ad nos, nisi adiectione novorum
sanctorum, aut Græcorum imitatione Martyrolo-
gia corrupta peruenerunt. 2. Hi auctores cum
scriptore passionis Saturnini & Gregorio Tu-
ronico committi non possunt, quod non sint
vetustiores, æquales, vel suppare, vt ab inue-
niendi asserendique veri regulis non disceda-
mus. *Ita ex ipso ordine manifestatur id esse ve-*
tum, quod sit prius traditum, id autem extra-

neum & falsum, quod sit posterius immissum, ut ait Tertullianus. 3. ex discussione epistolarum Zosimi constat, illa ipsa verba, quæ ab Vsuardo & aliis citantur, Innocentio primo, & omni retrò Gallicanæ traditioni repugnare, nisi velit aduersarius Ecclesiarum catalogum scribere, quæ primos suos antistites Arlatensibus acceptos referant. Quod si ex certis monimentis fecerit, nos libentissimè cedemus, ut ille identidem agnoscat, nullam nos querendæ & asserendæ veritatis viam auersari.

*Græcarum de Trophimo Pauli discipulo
Ecclesiarum Traditio.*

VII. Et verò licet superiorum rationum momentis penitus consistant, quæ vetus scriptor, & Gregorius de Trophimo tradiderunt, illa tamen non parum corroborantur ex Græcis, qui discipulum Pauli Trophimum martyrem sub Nerone faciunt.

Ex Menologio, quod Cardinalis Sirletus Latina lingua donauit. Die 14. Aprilis: *Sanctorum patrum Aristarchi, Pudentis & Trophimi, qui cum essent ex septuaginta post Pauli Apostoli mortem, & ipsi Nerone Imperatore capite casti sunt. Hac Beatissimus Dorotheus cum esset Romæ Romana lingua scripta reliquit. Non solum aurem de his, sed & de reliquis Apostolis, & aliis sanctis viris & sacris prophetis historiam accuratè conscripsit. Fuit enim vir ille ingenio, & multarum rerum peritia insignis, ut quivis alius. Ex Menologio magno, quod ad annum 1627.*

Venetis Græcè tantum prodiit. Die 14. Aprilis: τῶν ἀποστόλων ἐκ τῶν ὁ Αἰσάρχου, Πρύδου καὶ Τροφίμου. Πύδην καὶ Αἰσάρχον σφόν, καὶ τὸν Τροφίμον πᾶς ὁληθεῖς χριστοκήρυκας. Et post alia: Πάυλῳ ἐφεπόμενοι κλεινῷ διδασκάλῳ ἐνδεξάμενοι πολλοὺς κινδύνους ὑπέστητε. εἰρηκτῇ κλειόμενοι ὁμιλοῦντες πόνοις, ξίμα ἐπὶ τέλει δέ. Τμηθέντες κεφαλὰς ἐνθλήσατε, Χριστῷ προσβύσατε δωρηθῶμαι τῆς ψυχῆς ἡμῶν τῷ εἰς νῦν καὶ τὸ μέγα ἔλεος.

Ex Sanctorum Apostolorum discipulis Aristarchus, Pudens & Trophimus. Pudentem, Aristarchum sapientem & diuinum Trophimum Christiana veritatis pracones, &c. Vos Paulum secuti estis, & inclito illius magisterio gloriosi multa pericula sustinuistis, carcere inclusi, & in arumnis versantes casis tandem gladio capitibus certauistis, Christum orate, ut animabus nostris pacem & magnam misericordiam imperiatur.

Ex Anthologio seu Græcorum Breuiario, quod Romæ editum est anno 1598. & à Clemente octauo probatum. Die 14. Aprilis: τῶν ἀγίων ἀποστόλων ἐκ τῶν ἐβδμήκοντα Αἰσάρχου, Πρύδου καὶ Τροφίμου. Αὗτοι ἐκ τῶν ἐβδμήκοντα ἀποστόλων ὑπαρχόντες ἠκολούθησαν τῷ μεγάλῳ ἀποστόλῳ Παύλῳ κηρύττοντες, καὶ συγκακοπαθεῖν τῷ διδασκάλῳ ἐν πᾶσι τοῖς διασμοῖς αὐτῶ μὴ τὸν ἐκείνου θάνατον, καὶ αὐτοὺς πᾶς κεφαλὰς ὑπὸ Νέκρωτος ἐτμήθησαν, &c. *Ex Sanctorum Apostolorum septuaginta discipulis Aristarchus, Pudens & Trophimus. Hi ex septuaginta discipulis Apostolorum cum essent, magnam Apostolum Paulum secuti sunt predicantes, & iisdem cum magistro vexationibus sem-*

per afflicti : post illius verò mortem sub Nerone obtruncati sunt. Eadem porro reperiuntur in Græcorum Synaxariis. Quòd si Trophimus Pauli discipulus alibi capite minutus est, quàm in Gallia, is sanè ab illo diuersus est, qui primus Arelatensium populis fidem Christi nuntiatum venit. Sola igitur nominum similitudo fecit, vt post Gregorij tempora, alij fraude, alij ignorantia ex duobus Trophimis vnicum conflarent.

Consignata sub Decio Pauli Narbonensis epocha defenditur.

VIII. Quod spectat ad Paulum Narbonensem, veteri historico & Gregorio Turo-nensi ea obiicit Milletus, queis alibi omnem auctoritatem abiudicauit: Martyrologia scilicet Vsuardi, Bedæ, Adonis, Romanum tam commune, quàm Rosuueidi. Istud quidem re-iiicit propter vnus literulæ mutationem, reliqua verò omnia certam ad perniciem in eadèrnassa inclusit: *Sed ponamus Vsuardum nobis aduersari, quid tanti denique est? Ex corrupto Bedæ Martyrologio, unde pleraque alia mutuatus est, mendum illud contraxit. Nulla enim ad nos, nisi adiectione novorum sanctorum, aut Græcorum imitatione Martyrologia corrupta peruenerunt. Post eiusmodi censuram cur aliquid instrept Martyrologiorum? cur hæc ampliùs inculcat, obgannitque, si nulla ex iis veritas sanciarur? An nescit, mendacem memorem esse oportere.*

Secundò Ordericum Vitalem obliicit, sed Gregorio quingentis annis posteriorem. Itaque & Beda & Vsuardus & Ado & Vitalis non sunt ij, qui ex inueniendi asserendique veri legibus, cum veteri Saturnini passionis scriptore, & cum Gregorio Turonensi committantur. Enimuero, qui historiam Saturnini scripsit, non multum, vt coniectu facile est, à Narbona distabat, & ea re Bedæ, Vsuardo, Adoni, Orderico anteferendus est, licet illi alioqui suppres haberentur.

Duobus nostris historicis, qui primas traditiones obfignarunt, Pauli Narbonensis vita suffragatur, quam ex manuscriptis Narbonensis Ecclesiæ codicibus edidit vir clariss. Bosquetus. In illa siquidem, ne vnum quidem legere verbum est, quo vel Paulum Sergium, vel Pauli Apostoli discipulum fuisse constet. Vetus Remense Martyrologium suffragatur, in quo hæc tantum leguntur 12. Decembris: *Apud Narbonam urbem depositio Beati Pauli Episcopi & Confessoris.* Vetus quoque Martyrologium Autisiodorense suffragatur 12. Decembris: *Apud Septimaniam urbem Narbonam depositio Beati Pauli Episcopi & Confessoris.* His, quæ ex prima traditione descendunt, postea additum est, quod apud Vsuardum & alios quosdam legitur. Quod ergo prius traditum est, eatenus interturbatum offenditur, quatenus Paulum in Hispanias profectum apud Latinos increbuit. Tunc enim ab eodem cum Narbona transiret, Paulum inibi constitutum Episcopum quidam scripserunt, alij verò aliter locuti

sunt, & Paulum Narbonensem cum Paulo Sergio confuderunt, quod nominum obtinuit similitudo.

Consignata sub Decio Martialis epocha defenditur.

IX. Ad Martialem quod attinet, duæ sunt de illius missionis epocha sententiæ: vna vetus, quæ sub Decio Martialem consignat, & vsque ad annum circiter nongentesimum illibata permansit: Altera recens, quæ Martialem à Petro missum contendit, & circa prædictum tempus inuecta est, nec ita tamen inuecta, vt multos occuparit, & antiquam de sua statione deiecerit.

In hac Discussionione ego veterem sententiam amplector, Milletus recentem sequitur, & nouitate, vt solet, iugulat antiquitatem. Quo nihil est ab Ecclesiæ Catholicæ spiritu alienius, & Sectariorum quorumlibet ingenio fauorabilius. Etenim monimentum nullum citat anno millesimo vetustius. Lemouicensem Synodum, quæ anno 1031. habita est, producit, sed corruptentium historias Monachorum turpitudinem auspicatò reuelat. Monachus noster audiat Solemniacensem Abbatem: *Tace*, inquit, *frater, melius est, vt sileas, quia quando nos in scholis magistrorum mel & lac bibebamus, tu solus ruminabas fabam, scripturam de Sancto Fronto nonam, cuius tu uteris, Gausbertus noster edidit LVCRICAUSA, qui sub huius Lemonica sedis Episcopo Hildegario Chorepiscopus*

nobis extitit. Hos & similes falsarios monachos grauitè accusant alij pietate & eruditione illustres monachi, Damianus & Letaldus, sed accusantes nunquam probabit, qui accusatorum facinora probat, recipitque. Ceteri auctores, quos appellat aduersarius, Lemouicensi Synodo recentiores sunt, & hoc illius effato pag. 138. repelluntur, Successus error maximè in promptu est.

Maneat igitur prima traditio, quæ à Gregorio Turonensi pluribus in locis confirmata est. Quid memorem librum de gloria Confessorum? ubi de Martiali cap. 27. sic differit: *Igitur Sanctus Martialis Episcopus à Romanis missus Episcopis in urbe Lemouicina predicare exorsus est. Et post alia: Per Sanctum enim Stremonium, qui & ipse à Romanis Episcopis cum Gatiano beatissimo & reliquis, quos memorauimus, est directus, primum Aruernæ ciuitas verbum salutis accepit. Dic, sodes, an Petrus Blefensis, an Robertus Autisiodorensis, an Odeoricus Vitalis, an alij recentiores meliùs nouerint, quis fuerit Martialis, & quo tempore Lemouicenses fidei lumine illustrarit, quàm Gregorius, qui miracula & virtutes illius diligenter notauit, qui origine Lemouicensium conterminus fuit, qui sexcentis propemodum annis tres illos & alios scriptores antecertit? Igitur inter nos determinet temporis ratio, ei prescribens auctoritatem, quod antiquius reperiatur, & ei præiudicans viciationem, quod posterius reuincetur.*

Gregorio Turonensi suffragatur Aufonij.

Engolismensis Episcopi vita, quæ illum Martialis discipulum facit, & Valeriano atque Gallieno imperantibus cæsum pro religione fuisse tradit. Denique antiqua Martyrologia Martialem à Petro missum non referunt. De eo sic Vfsuardus ad 30. Iunij: *Lemonicas ciuitate Sancti Martialis Episcopi cum duobus presbyteris Alpiniano & Austricliniano, quorum vita miraculorum signis admodum effulsit.* Eadem verba referuntur in Martyrologio Romano, quod ante annum 1500. Parauij editum est, tum Venetiis anno 1522. & 1548. & Parisiis anno 1573. recusum, & tandem ea sola reperiuntur in Martyrologio Romano Baronij. Quæ autem adfert Baronius in notis, vt Gregorium refellat, Baronij ipsius regulâ sæpiùs memoratâ refelluntur: *Quod à recentiore auctore de rebus adeò antiquis, sine alicuius vetustioris auctoritate profertur, contemnitur.*

De Martiali sic Ado in Martyrologio adducit diem. *Item Lemonico ciuitate Sancti Martialis Episcopi & Confessoris.* De eodem sic Beda in vulgato Martyrologio: *Lemonicas Sancti Martialis Episcopi & Confessoris.* Idem quoque habetur in Martyrologio Ecclesiæ Claromontensis, & in aliis Martyrologiis.

A quibus deprauata est veterum de Martiali traditio?

X. Ceterùm à quibus deprauata est veterum traditio, significat Ioannes Cordesius in ampla eruditâque de Martiali Dissertatione,

quam parte 2. historiarum Gallicanæ Ecclesiæ Bosquetus inseruit.

Ergo, inquit, *Hilduini exemplo, cū Ecclesia Lemouicensis Sancti Martialis circa annum 848. in potestatem monachorum Sancti Benedicti venisset, Martialem fidei antiquitatis illustriorem illi monachi reddiderunt. Nam Hugo Abbas Sancti Martialis ab illa Synodo reuersus in monasterium, in Litaniis Martialem inter Apostolos primus omnium descripsit. Qua re commotus Iordanus Episcopus Lemouicensis nouitatis Abbatem arguere, & Martialem Confessoribus, non Apostolis annumerandum ex veteri more asserere, ut patet ex epistola regis Roberti, Guillelmi Ducis Aquitaniæ., & Episcoporum nomine scripta Benedicto Papa VII. qui anno 1024 obiit, è qua hæc verba Iordani describimus. Sanctus Aurelianus successor, Ebulus, Atticus, Ermogenianus, alique eius successores vsque ad triginta sex: ego verò septimus, qui vocor Iordanus omnium infimus, hi omnes pro sanctissimo Confessore cum habuerunt, similiter omnes Abbates in eius monasterio habitantes vsque in hodiernam diem. Iste Abbas, qui nunc est, nouitate deceptus, superbia elatus (nota) venit ad me, qui sum vilior meis antecessoribus deprecans, ut in Concilio meo & in Synodo sanctissimum Confessorem in numero ponerem Apostolorum, quod facere nolui. Ille perseuerans dictis fidem, quam habuit, cum duodecim monachis illius monasterij mihi promisit, ut cum auctoritate in omni Concilio me defenderet. Hoc facere non potuit in*

Concilio Guillelmi Ducis Aquitanorum audiente Archiepiſcopo Bituricenſi, Mamberto Piſtauieſi, ceteriſque cum ſuffraganeis: Omnes Epifcopi Francorum, Aruernorum, Vaſconum, Aquitanorum, cum quibus ego fui locutus, comprobant, & affirmant, ſanctiſſimum Confeſſorem Martialem non debere tolli de illo loco, ubi ſancti Patres, & noſtri antecellore ſeum poſuerunt, & non eſſe Apoſtolatum niſi auctoritate comprobatum. Et poſt alia. Ego verò liber à culpa, neque iniquitas, neque peccatum meum; voluntatem omnium Aquitanorum tibi monſtrabo, quia ille Abbas ſeducitor (nota) nulla alia cauſa hoc fecit, niſi quia vult deſtruere ſedem primi martyris, & Apoſtolatum Sancti Petri annihilare, &c. Hæc lege & relege, & poſtea in illis veteribus monachis tanquam in ſpeculo Milletum intueretur, tum illis omnibus nigrum præfigito thèra.

CAPUT VI.

Fuſciani & Viſtorici geſta diſcutiuntur.

I. **H**ACTENVS Sulpitium Seuerum, veterem hiſtoriæ Saturnini ſcriptorem, & Gregorium Turonenſem defendimus, id eſt, primos noſtrarum in Gallia traditionum cuſtodes; vibrata quoque in eos tela ſic repulimus, vt qui receperunt ne veſtigia quidem ſæuitiæ oſtendant. Nunc Milletus in eadem ad caput 2. reſponſione duos paragraphos inſtituit,

tuit, quibus producta à me Fusciani & Victorici gesta reuoluit; vbi vnum mihi fœdissimè imponit, duo alia iam à me in Iudicio de Hil-
duini Areopagiticis notata dissimulat, & quar-
tum more suo conuoluit. Hæc quatuor sigil-
latim expendamus.

Fraus aduersarij detegitur.

II. Quodd autem mihi imponat aduersarius,
& mea & ipsius verba, si conferas, fidem fa-
ciunt amplissimam. Mea verba sunt ista nu. 36.
Post hoc Martyrologium dandus est locus anti-
quissimis Sanctorum Fusciani & Victorici gestis,
in quibus sic legitur: Quo tempore Maximianus
Augustus per arua Galliæ præsidebat Sancti
viri Fuscianus & Victoricus cum duodenario
numero sociorum per ordinem glomerati, vnà
cum venerabili Dionysio Præsule, comitibus
ceteris Piatone, Rufino, & cetera, quæ ex me
referre vir sincerus affirmat. At ille scribit à me
Piatonis acta obtrudi. Sed quia nouus qui-
dam, inquit, aduersarius rem acu tetigisse, &
iudicium tulisse, unde pronocari non possit, exi-
stimat, cum nobis obtrudit Piatonis acta, in qui-
bus Dionysij nomen inuenit. Egone illa Piatonis
acta vocaui, aut iure vocarem, in quibus nihil
egisse Piatonem dicitur, in quibus de Piatone præ-
ter eius nomen, & in Galliam cum Dionysio
aduentum nihil habetur? Ex quo manifestum
fit, quod à me sincera fide mecum agat. vt illius vtat
verbis paragraphi noni.

*Noſtram geſtorum Fuſciani & Viſtorici
cum hiſtoria Saturnini concilia-
tionem diſſimulat.*

III. Alterum, quod diſſimulat, iſtud eſt à me ibidem ita notatum : *Hiſtoria Saturnini Dionyſiana miſſionis, non mortis; acta verò San-ctorum Fuſciani & Viſtorici mortis, non miſſio-niſtempus designant, quæ duo tamen nonnunquam facile confunduntur.* Sic horum martyrum geſta cum Saturnini paſſione conciliare volui, vt quæ confuſa & minus certa videbantur, ad certorum regulam reuocarem. Hoc autem, vt ita facerem, ſuaſerunt duo; vnum eſt; quòd ex antiqua & prima traditione conſtet, Dionyſium ſub Décio in Galliam veniſſe, quæ aduen-tus epocha nullis vnquam à Milleteo machinis refigetur: Alterum, quòd illorum martyrum in Galliam aduentum cum exitu, vel exitum cum aduentu confundi difficile non fuerit, & præſertim à ſcriptoribus, qui, vt apparet, Fuſ-ciani & Viſtorici hiſtoriam reconcinnarunt.

*Rationem diſſimulat, cur in quibuſdam
Fuſciani & Viſtorici geſtis nomen
Dionyſij inueniatur, in aliis
non inueniatur.*

IV. Tertium, quod diſſimulat, iſtud eſt, me ſcilicet idoneam num. 60. rationem reddiſſe, cur in quibuſdam illorum martyrum ge-

His Dionysij nomen inueniatur, in aliis non inueniatur. *Quid verò memorem eas omnes martyrum historias, quibus octingentis abhinc annis vis illata est ab Arcopagiticis? quid, inquam, memorem, cum multa supersint adhuc non sine diuino consilio harum historiarum exemplaria, quæ corruptrices manus effugerunt. Ex quo fit, ut exempli gratia, quadam Sanctorum Luciani, Reguli, & Eugenij gesta eosdem martyres ad Domitianum renocent, quadam alia ad Diocletianum Imperium, veram ut ad epocham deducant.*

Quare imprimis non dubito, quin Corbeianæ & Pratenfes membranæ sint, in quibus Dionysij nomen desideretur, cum plures in illis monasteriis Hilduini nouitatem adamarint. Deinde non dubito, quin Lucianum & Regulum, quos in exemplaribus suis Fusciani & Victorici socios videt aduersarius, in aliis Dionysij comites à Clemente missos legat. Tum ad extremum non dubito, quin ista omnia veterrima sint exemplaria, sed quæ Caroli Magni principatum non antecedunt. Quæ omnia sanè ante oculos habui, dum tam insignibus exscriptorum deprauationibus epocham designaui. Enimuerò in Iudicio de Arcopagiticis Hilduini num. 10. Parisiense Breuiarium anni 1545. & num. 22. Passionarium Sancti Victoris indicaui, vbi in historia Sanctorum Fusciani & Victorici Dionysianum nomen non inuenitur, quòd in Arcopagiticorum manus incidisset.

Quòd autem veteres quoque membranæ sint, vbi Pato Dionysij comes asseritur, il-

lud docet exemplar, cuius fragmentum retulimus.

Quid præterea repetam Fulbertum Carnotensem, qui in Hymno de Sancto Piatone Dionysium Piatoni confociat, & martyrem sub Maximiano Piatonem facit? *Tornacum versus se direxit inclitus, cum Parisius iret Beatus Dionysus, at Caesar Maximianus, ut Piatu haurit famam virulentis auribus, comprehendere iussit eum ad necandum protinus.* An autem vir apprimè doctus, qui Roberti Regis Cancellarius Lutetiae vixit, opinor, commentitiam Piatonis & Dionysij societatem excernere non potuerit, aut veram & pristinam illius urbis traditionem ignorarit, nemo nisi monachus sit Sancti Dionysij, pronuntiabit?

Quid repetam Sancti Audomari gesta, ubi Folcardus Sancti Bertini monachus, Fuscianum, Victoricum & Quintinum Dionysij collegas fuisse scribit? Atqui cum in veteribus Bibliothecæ Corbeianæ & Sancti Germani Prætextensis codicibus quos ille laudat, Victoricus, Fuscianus & Quintinus Piatoni iunguntur, Piatonem quoque Dionysio Victorici, Fusciani & Quintini socio iungi posse, quis non intelligit?

Quid repetam vetus MS. Parisiense Breuiarium, in quo ad 17. Sept. hæc de Sancto Audomaro legebantur: *Predictus igitur Tervuanensis populus, licet ante aduentum Beati Audomari à sociis Dionysij & martyribus Fusciano & Victorico verbum audiisset diuinum eodem tempore, quo Sanctus Quintinus in Ambianensi predicabat urbe.*

Quid repetam Vsuardum, in cuius exemplaribus cum manuscriptis, tum Lutetiæ, Rotomagi, Coloniae, Venetiis, Lugduni & Patavij editis, Piatodionysij comes appellatur ad primum Octobris: *Civitate Tornaco passio Sancti Piatonis presbyteri & martyris, qui cum Beato Dionysio eiusque sociis ab urbe Roma Galliam predicationis causa expetiit, &c.* Vsuardus ergo, qui ante annos octingentos iussu Caroli Magni Martyrologium scripsit in monasterio Sancti Germani Parisiensis, ea habuit monumenta, quæ Piatonem Dionysij socium exhiberent. Vtrum autem recentia illa fuerint, & esse nunc, si extarent, dicerentur, non meum, sed aliorum sit iudicium. Porro verò nihil est admodum, cur hac in parte usus ille monumentis dicatur, quæ cum historia Saturnini, & Gregorio Turonensi pugnarent.

Quid repetam Parisiensem Ecclesiam, monasterium Sancti Dionysij, Sancti Germani Pratenfis, Sancti Martini de campis, Sancti Victoris, Ecclesiam Sancti Sepulchri Parisiensis, quid, inquam, repetam plures alias Ecclesias & monasteria, in quorum martyrologiis Piatodionysij comes legitur ad primum Octobris.

Præcedentia confirmantur tribus antiquis vitæ Sancti Luciani Bellouacensis exemplaribus.

V. Quæ de inita Piatonis cum Dionysio societate diximus, tribus antiquis vitæ Sancti Luciani exemplaribus confirmantur, quorum

vnum est in Parisiensi Ecclesia, duo alia Rotomagi in Bibliotheca viri clarissimi Ioannis Bigotij Curia subsidiorum decani. Videamus ergo, quæ de Dionysio nostro in illis exemplaribus narrantur: *Eodem, inquit, itaque tempore beatissimus vir Sanctus Lucianus sanctissimo martyri consociatus Quintino, vrbe Roma cum Beato Dionysio pariter egressi Gallias adierunt.* Post alia: *Lucianus à Beato Dionysio presbyteri sumpsit officium, & ad Bellouacensem urbem cursu properauit intrepido, atque tunc Sanctus Dionysius Parisius adiit.*

Verùm in gratiam veritatis, cui soli vacamus, explicanda sunt omninò tria, quæ his in exemplaribus nonnihil facessere negotij possent. Vnum est, Lucianum, Quintinum & Dionysium sub Iuliano Cæsare missos referri, at hunc Iulianum non esse illum, qui à Christiana religione desciuit, sed alium quem in Italia se pro Imperatore gerentem Maximianus ad annum 286. castigauit. Sic, nî fallor, intelligi debet Rabanus in Martyrologio, vbi passum sub Iuliano Cæsare Lucianum asserit. Alterum, hæc exemplaria, vt & relata Fusciاني & Victorici gesta, pugnare quidem cum historia Saturnini, & Gregorio Turonensi, sed ex hac pugna Millerum pro Areopagita lucrari nihil; immo ex illis liquidò constare, nullum de Areopagita in Gallias aduentu rumorem fuisse, quo primùm tempore historia Luciani composita, aut reconcinnata est. Tertium, ex consilio Milleti, qua parte Martialis epistolæ defendit, *veterum scriptorum exen-*

plaria non repudianda penitus, sed expurganda esse; quod hac in historia faciendum censemus.

Nunc breuiter quærendum est, quam ad li-
neam expurganda sint. Milletus ad eorum, qui
post Carolum Magnum vixerunt, iudicium
prouocat, reiectis iis, qui rerum gestarum
temporibus æquales, aut viciniore fuerunt.
Ego verò ad eos prouoco, qui ante Carolum
Magnum scripserunt, qui per ætatem ad Dio-
nysum & Lucianum propius accesserunt, qui
primarum traditionum depositum suis libris
intulerunt, qui tandem nullas mecum neque
cum aduersario inimicitias exercuerunt, iis ex
legibus exceptionum repudiatis, qui post ex-
citam controuersiam veterum Sanctorum
historias refinxerunt, qui æquales Hilduini,
vel suppare, vel etiam recentiores floruerunt.
Iudicent verò viri egregiè cordati, vter no-
strum veritatem quærat integrius. Meus est in-
terim hac in re Irenæus, meus Tertullianus,
meus Vincentius Lirinensis, mei denique sunt
omnes, qui aduersus mendacium asserendi ve-
ri regulas olim præscripserunt.

Vno igitur verbo hæc vitæ Luciani exem-
plaria reformanda sunt ad Dionysianam epo-
cham, quæ & à veteri gestorum Saturnini scri-
ptore, & à Gregorio Turonensi sub Decio
collocata est. Quòd si vetustiores istis histo-
ricis auctores habeat aduersarius, quibus vitæ
Luciani exemplaria aliter reformentur, meos
esse volo, & Gregorium Turonensem ab hac
correctione alienum esse consensio, vt non se-

mel vni me intentum esse veritati probem.

*Initam Piatonis cum Dionysio societatem
conuoluit aduersarius.*

VI. Restat modò, vt quartum expediamus, quod furtim, vt loquitur, præteriens more suo conuoluit, ne quid ex antiquis monimentis veri colligatur. Res sic se habet: Ego vt quæsitæ locis communibus effugia præcluderem, quibus incertum Vsuardi Martyrologium efficiunt, in eodem obseruaueram, Dionysio coniungi Piatonem, qui sub Maximiano martyrium fecit. Hanc epocham cum euellere non potuit aduersarius, sic elusit: *Molanus loco Dionysij in Vsuardi Martyrologio ad primum Octobris, & in indiculo Sanctorum Belgij reposuit Quintinum ex aliis Martyrologiis, uti asserit.* Hic in gradum & lineas redeat, vnde tergiuersando excidit Milletus: quæstio non est, quid rectè, an perperam egerit Molanus in editione Vsuardi, sed quid reuera Vsuardus de Dionysio & Piatone scripserit ad primum Octobris. Vbi verò quærenda est hæc veritas? Milletus in Belgio quærit, ego in Gallia; Milletus Louanij in locis incognitis, ego Lutetia in ipso monasterio Sancti Germani, hoc est, in Bibliotheca Milleti, in Ecclesia Parisiensi, in Ecclesia sancti Germani Autisiodorensis, in Ecclesia Sancti Sepulchri, in monasterio Sancti Martini de Campis, in monasterio Dominicanorum ad portam San-Iacobam, in Monasterio Monialium Sancti Antonij, in

monasterio Sancti Victoris, in monasterio Sancti Dionysij in Francia, in pluribus aliis Ecclesiis & monasteriis, quorum manuscripta Martyrologia, cum in nostro de Hilduini Areopagitici Iudicio, tum in animaduersionibus ad Samblacati Palladium exhibuimus. At hæc omnes Ecclesiæ, hæc omnia monasteria, quæ puro vel aucto Vsuardi Martyrologio vtuntur, sic constantissimè legunt ad primum Octobris: *Ciuitate Tornaco passio Sancti Piatonis presbyteri & martyris, qui cum Beato Dionysio Episcopo, eiusque sociis ab urbe Roma Galliam prædicationis causa expetiit, &c.*

An autem monachi Sancti Germani Prætenfis, Sancti Dionysij in Francia, & Sancti Martini de Campis falsarint Vsuardi fratris sui codices, si affirmarem, esset, cur de mea absurditate fortassis erubescerem: sine pudore tamen affirmare poterit aduersarius, qui relictis & suis & Galliæ nostræ manuscriptis in Belgium concessit, quæsitum quod ipsemet non inuenit. Ex illis mulieribus originem trahit, quæ cum foris essent egregiè oculatæ, domi prorsus cæcuriebant.

Deinde, quæcunque ante Molanum edita sunt Vsuardi Martyrologia, eandem semper repræsentant Dionysij & Piatonis societatem; repræsentat editum Patauij circa annum 1500. repræsentat editum Venetiis ann. 1522. & 1548. repræsentat editum Rotomagi ann. 1507. repræsentat editum Colonix ann. 1490. repræsentat editum Lutetiæ ann. 1490. & 1536. Itaque Molanus in editione Vsuardi perperam

egit, dum loco Dionysij Quintinum reposuit ad primum Octobris. Nec Milletus satis expendit, quos ille in indiculo Sanctorum Belgij Piatonis & Quintini socios facit, Lucium & Albinum, qui tam non reperiuntur in laudatis veteribus membranis Corbeianæ & Prætenfis Bibliothecæ, quàm Dionysius.

Ex vera Vsuardi lectione ad primum Octobris quid colligatur?

VII. Cùm igitur meridiana luce clarius sit, ab Vsuardo Piatonem Dionysij factum fuisse socium; videamus modò, quid inde pro nostra sententia colligatur.

Imprimis Vsuardus certissimè credidit, Dionysium Parisiensem non fuisse Arcopagitam, cùm Piatonem Dionysij socius sub Maximiano martyr occubuêrit.

Deinde tam non potuit Vsuardus contra Ecclesiæ Parisiensis, monasterij Sancti Dionysij, & sui Sancti Germani traditionem scribere, quàm non potest Milletus contra Hilduini, & hodiernam monasterij Sandionysiaci credulitatem sentire. In exemplum erit Abælardus, quem miris & lamentabilibus modis homines monachi torserunt.

Præterea necesse non est eruditum, & in Parisiensis Ecclesiæ traditionibus versatum scriptorem, Dionysij, Piatonis, seu aliorum Sanctorum acta secutum, quæ cum historia Sancti Saturnini & Gregorio Turonensi pugnent. Sint non pura, sint non integra

Piatonis, seu Fusciani & Victorici gesta, quæ nunc in Bibliothecis circumferuntur: quid ad ea refert, quibus ante annos octingentos Lutetia vti potuit Vsuardus. Hoc vnicum mihi sumo, quod in exteris licet cæcutierit, in domesticis tamen viderit ille homo, cui conscribendi Martyrologij prouinciam Imperator demandauit. Quare Gregorius Turonensis septem illustriores Episcopos sub Decio legatos prodidit, alij alios omnes ferè presbyteros numerarunt, qui vel Dionysium secuti sunt, vel quibus sub Maximiano Dionysij martyrium præluxit.

Denique non sine causa (si tamen vlla causa sit) Milletus, qui veritatem non quærit, Vsuardum impugnat, à quo cum Parisiis scripserit in monasterio Sancti Germani, res sic absolutè secundum nos pronuntiatur, vt ad alios prouocari non liceat, nec vllus imposterum supersit ambigendi locus. Quæ enim conditiones rem certam facere possunt, omnes in Vsuardum cadunt: locus, vbi scripsit, patriæ traditio, quæ præ manibus erat & oculis, tempus non suspectum, quo scripsit, probitas personæ, quæ scripsit, & vicinia monachorum Sancti Dionysij, à quibus nihil tulisset impune, siquid contra Patroni monasterij decus & gloriam attentasset.

CAPUT VII.

*Quatuor examinantur ; accommodata V-
suardi Martyrologio responsiones due,
producta ab aduersario Martyrologia, &
Remensis Martyrologij repudiatio.*

I. **I**N Responsione ad tertium Dissertatio-
nis caput sunt quatuor, quæ cum egre-
gio disputatore nunc diligenter examinanda
sunt. Vnum est prima responsio, quam Eccle-
siarum Galliarum Martyrologiis quæ opponun-
tur, accommodat. *Vnius*, inquit, *affertur*
Vsuardi textus, *ferè in omnibus Ecclesiis lecti-*
tari solitus, *quod Molanus in ipsa fronte Mar-*
tyrologij Vsuardi à se editi sic testatur. Marty-
rologium Vsuardi, quo Romana Ecclesia ac
permultæ aliæ vtuntur. *Et concludit aduersa-*
rius omnia Martyrologia refragari nostra sen-
tentia. *Correctius, opinor, dixisset unum Vsuar-*
dum & solum. Rectè quidem aduersarius ille
dixit, sed Milletus accedit pessimus omninò
corrector. Etenim si quod ab initio proprium
fuit Vsuardi Martyrologium, in priuatum Ro-
manæ & aliarum Ecclesiarum ius transiuit ;
quid quædò impedit, quominus, amisso, vel
certè communicato Vsuardi nomine, Romana
& alia quæuis Ecclesia proprium habere Mar-
tyrologium verè affirmatèque dicatur ? Consi-
dera si placet, lector, quàm prudenter dispu-

ret in Vindiciis aduersarius: In Florentina Synodo Latini contra Græcos disputant, pro asserenda Spiritus sancti processione ex Græcis Græcos arguunt, & Metaphrastem perurgent, qui in vita Dionysij hoc ipsum confirmat quod Latini contendunt. Ex quo postea Milletus ita toti Synodo tributum, quæ de Dionysij in Galliam accessu Metaphrastes scripsit. Hoc audet ille, hoc inquam audet, quod alibi ridiculum ostendimus, & tamen in hac Vindiciarum defensione vetat, ne Romanæ & pluribus aliis Ecclesiis tribuatur, quod de duobus Dionysiis primo, tertio & nono die Octobris legunt in Martyrologio Vsuardi. His ille seipsum extricet pedicis, si potest.

Sed cominus adhuc conuenio virum tam inaniter disputantem: Qua ratione Martyrologium, quod Vsuardus ex quibusdam *precedentium Patrum Martyrologiis*, ut loquitur, aliquid demendo vel addendo collegit, suum ita fecit, & fecisse meritò censetur: sic & Romana & alia quæuis Ecclesia suum quoque fecit Vsuardi Martyrologium, & fecisse iure censenda est, quæ illud aut solo suo usu probauit, aut adiiciendo non nihil, immutando, vel derrahendo ad morem proprium redegit. At de Martyrologio Vsuardi istud ab Romana & aliis pluribus Ecclesiis factum, quis negabit vnquam, nisi Milletus? Itaque sicut cum Vsuardi Martyrologium dicimus & laudamus, de aliis Martyrologiis, quæ Vsuardus sequitur, nemo verè cogitat: sic cum Romanæ, Parisiensis, & aliarum Ecclesiarum Martyrologia dici-

mus & citamus, nihil est omninò, cur Vsuardi Martyrologium, quocum alioquin alia conueniunt, nominatim quis intelligat. Cùm ergo diuersarum Ecclesiarum Martyrologia in eadem re inter se, & cum eo, quod ab initio traditum est, consentiunt, vt in Dionysio Parisiensi & Atheniensi consentire videntur, nullus opinor, ibit inficias, quin ex illis res in quæstione posita decernatur.

At enim circumspectissimus vir occurrit, & idem in omnibus ferè Ecclesiarum Martyrologiis lectitari causatur. Quid tum? optimè verò dissidere Ecclesias in suis vult Martyrologiis, & vnas vnum de Dionysio Parisiensi & Atheniensi, alias aliud sentire? ô præposterum iudicij virum! Ruat igitur omnis vera & prisca traditio necesse est, vnde vel vnicâ inconcussâ stare machinâ & fulcimento hætenus creditum est.

*Examinatur altera responsio Martyrologio
Vsuardi accommodata.*

II. Alterum est responsio secunda, qua & se & Vsuardi Martyrologium sic irridet: *Vsuardum nec videri fauere nobis, nec aduersari.* Proh Deum immortalem! Qui Vsuardus anno 1638. in Vindiciis lib. 2. cap. 4. aduersabatur Millecto, nunc anno 1642. nec illi fauere, nec aduersari videtur. *Sed ponamus*, inquiebat anno 1638. *Vsuardum aduersari nobis, quid tanti denique est? ex corrupto Bedæ Martyrologio, vnde pleraque alia mutuatus est, mendum illud (de vtroque Dionysio) contraxit.* Dico ampliùs,

Qui Vsuardus hîc paragrapho primo nec fauere nec aduersari videtur, ille idem paragrapho tertio totus ex aduersariis est. Mihi non credis lector, nec ægrè fero; audi tu lepidum illum scriptorem: *Certè non temerè quidem diximus Vsuardum nec fauere nobis, nec aduersari. Cogitatiùs verò consideranti textum, & morem eius antiqui Martyrologi, apparet continuò totus ex nobis.* Qui sic scribit, non tam disputare, quàm garrite mihi videtur.

Enimuero cogitatiùs textum Vsuardi expendamus: Calendis Octobris. *Cinitate Tornaco Sancti Piatonis presbyteri & martyris, qui cum Beato Dionysio Episcopo, eiusque sociis ab urbe Roma Galliam predicationis causa expetiit, ac postea consummato martyrio migravit ad Dominum.* Ecce tibi Dionysius comes Piatonis, qui sub Maximiano passus est.

Quinto nonas Octobris: *Natale Beati Dionysij Episcopi & martyris, qui post clarissimam confessionem fidei, post grauissima tormentorum genera glorioso martyrio coronatus est, ut testatur Aristides vir fide sapientiâque mirabilis in eo opere, quod de Christiana religione composuit.* Septimo Idus Octobris: *Apud Parisum natale sanctorum martyrum Dionysij Episcopi, Rustici presbyteri, & Eleutherij Diaconi, qui Beatus Episcopus à Pontifice Romano in Galliam predicandi gratia directus ad prefatam urbem deuenit, ubi per aliquot annos commissum sibi opus fideliter prosequens, tandem à prefecto Fescennino unâ cum sociis gladio animaduersus, martyrium compleuit.*

Hic quantum Vsuardus aduerfetur Mil-
 to, doctorum vel indoctorum nullus est, qui
 non faciliè deprehendat. 1. Qui Dionysius pa-
 titur quinto nonas, Athenienfem passionis te-
 stem habet Aristidem; qui Dionysius patitur
 feptimo Idus, Athenienfem passionis testem
 non habet Aristidem. 2. Qui Dionysius pati-
 tur quinto Nonas, nullos habet passionis fo-
 cios; qui Dionysius patitur feptimo Idus, duos
 habet passionis focios, Rusticum & Eleuthe-
 rium. 3. Qui Dionysius patitur quinto Nonas,
 diuerfis tormentorum generibus, nec tamen
 exploratis patitur; qui Dionysius patitur fe-
 ptimo Idus, explorato supplicio patitur, capi-
 tis fcilicet amputatione. 4. Qui Dionysius pa-
 titur quinto Nonas, sub quo patiatur Cæfare
 vel præfecto, non dicitur; qui Dionysius pa-
 titur feptimo Idus, sub præfecto Fescennino
 paffus dicitur. 5. Qui Dionysius patitur quinto
 Nonas, missus in Galliam à Pontifice Roma-
 no non significatur; qui Dionysius patitur fe-
 ptimo Idus, in Galliam missus à Pontifice Ro-
 mano significatur. 6. Qui Dionysius patitur
 quinto Nonas, Lutetiam Parisiorum venisse
 non dicitur; qui Dionysius patitur feptimo
 Idus, Lutetiam Parisiorum venisse dicitur.
 7. Qui Dionysius patitur quinto Nonas, & qui
 Dionysius patitur feptimo Idus, ea verborum
 compactione paffi describuntur, vt idem Dio-
 nysius paffus describi non videatur. 8. Qui
 Dionysius patitur feptimo Idus, Calendis di-
 citur Sancti Piatonis collega, sed Piatò sub
 Maximiano cùm paffus fit, Dionysius Piatonis
 focius

socius non potuit esse Areopagita, qui quinto Nonas martyrio coronatur. Potuit certis Parisiensis ab Areopagita discerni? potuit evidentiùs?

Verum enim verò è tot notis, quibus V suardi mens explicatur, secundam aliis prætermisissis Milletus furtim arripit, cui sic respondet paragrapho tertio: *Vnius*, inquit, *mentio facta est Dionysij eo die, quo apud Græcos celebris est illius memoria, quia nimirum Græcorum intererat, suum Dionysium Atheniensem Proto-Episcopum memorari, non item socios Roma illi adiunctos, ac nihil tanti de Gracia meritos.*

Hic primò subtilissimus pater supponit, quod ex V suardo probandum fuit, Dionysij Areopagitæ mentionem fieri eo tantùm die, quo apud Græcos celebris est illius memoria. At Ecclesia Carnotensis, Ambianensis, Venetensis & Narbonensis utriusque Dionysio duo diuersa Officia præscripserunt, ut alibi docuimus. Areopagitæ quidem tres lectiones quinto Nonas, Parisiensi verò nouem lectiones septimo Idus Octobris. 2. Si pro Græcis tantùm scripssisset tertio die Octobris, more Græcorum scripssisset mutuatus opinor, quæ illi de Areopagita in Menologiis scribunt. At in veteri Græcorum Menologio nihil reperit Hilduinus præter diem Natalitij eius, & quia Atheniensem Episcopus fuerit. Quod & in Latino Menologio Sirletij sic exaratur: *Certamen Sancti Patris nostri Areopagita Episcopi Athenarum.* Vbinam quæso eadem est verborum constructio, & citatus apud Græcos Aristides?

3. Si sociorum Dionysij non meminit Vsuardus, quia nihil tanti de Græcia meriti sunt homines Dionysio Romæ adiuncti; quid ergo meminit diuersorum Dionysij tormentorum & martyrij, cùm ex quo Roma in Galliam venit, suis cruciatibus & martyrio nihil tanti de Græcia meritis est? Præterea Eusebij Martyrologium, quod Milletus citat, Græcum opinor fuit, & auctor Græcus, Dionysio tamen socios adiungit, sed forsan non suo, sed Latinorum more locutum eruditus ac versatilis pater affirmabit.

Obiicit adhuc, Vsuardum tertio Octobris die non significare locum, quo memoratus inibi Dionysius martyrium fecit, aliis verò Dionysijs locum semper assignare, quo quisque mortuus est. At contrà bis aduersario locum illum sufficientissimè designauit: semel quidem in Vindiciis lib. 2. cap. 4. Sed ponamus Vsuardum nobis aduersari, quid tanti denique est? Ex corrupto Bedæ Martyrologio mendum illud (de utroque Dionysio) contraxit. Iterum in hac Vindiciarum defensione, vbi docet mentionem factam esse Dionysij eo die, quo apud Græcos celebris est illius memoria, quia nimirum Græcorum intererat suum Dionysium Atheniensem Protoepiscopum memorari. Secum habet Milletus, cogitet quid velit, quid scribat, & loquentem prius audiat Tertullianum: Verba hæc tua sunt, quorum te & alibi meminisse oportuerat, ne quid his contrarium inferres.

Deinde nisi satis expressè Dionysium Areopagitam Vsuardus significasset, cur quidam

Sancti Germani monachus erasit, quicquid de illo Dionysio ad tertium diem habebatur? 3. Mortis locum apertè designauit, vbi eorum, quæ de Dionysio dixit quinto Nonas, clarissimæ scilicet fidei confessionis, quam edidit, & diuersorum tormentorum, quæ tulit, testem appellat virum Atheniensem. 4. Sunt plures aliæ notæ, quibus vt antea patuit, discrimen vtriusque manifestissimum fecit, si Piato, verbi gratia, Dionysij nostri comes fuit, vti fuisse Vsuardi cùm edita, tum manuscripta Martyrologia constantissimè perhibent; quo vnquam pacto intelligemus eundem esse tertio atque nono die Dionysium, nisi velint Arcopagitam ad Diocletiani tempus peruenisse? Ceterum aliis Dionysiis rectè locum assignauit, cùm vix aliter, quàm ex loco distingui potuerint.

*Examinantur producta à Millete
Martyrologia.*

III. Tertium, quod examinandum occurrit, in productis à Millete pluribus Martyrologiis consistit; & primò quidem in iis, quæ vnus tantùm Dionysij sic meminerunt septimo Idus Octobris. *Natale sanctorum Martyrum Dionysij Episcopi, Rustici presbyteri, & Eleutherij Diaconi.* At primò de istis & aliis omnibus Martyrologiis peritissimus censor sic decernit; lib. 2. Vindiciarum cap. 4. *Nulla ad nos, nisi adiectione nominum sanctorum, aut Græcorum imitatione Martyrologia corrupta perueniunt. Tunc omnia corrupta sunt Martyro-*

logia, quando nocent, tunc incorrupta, quando videntur prodesse. Itaque si vis ut neget aduersarius, negabit, si vis, ut affirmet, affirmabit. Sic in monasterio Sancti Dionysij quaeritur veritas. 2. Quicquid ex vnus Dionysij mentione per rationem colligi potest, confutat ipse in epilogo Responſionis cap. 6. *Sed dicimus id argumenti & merè negatiuum esse iuxta vanissimum.* Quod & nos alibi non semel ostendimus. In centum volo Martyrologiis non sint duo nostri Dionysij, sed vnicus tantum: in centum aliis si reperiantur duo, quid infantissimus dialecticus concludet? Nam tamen si in aliquot Martyrologiis vnicus legatur Dionysius ad nonum Octobris, sequiturne illum fuisse Arcopagitam? Praesertim cum nec Arcopagita, nec Atheniensis, nec ab Apostolo Paulo conuersus significetur. Si in vno aut altero Martyrologio nullus haberetur Dionysius, nullumne vnquam in rerum natura Dionysium extitisse concluderes? Hoc simplicium abnutiuorum genere nemo, qui sapiat, vititur, dum in eadem temporis periodo vnus liber id habet, quod alter non habet.

*Productum perperam à Milieto Bedæ
Martyrologium.*

IV. Secundò Milletus contra Hilduinum, contra veteres monachos Sancti Dionysij, & contra seipsum Bedæ Martyrologium producit. Contra Hilduinum quidem, cum ille in epistola ad fideles disertè fateatur, Dionysij

Parisiensis & Arcopagitæ discrimen, *antumatione Gregorij Turonensis, & subreptione Bedæ hominum animos suo tempore occupasse*: Contra veteres Sancti Dionysij monachos, qui verbis ad palinodiam coegerunt Abaëlarum suum, quod Bedæ sententiam Hilduini credulitate potiore affirasset. Denique contra seipsum, cum in Vindiciis scribat, *Vsuarium ex corrupto Bedæ Martyrologio, mendum illud* (de duobus Dionysiis) *contraxisse*.

Adhæc Milletus imponit Baronio, vel inaniter auguratur, dum quod Bedæ antiquissimum apud se Martyrologium habuisse dicit, *illud purum atque incorruptum* appellat, sed hoc nec Baronius asseruit, nec fortean expendit, aut expendere potuit. Quid enim à Floro & aliis subinde additum Bedæ Martyrologio vel detractum sit, nemo verè dicet unquam, donec germanum Bedæ inuenerit, recognoueritque Martyrologium. Hoc autem quid facile fieri posset?

Baronius quidem tradit ex Græcorum *fortè Menologiis* auctum esse Bedæ Martyrologium; sed rectè cum particula dubitandi loquitur, quam quia nocet, sincerè præterit Milletus. Et reuera eadem non est in veteribus Menologiis rerum & verborum series, quæ in vulgato Bedæ Martyrologio. Ex mutua collatione res clarior euadet: Sic habet Bedæ Martyrologium tertio Octobris die; *Natale Sancti Dionysij Arcopagite qui ab Apostolo Paulo instructus credidit Christo, & primus Athenis ab eodem Apostolo Episcopus est ordinatus, & sub Adriano*

principe post clarissimam confessionem fidei, post gravissima tormentorum genera glorioso martyrio coronatur. Septimo Idus Octobris: Apud Parisium natale sanctorum martyrum Dionysii Episcopi, Eleutherij presbyteri, & Rustici Diaconi, &c. At verus Menologium, quod vidit Hilduinus, sic habet: *Habemus*, inquit Græcæ auctoritatis Martyrologium, in quo diem natalitij eius (Areopagitæ) designatum, & quia Atheniensium Episcopus fuerit, reperimus annotatum. In altero quoque Menologio, quod Latinum fecit Sirletus, hæc tantum leguntur tertio die Octobris: *Certamen Sancti Patris nostri Areopagitæ Episcopi Athenarum.*

In his ergo Menologiis nihil de Apostolo Paulo, nihil de ordinatione Episcopatus, nihil de Adriano principe, nihil de confessione fidei, nihil de gravissimis tormentorum generibus refertur, quæ tamen omnia in vulgato referuntur Martyrologio Bedæ.

Si quod autem Venetiis prodiit Græcum Menologium, habuisset qui Bedæ Martyrologium auxit, aliter omninò fecisset, atque fecisse suspicatur Baronius. Ad tertium quippe diem Octobris Dionysium Parisiensem cum Atheniensi confudisset, quos in Martyrologio Bedæ penitus distinxit, ut vidimus. At enim vix habere potuit Menologium, cui recentiores Græci intulerunt, quicquid de nescio qua muliere Catula, de gestatione capitis, & aliis Methodius & ceteri ex quorundam Gallorum Commentariis Græcæ fidei tradiderunt.

*Producta perperam à Milleto Bedæ
Ephemeris.*

V. Tertiò Milletus ex Ephemeride Bedæ hæc producit septimo Idus Octobris: *Parisius Dionysij, Rustici presbyteri, & Eleutherij Diaconi.* At vulgatum in Ephemeride Bedæ Calendarium non priùs illi tribui debet, quàm vir in doctrina temporum versatissimus arbitretur Bedam Bonifacio Moguntino, Vvilibaldo Eistetenfi, Otmaro Abbate, & Huldarico Augustensi posteriorem esse, quorum primus anno 754. secundus anno circiter 755. tertius anno 758. quartus anno 939. diem extremum clausit. Deinde ex hoc Calendario in plerisque diebus vacuo idem concluderet, quod ex Parisiensis Ecclesiæ Calendario, ubi qui vnicus cum sociis Dionysius ponitur, in eiusdem Ecclesiæ Litaniis æræ Diocletianæ martyribus connumeratur. quare Dionysius iste non potest non esse Arcopagita. Sic acutus homo disputat.

*Productum perperam à Milleto Rabani
Martyrologium.*

VI. Quartò Milletus Rabani Martyrologium adducit, sed quod reuera causam Arcopagiticam iugulat, & auctorem suum de Dionysio locutum ab hac lite excludit. Referimus verba, quæ vt more suo fucum faciat, reticet aduersarius. Septimò Idus Octobris. *In Pa-*

rifio passio Dionysij Episcopi & martyris, Eleutherij presbyteri, & Rustici Diaconi, quos referunt à Clemente Papa in Galliam ad predicandum verbum Dei missos. Hic de Dionysio refert, quæ ab aliis suo tempore iactabantur. Sed Nonis Augusti Dionysium eundem memorat à Petro legatum: In ciuitate Catalannicæ, inquit, depositio Memmij Episcopi & Confessoris, de quo legitur, quod à Beato Petro Apostolo in Romana sede ordinatus Episcopus missus fuisset in Galliam cum Sancto Dionysio & Sancto Sixto.

Mirabilis est Dionysij Parisiensis in Galliam missio & aduentus. Etenim apud eos, qui de illo post Carolum Magnum scripserunt, siue à Petro, siue à Clemente missum faciant, siue etiam cum Magdalena venisse Massiliam ad annum Christi 35. dixerint cum Vincentio, semper est Arcopagita.

Productum perperam à Milieto Vvandelberti Martyrologium.

VII. Quintò Milletus opponit Vvandelberti Martyrologium, sed frustra: etenim ex commentariis Monachorum Sancti Dionysij profecta sunt, quæcunque de Dionysio duobus in locis Vvandelbertus seu alius cecinit. Hoc apprimè testantur versus illi tres, quos ad decimum Calendas Maij habet de inuentione martyrum:

*Hac quoque diuino patuerunt prodita nutu,
Corpora martyrio Ecclesiam lustrantia trino.
Dionysij, Rustici, Eleutherique beati.*

Hæc porro ſi ad noſtram de miraculis Dionyſij, & de gloria ſepulchri illius collectionem componas, nunquam admittent ſolem tam clæræ veritatis.

*Produçtum perperam à Milleta Eusebii
Martyrologium.*

VIII. Sextò Milletus opponit ex Corbeiana Bibliotheca Eusebij Martyrologium, vbi ita legitur 7. Idus Octobris: *Parisiſ natalis Sanctorum Dionysij Episcopi, Rustici presbyteri, & Eleutherij Diaconi, & quinto Nonas nihil.* Ex quo vir subtilis colligit Dionysium istum Areopagitam fuisse, quia quinto Nonas nulla fit Areopagitæ mentio, cui egregiæ ceteroqui conclusioni primò responder auctor in epilogo cap. 6. *Id argumenti dicimus, inquit, merè negatiuum esse iuxta vanissimum.* 2. responder in Vindiciis lib. 2. cap. 4. *Nulla, inquit, ad nos, nisi adiectione nonorum Sanctorum, aut imitatione Græcorum Martyrologia corrupta perueniunt.* 3. responder in responsione ad cap. 3. parag. 3. *Græcorum non interesse socios Dionysia Roma adiunctos memorare, quia nihil tanti de Gracia meriti sunt.* Vnde cùm Græci Areopagitæ socios non adiungant, quæ in hoc Eusebij Martyrologio de Dionysio & eius sociis dicuntur, ad Areopagitam minimè pertinent. 4. responder Hilduinus in Areopagiticis num. 10. *Habemus, inquit, Græca auctoritatis Martyrologium, in quo diem natalitij eius (Areopagitæ) designatum, & quia Athenien-*

sum Episcopus fuerit, reperimus annotatum, quod *Martyrologium*, ut antiquitas eius de monstrat, ex eo tempore constare posse non incongruè remur, quo Constantino inueniuntur martyria Sanctorum Domini de toto orbe collecta, & Cesaream sunt conuecta. In hoc ut vides *Martyrologio*, quod ex verbis Hilduini facilius Eusebio tribueretur, quàm istud, & Arcopagitæ nomen, & eius in Atheniensis Ecclesia Episcopatus legantur, quæ duo in producto *Martyrologio* non leguntur.

Denique nostrum de isto Eusebij *Martyrologio* iudicium dissimulauit. *Martyrologium* istud (aiebam) quia Hieronymum, Augustinum, Gregorium, Leodegarium, dedicationem Corbeiensis Ecclesie continet, an sit Eusebij, nobis adhuc valde inexploratum est. Deinde quæ fieri potuit, ut Eusebius quinto Nonas Maij notet Inventionem Sanctæ crucis ab Helena regina post Passionem Domini anno 333. regnante Constantino Imperatore? Etenim crux ad annum 326. inuenta est, & Constantinus imperare cœpit anno 306. An autem Eusebius tam fœdè errauerit, Arcopagiticis discutiendum relinquo.

*Examinatur reiectio Martyrologij
Remensis.*

IX. Quartum, quod examinandum superest, ad Remense spectat *Martyrologium*. Hic totum deartuat sese Milletus, ut illi *Martyrologio* pondus auctoritatis abroget. Imprimis dicit illud è latebra sua productum. Sic illu-

stris Ecclesiæ chorum appellare placuit, ubi singulis diebus recitatur; quasi verò dici non posset Eusebij Martyrologium è Corbeix latetebra productum, aut Pippini diploma è tabulario depromptum, quod ficta non pauca priuilegia diu seruauit. Deinde dicit illud non potuisse Hincmarum Remensem antecedere, cum Areopagiticæ sententiæ tenacissimus sit. At detur antiquius, in quo quid Hincmaro tribuunt, reperiatur. Adde quod tam potuit antecedere Hincmarum, quàm Vsuardus antecessit Hilduinum, in cuius monasterio diu lectum Vsuardi Martyrologium alibi probauimus. 3. Supponamus Remense Martyrologium Hincmari tempus subsecutum, quid inde? nisi quod nobilis Ecclesia inductam ab Hilduino & Hincmaro nouitatem reiecerit. Præterea dicit ne ducentorum quidem annorum esse, & gratuito à nobis *antiquissimum* vocari, quasi verò quod antiquissimum est, non posset recenti manu exarari. Nouerit solertissimus censor ætatem Ecclesiasticorum librorum, qui quotidie tractantur, ex sola scriptione non pendere. Quis est enim tam vecors, ut nesciat Martyrologia, quæ diuturno usu atteruntur, & obscurantur, frequenter ad commoditatem legentium describi. Vetustius aliquod Remense producendum erat exemplar, à quo apographum, quod citauimus, degenerarit. In eiusmodi libris metienda est ætas ex rebus, quæ narrantur. At Remense Martyrologium, cum Vsuardi, Adonis & vulgato sub nomine Bedæ Martyrologio si conferas, longè

simplicius inuenies. Quo autem simpliciora sunt Martyrologia, eo sinceriora apud eruditos habentur. Deinde ponamus quosdam è nouis Sanctis in hocce Martyrologio additos reperiri? Quid tum? Cùm audeat Milletus Eusebij Martyrologium vt antiquissimum absolute laudare, tamen in eodem Leodegarium, & dedicationem Corbeiensis Ecclesiæ deprehenderimus, vt interim omittamus nihil esse in illo Eusebij Martyrologio, quod Milleti causam iuuet, & insuper dubitari, an Eusebius id vel aliud Martyrologij genus ediderit. Scilicet in omnibus legitima disputandi ratione nobis interdicerent, qui fucatam sequuntur.

Denique dicit Martyrologium Remense nullum habere auctorem, cùm *alia omnia habeant, aut Eusebium, aut Bedam, aut Vsuardum, aut Adonem, aut Romanam Ecclesiam.* At hic multipliciter imponit aduersarius, & primo quidem repugnantem non habet Ecclesiam Romanam, deinde consonum habet verus Constantinopolitanum Martyrologium, quod vidit Hilduinus. Habet 3. Menologium Sirleti, in quo sic legitur quinto Nonas Octobris: *Certamen Sancti Patris nostri Arcopagite Episcopi Athenarum.* 4. consentientes habet Bedam & Vsuardum, vel ipso iudice Milleto, si tamen illius leuitas sinat, vt pro iudice habeatur. *Sed ponamus, inquit, Vsuardum nobis aduersari, quid tanti denique est? Ex corrupto Bede Martyrologio mendum illud (de duobus Dionysiis) contraxit.* 5. Consonam habet Romanam Ecclesiam in veteri Martyrologio quod

Rosuucidus publici iuris fecit. Habet, inquam, cùm eam ob rem Milletus illud in Vindiciis vt dubium reiecit ac suspectum. 6. Habet Adonem, quem ipse in Vindiciis sibi opponit, & simul cum veteri Romano Martyrologio concerpit. 7. Consentientes habet Ecclesias Carnotensem, Ambianensem, Venetensem & Narbonensem, in quarum Calendariis duplex officium præscribi docuimus, vnum pro Arcopagita tertio die Octobris, alterum pro Parisiensi Dionysio & sociis nono die. 8. Consentientem habet Ecclesiam Sancti Symphoriani in eadem vrbe Remensi, vbi par hac in re Martyrologium lectitur.

Quàm versatile ingenium sit Milleti.

X. Nunc versatile hominis ingenium consideremus. Dum in Martyrologiis plurium Ecclesiarum eadem penitus verba, quæ sunt apud Vsuardum, & eundem habent proinde sensum, exhibemus, illa in responsione ad caput 3. Dissertationis negligit, quia vnus, inquit, affertur textus Vsuardi ferè in omnibus Ecclesiis lectitari solitus. Dum verò Remense Martyrologium producimus, in quo pauciora sunt verba, quàm apud Vsuardum, & alia verborum constructio; quæ tamen sensu cum aliis conueniunt, vt vidimus, & scopum peræquè feriunt; tunc illi fidem abrogat, cùm sit vnum & solum. Sanè extra caulas Arcopagiticorum vix reperies, qui sic balare velint & norint.

C A P V T VIII.

Ioannes Erigena de scriptoribus vite Sancti Dionysij ironicè locutus est, specimina quadam Dionysij vite per Hilduinum edita.

I. **I**N Responsione ad caput 4. Dissertationis paragrapho primo garrit more suo, & ex Vsuardi Martyrologio secum pugnat; tum Hilduino & Hincmaro panegyrim dicit, ubi quæ ipsis opponuntur, prudenter dissimulat, Sed paragrapho secundo me sic humanissimus scriptor conuenit. *Fuit autem ex aduersariis, qui diceret, Scotum ironicè locutum, sed quale id sit, quàm vanum, quàm ridiculum dicere superuacaneum nimis fuerit*: At ego iterum repeto, virum Græcè Latinèque eruditum, qualis erat Ioannes Scotus seu Erigena, vix aliter quàm per ironiam dixisse vitam Dionysij à fidelibus viris scriptam esse: quod tribus rationum momentis sic exequor.

Deducitur prima ratio, cur Erigena per ironiam locutus sit.

II. Prima ratio petitur ex ipsa verborum serie, seu vulgatam editionem Erigenæ, seu manuscriptam inspicias: sed utramque inspicere. Hunc eundem (Areopagitam) non præfati

Discussionis Caput VIII. III

viri (Polycarpus , Dionysius Corinthi , Eusebius , Gregorius) sed alij moderni temporis asserunt , (*quantum vita à fidelibus viris tradita testatur*) temporibus Papæ Clementis Romam venisse , & ab eodem predicandi gratia in partes Galliarum directum , &c. Si de Arcopagita in Galliam aduentu , nihil dicit Gregorius , nihil Eusebius , nihil Polycarpus , nihil Dionysius Corinthiorum Episcopus , cui Eusebius tribuit , quæcunque de Arcopagita in historiam intulit , sed illud *moderni temporis homines asserunt* ; quis non continuò intelligit , virum sapientem inter fiduciariorum Fratres ironicè locutum , ubi pro nouæ opinionis assertionem subiicit , *quantum vita eius à fidelibus viris tradita testatur*.

Manuscripta editio hæc est : Fertur præfatus Dionysius fuisse discipulus Pauli , à quo Atheniensem constitutus est Episcopus , cuius Lucas commemorat in actibus Apostolorum , & Dionysius Corinthi vir antiquus , beatus quoque Polycarpus in epistola ad Ecclesiam Athenarum , Eusebius item Pamphili in Ecclesiastica historia , nec non etiam Gregorius Papa in homilia sua , ubi breuiter Angelorum ordines exposuit. Hunc eundem asserunt , *quantum vita eius à fidelibus viris tradita testatur* , temporibus Papæ Clementis , &c. Quid sibi vult , hunc eundem asserunt ? non quidem Polycarpus , non Dionysius , non Eusebius , non Gregorius , non antiqui scriptores de Arcopagita locuti : quinam igitur asserunt , nisi recentiores ? suamne igitur an aliorum illis verbis exprimit sententiam ? Si non suam , vt

apparet, sed aliorum, qui recentiores tantum sint, nouitatem assertionis subridet, ne penitus configere dicatur, dum ait, *quantum vita eius à fidelibus viris tradita testatur.*

Nunc de Hilduino agamus, de Methodio postea.

Secunda ratio petita ex Rescripto Hilduini ad Ludouicum Imperatorem.

III. Secunda ratio promitur ex Rescripto Hilduini ad Ludouicum Imperatorem, seu ex Arcopagiticis, vnde hæc quatuor ad imposturarum specimen oculis omnium subiicimus.

Primum est ex num. 3. *Genere quidem nobilissimum, & Philosophia magisterio insignem apud Athenas, & aliarum historiarum, & Actuum Apostolorum testimonio secula prisca cognouerunt.* Hic & scripturæ sacræ, & aliis fœdissime imponit: Scripturæ quidem, cum ne verbum quidem vllum de nobilitate Arcopagitæ, vel illius in Philosophia magisterio contineat: Aliis verò cum nemo vnquam fuerit tam stupidus ante Hilduinum, vt ex Actuum Apostolorum testimonio Arcopagitæ nobilitatem, vel in Philosophia professionem adumbrarit. Hilduinum errantem secutus est Singelus, quem secutum esse maluisssem Chrysostomum lib. 4. de sacerdotio cap. 7. *Arcopagita, inquit, ille supersticiosissima ciuitatis illius ciuis nonne una cum uxore audita tantum Pauli concione illum secutus est?* Alterum ex num. 6. *Videtur porro in his missarum obsecrationibus non contemnenda*

remnenda auctoritas de memorata passione Sanctorum, cum extent apud nos epistola Innocentij, & post eum Gelasij, nec non & modernius Beati Pape Gregorij, aliorumque Pontificum ad Episcopos urbium Galliarum, & Antistitum nostrorum ad ipsos de more Romano in cunctis Ecclesiastica auctoritatis muniis imitando, quibus datur intelligi, ab annis pluribus hunc missæ tenorem de Gallica consuetudine recessisse, & hanc passionis istorum memoriam longè superiori tempore, his Occidentalibus partibus per supplicationum postulationes inolenisse. Hic & Romanis & Gallicanis Pontificibus imponit; Romanis quidem, cum nulla sit Innocentij, Gelasij, vel vllius Gregorij epistola, ubi, quæ refert Hilduinus, reperiantur; Gallicanis verò, cum nulla sit Gallicanorum antistitum ad Romanos epistola, ubi tantæ rei fiat aliqua mentio. Deinde Romanos & Gallicanos Præsules per summum scelus accusat, quòd in Areopagitica missionis & historiæ perniciem Ecclesiasticum officium mutarint.

Terrium ducitur ex num. 5. Quomodo caput proprium Angelico ductu celestis militiæ in celebratione exequiarum honoratus obsequio ad locum, ubi nunc requiescit, detulerit. O extremam fraudum omnium lineam! Non ubi monasterium Sancti Dionysij nunc est, sed Lutetiæ Parisiorum quieuit Dionysius, in vrbe tumulum habuit etiam regibus formidandum, quem quia Gregorius Turonensis appellat turritum, videre debuit. Sub Sigeberto Rege ad illum tumulum patrata sunt miracula

duo, quæ Gregorius retulit. Ad illum tumulum reorum sacramenta præstabantur, homines accusati purgabantur, Dei scelerum ultoris timor incutiebatur, pacta & fœdera firmabantur. Hoc sub Chilperico factum Gregorius, hoc sub Clotario II. repetitum testatur Fredegarius. Ad hunc tumulum patrauit miracula Eligius, *dum anniuersaria Parisius Sancti Dionysij martyr is celebraretur passio, dum vigilia à Clero caneretur in choro.* Ut scribit Audœnus Rotomagensis in vita Eligij.

Quartum habetur ex Hilduini epistola ad fideles: *Qui curiosius, inquit, hoc scire uoluerit* (Arcopagitam fuisse Episcopum Parisiensem) *ut de multis quadam designemus ex nomine, Eusebij Casariensis historiam perquirat & releget.* At isto mendacij genere quid esse potest luculentius?

Tertia ratio petita ex Dionysiane passionis historia.

IV. Tertia ratio suggeritur ex Dionysiane passionis historia, quam Hilduinus vitiosissimè scripsit. Mihi non crede, sed tuis oculis, quibus hæc pauca de multis exponimus.

Vnum est, titulus passionis: *Incipit passio Sanctissimi Dionysij, qui patriotico prænominè Ionicus, Christiano agnomine appellatus est Macarius, à Sancto Paulo Atheniensium ordinatus Archiepiscopus, à Clemente totius Gallia constitutus Apostolus.* Hæc omnia quid sibi velint explicet Milletus? quid patrioticum Dionysij

Discussionis Caput VIII. 115

prænomen, *Ionicus* ? quid Christianum cognomen, *Macarius* : quid constitutus *Archiepiscopus*, ubi nulli tunc erant *Episcopi* ? tum non *Athenæ*, sed *Corinthus* prouinciæ caput erat. Quid *Archiepiscopi* nomen primo ut minimum alteròve sæculo Ecclesiæ ignotum, & iis postea ferè solis primò tributum, qui Patriarchæ dicti sunt ? In Gallia Concilium *Matisconense* primum *Archiepiscopi* nomen exporrex-
xit, & canone sexto *Metropolitano* concessit.

Secundum est, hæc *Clementis* ad *Dionysium* adlocutio, quæ habetur num. 19. *Vides carissime Macari Dionysi, quanta est messis Dominicae sationis, & quam pauci sunt operarij. Quia ergo de omnibus Catholica pietatis es sufficienter edoctus, & omni Christiana virtute & religione admodum roboratus, perge in nomine Domini, partes aggrediens Occidentis, & ut bonus miles Christi praliare pralia Domini tui, atque Dominus IESVS CHRISTVS magistro meo Petro tradidit, & ego sanctæ hereditatis iure suscepi, ut in ligandi, soluendique auctoritate tibi semper præsto sit diuina potestas, nostris orationibus comitatus, & Sanctorum Apostolorum intercessionibus roboratus in tui Apostolatus sorte Apostolica nostra auctoritate omnem suscipiens Galliam, opus fac Euangelista, ministerium tuum imple, ut Christi noticia per te ubique diffusa, à Domino in die retributionis mereamur audire. Euge serue bone & fidelis, quia super pauca fuisti fidelis, supra multa te constituam, intra in gaudium Domini tui, &c.*

Ecce tibi ridiculum somnium, quod in mo-

nasterio suo Hilduinus somniauit, & postea in Clementis Papæ phantasiam transmisit. An negent imposturam esse, dum loquentem sic facit Clementem, dum illi suggerit vulgatam Matthæi versionem ex cap. 25. *Euge serue bone, &c.* Quale Areopagiticis nostris ludibrium deberet Gregorius noster, siquid simile in historia Saturnini cogitasset vnquam?

Tertium ex num. 20. *Tunc* (quando venit Dionysius) *memorata Parisiorum ciuitas, ut sedes regia, & conuentu Gallorum ac Germanorum, & nobilitate pollebat.* O portentosam in Gallicana historia ignorantiam! A tali scriptore quæ de Dionysio, quæ de rebus antiquis parta expectaretur veritas? Quæ Ausonius, & Freculphus de Arelatensium ciuitate dixerunt, in Lutetiam Samblacatus ineptè flectit, ut Hilduinum excuset. Norunt eruditi, quibus honorum titulis Arelate decorarunt Imperatores, & quibus de causis Gallica Roma & regia dici potuit ciuitas.

Quartum ex num. 35. *Sanctorum quoque corporibus digna veneratione sepultis, eorum vestimenta, tunica videlicet, cilicium, & caliga Dionysij pretiosi, & casula Sancti Rustici Archipresbyteri, atque dalmatica Beati Eleutherij Archidiaconi, exceptis portionibus, quæ pro reliquiis electorum à fidelium deuotione sumpta sunt, usque hodie debiti cultus reuerentia conseruantur.*

Hîc tandem peruenimus ad eorum fastigium, quæ in Ecclesiasticæ historiæ notitiæ peccari possunt. Imprimis Rustico affingit Archipresbyteri dignitatem, quæ primis illis

temporibus non erat in usu : deinde casulam, quod absurdius. Præterea Eleutherium induit dalmaticam, quæ à Siluestro instituta est, ut Ecclesiæ rituum auctores scribunt. In summa, dalmaticarum usus in Gallias susceptus non est ante Symmachum Papam & Gregorium primum, quorum prior Arelatensibus Diaconis, posterior Aregio Vapincensium Episcopo & eius Archidiacono, genus illud sacrarum vestium ex priuilegio concessit. Taceo Hilduinum Dionysij nostri virtutes & miracula, quæ apud Gregorium & Audoënum testatissima sunt, prætermisisse, & illustrissimum sancti Martyris sepulchrum per ignorantiam vel matritiam inobscurasse.

Hæc sunt, quæ Scotum meo iudicio ad ironiam impulerunt, & quæ venerabilis monachus hac insigni & modesta ratione confutauit: *Sed quale id sit, quàm vanum, quàm ridiculum dicere supernacaneum nimis fuerit.*

Cum autem non apertè, sed ironicè tantum Hilduini opinionem, & Dionysianam illius vitam suggillarit, nullo negotio coniciet, qui res monachorum nouerit. Forsitan in monasterio frater vixit, ubi Abbas & quidam alij coniurauerant in veterum traditionem, quo in casu periculum erat non leue paulò apertiùs loqui. Quòd si parem cum Scoto cautionem linguæ adhibuisset Abaëlardus, nunquam fratres variè murmurantes inter se muginantésque audiuisset, nunquam in monasterio Sancti Dionysij atrociter vapulasset, nunquam sub icu positus palinodiam cecinisset, & de Arco-

pagita contra propriam mentem scripſiſſet. Hoc teſte quàm horrendum ſit monachum in monachorum manus incidere, diſcimus ex hiſtoria, quam ille de calamitatibus ſuis composuit.

CAPUT IX.

Dionyſij vita per Methodium edita diſcutitur.

I. **I**N Dionyſij vita, quam Methodium composuiſſe volunt, duo expendimus, tempus, quo composuit, & ipſius textum vitæ, quam composuit. Milletus contendit, Methodium ſcripſiſſe multis antè annis, quàm Hilduinus ad id opus animum applicaret. En ſumma duorum illius paragraphorum in reſpoſſione ad caput 4. Diſſertationis.

Dionyſij vita per Methodium edita epocham diſſimulat Milletus.

II. In duobus paragraphis auras & umbras magno conatu diuerberat aduerſarius, dum certam vitæ Dionyſij per Methodium editæ diſſimulat epocham, quæ ex Hincmaro non ſemel inculcata eſt. hæc eſt eiſmodi, quam ille ſignificat ad Carolum Caluum ſcribens; *Recognovi, inquit, his, quæ ibi ſcripta ſunt, (in vita Dionyſij à Methodio ſcripta) ea quæ*

In adoleſcentia legebam conſonare, videlicet per quos ac qualiter geſta martyrij Beati Dionyſij, ſociorúmque eius ad Romanorum cognitionem, indèque ad Græcorum notiſſimam peruenerint. Ecce tibi certorum regula, ad quam incerta reducenda ſunt. Incertum, quo anno Methodius, aut Hilduinus Dionyſij vitam ediderit. Et Sirmondus annum certum pro incerto in Gallix Concilijs aſſignat ſub Imperio Ludouici, quo iubente Hilduinus Arcopagitica composuit. Sed ex verbis Hincmari perſpicuè conſtat, geſta paſſionis Dionyſij ex Gallia primùm ad Romanorum, deinde ad Græcorum cognitionem perueniſſe. Quo in caſu quis non facile concipit, Methodium ex commentarijs Gallorum hiftoriam Dionyſij contexuiſſe. At quoniam fuerint Galli, Hilduinúſne alij, perinde eſt, vt dicamus, Methodium non ex ſuis, ſed ex alienis monumentis vniuerſam Dionyſij vitam conſcripſiſſe.

Methodius Dionyſij vitam ex commentarijs Hilduini composuit.

III. Quod autem ex Hilduini vel ſociorum illius commentarijs Methodius vitam Dionyſij ſcripſerit, vt quis credat, quatuor mouere poſſunt: vnum, quod Hilduinus, vt Arcopagiticis fidem aſtrueret certiore, Methodium laudare debuit, niſi fortè ea monumenta laudare pòduiſſet, quæ Methodio ex Gallica legatione redeunti commiſerat. Alterum, quod in Arcopagiticis num. 10. aſſeruit, de *Dionyſij*

Areopagite obitu nihil Græcos scripsisse, quia propter longinquitatem terrarum transitus ipsius penitus eis fuit incognitus. Tertium, quod cum verus Martyrologium Hilduinus Constantinopoli accersivit, tunc facile fuisset illi dare libellum, quo Methodius Dionysij vitam recens conscripserat. Quartum, quod ex mutua Dionysij vitæ per Hilduinum & Methodium editæ collatione apparet, Methodium ex Hilduini sociorumve eius scriptis Dionysij vitam edidisse.

Et primò quidem ex his verbis: Potestatem, quam ipse diuinus Clemens à Beato Petro acceperat, ei (Dionysio) dedit his verbis: proficiscere ad partes Occidentis, illicque prædica Evangelium regni calorum, tibi que esto ligandi ac solvendi potestas, ut Christi Evangelium à te etiam longè latè que diffundatur, ut à Domino tanquam fidelis servus merearis audire. Enge servus bone & fidelis, quia supra pauca fuisti fidelis, supra multa te constituam, intra in gaudium Domini mei. At hæc sunt eadem penitus verba, quæ ex Hilduino rerulimus antea.

Deinde ex his verbis: Socj autem Beati Dionysij fuerunt Saturninus, Marcellus, & Lucianus, qui cum eo erant. infra. Aquitania verò partibus misso Sancto Saturnino, ipse cum Sancto Luciano & Sancto Rustico & Sancto Eleutherio Lutetiam Parisiorum venit. Sanctus autem Lucianus presbyterij honore ornatus ad Bellouacum urbem missus est. At Hilduinus de Dionysij sociis hæc scribit: Socios quoque ei, & comministros verbi plures & probatos viros adhibuit.

Tum ex his verbis : *Hi cū convenissent, & unā iter facerent, pervenerunt ad portum Arelatensis urbis. At Hilduinus sic scribit : Qui simul properantes, & circumcirca Dominum prædicantes, appulerunt portui Arelatensium ciuitatis. Præterea ex his verbis : Beata manu caput ex corpore à nefariis hominibus gladio præcisum sumpsit, & suspensum brachio amplexus est, atque à collis vertice duo milliaria plena forti animo pedibus ingrediens portauit. Nouum profectò ac posteris depradicandum fama celebrandum miraculum, corpus sine animo & capite, quod vini instar pro more currat, homōque iam mortuus firmis ingrediatur vestigiis. At Hilduinus ita scribit : Nempe nouum prius & inauditum miraculum, ex anime corpus viuētis currere more, & hominem iam mortuum recto gressu incedere.*

Denique ex his verbis : *Dum hæc agerentur mulier nobilis & clara Catula nomine, qua gentili metu valde correpta erat, tum ad fidem Christi propter martyrum miracula conuerti desiderauit, vinque desiderij & voluntate & re declarauit, ac Dei misericordia compuncta, interueniente ei vi diuina consilium cepit, ut ad conuiuium persecutores supplex inuitaret. Cūque multa eis munera detulisset, prudenter odium nefarij consilij, quod illi aduersus martyres ceperant, excussit. Exposito autem nostris animi sui consilio præcepit, ut clam pretiosa corpora martyrum auferrent in unam partem urbis, ut in saxo, quod situm esset in agello in sequentis anni sementem parato, terra obruta corpora occultarent. illi diligenter imperata fecerunt. At Hilduinus hæc habet : Nam nobi-*

lis quædam materfamilias Catula nomine, quæ licet Paganorum adhuc erroribus necessitate potius, quàm voluntate teneretur addicta, conuerti tamen ad fidem Christi per exempla martyrum, atque ad baptismi gratiam peruenire se desiderare, & mente demonstrabat, & opere, Dei misericordia inspirata, macta virtutis consilium appetiuit, atque ad conuiuium venire postulat sanctorum corporum perditores. & dum eis copiam oblata humanitatis expendit, à memoria eorum, quæ susceperant agenda discussit, fidelibusque suis & familiaris voti consciis secreta ordinatione committit, ut subtracto furto pretiosa corpora beatorum diligens laboret occultare prouiso. Qui domina voluntate & missione comperta, festinanter quod eis præceptum fuerat, exequuntur, &c.

*Duo ex superiori collatione consuetaria
explicantur.*

I V. Ceterum ex his, quæ modò retulimus, duo manifestè colliguntur: vnum est, ex mutua vtriusque auctoris, Methodij scilicet & Hilduini, collatione fieri omninò, ut Methodius ab Hilduino, vel Hilduinus à Methodio scribendi materiam acceperit. Nullus verò dicat à Methodio Hilduinum, aut Methodium ab antiquioribus Græcis accepisse, qui ipsomet Hilduino iudice de Dionysij Arcopagita obitu nihil scripserunt.

Alterum, Græcum hominem à Gallo fuisse per ignorantiam deceptum, sed inde nos pro veritate lucrari plurimum. Etenim cùm Me-

rhodius Saturninum Tolosanum, & Lucianum Bellouacensem Dionysij socios faciat, Saturninus & Lucianus necessario debent ad Domitiani principatum retrahi cum Dionysio, vel Dionysius cum Saturnino & Luciano ad Decij & Diocletiani tempora deduci. At ex omni retrò traditione, quæ etiam in Martyrologio Baronij retinetur, Saturninus in Galliam sub Decio venit, & postea martyrium fecit. Lucianus verò *in vetustissimis manuscriptis*, quæ ex Bibliotheca Corbeiana & Sancti Germani Pratenfis commodum profert Millerus, ad Imperium Diocletiani pertinet. Quod cum Millerq; ex alijs quoque manuscriptis pluribus iam asseruimus. Itaque aduersariorum nemo est eruditus, qui non fateatur, Dionysium Saturnini & Luciani socium Areopagitam non esse, cum aliunde incerta ad certorum regulam conformanda sint.

Hanc quoque disputandi rationem in Metaphrastem transferimus, qui Lucianum Bellouacensem Dionysij collegam fuisse affirmat. Aduersarij vices nunc doleo, quem hîc propriis deartuatum technis omnes conspicient. Nec ille aliter sese expediet, quàm duos Saturninos & Lucianos fingendo, vel quas vnus Saturnini & Luciani epochas fixit, resigendo. Sed hominem expectamus, qui destruat, ædificet, mutet quadrata rotundis.

CAPVT X.

*Millerus Hilduinum deserit , & furtiuam
ante Hilduinum de suo Dionysio
traditionem exponit.*

I. **M**ILLIETVS paragrapho quinto nobis solita humanitate ablanditur , & laudes vituperio mixtas inspergit. Quid verò tanti commeruimus? Id de operibus Hilduini Iudicium tulimus, quo mendacium detectum est, & liberata ab imposturis veritas. Enimverò Hilduinum ille longè grauiùs excipit, in responsione ad caput octauum illos vexans, qui vbi Dionysium sub Domitiano mortuum fecerunt, reiiciendi libros Areopagitæ certissimam rationem dederunt. Quare nemini mirum videri debet, si deserat Hilduinum his verbis: *Ponant ij nunquam Hilduinum Areopagitica sua cogitasse, illum nunquam vel extitisse in humanis, nunquam grauissimos omninò scriptores Hincmarum, Anastasium, Aneam. Victoria nunc est, inquit Tertullianus, pro quo certaueris obtinere, ea victoria habet & gloriam placendi Deo, cui soli in asserenda veritate placere studemus. Sed animum non despondet aduersarius, alios citat, qui rem conficiant suam. Nos sequimur.*

*Pro Areopagitica traditione Beda laudatur
à Milleta, & reiicitur.*

II. Erat, inquit, inter Latinos antiquior Hilduino Beda, qui Dionysium à Clemente misſum teſtetur. O egregiam diſſerendi methodum! quæ pura putâ ἀσυλλογισία eſt, vt non ſemel oſtendimus. 2. Hilduinus queritur in epiſtola ad fideles, ex autumatione Gregorij Turonensis, & ex ſubreptione Beda preſbyteri & aliorum contrariam ſuæ opinionem inoleuiſſe; immo Milletus ipſe in Vindiciis Bedæ Martyrologium vt corruptum repudiat, & ex eo deceptum fuiſſe. Vſuardum conqueritur. cui nam credam? Hilduinone, an Milleta? Vterque proſectò in Areopagiticis mendax eſt: vtrique tamen credendum ſuggerunt Nouatianus de Trinitate cap. 18. & Peluſiota lib. 2. epiſtola 228. Firmum eſt, inquiunt, probationis genus, quod etiam ab aduerſario ſumitur, vt veritas etiam ab ipſis inimicis veritatis probetur. Quàm autem egregiè ſtipites eſſemus & ridiculi, ſi noſtras epochas figeremus tam ſæpe, refigeremusque.

*Gēſta quadam Dionyſij producantur &
reiiciuntur.*

III. Secundò, inquit, erunt antiquiſſima geſta Dionyſij, quæ veritatem eandem proferant. At primò illa geſta reiicimus, vt à Milleta reiiciuntur geſta Saturnini martyris, quòd ſcili-

cet ab anonymo memoria prodita sint. Deinde gesta illa nulla se æui progressionem deferrent, quæ cum patris ad illustre Dionysij sepulchrum miraculis, hoc est, cum notissima veritate pugnent; tantum abest, ut eam exhibeant. Tertiò; cum non exæquent ætatem Gregorij nostri, multò minus illius, qui historiam Saturnini scripsit, aduersus illa veritatis compendio de posteritate cum Tertulliano præscribimus. Quartò, cum ex vna parte Saturninus Tolosanus sub Decio venerit, & ex altera in his gestis Saturninus Dionysius iungatur, manifestum signum est illa gesta deprauata esse, ubi Dionysium à Beato Clemente missum tradunt. Denique, quem Dionysium modò à Successoribus Apostolorum, modò à Clemente missum significant, non continuò sequitur, cum esse Arcopagitam. qua disputandi ratione suam in dialecticis infantiam non semel prodidit aduersarius.

Peruicta Martyrologia citantur, sed immerito.

IV. Tertiò etiam Martyrologia peruicta, ipsum Rosæacidianum. At ubi pro nobis Milleto obiectum est, sic ille responder lib. 2. Vindicarum cap. 4. *Suspecta autem fidei Martyrologium dua res merito faciunt, quas hîc confirmat immeritò prolatis tunc fuisse, ut in nostro de Arcopagiticis Iudicio probauimus. Deinde sola istius Martyrologij lectione citatio confutatur. Quinto Nonas Octobris: Athenis Dio-*

Nysij Arcopagita sub Hadriano, diuersis tormentis passi, ut Aristides testis est in opere, quod de Christiana religione composuit, &c. Septimo Idus Octobris: Parisiis Dionysij Episcopi cum sociis suis à Fescennino gladio animaduersi. quænam porrò sint alia peruetusta Martyrologia, non dicit, ut nullum non fucum faciat.

Litteræ Pippini producuntur, sed frustra.

V. Quartò erunt literæ Pippini regis, quæ missum à Clemente dicant. O perpetuam ἀσολογισίαν. Deinde has literas suspectæ esse fidei duæ res meritò faciunt: prima, quòd illas retulisset Hilduinus, si tunc in tabulario Sancti Dionysij extitissent. Altera, quòd tabularium illud, vnde prodierunt, spuriarum chartarum & priuilegiorum officina quondam fuerit. Ut constat legentibus Antiquitates Sancti Dionysij, quas Iacobus Dubletius in lucem emisit.

Litteræ quædam Collationis Parisiensis producuntur, sed omninò frustra & imperitè.

VI. Quintò erunt denique literæ illæ multorum Antistitum Gallia anno 824. data, & quæ apud Baronium leguntur tomo 9. debuit addere, & sic refelluntur anno 825. num. 35. Sed quàm vanè glorientur de maiorum consuetudine, sciet, si testificatione Sancti Martini, & assertione Venantij perspicuè demonstramus, receptum antiquitus esse cultum sacrarum imaginum. Simi-

liter dicimus, sed quàm vanè cum illis gloriatur humilis monachus; Beatum Dionysium à Clemente missum, sat erit, si contrarium probetur testificatione antiquissimi vitæ Saturnini Scriptoris, & assertionem Gregorij Turonensis, qui Dionysium sub Decio in Galliam venisse prodiderunt, nec id ea in oratione prodiderunt, unde nunc argumenta contra cultum imaginum petantur. 2. Milletus Gregorium Turonensem reiicit, quia eandem de Dionysio historiam executus in aliis peccauit. Sic & hos antistites reiiciat necesse est, qui in iisdem literis contra receptam imaginum reuerentiam peccarunt, ut docet Baronius. 3. In hoc testimonio, sicut & in aliis idem esse concludit à Clemente mitti, atque Areopagitam esse. Sed quis postea non credet illum perpetuam in disputando vouisse inconsequentiam? 4. Cum antistites illi dicant Dionysium cum duodenario numero à Sancto Clemente primum in Gallias prædicatorem directum fuisse, quid Trophimo Arelatensi, quid Crescente Viennensi, quid Paulo Narbonensi, quid Sixto Remensi, quid Sauiniano Senonensi, quid Memmio Catalaunensi, quid Martiali Lemouicensi, quid Iuliano Cenomanensi fiet, quos omnes ante Dionysium in Gallias accessisse docet? Prædicatores igitur non fuerunt, aut falluntur antistites, aut fallitur Milletus, aut saltem credit Arelatensem, Viennensem, Narbonensem, Remensem, Senonensem, Catalaunensem, Lemouicensem, & Cenomanensem ciuitates ad Galliam non pertinere. Si primum

eligit,

eligit, nullus est: si secundum, ridiculus: si tertium, ab geographia Galliarum mortalium imperitissimus. 5. Cum aduersarius non possit, aut nolit explicare, quis ille fuerit duodenarius hominum numerus, qui Dionysium stiparint, fateatur illum esse, quem ex gestis Fusciani & Victorici exhibuimus, & quem indicat & continuò distrahit Radbertus in actis Ruffini & Valerij. Hoc si ita sit, in parachronismum incurrerunt Episcopi, dum Dionysium cum duodenario numero missum à Clemente dixerunt; nec traditionis istius idonei testes haberi possunt. 6. Hic tandem quicquid fingi potest inconsiderantiæ, detegimus: ubi Episcoporum Parisiensis conuentus verba retulit, hæc secundis cogitationibus animaduertit.

En verò tibi è suis Episcopis totius Ecclesie Gallicana sensus, en ut, inquit, linea veritatis, quæ ab antiquis Patribus usque ad nos inflexibiliter ducta est, & vera & legitima & à capite derivata traditio. Imprimis toti Gallicanæ Ecclesiæ tribuit, quod paucis Episcopis tribuendum est: deinde illa verba, quæ ad traditionis perpetuæ lineam spectant, in Parisiensis conuentus argumentum cadunt, licet falsò ut Baronius docet. Agunt quippe de pingendis & colendis imaginibus, quod auctor noster ignorat, aut dissimulat, sed in Catholici dogmatis perniciem, cum iis auctoritatem omnem tribuit, quibus omnis abroganda est. Sed hac de re viderint, ad quos de Catholica doctrinæ punctis sancire pertinet. Denique si legitima est, & à capite derivata traditio, Dic-

nyfium à Clemente in Gallias cum duodenario numero primum predicatorem directum esse, ut dicunt illi antistites, cur Radbertus illud mendaci famæ tribuit, & repudiat? Fama est, inquit, hos (Quintinum, Victoricum & Fuscianum, Ruffinum & Valerium, Crispinum & Crispinianum cum ceteris suorum sociis) cum Beato Dionysio, qui à Beato Clemente Romana Sedis Pontifice missus fuerat, Galliarum fines penetrasse, sed temporum series repugnat. Sanctus namque Dionysius sub Domitiano Cesare anno eius imperij secundo martyrio coronatus est: Isti verò Diocletiano & Maximiano Augustis immortalitatis gloriam perceperunt. Cur Milletus hoc testimonio nihil esse scribit expressius ad fidem? nihil accuratius ad veritatem posteris tradi potuisse? Sua vice nunc erubescat de sua absurditate aduersarius, qui tam discordes auctores producit, & tanquam gloriosus miles triumphat?

C A P V T X I.

Suessionenses olim à Constantinopolitanis susceperunt caput Dionysij Arcopagita.

I. **I**N hac ad caput quartum Dissertationis Responsione paragrapho 7. Milletus ad me venit, qui pro demente quodam satisfaciat inaniter argutando. Res sic se habet. Ego in vndecima ad Palladium Samblacati animaduersione Methodium, Singelum & Metaphra-

Discussionis Caput XI. 131

Item ad Constantinopolitanos remitto, qui anno 1205. caput Arcopagitæ Niuelloni Sueffionum Episcopo dederunt. Samblacatum quoque ad Sueffionenses remitto, à quibus huius sanctissimi capitis susceptionem discat.

Constantinopolitanos fraudis arguit Milletus.

II. Hæc ut aduersarius diluat, Constantinopolitanos primùm fraudis sic arguit. *Vel enim*, ait, *fuiſſet Dionysij corpus Constantinopoli Patriarchatus Methodij tempore, quod ne stupidissimus quidem homo totius Græciæ nescire non potuisset, vel aduectum fuit postea id corpus: At neque hoc concedi potest. Sunt enim translationes eiusmodi Sanctorum illustrium celebriores, quàm ut eas obruat silentium omnium scriptorum.* Primò, homo non planè in dialecticis stupidus vniuersè distribuisset argumentum: bimembre tantùm facit argutulus noster, cùm trimembre facere debuerit; scilicet Arcopagitæ caput Constantinopolim adferri potuit, pluribus antè annis, quàm Methodius Patriarcha crearetur. 2. Illa Milleti ratiocinatio neruos non habet, aut contra suum auctorem habet. Quod ex eius locis communibus breuiter conficio, Arcopagita relictis Atheniensibus Romam venit, & Roma missus est in Gallias, tametsi nullus sit ante Carolum Magnum scriptor Græcus vel Latinus, qui tam celebrem Arcopagitæ legationem miserit in Commentarios. Argumenti percussum seu respuat, seu recipiat

Milletus, inanis efficietur & ridiculus. 3. Vbi certum assignauerit tempus, quo perillustre Dionysij Parisiensis sepulchrum Lutetiæ in eius basilica videri desuit; tum vbi rationem dederit, quâ in Parisiensi pago inuentum sit Dionysij corpus, quod in vrbe non latebat, & quod ad preces Sancti Eligij miracula patrabat, tunc alterutrum è duobus, quæ vrget, assignabitur. Sed subtiliter quærit, vbinam sit residuum Dionysij corpus, quo genere questionis plurimum torqueretur monstrator reliquiarum Sancti Dionysij, si quis ex eo peteret, vbinam sint residua Sanctorum corpora, quorum aliquam particulam ostendit. Vel dicat ille nobis, vbinam sit reliquum vnicornis corpus, cuius cornu tanta cum admiratione monstrat.

*Suessionenses excusat domesticis
exemplis.*

III. Expeditis, vt vidimus, Constantinopolitanis Suessionenses aggreditur: *Suessionibus*, inquit, *temeritati minimè verito, quæ res ab aliis non semel factitata est, titulo insignioris Sancti sub eodem nomine reliquias cuiusdam Dionysij Constantinopoli allatas, illustriores esse voluerunt.* Milletto imprimis difficilis non est responsio, quam arcana monasterij historia, & domestica exempla suggerunt. Notissimū illud est exemplum, quod ex Eugenio presbytero & martyre peti facile potest. Sed monachorum exempla secutum Niuellonem non credo, nec hi-

Historicæ veritatis minus amantem puto, quàm Letaldum monachum, cuius in scribenda sancti Iuliani vita sinceritas Milieto non placet, *Dicenda sunt, inquit, cum veritate, quæ veritas ipsa gessit, quia si aliquis Patrum aliquod dicitur fecisse miraculum, non illud homo, sed Deus operatur.* Deinde, quæ fiducia Sueffionenses Dionysij cuiusdam caput titulo Areopagitæ donassent, si Dionysium Parisiorum Episcopum Areopagitam, si Areopagitæ corpus in Gallia fuisse credidissent, si Gallos omnes Hilduini persuasisset opinio. Vellérne Milletus Areopagitæ nomine insignire cuiusdam alterius Dionysij caput, quod Constantino- poli in monasterium Sancti Dionysij adueheretur? Hoc si se velle respondeat, Sueffionenses id fecisse, quod ille contendit, libenter concedam.

Ad annum 1205. in Gallia multi supererant, qui reiecta Hilduini nouitate antiquam traditionem conseruarent. Quod ita displicuit monachis Sancti Dionysij, vt ab Innocentio III. contrarium definiri voluerint. Sed tantum abest, vt monachorum votis satisfecerit, vt maximè testatum reliquerit, suo tempore de Areopagitæ in Gallias aduentu diuersas fuisse sententias, quibus se præiudicare nolle declarauit: *Vtrum, inquit, gloriosus martyr & Pontifex Dionysius, cuius venerabile corpus in vestra requiescit Ecclesia, sit ille censendus, qui Areopagita vocatur, diuersæ sunt sententia diuersorum.* infrà: *Nos neutri volentes præiudicare sententia.* Nouerat eruditus Pontifex, quænam

erat ea de re Romanæ Ecclesiæ traditio, cuius monimenta alibi non semel prodidimus. Nouerat, quænam erat Parisiensis Ecclesiæ traditio, in cuius claustro Theologiam didicerat: nouerat Parisiensem Ecclesiam & in Martyrologio duos Dionysios distinguere, & suum Dionysium Piatonis collegam facere, qui sub Maximiano martyrij palmam retulit. Maneat igitur Sueffionenses Arcopagitæ caput appellasse, quod verum Dionysij Arcopagitæ caput esse crediderunt. Maneat Sueffionenses tunc nihil ab Hilduino labis contraxisse, sed antiquam de duobus Dionysiis retinuisse traditionem: quod cum ex eorum Martyrologiis, tum etiam Litaniis alibi planissimum fecimus.

CAPVT XII.

*Promptum è translationibus Episcoporum
argumentum reuoluit aduersarius, &
mirum in modum confirmat.*

I. **I**N Responsione ad caput quintum Dissertationis versat argumentum, quod ex Episcoporum translationibus sumitur, & in eo quicquid habet iudicij, miserandum in modum profundit aduersarius. Vno verbo adeo non soluit argumentum, vt maximum illi robur addat. Etenim cum vidit Socratem, ex quo Sirmondus acutè disputat, non omnes recensuisse Episcopos, qui ab vna sede in aliam

migrauerant, continuo veterum omnes Annales & historias reuoluit, & ex iis, quinam alij antistites ab vna sede transferant in aliam; imò qui & diuersas ob prædicationem Evangelij peregrinationes susceperant, eos ex nomine designat. Sed in tanta seu migrantium, seu peregrinantium Episcoporum recensione nullus Areopagita comparet; licet nulla tunc memoretur Episcopi migratio, seu peregrinatio, quæ ab hominis ætate, locorum distantia, & Apostolicæ legationis dignitate illustrior fuisset, & augustior.

Ea profectò de causâ inter tot antiquos migrantes, vel peregrinantes Episcopos Areopagita non comparet, quæ cautissimus homo probat Constantinopolitanos Areopagitæ caput non potuisse Sueffionensibus dare; scilicet quòd tam celebris translatio seu peregrinatio historicis omnibus haud excidisset.

Socrates. ab aduersario perperam explicatus.

II. Enimuerò videamus, quonam pacto suis Socratem studiis Milletus conciliet. Ille, inquit, *non nisi paucos, & suorum temporum promaiori parte viciniore adducere statuit.* Rectè omnino, tum quia si paucis illis vnum addidisset Areopagitam, multos sine dubio contrà quàm statuerat, adduxisset; tum quia si antiquiorem Alexandrò, qui ad annum 200. vixit, adduxisset, suorum temporum promaiori parte viciniore non adduxisset. His nobilibus in-

terpretamentis Socrates illustratur. Ingeniosè addidisset Græcum auctorem noluisse illustissimas quasque Episcoporum, & præsertim Arcopagitæ migrationes referre, cùm ex illis transferendorum antistitum exempla, quæ secundò quærebat, non petantur, commodè.

Insignis sese hîc offert *ἀνιχνεύω* Samblacati, qui in reconcinnato Palladio scribit factam à Socrate Alexandri mentionem, sed obiter, & Alexandrum à Sirmondo haud bona fide ceteris adiunctum, qui ab una sede in aliam migrarant. Sed quàm vanè & ignoranter hæc scribat, ipsa Socratis lectio docet, ad quam alios remittere non veretur. *Iam verò* (inquit Socrates lib. 7. cap. 35.) *quoniam quidem propter Ecclesiæ canonem, quem pro se afferebant, Proclum Episcopum Cyzici iam tum nominatum in sede Episcopali Constantinopolis collocari prohibuerunt, de ea re pauca dicere statui. Qui tum ista asserere aggressi sunt, videntur mihi certè minimè vera dixisse: sed vel invidia aduersus Proclum eadem confinxisse, vel tum Canones, tum alias res ad Ecclesiarum utilitatem non rarò gestas penitus ignorasse.* Nam Eusebius Pamphilus in sexto libro historia Ecclesiastica Alexandrum civitatis cuiusdam Cappadociæ Episcopum Hierosolymam voti causa contendentem ab Hierosolymitanis detineri, Narcissi loco in Episcopatus gradu collocari, & reliquum vitæ tempus in illa Ecclesiâ contriuisse memorat. Itaque res erat planè indifferens apud veteres, quoties Ecclesiarum usus poscebat, Episcopum ab una civitate ad alteram transferre. Hæc Samblacatus intellexit non

secus, ac qui in Eleusiniis apud Aristophanem
mysteria portarit.

*Publij Meliteni Episcopi translatio refertur,
tum de ea iudicium fertur.*

III. Secundò redimus ad Milletum, ex quo
si quæras, cur Martyrologia Adonis & Roma-
num Rosineidi translationem Publij Episcopi
Meliteni referunt, non Areopagitæ? Respon-
debit ille ex penu locorum communium, quia
vnius tantum Episcopi, & qui successor esset
Areopagitæ, meminisse voluit: ego verò dice-
rem, quia passum Athenis Areopagitam tra-
dunt. Quod & in Vindiciis concedit aduersa-
rius, licet hodie neget, sed cras reuocabit vir
in suis assertionibus constantissimus.

Quod autem absolutè spectat ad Publij Me-
liteni migrationem, hæc Græcis omnibus scri-
ptoribus ignota est. Immo Eusebius, dum li-
bro 4. Historiæ Publium Areopagitæ successo-
rem facit, non magis illum ex alia sede Athenas
translatum significat, quàm Quadratum Pu-
blii successorem. Deinde, licet Ado in libello
de festiuitatibus id de Publico referat quod
obiicit aduersarius, ille tamen in Martyrolo-
gio non meminit eiusmodi translationis 21. Ia-
nuarij: Item apud Athenas, Beati Publij Episcopi
ob Christi martyrium coronati. Adone vetu-
stior Vsuarius de Publico multa refert, sed ne
vnum quidem de translatione verbum habet:
*Natalis Beati Publij Episcopi, qui secundus post
Dionysium Areopagitam, Atheniensem Eccle-*

Sam rex it nobiliter, & praeclarus virtutibus ac doctrina praeſulgens ob Chriſti martyrium glorioſè coronatur. Porro ex nominum ſimilitudine ortum eſt, vt qui primùm libellum de feſtiuitatibus Apoſtolorum edidit, vel illum poſteà & Martyrologium ab Roſuueido editum exſcripſit, Publium Melitenum cum Publio Athenienſi confuderit.

Anteri decretalis epiſtola producitur & reicitur.

IV. Tertio, ſi quæras ex Milieto, cur Anterus in Decretali tres tantùm Epiſcopos, qui ab vna ſede in aliam tranſierint, Petrum Apoſtolum, Euſebium Alexandrinum, & Felicem Ephelinum memoret? Reſpondebit Anterum non alios quàm tres in exemplum adduxiſſe, è quibus noluit eſſe Areopagitam, & duos eſſe voluit Euſebium & Felicem, quos tota ignorauit antiquitas.

Deinde ſi quæras ex eodem, cur propter vnius elementi in aliud mutationem vetus Romanum Martyrologium reiecerit in Vindiciis, & in magnam nunc auctoritatem habeat Anteri decretum, quod non minus opinor ſolidiſſe rationibus inter fucatas Iſidori merces reponitur? Reſpondebit ſe non vouiſſe expenſurum ea, quæ cauſæ ſuæ quoquo modo ſuffragentur, ſed quæ tantùm officiant. Sic reuera nobiſcum agit religioſus diſputator.

Quæ aduerſarius Sardicenſi Canoni reſpondet, examinantur.

V. Igitur poſtquam vir diligentiffimus contra ſe roborauit argumentum, quo in Diſſertatione Sirmondi probatum eſt, Areopagitæ tranſitum ab Episcopatu Athenienſi ad Pariſienſem Græcis omnibus olim ignotum fuiſſe, ad Sardicenſem Synodum accedit, & ſuis ex ea deductis complexionibus reſpondet, non Sirmondi. Neque enim Sardicenſem canonem attulit vir acerrimi iudicij, perinde quaſi in eum peccarit Dionyſius, aut omnes omninò tranſlationes interdictæ fuerint, ſed vt maximè penſitarentur hæc canonis verba : *Nullus eſt inuentus Episcopus, qui de maiori ciuitate ad minorem tranſiret.* At cùm Areopagitæ ſæculo Athenienſium vrbs longè maior, populioſior, & illuſtrior Lutetiâ fuerit, ex iudicio Synodi, cui plures è Galliis Episcopi ſubſcripſerunt, Areopagitam Athenis Pariſios non tranſiſſe meritò concluſum eſt, niſi forſan Milletus pro ea, qua valet modestia, velit Sardicenſem Synodum non omnes Episcopaliū Sedium mutationes nouiſſe, quas nouit.

Quinetiam cùm ille nihil haberet, quo contra Synodum diſputaret, habuit tamen duo, quibus litigaret. Vnum eſt, Athenas quidem maiorem Lutetiâ ciuitatem fuiſſe, ſi murorum ambientium magnitudo ſpectetur : ſed inde nobilitatem vrbiū non pendere; immò à liberalioribꝯ populi moribus, & ingenio loci,

quem cali salubritas, vbertas soli, aquarum affluentia, & ad commercia vicinarum gentium opportunitas bearint. Prope fuit, quin ex Hilduino suo addiderit, tunc Parisiorum ciuitatem, uti sedem regiam & conuentu Gallorum ac Germanorum nobilitate excelluisse. Quid tum verò? quot sunt pagi, quot oppidula, quot castella, quibus illa omnia iure tribui possent. Ideone vellet Milletus vicos eiusmodi vel oppidula vrbibus comparari quàm amplissimis. Deinde nisi supponat Athenas his omnibus naturæ commodis caruisse, quid proficit præter hilum? At caruisse quî probabit? cùm ex paruis initiis illa ciuitas euaserit totius Græciæ celeberrima, disciplinarum omnium altrix, & maximarum coloniarum parens fœcundissima, vbi & tam illustris Areopagitarum Senatus. Denique supponit Apostolicos homines oppidula quæsiuisse, quæ cœli salubritas, soli vbertas, aquarum affluentia, & omne genus amœnitatis bearent. Quod quàm absurdum sit in Areopagita fingere, nemo est, qui non videat etiam inter somniandum.

Alterum est, Dionysium à Clemente missum fuisse, nusquam verò Parisios, sed in Galliam. Quid inde? Hinc, inquit, Apostolus Gallia merito prædicatur. O frigidam obseruationem! Sic enim Piato presbyter Gallia Apostolus diceretur, quem Roma Galliam expetiisse prædicandi causa scribit Vsuarius. Sic plures aliæ eadem ratione Gallia Apostoli vocarentur. Apagate te à me, qui de aduersariis tan magnifico nugarum apparatu triumphas.

C A P V T XIII.

*Quæ de ignota apud veteres Areopagita
translatione scribit aduersarius,
examinantur.*

I. **H**Oc capite nonnulla expendimus, quæ
de incognita apud antiquos Areopa-
gitæ translatione disputat aduersarius. Et pri-
mò quidem istud, quo dicit, *Dionysium non
mutasse propriè sedem, sed reliquisse prorsus, ut
prædicationi verbi diuini curas integras admo-
ueret, eaque mente petiisse Romam, & varias de-
inde Occidentis provincias cum Euangelica face
lustrasse: ex quo mirum non est, si nemo illum re-
ponat in clencho eorum Episcoporum qui sedem
mutarunt.* Hoc mutuatus est à Samblacato, &
nostram animaduersionem dissimulauit. Sed
quæro imprimis, cur Dionysius ille repositus
non est in numero eorum Episcoporum, qui
suas sedes reliquerunt, ut prædicationi verbi
diuini curas integras admouerent? Erítne in
Dionysio Galliæ Apostolatus antiquorum li-
teris indignior, quàm alicuius Episcopi ab
vna sede ad aliam migratio? Deinde, quid hoc
sibi vult, *Areopagita reliquit prorsus Athenien-
ses, ut prædicationi verbi diuini curas integras
admoueret?* Quid? conuersioni Atheniensium
curas integras non admouerat Dionysius, aut
dimidiatis curis Athenienses omnes ad Christi

fidem conuerterat? sic facile fuit subuersis Gentilium idolis & sacrificiis vnicam apud Athenienses aram Christo collocare. O felicem Dionysium! qui tam breui tempore, tamque facili negotio florentissimam totius Græciæ ciuitatem vera religione imbuir.

Fingit Milletus Dionysium Parisiorum fundasse Ecclesiam, sed præter eius consilium.

I I. Secundò suas aduersarius nœnias sic persequitur: *Quod verò postea Parisiorum fundarit Ecclesiam, id præter eius consilium accidit. Quodnam genus somnij? Nōne sexcentarum Ecclesiarum Martyrologia dicunt, Dionysium à Pontifice Romano directum in Galliam prædicandi gratia Lutetiam venisse, ubi per aliquot annos commissum sibi opus ardentèr prosequens, tandem à præfecto Fescennino unà cum sociis gladio animaduersus martyrium compleuit. Deinde quod de Dionysio Parisiensi scribit, de Quintino Veromandensi, de Luciano Bello-uacensi, de Piatone Tornacensi, & aliis quis non pari successu scriberet, & scriptum pari ratione non tueretur?*

Disimulat quasitam ex retento semper Atheniensis Episcopi titulo rationem.

III. Tertiò hanc rationem, cuius nodum soluere non potuit, dissimulat: Sic enim Sirmondus virget: *Vis & alia ratione te doceant*

Græci, nullum se unquam præter Athenas Dionysij Episcopatum credidisse? Da hoc primum mihi, quod inficiari certè non potes, Episcopos, qui ab una sede ad alteram migrarent, postquam immigrarant, prioris sedis nomine deposito, posterioris nomen adscivisse. Quod & apud Latinos perpetuo in usu fuisse postea demonstrat. Quare cum apud Latinos iuxta & Græcos ante Carolum Magnum Dionysius Areopagita non Parisiensis, sed Atheniensis Episcopus semper appelletur, quis inde non agnoscit euidenter, Parisiensem Areopagitæ Episcopatum per annos octingentos in toto orbe Christiano incognitum fuisse? Hoc autem quæsitum ex tam illustri Ecclesiarum more & traditione argumentum quî dissuitur ab aduersario? *Areopagita*, inquit, *reliquit Athenas subrogato Publio, nihil de Parisus, quanquam de Gallia fortè in uniuersum cogitans.* En signum ex vnica Hilduini officina primò profectum. Dionysius ex Insulæ Melitenæ Ecclesia Publium Episcopum accersit, & à sua sede diuellit, sibi que subrogat priusquam se in Gallias mittendum intelligeret? debuit etiam Publius alium ex alia Ecclesia Episcopum abstrahere, quem sibi sufficeret.

Pergit verò Milletus: *Quotempore nulla erat sedes Episcopalis Lutetia, cum qua priorem mutare diceretur. Itaque factum est, ut apud plerosque nomen prioris Episcopatus retinuerit, maxime verò apud Græcos, cum ob claritatem urbis Athenarum, tum verò ex eo quòd egregia sua opera in ea sede Græcarum literarum principe Atticè elucubrasset. Præterea quòd in ea urbe diu-*

tius multò quàm Parisiis sedisset. Denique ob reuerentiam magni Pauli, qui Dionysium sua institutione Christo acquisitum, & sua manu consecratum Ecclesia Athenarum primum prafecerat. Hæc ille. Sed vbinam copiosus communium locorum apparatus, qui rebus in aliis tam cupidè, quàm vanè iactatur? Scilicet litigatori deest vel vnus ex omni memoria Episcopus, qui postquam ab vna sede in aliam migrarat, non assumptò posterioris nomine, prioris nomen semper retinuerit. Hic de antiquitate vincimus, hinc de posteritate vincimus, hinc de omni retrò ætate vincimus, immo vnica vincit veritas, quæ omnibus debet esse communis. Præterea cùm rationis energemate pressus scribit, Areopagitam apud plerosque nomen prioris Episcopatus retinuisse, significat fuisse, apud quos non retineret. De vno auctore, qui Carolum Magnum anteierit, suam Milletus liberet fidem, & nos herbam porrigemus.

Quid autem hoc sibi vult? Ideo Areopagitam non Parisiensem à Græcis, sed Atheniensem Episcopum vocatum, quia Athenis atticè scripsit? O egregiam rationem! quæ omni retrò Ecclesiarum consuetudini opponatur. Quare ergo, vt Athenarum Episcopum, ita & martyrem appellant, cùm non Athenis, sed Lutetiæ martyrium fecerit? Quas habuit Chrysostomus homilias, cùm Antiochenæ Ecclesiæ presbyter esset, nōne postea illæ sub nomine Chrysostomi Constantinopolitani Episcopi editæ sunt? Deinde hac ratione Dionysius à Clemente mitti non potuit, si opera sua in
sede

sede Græcatum literarum principe lucubrauit, cum in iis, vt docet Milletus in responsione ad octauum caput, *seipse liquidò testetur superstitem Sancto Ignatio fuisse, qui Traiani anno vndecimo martyr occubuit. At Clemens anno Traiani tertio fatis concessit: hoc autem vnico telo centum Areopagitici simul confoderentur.*

Adhæc, *diutius*, inquit, *Athenis sedit, quàm Lutetia.* quid tum? Eamine ob causam mutabitur constans Ecclesiarum mos ille, quo, qui ab vna sede in aliam transit, siue diu, siue parum deinceps viuat, prioris sedis nomine deposito, posterioris nomen adsciscit? Enimuerò Lutetiæ diutius sedit, quàm Athenis, si à Clemente immediato, vt volunt, Petri successore missus est in Gallias, cum Petrum & Paulum inuisendi causa Romam veniret. Sic enim Athenis duodeuiginti circiter annos sedit, Lutetiæ verò plusquam triginta. Hanc annorum expansionem vt effugiat aduersarius, in alterutrum è duobus absurdis incurrat necesse est. Etenim vt Petrum & Paulum inuiseretur, Romam Athenis discedere debuit ante annum Christi 70. id est, ante Petri & Pauli mortem. Ex quo vel in sua peregrinatione annos plus minus viginti quinque consumpsit, vel Romæ otiosus tantumdem temporis antè commoratus est, quàm in Gallias legaretur.

Denique, Græci & Latini Patres, inquit, propter reuerentiam Pauli, à quo fuerat constitutus Athenarum Episcopus, non Parisiensem illum, sed Atheniensem appellarunt. Sed

imprimis dicat, cur vnà martyrem appellarunt, & ob cuius reuerentiam? deinde cur non eandem ob rem Publius dictus est semper Melitensis Episcopus, quem ab Ecclesia Melitensi ad Atheniensem migrasse contendit aduersarius? Præterea cur ob reuerentiam Pauli Arcopagita non semper remansit Athenis, vbi fuerat ab eodem institutus antistes?

Cur Gregorius Nazianzenus Constantinopolitani nomen non retinuerit?

IV. Ceterùm de Gregorio Nazianzeno nihil est, cur funis contentiosus ducatur. Etenim ille quamquam Constantinopolitana sede dignissimus, nunquam tamen ab omnibus habitus est vt Constantinopolis antistes. Quade re sic Ambrosius & ceteri Episcopi Italiae ad Theodosium Imperatorem: *Namque in Concilio nuper, cùm Maximus Episcopus Alexandrina Ecclesia communionem manere secum lectis Petri sancta memoria viri literis prodidisset, eiusque intra priuatas ades, quia Ariani Basilicas adhuc tenebant, secretum esse, mandatoribus Episcopis ordinantibus, dilucida testificatione docuisset, nihil habuimus, beatissime Principum, in quo de Episcopatu eius dubitare possemus, cùm vim sibi repugnanti à plerisque etiam de populo & Clero testatus esset illatam. Tamen ne absentibus partibus præsumptè aliquid definisse videremur, clementiam tuam datis literis putauimus instruendam, vt ei consuleretur ex usu publicæ pacis atque concordie. Quia reuera aduerceba-*

*mus, Gregorium nequaquam ſecundum traditionem Patrum Conſtantinopolitanæ Eccleſiæ ſibi ſacerdotium vindicare. Nos igitur in Synodo ea, quæ totius orbis Episcopis videbatur eſſe præſcripta, nihil temerè ſtatuendum eſſe cenſuimus. Adeo ipſo tempore qui generale Concilium declinauerunt, Conſtantinopolique geſſiſſe dicuntur. Nam cum cognouiſſent, ad hoc partium veniſſe Maximum, ut cauſam in Synodo ageret ſuam, quod etiamſi indiſtinctum Concilium non fuiſſet, in-
re & more maiorum, ſicut & ſancta memoria Athanaſius & dudum Petrus Alexandrina Eccleſiæ Episcopos, & Orientalium plerique fecerunt, ut ad Romanæ Eccleſiæ, Italia & totius Occidentis conſuegiſſe iudicium viderentur. Cum enim ſicut diximus, experiri velle aduerſum eos, qui Episcopatum eius abnuerant, comperiſſent, præſtolari utique etiam noſtram ſuper eo ſententiam debuerunt. Non prærogatiuam vindicamus exa-
minis, ſed conſortium tamen debuit eſſe communis arbitrij. Poſtremo prius conſtare oportuit, utrum huic abrogandum, quàm alij conferendum ſacerdotium videretur, ab his præſertim, à quibus ſe Maximus vel deſtitutum, vel appetitum iniuria querebatur. Itaque cum Maximum Episcopum receperunt in communionem noſtræ conſortia, quoniam eum à Catholicis conſtitit Episcopis ordinatum, nec ab Episcopatus Conſtantinopolitani putamus petitione remouendum.*

Duo igitur ſunt, propter quæ Gregorius dictus non eſt Archiepiſcopus Conſtantinopolis. Primum, quòd Latini Gregorium pro Conſtantinopolitano Episcopo nunquā agno-

uerunt, immo retenta Maximi communione
 ut intrusum habuere. Alterum, quod ne qui-
 dem inter Græcos Constantinopolis Episcopa-
 tum pacificè gessit, sed post Synodum à qua
 confirmatus videtur Episcopus, ut exortas ob
 suam electionem simulates sedaret, eodem
 Episcopatu sese abdicauit. An autem duo ista
 in Areopagitam quadrent, per otium videat
 honorandus senex, qui in hoc Gregorij nego-
 tio tam iuueniliter exultat, & quasi partâ de
 aduersario victoriâ mirum quantum vitulatur.

C A P V T XIV.

*Diuina Ecclesie Romanæ officia expendun-
 tur, & eorum in aliquibus ostenditur
 mutatio, ac defenditur.*

I. **I**N responsione ad caput 6. Dissertatio-
 nis retractat ea, quæ ad sacra Romanæ
 Ecclesiæ officia pertinent, sed dissimulat pe-
 nitus, quæ de antiquitate & aliquâ mutatione
 illorum duobus in locis scripsimus. Itaque
 non aliis quàm Milleti verbis responsionem
 primò repellimus: *Sententiam nostram Ecclesiæ
 Romanæ testimonio confirmamus satis superque.
 Etenim cum illa soleat proponere Sanctorum hi-
 storias ab omni non modò falsitate, sed quoad fieri
 potest, etiam ab omni suspitione falsitatis alienis-
 simas & castigatissimas, maxime verò in tremen-
 de Missæ sacrificio; quis nisi per insignem temeri-*

*tatem dicere audeat usam illic fabulosis narra-
tiunculis & errori suffragatam fuisse?*

De Officio Missæ Sancti Dionysij.

II. Certè in officio Missæ Sancti Dionysij Parisiensis non ex actis Apostolorum cap. 17. sed ex Sapientia cap. 10. lectio sumitur in Missali, quod à Paulo III. sic reformatum & approbatum est: *Vniuersis, inquit, & singulis Christi fidelibus presentes literas inspecturis salutem & Apostolicam benedictionem, &c. Datum Romæ anno 1549. Pontificatus nostri anno 15.* Deinde in antiquiori Missali, quod Francisco primo Rege Parisiis editum est, Sancti Dionysij officium de communi martyrum cantatur.

Romanum ordinem hac in parte secuti sunt Religiosorum Ordines vniuersi, imprimis Carthusianorum, in Missali edito Lutetiæ anno 1512. tum Cisterciensium in Missalibus cuiuscunque editionis, præterea Dominicanorum in Missali Parisiis edito anno 1519. vbi officium Sancti Dionysij de communi martyrum dicitur. Hic mitto Ecclesiam Cameracensem, Abrincensem, Sancti Martini Turonensis, & alias, quæ in Missalibus antiquis proprium nihil habent de Dionysio.

*De Breuiario Romano in die Sancti
Dionysij.*

III. Certè in Breuiario Romano, quod anno 1529. & 1543. Lutetiæ editum est, Dionysij

150 *Discussionis Caput XIV.*

Parisiensis festum simplex erat, & in eo vnica hæc lectio habebatur : *Apud Parisium natale Sanctorum Martyrum Dionysij Episcopi, Eleutherij presbyteri, & Rustici Diaconi. Qui Beatus Episcopus à Pontifice Romano in Gallias directus, ut predicationis opera populis à Christi fide alienis exhiberet, tandem in Parisiorum ciuitatem deuenit, & per aliquot annos sanctum opus fideliter & ardentè executus à præfecto Fescennino Sisennio comprehensus, & cum illo Sanctus presbyter Eleutherius, & Rusticus Diaconus gladio animaduersi martyrium compleuerunt. Quæ hinc de nocturnis vigiliis dicimus in Ecclesia Romana recitari solitis, ea omni retrò ætate recitata fuisse tandiu dicemus, quoad aliter recitatum officium ex vetustioribus exemplaribus ostenderint aduersarij.*

Ceterum cum ex Missali, tum ex Breuiario veteri Romanæ Ecclesiæ manifestum est, nullam de Arcopagita Romæ factam fuisse memoriam, deinde Dionysium Parisiensem simplici tantum festo ex cultum. Quæ cum ita sint, quis sanum Samblacati caput (ut illi sua verba reddamus) præstabit, dum in reconcinnato Palladio sic scribit pagina 45. *Quis autem adeo hebes, ut credat Arcopagita celeberrimo Pontifici nullum honorem Romæ habitum, Parisiensem verò omni veneratione per cultum.*

De Martyrologio Romano.

IV. Certè in Martyrologio, quod ad vsum Romanæ Ecclesiæ Parisiis editum est anno

Discussionis Caput XIV. 151

1573. Venetiis anno 1548. & 1522. & Patauij ante annum 1500. sic Atheniensis à Parisiensi Dionysio secernebatur : Calendis Octobris, Ciuitate Tornaco Sancti Piatonis presbyteri & martyris, qui cum Beato Dionysio Episcopo, eiusque sociis ab urbe Roma Galliam predicationis causa expetiit, &c. Ecce tibi Dionysius comes Piatonis, qui sub Maximiano passus est. Quinto Nonas Octobris : Natale Beati Dionysij Episcopi & martyris, qui post clarissimam confessionem fidei, post grauissima tormentorum genera glorioso martyrio coronatus est, ut testatur Aristides Atheniensis, vir fide, sapientiæque mirabilis in eo opere, quod de Christiana religione composuit.

Septimo Idus Octobris : Apud Parisum natale sanctorum martyrum Dionysij Episcopi, Rustici Presbyteri, Eleutherij Diaconi : Qui Beatus Episcopus à Pontifice Romano in Galliam predicandi gratia directus in præfatam urbem deuenit, ubi per aliquot annos commissum sibi opus ardentè prosequens, tandem à præfecto Fescennino unà cum sociis gladio animaduersus martyrium compleuit. Ex veteri Romano Martyrologio, quod Rosuueidus publici iuris fecit.

Quinto Nonas Octobris : Athenis Dionysij Arcopagita sub Adriano diuersis tormentis passus, ut Aristides testis est in opere, quod de Christiana religione composuit : hoc opus apud Athenienses inter antiquorum memorias clarissimum tenetur.

Septimo Idus Octobris : Parisiis Dionysij Episcopi cum sociis suis à Fescennino gladio animaduersi. Ex vtriusque diei verbis apparet.

quàm latissimum sit inter duos Dionysios discrimen. Hic suas Milletto reddimus voces: verum quid nunciat? *Teneri se sentit, quò dixerit? tam ridiculè & vanè profectò satagit eludere certissimum ietam, qui ex veneranda Martyrologiorum Ecclesia Romana antiquitate impellitur, ut mirum sit, doctissimum & sapientissimum alioqui virum dissimulasse, quæ de hoc argumento duobus in locis disseruimus.*

Quæ in officiis Ecclesie Romanæ mutata sunt, aliquatenus defenduntur.

V. Præterea valdè miramur, quòd Milletus ea damnat, quæ ne nouitas in Ecclesia Romana cum antiquitate pugnet, laudanda sunt. Etenim cum Sirmondus priuatorum quorundam studio non satis accurato factum intueretur, ut in Missali mutatum esset aliquid, quod non solum ab antiquis Romanæ & plurium Ecclesiarum Missalibus dissideret, id prudenter inuenit, quo & antiquitas non reiecta, sed retenta videretur, & in officio nouitas utcumque defensaretur. Fuit & alius vir eruditus Duacensis Cancellarius, qui hæc etiam cum peruideret, de Magdalena differens in eundem finem asseruit, duorum vno die Dionysiorum apud Latinos festum agi. Quare licet aliud à Sirmondo, aliud ab Estio dicatur, tuendæ tamen Ecclesiæ Romanæ, quæ ista tolerat, gratiâ dictum credas.

Milletus contrà ut suis seruiat studiis, antiquitatem negligit, quam sese amare simulat,

iniquitatem attollit, & quod vnius, aut alterius hominis est, omnibus tribuit magno omnium detrimento. Vtri verò rerum Ecclesiæ prudentius satagunt? Millerus-ne, an Sirmondus & Estius? iudicent ij, qui Sectariorum nouitatem veneranda Ecclesiarum antiquitate prosternunt, qui quod priuatorum hominum est, in Ecclesiam non transferunt, ne quod in priuatis hominibus vitium deprehenditur, in generali Ecclesiæ societate deprehendatur.

Romanum Breuiarium nouum vrget, nos antiquum vrgemus, quod Hilduinianæ opinionis nihil contineret. Vtri melius vrgent, aut ad assertionem veritatis aptius? Pro nobis aduersus Milletum Sixtus Papa & Ephesinum Concilium præscribunt, *nihil ultra licere nouitati, quia nihil adiici conuenit vetustati.* Vrget adhuc, & vt nouum veteri præferatur, exigit importunè, sed prius videat, quid Parisienses Theologi ad annum 1583. de illo recenti Breuiario senserint tomo 2. Libertatū Galliarum.

Præterea sub Clemente VIII. correctum est Breuiarium Romanum, & Anthologium seu Græcum Breuiarium editum est; istud quidem pro Græcis, qui in vrbe & alibi commorantur; illud verò pro Latinis, qui in Vrbe & alibi viuunt. Vtrumque porro Clementis auctoritate, vt in talibus fit, munitur, & probatur. At quo mense Latini in Breuiario canunt Magdalenam in Prouincia obiisse, eodem die Græci recitant eandem Ephesi defunctam, & illius reliquias sub Leone Imperatore Constantino-polim translatas esse.

Hæc cum ita sese habeant , iam alibi diximus, & modò repetimus, ista omnia nullo publico Romanæ Ecclesiæ iudicio facta esse, sed priuatorum quorundam hominum studio, quibus corrigendi Breuiarij cura demandata est. Itaque ex Breuiariis, quæ tam sæpè mutantur, vti Romanum mutatum est, nihil colligetur vnquam certi, nisi dum vltima facta fuerit correctio, vel cum veteribus Martyrologiis, & explorata per suas leges traditione concordarint.

Petita ex Romano Martyrologio Baronij obiectiuncula diluitur.

VI. *De Martyrologio Romano*, inquit, *ecquod erit indicium aduersariorum? ecquæ sententia?* Respondemus, non eandem omninò futuram nostram, quæ Millæti fuit in Vindictiis lib. 2. cap. 4. *Nulka*, inquit, *ad nos, nisi adiectione nonorum Sanctorum, aut Græcorum imitatione Martyrologia corrupta peruenerunt.* Hic de Martyrologio Romano, quod laudat, æquè ac de ceteris omnibus decernit, aut vitæ tam subtilis turpiter ignorat, quid valeat præfixa propositioni negatio. Sed speciatim redarguit illud in Responsione ad caput 4. Dissertationis paragrapho sexto: *Methodius*, inquit, *Martyr appellari legitimè & multorum exemplo potest, quanquam in Martyrologio 14. die Iunij Martyr minimè vocetur.* Hoc qui tam confidenter scribit, nonne Martyrologium, & Martyrologij censores accusat, quòd non

appellarint martyrem, qui legitimè & multorum exemplo Martyr debuit appellari? Pari modo idem sugillat Martyrologium in epilogo Responsionis, quòd Verum Viennensem non vocet Martyrem, qui Martyr suo iudicio vocandus est. Sapit ergo supra eos, quorum in recognoscendo Martyrologio prudentiam & eruditionem commendat. Ita sapit in sua principia desipiens, vt Tolosano declamatori contra nostras animaduersiones aliquid, sed incassum prætudat. Pergit autem eleganter vir argutus contra se: *Cum venia illorum audent quodlibet, dum quem minimè possunt nodum exolvere, actutum rumpunt.* Qui profectò in Vindiciis & in Vindiciarum defensione sic disputat, dignus est, qui totis theatris explodatur. Illius criminis accusat aduersarios, cuius cum vel maximè conscium esse nemo non videt. Apage à me, qui tam vanam disputandi rationem sequeris.

Nos iam alibi ostendimus in Romano Martyrologio, quod Galefinius edidit, Dionysium Parisiensem cum Areopagita confundi, qui in eodem omni superioris temporis memoria distincti erant. Quæ in re laudem nullam meretur, qui confudit: immo, vt & de aliis sit exemplum, vehementer accusandus est, quòd ad 24. Ianuarij ex appellatiuo nomine proprium, & ex proprio Synoridem martyrem fecerit. *Ibidem (Antiochiæ) Sanctæ Synoridis Martyris.* Deinde non Gregorius XIII. sed qui Martyrologium commentariis illustrauit, accusandus videtur, quòd rex-

rum probavit ex ea Chrysostomi homilia, vnde & ipsum nomen appellativum viri docti deprehenderunt. De ea, inquit ille, scribit Sanctus Ioannes Chrysostomus homilia 4. de Lazaro. De alia iuniori nobilitate & pietate clara fœmina Synoride Sanctus Hieronymus epistola 8. ad Demetriadem. Quærant nunc apud Gregorium Turonensem, an simile quid offendatur. Sed quid postea factum? Baronius de hac re monitus textum & notas in proximis editionibus sustulit. Sustulit, inquam, monitus ab amicis, Nicolao Fabro & aliis, quibus Milletus calces nunc impetit acutissimas.

Hic sisto gradum, quoad Baronij Martyrologium anno 1587. editum Venetiis inspexit, & hanc editionem cum sequentibus composuerit. Ut igitur Areopagitæ Parisiensis assertionem Gregorio XIII. tribuit aduersarius, ita & eidem Antiochenæ Synoridis martyrium tribuat necesse est. Cum quæ ex literis Papæ ad Martyrologium appositis citantur, Synoridi iuxta & Areopagitæ conveniant. Ego vero nunquam tribuam, neque Pontificem in emendatione Martyrologij vltima expertum afferam, quo quicquid habet auctoritatis in examinandis Ecclesiarum libris periclitetur.

C A P V T XV.

*Duo referuntur absurda, quæ non potuit
eludere Milletus, nisi multipli-
catis absurdis.*

I. S I R M O N D V S in Dissertatione septi-
mum caput instituit, quo appositè do-
cet, eos absurdis se dictis implicare, qui post
Carolum Magnum Dionysium Parisiensem
cum Areopagita confuderunt. Absurdum
vnum repetit ex Hilduino & aliis, qui scribunt
Dionysium octogenario maiorem venisse in
Galliam, & *varias*, vt ait Milletus, *Occidentis*
provincias cum Euangelica face lustrasse. At
muneri Apostolico, tantisque itinerum labori-
bus impatrem hanc fuisse ætatem nemo non vi-
det. Absurdum alterum memorat ex Græ-
cis, qui in Synaxario tradunt, Dionysium ab
Ethnicis comprehensum flammis consumptum
fuisse, libris eius vnà concrematis, sed postea ad
Occidentem profectum regnante Domitiāno,
vbi pluribus editis miraculis capite cæsus est.
Quæ omnia sine dubio absurdissima sunt. Sir-
mondus alia similia perurget, sed quæ Mille-
letus furtim præterit, vt hæc duo potissimum
defendat, sed infelici successu.

Quæsitum ex ætate Dionysij absurdum eludit Milletus.

II. Ad primum autem absurdum quod attinet, exempla cùm deessent, quibus æqualem nonagenario Areopagitæ peregrinationem fulciret, rhetoricatur, & ἀπαρδόνυσσα congerit. Quippe producit Titum Cretensem, qui propè centenarius vivere defuit; Simeonem Hierosolymitanum, qui centum & viginti annorum senex supplicio crucis ferendo fuit: Dorotheum Antiochenum, qui totidem, vno minus, expleuit annos: Cyrum Episcopum, qui triginta supra centum emensus est: Remigium Remensem, qui septuaginta annos sub ipso Episcopatus onere transegit: Ioannem, Polycarpum, Photinum, Irenæum, qui nonagenariis maiores exilia & martyria pertulerunt. His & paribus infinitis exemplis quid quæso conficitur? Aliud est, Episcopum nonagenarium aut centenarium in sua sede mori, seu trucidari, vel etiam in exilium amandari: aliud Episcopum nonagenarium talem peregrinationem suscipere, qualem ab Areopagita susceptam volunt, nisi currus & comitatus ab Imperatoribus idololatriis illi paratum fabulentur.

Quæsitum ex Synaxario Græcorum absurdum misere eludit Milletus.

III. Ut secundum absurdum effugeret, in

gravius incurrit. Quod infortuniij genus accidere solet iis, qui sibi proponunt, rebus omnibus, quæ obiciuntur, quoquo modo respondere. Sed aduersarium audiamus: Dionysium refert auctor ille Synaxarij unà cum suis libris igne consumptum, deinde venisse ad Occidentem, ubi sit obtruncatus. Certè signis hunc audiendum existimet, æquus erit interpretari, Dionysium ignibus ereptum, & positum esse ὁλοκαυστῆται, pro sacrificatus est. Hoc enim propriè apud Nazianzenum significat, id est, ignibus pro fide cruciatus est, unde diuina virtute euaserit. At cum in Synaxario libri Dionysij cum auctore conflagrarunt, æquum erit pariter interpretari, Dionysij libros ignibus ereptos, & eo sacrificij genere immolatos esse, quo nullam iacturam sustinuerint. Hæc quæ absurda sunt, ex Milleti interpretatione, pari successu deducuntur.

Ceterum absurdis illis, quæ ex Ateopagricorum operibus referuntur, facilè se expedit Samblacatus, qui in altera & corruptiori editione Palladij scribit, Hilduinum fortè ex præcepto magni oratoris historiam (Dionysij) mendaciunculis aspersisse. Nos verò ex præcepto Dei mendacia detestamur, & suis auctoribus relinquimus. Non sit nobis religio in phantasmatibus nostris, inquit Augustinus: Melius est enim qualecunque verum, quàm omne quicquid pro arbitrio fingi potest. Sed quid tandem veri sperandum est à Samblacato, qui in conscribendis Sanctorum historiis mendacia non improbat; viderint illi, qui eiusmodi homi-

150 *Discussionis Caput XVI.*
nis in scribendis Galliæ historiis pericula le-
gerunt.

C A P V T X V I.

*Studio partium auctores suos fædè deserit
Milletus, Hilduinum, Radbertum, Metho-
dium, & Metaphrastem collocantes mor-
tem Dionysij sub Domitiano.*

I. **H**Oc capite quid possint studia par-
tium, quibus abripitur aduersarius,
manifestum me facturum spero. Sirmondus
de obitu Areopagitæ disputans, illum sub Do-
mitiano duabus præcipuè de causis occubuisse
contendit. Vna petitur ex Hilduino, Radber-
to, Methodio, & Metaphraste, qui conceptis
verbis mortem Areopagitæ sub illo Cæsare
constituunt; altera deducitur cum ex Qua-
drato, qui Apologeticum suum Hadriano ob-
tulit anno Imperij sexto, tum ex paucitate an-
norum, qui inter Areopagitæ successores Pu-
blius & Quadratus intercedunt.

*Quomodo primam rationem soluat ad-
uersarius?*

II. Primam rationem ut euitet aduersa-
rius, luculenter oppugnat auctores suos, qui-
bus ut assertoribus veritatis panegyrim non se-
mel dixit, quibus vel solis totæ propemodum
quantæ

quantæ sunt Vindiciæ, & tota quanta est ista Vindiciarum defensio, fulciuntur. Oppugnat, inquam, Hilduinum & Radbertum, quos, ut ait, *sua merita tutantur efficacius à calumniis quorumcumque hominum, quàm ut patrociniū ullius desiderent.* Oppugnat Methodium, quem omnes ita magnificè extollunt, ut extra teli aduersariorum iactum positus sit. Oppugnat Metaphrastem, cuius, ut in Vindiciis docet, Dionysianam historiam Florentina Synodus probauit, nec minus opinor quoad Dionysij excessum, quàm quoad illius missionem probauit. Huc tendunt, (nisi volatica sint omnia) quæcunque per duas paginas in operis Metaphrastæ commendationem elegantissimè scripsit.

Quorsum verò sic suos auctores oppugnat? scilicet cùm vidit ex Dionysij morte sub Dömitioniano posita libros illius vehementer peti, maluit auctores suos vir probus deferere, & dictas illis omnibus panegyres turpiter fœdare, quàm vllam conciliandæ apud aliquos aduersario inuidiæ ansam præterire. Et sanè, quando iam optimè nouit omni se ratione destitui, nisi quosdam secum infatuet, non mirum est, miserabili illum suffugio abuti.

Quomodo secundam rationem diluat?

III. Secundam rationem cùm soluere non potuit, suis diuerticulis interturbauit, & Martyrologia Bedæ, Adonis, Notkeri, & Rosuicidi ita amplexatur, ut naufragus alicuius tabulæ

fidem. Sed illis Martyrologiis vir insigni memoria præditus omnem alibi detraxit auctoritatem. *Corruptum*, inquit, *Beda Martyrologium adducunt*: Romanum Rosuucidi *dubia, plurimùmque suspecta fidei est*. Vno verbo: *Nulla ad nos, nisi adiectione nouorum Sanctorum, aut imitatione Græcorum Martyrologia corrupta peruenerunt.*

Diffimulat quoque rationes, quibus Adriani nomen Martyrologiis perperam additum commonstrat Sirmondus. Non diffimulat verò, nisi quia optimæ sint & efficaces. Ego præterea vt liberè dicam quod sentio, duo nî fallor, in causa fuerunt, cur in quibusdam Martyrologiis Areopagitæ mors sub Adriano collocetur: vnum est, quòd cùm alij viderent epistolas Ignatij, qui ad annum Traiani vndecimum occubuit, ab Areopagita laudari, mortem illius ad imperium Adriani reiecerint, nec rem aliter expenderint. Alterum, quòd alij sub eodem principe mortuum scripserint, vel aliorum scriptis addiderint, vt ineluctabile vitarent argumentum, quo Dionysij opera petebantur, apud Photium Cod. i. Bibliothecæ. Verùm de Dionysij operibus quæstio non est huius loci, & à Catholicis Episcopis contra hæreticos disputantibus Constantinopoli pridem tractata est.

CAPVT XVII.

De Dionysio quaesitum ex ordine Litaniarum argumentum defenditur.

I. **S**V B finem Responsionis Milletus compellat me plurimum, ut monumenta veteris & nouae traditionis, quam per statas diuersarum Galliae Ecclesiarum preces sanciuimus, defendam. Res igitur sic se habet. In nostris ad Samblacatum animaduersionibus triginta circiter Ecclesiarum Litanias, quod antiquissimum & ordinatissimum genus precis est, exhibuimus, ubi secundum posteriores Aurelio Imperatore martyres reponitur Dionysius, & iis ferè semper accensetur, qui sub Maximiano martyrium explerunt. Sed cum euidentem & firmam traditionem nec ferre nec emouere posset aduersarius, primum ait *illa omnia cum radio legi*. Optimè quidem. Etenim cum radio legit, quæ lecta nocent, studia partium retardant, & veritati contra mendacium patrocinantur: deinde ad suos communes locos citissimè recurrit, quibus more suo historiae lucem obscurèt, & publicæ fidei constantiam succutiat. *Beatus*, inquit, *Martinus in Litanis Nicolao praeponitur, qui tamen ante Martinum excessit*. De Dionysio disputamus, & ad Martinum diuertit. Quo responsionis genere infirmaretur ratio, qua quis ex

moicenses monachi dudum ostenderunt. Et enim cū ē re monasterij sui esse perspexerunt, vt Martialis Petri discipulus & Galliarum Apostolus haberetur, illum statim in Litanis ex ordine Confessorum, in cœtum Apostolorum reuocarunt : perinde quasi nulla fuisset aptior ratio, qua inauditus per nouem circiter sæcula Martialis Apostolatus posterorum memoriæ commendaretur. Ergo Milleus de suis, qui veteres Aquitanorum Litanias peruerterunt, prius iudicium ferat, quàm nostrum ex iisdem incorruptis argumentum sugillet; prius alium in Ecclesiis, quarum meminimus, Litaniarum ordinem exhibeat, quàm priscae traditionis monimenta aspernetur, quæ debent alioquin omni veneratione dignissima iudicari.

C A P V T XVIII.

Ex prahabitis de duplici Dionysio disputationibus aliquot obseruatae utilitates.

I. **A**D finem huius Discussionis operæpretium est, nonnullas utilitates obseruare, quæ cū ex nostro de Areopagitieis Hilduini Iudicio, tum ex collatitia Milleti Responsione deduci possunt.

*Illustrata Eugenij presbyteri & martyris
historia, & quæ ei addita est falsi-
tas repulsa.*

II. Prima utilitas est fraudis vel ignorantie detectio, qua monachi quidam post excessum Ludouici Pij fabulosam Eugenio presbytero & martyri vitam appinxerunt: unde postea magnum pro Areopagita Parisiensi quæsiuerunt argumentum. Sed ut inditum vero falsum agnoscatur commodius, quod verum est, antè narrari oportet.

Sincera de Eugenio presbytero & martyre traditio.

III. Traditio est omnibus retrò sæculis in Occidente, & in Gallia potissimum ac Parisiensibus Ecclesiis, Eugenium quendam olim fuisse, qui non procul à Lutetia pro Christi nomine gloriosum martyrium fecit.

Testatur hoc imprimis vetustius Vsuardo Martyrologium, quod in antiqua Sancti Martini de Campis Bibliotheca vidimus, ad 17. Calendas Decembris: *Ipso die natalis Sancti Eugenij, qui apud pagum Parisiensem consummato martyrij cursu, beata passionis coronam percepit à Domino.*

Testantur deinde alia manuscripta Martyrologia Vsuardi, Parisiensis Ecclesiæ, Sancti Victoris, Sancti Sepulchri, Sancti Dionysij apud Guidonem Abbatem in Sanctilogio,

quod extat in Bibliotheca Sancti Victoris. Quibus omnibus idem asseritur.

Testatur præterea impressum Patauij ante annum 1500. tum Veneriis 1522. & 1548. recusum Martyrologium *iuxta morem Romanæ Ecclesiæ*, in quo idem legitur ad 17. Calendas Decembris: *Ipso die Sancti Eugenij, qui apud Parisiensem pagum consummato martyrij agone beate passionis coronam percepit à Domino.*

Testantur denique Parisiensis Ecclesiæ Missaliū, Antiphonaliū & Breuiariorum Calendaria, & habitæ in Officio Eugenij orationes. Quibus in omnibus cū manuscriptis, tum editis ann. 1528. & 1545. & quibusdam aliis consequentibus annis, non habetur, nisi pro martyre, qui Episcopus non est.

Hæc cū ita sint, dubium nullum est, quin hæc prima, eaque tam constans traditio veritate nitatur.

Sub quo Imperatore passus sit Eugenius.

IV. Sub quo Imperatore passus sit Eugenius, certò pronuntiare operosum est, cū vetera Martyrologia veteresque historiæ sileant. In gestis quidem Fusciani & Victorici, quæ Milletus ex Bibliotheca Corbeix, & Sancti Germani Pratenfis exhibuit, & in quibusdam aliis, quæ nos etiam in Iudicio de Hilduini Arcopagiticis exhibuimus, ad æram Diocletianeam pertinet Eugenij martyrium. Quod ita crediderunt, qui cū Sanctorum Fusciani & Victorici gesta interpolarent, sublato

Dionysij nomine in eius locum succederunt Eugenium, quo memoratus in iisdem gestis duodecim virorum numerus conseruaretur. Et reuera non diffiterer, quin Eugenius ad Diocletiani & Maximiani persecutionem referretur, quæ supra ceteras Christianorum vexationes Parisios & Belgium affecit.

*Addita precedenti historiæ falsitas narratur,
& sua ipsius narratione refellitur.*

V. Quam monachi, nî fallor, Sancti Dionysij falsitatem, superiori historiæ adiecerunt, ea sic se habet ex codice manuscripto Sancti Remigij Remensis, vnde alias excerpsumus: Dionysius Areopagita Roma discedit in Galliam, Romanum ciuem secum adducit Eugenium, Antistitem à se creatum Arelate in Hispaniam ablegat Toletum. Hic Eugenius fundat Ecclesiam, populos ad fidem Christi conuertit, Toletanam Ecclesiam dedicat in honorem Beati Stephani protomartyris, epicum carmen 14. versibus conflatum scribit in gratiam Christianorum, quod ita incipit: *Rex Deus immensi quo constat machina mundi.*

Deinde vbi Ecclesiam suam idoneo clericorum numero instruxit, Toletum Lutetiam proficiscitur Magistrum visurus. Cùm verò non procul ab vrbe peruenit ad locum nomine Diogilum, ab incolis accipit mortem Areopagitæ, tunc hymnum conficit, cuius initium est: *Celi cines applaudite.* Hoc hilarè decantato soluitur in lacrymas, sed ex eo tandem

sefe & alios collacrymantes solatur, quòd Dionysius in cælum euolarit. Hinc Euangelij sementem huc atque illuc spargit, quo breui comperto ablietoribus capitur, & à Fescennino interimi iubetur. Hæc est summa vitæ, quam Eugenio presbytero & martyri appinxerunt.

*Methodius Constantinopolitanus in locum
huius Eugenij substituit Marcellum
Fusciani & Victorici socium.*

VI. Hic ad Methodium Areopagiticorum Achillem digredior, qui in vita Dionysij rem aliter narrat, & alium Fusciani & Victorici collegam nomine Marcellum scribit à Dionysio in Hispaniam legatum: *Socij autem*, inquit, *Beati Dionysij fuerunt Saturninus, Marcellus & Lucianus, qui cum eo erant. Hi cum conuenissent, & unà iter facerent, peruenerunt ad portum Arelatensis urbis. Tunc Sanctus Dionysius Marcello misso in Hispaniam, ut Ecclesiæ Christi verbum vita proponeret, &c.* Hic ille est Marcellus, qui in omnibus Fusciani & Victorici gestis, siue Dionysium exhibeant siue non exhibeant, Luciano, Quintino & aliis coniungitur, & Imperio Maximiani consignatur. Methodio tamen placuit ad Domitiani & Clementis Papæ tempus reuocare, & Dionysij Areopagitæ legatum in Hispaniam facere, sed ad Eugenium nostrum redeamus.

Suam monachi de Eugenio confectam historiam Gerardo Abbati Broniensi persuaferunt, & quomodo?

VII. Satis non fuit monachis Sancti Dionysij nouam de Eugenio cudere historiam, sed aliis paulatim persuadere oportuit. Sub annum 920. virum facilem inuenerunt, cui illam persuaferunt. Is est Gerardus Abbas Broniensis, vt discimus ex eius vita, quam ab anonymo monacho editam apud Surium sic contrahimus: Per visum à Beato Petro monetur Gerardus, vt monasterium extruat, illucque inferat reliquias Eugenij martyris, Petro respondet Gerardus nihil prorsus esse, cur tanti martyris corpore potiturum se speret, sed esse cur speret, iterum respōdet Petrus, Non multò post Berengarius Comes ad Robertum Regem ablegat Gerardum, mox ille itineri se committit, inter eundum ad Sancti Dionysij monasterium diuertit, ibi Lucernario interest: at factā de Eugenio memoriam inter vespertinas preces cū audiit, animi pendere cœpit, sitne ille Eugenius, quem ante susceptam legationem habuerat in viso. Ceterum de Eugenio ex illustrioribus contatur monachis, qui sic respondent: *Ignorāsne venerande Pater, hunc Eugenium Tolctanum fuisse Episcopum, auditorem quoque Patroni nostri?* Hoc audito statim martyris efflagitat reliquias, seque breui relaturum par pari spondet. Sed nihil hac vice consequitur, & rem in aliud tempus remittit. Gerardus

vbi reuersus est, vt apud Sanctum Dionysium monachus fieret, à Berengario & Leodiensium Præsule veniam petit, & obtinet. Fit ergo monachus apud Sanctum Dionysium, & quæ in Lotharingia possidebat, monasterio largitur. Hinc post aliquod temporis spatium nactus opportunitatem postulat Eugenij reliquias, & pristinum Fratribus visum exponit, quo vt monasterium in honorem Petri & Eugenij ædificaret, monitus olim fuerat. Tum difficiles sese monachi præbere, Gerardum ab hoc consilio deterrere, & multa causari, cur sacras martyris exuias dare non possent, & præsertim quòd multa in monasterio miracula patraret; sed tandem aliquando consentire Gerardi votis: *Quem petis*, inquit, *Beatissimum Eugenium sponte damus.* Hoc pignus cum accepit, monasterio & vicinia clam se subducit, nequid ab indigenis molestiæ patiatur, in Broniensem Ecclesiam martyris corpus inducit, cultum illius prohibens Episcopus à Deo punitur, sed facti pœnitens Eugenio festum decernit, & amotis Clericis, quod rei caput est, monachos in Broniensem Ecclesiam inducit, eos ab omni obsonio, quod loci Episcopo soluebatur, immunes reddit, & hæc omnia Synodico decreto confirmat.

Quàm autem oppidò ridiculus sit in Vindiciis Milletus, qui ex hoc Synodico decreto Arcopagitam asserit Parisiorum Episcopum, nemo non videt.

Suam monachi de Eugenio confictam historiam Remundo Toleti Episcopo persuaferunt, & quomodo?

VIII. Secundus, cui sub annum 1148. suam historiam monachi nostri fecerunt plausibilem, fuit Remundus Toletanae sedis Episcopus, ut scribit Lucius Marinæ Siculus: *Remundus*, inquit, olim Toletanae sedis Antistes ad Concilium apud Remos Galliae populos celebrandum temporibus Eugenij summi Pontificis in Galliam profectus est. Qui cum in Urbe Parisiorum ad Ecclesiam Sancti Dionysij orandi gratia dinertisset, in eadem Ecclesia quoddam sepulchrum inuenit, quod apud eos magna venerationis habebatur, in quo ex eius superscriptione Beati Eugenij Toletani Archiepiscopi corpus humanum esse cognouit: de quo diligentius inquirens quis fuerit, vel qua ratione à propria sede quiescerit, tum ex relatu hominum, tum ex eius vita, quam ibi descriptam inuenit,prehendit. Hic monachi ostendunt Eugenij corpus, quod pridem Gerardo Abbati concesserant. Verum ad hoc Remundi tempus, ut ad certam nouae opinionis originem reuocandum est, quicquid Vassæus, Mariana, & alij rerum Hispanicarum scriptores de Eugenio Areopagitæ discipulo, & primo Toleti Praefule suis libris, Hymnis & Breniariis intulerunt. Sed istis nouitatibus antiqua Toletanorum traditio reclamationem. Quid memorem Ildefonsum, Iulianum & Felicem Toletanos antistites, qui de viris illustribus

librum scripserunt , nec vltra quàm duos ibi Eugenios sub Chindasuintho & Reccesuintho Regibus agnouerunt ? Quid referam Eulogium Toletanum quoque Episcopum , qui in Memoriali Sanctorum tribus libris comprehenso huius non meminit Eugenij ? At meminisset proculdubio , siqua suo tempore apud Hispanos illius traditio fuisset.

Suam monachi de Eugenio historiam Galefinio persuaferunt, & ei, qui post annum 1595. Missale & Breuiarium Parisiense correxit.

IX. Tertius monachorum & Remundi credulitatem amplexus est Galefinius , qui dum Martyrologium Romanum ederet , Parisiensi Eugenio Toletanæ sedis antistitium gratis concessit, & Areopagitæ discipulum vocauit. Quæ inducta in Martyrologium nouitas vt confirmetur , Beati Gerardi historiâ , & prospero apud Sandionysiæ monasterium Remundi successu nihil adfertur antiquius, nihil certius.

Denique qui Parisiensis Ecclesiæ Missale correxit , sustulit communem de martyre non Pontifice orationem , quæ omni retrò ætate sic habebatur : *Presta quæsumus omnipotens Deus, vt qui Beati Eugenij martyris natalitia colimus, &c.* Deinde in huius orationis locum aliam martyri & Pontifici aptatam suffecit. Circa illud quoque prædictum tempus Bre-

uiario indita est noua lectio, quam Breuiarium monachorum Sancti Dionysij suppeditauit. Neque tamen ob id vetus traditio omni ex parte abrogata est; tum quia Martyrologium, quod singulis diebus legitur, nondum immutatum est; tum quia Calendarium Missalis & Breuiarij, quo Parisiensis hodiéque vtitur Ecclesia, inducentis nouitatem correctoris manuseffugit: sic enim adhuc legitur 17. Calendas Decembris: *Commemoratio Sancti Eugenij martyris*, nec vt in commemoratione Episcoporum; Episcopus aut Pontifex pro more Calendariorum appellatur.

*Fraus detegitur; qua Hymnus in laudem
Dionysij editus tribuitur Eugenio
martyri.*

X. Ad fraudis istius detectionem multa scitu necessaria sunt, quæ sic breuiter explicatum imus. Vnum est, Hilduinum omnium primum Eugenio Toletano Hymnum in laudem Dionysij editum affinxisse in Areopagitici: *Nec mirari quis poterit, inquit, cur Hymnum Sancti Eugenij Toletani de Beato Dionysio habeamus.* Alterum, nec hymni verba referre Hilduinum, nec significare, qualis ille fuerit Eugenius, Confessorne an Martyr; discipulus Areopagitæ, necne? aut quo tempore vixerit? Tertium, Eugenio Toletano Hymnum affingendi causam ex eo habuisse, quod Eugenius Toletanus iunior scribendorum carminum facultate excelluerit, Quartum, mona-

chos, qui post Ludouici Pij mortē noua Eugenio martyri gesta tribuerunt, Eugenium Toletanum imprimis cum Eugenio Parisiensi martyre confudisse: tum discipulum Areopagitæ fecisse, à quo ab vrbe Arelatensi in Hispanias Toletum missus est. Denique fictum à se vel ab Hilduino carmen nouitiis Eugenij gestis inseruisse, & illud vt fraudem occultarent, cum alio carmine coniunxisse, quod ad Eugenium Toletanum iuniorem pertinet. Quintum, inter Eugenij Toletani opuscula, quæ Lutetiæ anno 1619. Sirmondus in lucem emisit, extare quidem carmen illud, quod sic incipit: *Rex Deus immensi, quo constat machina mundi.* sed non extare fictum à monachis Hymnum, qui sic incipit: *Celi ciues applaudite.* Retrudatur itaque Hymnus ille in armarium monachorum Sancti Dionysij, vnde non antè prodit, quàm auctorum suorum suppinitatem in rebus Ecclesiasticis prodiderit. Nullus enim ante Hilarium & Ambrosium hymnos in laudem Dei vel Sanctorum cecinit in Ecclesia: vt testatur Isidorus Hispalensis, qui Eugenium Toletanum & illius opera probissimè nosse potuit: *Sunt autem, inquit, diuini hymni, & ingenio humano compositi. Hilarius autem Gallus Episcopus Pictaniensis, eloquentia conspicuus hymnorum carmine floruit primus, post quem Ambrosius Episcopus vir magnæ gloriæ in Christo, & clarissimus doctor in Ecclesia copiosus in eiusmodi carmine claruisse cognoscitur, atque inde hymni ex eius nomine Ambrosiani vocantur, quia eius tempore primum in Ecclesia Mediolan-*

nensi celebrari cœperunt : cuius celebritatis deuotio posthac per totius Occidentis Ecclesias obseruatur. Hactenus de prima vtilitate, quæ paucioribus vix potuit verbis explicari.

Hymnus de Sancto Dionysio perperam adscriptus Fortunato Pictauiensi.

I. Secunda vtilitas in alterius fraudis aperi-
tione consistit, qua monachi quidam alij
aliud de Dionysio hymnum Fortunato affinxerunt. Sed hæc impostura superiori minor est, cum in hoc carmine Dionysius non Areopagita, sed à Clemente tantum missus dicatur. Areopagiticis tamen inconsequenter differendi materiam præbet. Huius autem carminis primus meminit auctor suspectissimus, id est Hilduinus in Areopagiticis num. 12. *Fortunatus*, inquit, *vir prudens & scholasticissimus in hymno de Sancto Dionysio martyre composito commemorat eum à Beato Clemente destinatum, sicut in Latinorum paginis didicit. De natione autem & ordinatione Episcopatus mentionem non facit, quia lingua Græca penitus expers fuit.* Egregiam verò rationem! qua ceteroquin apparet Latinorum libros nihil prorsus habuisse de Areopagita, & ad illud saltem usque tempus ignorari, quoad Dionysius Parisiensis fuisset idem, qui Areopagita. In his verò figmentis Milletus cum suis erubescat, quibus idem est esse à Clemente missum, atque Areopagitam: *Fortunatus de natione Dionysij mentionem non facit, quia lingua Græca penitus expers*

pers

pers fuit. Qui profectò monachus hymnum sub nomine Fortunati supposuit, valdè culpandus est, quòd linguam Græcam non didicerat in gratiam Monasterij & Hilduini.

Aliquot ad excernendum ampliùs supposititium factum rationes.

II. Ad ea, quæ iam diximus, accedunt alia nonnulla, quibus hymni suppositio conuincitur.

Primum & notatu dignissimum est locus, unde prodiit, monasterium videlicet Sancti Dionysij, vt Saussæius refert in Apologia pro Hilduino: *Acceptum*, inquit, *en exhibemus illum Fortunati hymnum ex sacrario regalis Ecclesiæ Sancti Dionysij, in quò descriptus unà cum hymno Sancti Eugenij legitur.* Quòd autem sacrarium istud vel armarium monasterij nullam fidem mereatur in iis, quæ ad hanc rem pertinent, omnibus notum est.

Secundum, duorum de Sancto Dionysio hymnorum in eadem monasterij membrana descriptio. *κολλοῖς παρὰ κολλοῖν.* Sed illi duo hymni ab eodem editi non sunt auctore ex criticis Hilduini. Qui enim hymnum sub Eugenij Toletani nomine composuit, linguam Græcam nouerat, quòd Areopagi, Athenarum, & Dionysij Sophistæ meminerit. Horum verò non meminit, qui Fortunato hymnum adscripsit.

Tertium, quòd hymnus ille inter opera Fortunati non extet, seu quæ Margarinus Bignæus

edidit Lutetiæ in Bibliotheca Patrum, seu quæ Christophorus Brouerius Moguntia diligenter recensuit. Quare Samblacatus Brouero luculenter imponit, dum in recuso & pluribus aucto mendis Palladio sic scribit : *Fortunatus apud Brouerum in hymno de Dionysio Parisiensi ita canit*, &c. Sic mihi quoque imposuit, dum me Sulpitium Seuerum & Prosperum Aquitanicum *Francos* appellasse nugatur.

Quartum, quod Fortunatus, vbi lib. 1. Opusculorum cap. 11. de Dionysio, & lib. 2. de Cle-
ro cap. 10. & de Ecclesia Parisiensi cap. 11. plura canit egregiè, nunquam significet, Dionysium vel à Clemente missum vel Areopagitam fuisse, licet tantæ rei significandæ commodissimam occasionem habeat, & vsquequaque pangendi carminis materiam quærat & argumentum.

Quintum, quod Gregorius Turonensis, qui se Fortunati libros & versus lectitalle non semel testatur, nunquam certæ prodidisset memoriæ, Dionysium Parisiensem sub Decio in Galliam venisse, si Fortunatus eundem à Clemente missum cecinisset. Quippe tam dissona vix affirmassent duo vicini & coæui scriptores, quos inter nulla partium dissidia, sed summa studiorum animorumque coniunctio semper viguit. Quin etiam sua nonnunquam Gregorius ex auctoritate Fortunati confirmabat: Vide librum 1. de gloria Martyrum cap. 42. de templo Sancti Laurentij: *Fortunatus presbyter multo plures scripsit versiculos, quos ego prætermisi, hos tantum pro testimonio veri scribens.* Vide

quoque librum 5. historię Francorum cap. 8. *Siquis tamen strenuas virtutes illius (Sancti Germani) quas in corpore gessit, sollicitè vult inquire, librum vitę illius, qui à Fortunato presbytero compositus est, legens cuncta reperiet.*

Vulgata Dagoberti gesta ab equali conscripta non sunt.

I. Tertia vtilitas ex recensione gestorum Dagoberti Regis profecta est, dum illa ab æquali, vt iactant, conscripta non esse ostendimus ex cap. 43. *Idcirco, inquit auctor monachus Sancti Dionysij, ad obitum ipsius (Dagoberti) describendum vertens articulum, quid in ipsa infirmitate positus gesserit, & vnum, quod in quadam vetustissima reperi charta, quam, ut ferebatur, Beatus Audoënus Episcopus scripserat, breuiter narrabo miraculum.* At certè charta illa nulli vetustissima esse potuit, nisi qui diu vixerit post Dagobertum. Quare quòd in iis Dionysius à Clemente missus dicatur, non ad Dagoberti sed ad illius pertinet ætatem, qui regis illius gesta scripsit, & pluribus fabulis inspersit. Hęc gesta ex tabulario monasterij profecta cum non viderit Hilduinus, eorum auctorem Hilduino posteriorem haud temerè coniicies.

Romanum monasterium Græcorum non est à Stephano III. conditum, sed à Paulo I. nec Areopagite & sociis dedicatum, sed aliis martyribus.

I. Quarta vtilitas manat ex illustrata origine & dedicatione monasterij, quod olim Romæ pro monachis Orientalibus edificatum est. Monasterij originem & dedicationem habemus ex Paulo primo, qui illud fundavit, & ex Anastasio Bibliothecario, qui fundatoris vitam scripsit: Audiamus primum fundatorem in epistola ad Ioannem Abbatem: *Paulus Episcopus servus servorum Dei Icontio presbytero religioso & Abbati venerabili monasterij Sanctorum Stephani martyris, atque Silvestri Confessoris Christi, & aliorum innumerabilium martyrum & Confessorum Dei, in eodem sancto monasterio à nobis annuente Deo fundato quiescentium. & post alia: Igitur cum per evoluta annorum spatia, diversa Sanctorum Christi Martyrum, atque Confessorum eius, foras muros huius Romane urbis sita antiquitus cœmeteria neglecta satis manerent diruta; contigit postmodum ab impia Longobardorum gentium impugnatione funditus esse demolita. & post alia: Vnde conspectâ eorundem sanctorum locorum desidiosâ incuriâ, & ex hoc valde ingemiscens, atque plurimâ doloris attritus mœstitiâ, aptum prospexi, Deo annuente, eosdem Sanctos Martyres & Confessores Christi & Virgines ex iisdem dirutis auferre locis. Quos &*

cum hymnis & canticis spiritualibus in hanc Romanam introduximus urbem, & in Ecclesiam, quam nouiter à fundamentis in eorum honorem construxi, (intra mœnia scilicet in domo, quæ mihi parentali successione obuenit, in qua me natum constat, atque nutritum) eorum sanctissima collocans condidi corpora. Vbi congregationem constitui monachorum speciali censura in honorem, & in nomine Beatorum Stephani Papæ & martyris, atque Siluestri Papæ & Confessoris, in quo veneranda eorum quiescunt corpora. Monasterium virorum monachorum esse censui, scilicet ad modulationis exercendam psalmodiam, in perpetuum esse decreui. Hæc Paulus monasterij fundator, cui succinit Anastasius Bibliothecarius in vita eiusdem: Hic Beatissimus Pontifex cum omnibus spiritualibus suis studiis magnam sollicitudinis curam erga Sanctorum cœmeteria indefinenter gerebat. & post alia: Hic sanctissimus Presul in sua propria domo monasterium à fundamentis in honore Sancti Stephani scilicet martyris atque Pontificis, necnon & Beati Siluestri item Pontificis & Confessoris Christi construxit, ubi & oraculum in superioribus eiusdem monasterij mœniis adificans, eorum corpora magna cum veneratione condidit. Infra claustra ipsius monasterij Ecclesiam mira pulchritudinis à fundamentis nouiter construxit, illicque innumerabilem Sanctorum corpora, quæ de prefatis demolitis monasteriis abstulit, maximo venerationis condidit affectu. Vbi & monachorum congregationem construens Græcæ modulationis psalmodiæ cœnobium esse decreuit.

Imprimis igitur monasterium, quod à fundamentis excitauit, à Stephano prædecessore inchoari non potuit, contrà quàm fabulantur Areopagitici, cùm ædificium opinor non ætecto, sed à fundamentis inchoetur.

Deinde duobus præcipuè Romanis Pontificibus, Stephano martyri, & Siluestro Confessori monasterium dedicatum est, non Areopagitæ & sociis, vti monachi Sancti Dionysij falsò prodiderunt.

Tum monasterium non est eo finè constructum, vt in eo Dionysius Parisiensis vel Areopagita coletetur, aut vt reliquiæ Dionysij à Gallia Romam delatæ conderentur, sed vt Stephani martyris, & Siluestri Confessoris, innumerabiliùmque aliorum Sanctorum corpora, quæ in cœmeteriis ad urbem sitis neglecta iacebant, collocarentur, & in summa veneratione haberentur.

Denique cœnobium illud à Paulo traditum est monachis, qui ad Græcam modulationem psalmodiæ vacarent. Hoc autem inde accidisse suspicatur Baronius, quòd cùm Copronymus vetuisset esse monachos in Oriente, plurimi eorum Romam sese receperint, quibus suum Pontifex monasterium concessit, eaque ab iis præstari voluit, quæ in suis Orientalibus monasteriis præstare consueuissent, scilicet vt Psalmorum cantum, aliæque Ecclesiæ munia suâ ipsorum linguâ persoluerent; ex quo monasterium rectè vocari potuit Schola Græcorum.

A quibus, & quomodo prima huius monasterii fundatio imposturam accepit.

II. Et verò licet monasterium illud claram firmamque originem habeat ab iis, quorum res fuit, illam tamen aliò monachi sic interuerterunt ad calcem Areopagiticorum Hilduini: *Idem*, inquit, *Sanctus Pontifex* (Stephanus) *reliquias sanctissimi Dionysij Romam detulit, & monasterium in honore ipsius edificare in proprio suo cepit, quod frater eius Paulus illo morte praevento, quoniam ipsi in Pontificatu successerat, nobiliter consummanit, & conuectis ibidem plurimis Sanctorum Martyrum corporibus consecrauit, seu veluti à fratre & praedecessore suo iussus fuerat, famulatores Domini natione Gracos inibi constituit, & idem monasterium ad Sanctos Martyres in Schola Gracorum appellari fecit, ad honorem & memoriam pretiosissimi Dionysij, sociorumque eius.* Imprimis liquis ista cum superioribus componat, fraudem nullo negotio deprehendet, quamuis aliunde daremus, monasterium à Stephano inchoatum, & à Paulo postea absolutum fuisse. Quod enim Paulus absoluit monasterium, non ad Dionysij & sociorum, sed ad Stephani martyris & Siluestri Confessoris honorem consecrauit.

Deinde Anastasius in vita Stephani Papæ, cum refert quomodo ægrotauerit in monasterio Sancti Dionysij, & qua ratione conuallerit ex insperato, nihil de reliquiis Dionysij in urbem delatis, nihil de monasterio in hono-

rem Dionysij incæpto dicit, tametsi dicendi sese obrulerit occasio, & nihil aliunde foret in vita Stephani memorabilius. Anastasij locum expendite: *Postea verò Papa præ nimio labore itineris atque temporis inæqualitate graviter infirmatus est, (in monasterio Sancti Dionysij) ut iam omnes tam sui, quàm etiam Franci de eius vita desperarent. Sed Domini Dei nostri ineffabili clementia, dum eum manè mortuum inuenire sperabant, subito alio die sanus repertus est.* Horum verborum accurata pensitatio, & deducta ex scribentis officio, & scribendi circumstantiis ratio, nî fallor, efficiunt, ut suspectam relationem habeamus, qua viso Dionysio inter Petrum & Paulum medio, se repentè conualuisse Stephanum memorare volunt. Adde quòd hæc omnia referantur ab Hilduino, quem in hac materia testem iustissimis de causis non admittimus. Verum quidem est in Lucei Imperatoris epistola ad Hilduinum neminem fieri cuiusdam reuelationis, quæ in anno Papæ facta fuerit in monasterio Sancti Dionysij; sed hanc epistolam ab Hilduino, vel eius symmystis dictatam esse conuicimus, cum ex pluribus, tum ex eo quòd in illa epistola laudatissimus princeps Dagobertus infametur.

Ceterùm fabulatores sic falsa veris miscuerunt, sic figmentis opinor colorem & ordinem dederunt. Primùm quidem Stephanum, non Dei clementia, ut loquitur Anastasius, sed Beati Dionysij apparitione persanatum scripserunt: deinde inchoatum Romæ monasterium,

quo memor accepti beneficij Dionysium æde remuneraretur: tum monasterium Græcis monachis commissum, & ad Sanctos Martyres appellatum in schola Græcorum, vt eos martyres esse Areopagitam cum sociis persuaderent. Cui rei nonnihil etiam fortè contulit Basilica Dionysij Confessoris, quæ monasterio Græcorum sic vicina erat, vt ex eo per gradus ad illam ascenderetur. Vt ex Anastasio colligimus in vita Nicolai primi; vt sit, Hilduinus & monachi Sancti Dionysij Baronium inuenerunt, qui Areopagiticis fidem adhibuit paulò faciliorem. Hoc obseruatè curiosèque animaduertimus in gratiam Gregorij Turo-nensis, quem Baronius Hilduino postponit, & simplicem appellat.

Genuina Ecclesie Sancti Stephani de Gressibus apud Parisienses nomenclatio vindicatur.

I. Quinta utilitas oritur ex assertione veri tituli, quo primùm Ecclesia Sancti Stephani de Gressibus apud Parisienses insignita est. Quæ enim Ecclesia Sancti Stephani de Gressibus quondam appellata est, non ante multos annos de Græcis appellarunt, vt Hilduinianæ causæ suffragarentur. Sed primò antiquæ nomenclationi fidem facit charta, quæ institutam in hac Ecclesia Capiceriæ dignitatem continet: *Omni-bus præ-sen-tes literas in-spectu-ris Decanus, ta-tum-que Capitu-lum Parisiense salutem in Do-mi-no. Cum Ecclesia Sancti Stephani de Gressibus ad*

186 *Discussionis Caput XVIII.*

nos & ordinationem nostram immediate pertineat, &c. Datum anno 1250. 2. Alia charta de eiusdem Capiceriæ fundatione: *Vniuersis presentes literas inspecturis, G. Decanus & Capitulum Parisiense in Domino salutem. Cum Ecclesia Sancti Stephani de Gressibus ad nos, & ad ordinationem nostram immediate pertineat, &c. Actum anno Domini 1269.* Hæc vtraque charta nuper Lutetiæ edita est. 3. Alia charta Simonis de Buciaco Parisiensis Episcopi scripta anno 1290. vbi Ecclesiam Sancti Stephani de Gressibus logere licet. Hæc refertur in libro Antiquitatum Parisiensium. 4. Ioannes de Sancto Victore, qui Philippo Pulchro Rege vixit, in Memoriali Historiarum ad annum 1218. *Hoc anno, inquit, in Ecclesia Sancti Stephani de Gressibus inuenta sunt plurium Sanctorum reliquia, &c.* 5. Alia charta, quæ Capicerij prærogatiuas complectitur: *Vniuersis presentes literas inspecturis, Decanus, totumque Capitulum Ecclesie Parisiensis aeternam in Domino salutem. Cum discretus vir D. Iacobus dictus Poignant Capicerius Ecclesie Sancti Stephani de Gressibus, &c. Datum & actum anno Domini 1331.* Hæc charta Lutetiæ edita est anno 1626. 6. Charta exceptionum, quas monachi Sancti Dionysij contra Parisiensium Canonorum rationes dederunt in ea lite, quæ tempore Gersonis super aliquam Dionysiani capitis partem inter eosdem monachos & Canonicos mota est: *Item Decanus & Capitulum producunt clausulam ex libro Chronicorum haustam, in qua sic habetur: tunc inuenta sunt Parisius in Ecclesia*

Sancti Stephani de Gressibus reliquie, &c. hæc charta asseruatur in Archiuis Parisiensis Ecclesiæ. 7. Vbicumque in huius Ecclesiæ Commentariis occurrit collatio Præbendarum Ecclesiæ Sancti Stephani, in iis semper nominatur *Ecclesia Sancti Stephani de Gressibus*. Infinitum esset loca Commentariorum singula recensere.

Et quanquam hæc vera sunt, Gallica tamen locutio Antonium Democharem fefellit, qui non Milletum quidem, sed alios complures in eundem secum errorem abduxit: scilicet ex Gallico nomine, quod his verbis, *de Gressibus* respondet, nouum nomen Latinum effictum est; obstetricante Areopagitica missione, cuius idolum ante oculos auctorum nouæ latinitatis oberrabat.

Manuscripta quedam Sanctæ Genouefæ vita corrupta demonstratur.

I. Sexta vtilitas emergit ex discussa Genouefæ vita, quam ex Victorino Codice Milletus tam impotenter effudit in Vindiciis, ut ipse quamlibet immisericors, triumphatis tamen hostibus paulisper indoleret. Quid ita? Dionysius Parisiensis Areopagites in ea vocatur historia, quæ post obitum Genouefæ à Genesio presbytero ante annos mille & centum; ante Hilduinum verò trecentis exarata est. Hæc ille lib. 2. Vindiciarum cap. 9. At in nostro de Areopagiticis Hilduini Iudicio tria ostendimus.

Primum est, hanc historiam in Victorino

codice nullum præ se ferre nomen auctoris, seu Genesij, seu alterius. Quod cum ita sit, & sola lectione probetur, Milletum malæ fidei scriptorem esse oportet. Si laudet alios, qui Genesium presbyterum illius historiæ auctorem fecerint, criminis utique socios laudabit.

Alterum, huius historiæ interpolatorem tam stupidum esse, ut qua pagina Genouefæ synchronismum affectat, eadem & se impostorem prodatur Philippo Augusto posteriorem: *Ego verò, inquit, post ter senos ab obitu eius annos, quo tempore ad eius conscribendam vitam animum appuli, in imo ampulla oleum, quod illa orante creuerat, vidi. Et post pauca: Humata est in basilica in monte sita, iuxta noua mœnia Parisij. At Philippus noua illa mœnia primus ædificari iussit, ut Rigordus scribit in vita huius Regis ad annum 1211. Anno eodem, inquit, Philippus Rex magnanimus totum in circuitu sepsit à parte Australi usque ad Sequanam flumen, ex utraque parte maximam terræ amplitudinem intra murorum ambitum concludens, & possessores agrorum & vinearum compellens, ut terras illas, & vineas ad ædificandum in eis nouas domos locarent, vel ipsimet nouas ibidem domos habitatoribus constituerent, ut tota ciuitas usque ad muros plena domibus redderetur. Præterea sub initium historiæ sic habetur: Licet certum diem natiuitatis illius (Genouefæ) ignoremus, tamen coniecimus ex historiis veterum. At quæ veterum historiæ poterant homini inservire, qui Beatæ Genouefæ coætaneus erat? Denique circa medium sic nugatur: In Namnetodorense*

pago benedictione populo data (à Sancto Germano) & manus celebrata missione , qua solis Episcopis competit , de qua Cyprianus & Cornelius Apostolicus altercati primum , deinde sibi consentientes , euicit Cyprianus , ut secundum auctoritatem Euangelicam manus missio celebraretur . & post alia : Obsessionem Parisius per bis quinos , ut aiunt , annos à Francis perpeffa est . Mitto quòd Dionysium Areopagi sacerdotem effecerit , quo tempore Paulus Athenas profectus est . Nónne congruentius fuisset & honorificentius hæc omnia à Milieto prius expendi , quàm coniici in Commentarios suos , vnde postea magno cum dedecore explodantur ? Nónne desperata illa est causa , quæ vt defendatur , artibus indiget falsariorum ?

Tertium , his & similibus nugamentis Genouefæ vitam carere , quam Ioannes Textor anno 1521. edidit Lutetiæ , ad calcem Iacobi Bergomensis de claris Mulieribus . Quoniam verò manuscriptos codices amat aduersarius , Victorino parem si velit , inueniet in Bibliotheca Celestinorum Parisiensium , vbi vita Beata Genouefæ describitur , sed de Dionysio nihil habet præter ea , quæ sequuntur : *Quanta vero veneratione & amore dilexit Catholacensem vicum , in quo Sanctus Dionysius cum sociis suis Rustico & Eleutherio passus est , nequaquam sitendum esse arbitror . Ceterum licet tam illa edita , quàm hæc manuscripta Genouefæ vita purior sit eâ , quæ in Codice Sancti Victoris extat ; neutram tamen omni ex parte puram , & ab incertis nudam affirmamus . Quæ res ad*

propositum minimè spectat. Reponimus hîc solum Milieto, quæ in Responsione ad cap. 2. Dissertationis paragrapho 14. suggerit contra se: *Areopagiticorum disputandi modum mireremur, nisi sciremus offensatricem & malam planè causam, nisi labantibus vanisque presidis defendi non posse.*

Hilduinus in presenti disputatione nullius est, vel saltem exigue auctoritatis.

I. Septima vtilitas in examinanda Hilduini auctoritate versatur, vbi, quæ tria potissimum auctoritatem scriptori detrahunt, ea in Hilduino cumulatè reperiri docuimus in Iudicio de illius Areopagiticis. Primum est, partium studia, quibus admodum feruentibus scripsit. Etenim cum ab Hilduino iam tum palam & certò affirmatum constet, eundem esse Dionysium Parisiensem cum Areopagita, & ab aliis priscam retinentibus traditionem contrà tunc negatum; faciunt ista partium studia, ut quæ ea super re scripsit Hilduinus, non æquè recipiantur in auctoritatem, atque reciperentur, si ante exortam controuersiam scripsisset. Quoties Latini in causâ Processionis Spiritûs sancti decertarunt contra Græcos, non alios auctores in controuersæ rei iudicium admiserunt, quàm qui ante exortum schisma scripsêre. Hoc acta Concilij Lugdunensis sub Gregorio Decimo, hoc singulæ præsertim sessiones Florentini Concilij testantur.

Secundum est, mala in citandis auctoribus

fides. Duo quippe sunt genera rerum, quas ab aliis memoriæ proditas tradit Hilduinus: eorum alterum reperitur, alterum qualibet disquisitione facta non reperitur. In eo quod reperitur, & legi potest, cum reperiatur impostura, in ceteris, quæ non reperiuntur, nullam ille fidem meretur. Quid referam acta Apostolorum, quibus Dionysium, & genere nobilem, & magisterio Philosophiæ apud Athenas claruisse probat? Quid Eusebium Cæsariensem, quo Dionysium Parisiensem eundem cum Areopagita fuisse contendit? Quid fictas sub nomine Innocentij, Gelasij, & Gregorij epistolas, quibus ut Ecclesiasticum mutaretur officium in Gallia, Pontifices illos iussisse tradit?

Tertium, inerudita, absurdâque scriptio, quam illius excerpta perspicuè significant capite 7. Discussionis: Quæ omnia cum tueri non posset Milletus, Hilduinum abire permisit in Responsione ad cap. 4. Dissertationis paragrapho quinto: *Ponant*, inquit, *nunquam Hilduinum Areopagita sua cogitasse, illum vel nunquam extitisse in humanis*. Neque verò Hilduinum abire tantum permisit, sed abeuntem postea conuitiis infectatus est, quod collocata sub Domitiano Dionysij morte, illius libros reiiciendi validum subministravit argumentum.

*Vera Areopagiticæ opinioni designatur
epocha.*

I. Octaua vtilitas apparet ex definitione temporis, quo natales Areopagiticæ opinionis circumscribuntur. Hoc tempus ad Imperium Caroli Magni & Ludouici pertinere docuimus, cùm ex multis, quæ hîc repetere superuacaneum esset, tum maximè ex Areopagiticis Hilduini, atque ex Milleti Vindiciis, Vindiciarumque apologia, quam discussimus. Imprimis Hilduinus nullum ex toto orbe Christiano Martyrologium laudat, in quo idem Dionysius Parisiensis legatur, qui Areopagita, nullum exploratæ fidei scriptorem adducit, qui Dionysium Parisiensem cum Atheniensi confuderit. Deinde in Areopagiticis num. 10. apertè testatur, *de Dionysij Areopagita obitu nihil Græcos scriptores dixisse, quia propter longinquitatem terrarum transitus ipsius penitus eis fuit incognitus.* Denique ibidem nu. 7. scribit mirari neminem posse, cur hymnum Sancti Eugenij Toletani de Beato Dionysio habeamus, & vicinorum sapientium scriptis exceptis paucis videamur carere, cùm & hæc quæ habemus, ut exorata priorum nostrorum venia dicamus, abdita & negligenter relictæ reperimus. His accedunt quæ tradit in epistola ad fideles: *Vt notitiam, inquit, de ordine conuersionis & prædicationis atque aduentus Romam, seu triumphalis martyrij Beatissimi Dionysij, quæ maximè Græcorum continetur historiis, & quasi sepulta anti-*
quorum

quorum scriniis apud Latinos non modica portione seruabatur obrecta in lucem Christo inuante reducerem. Huius autem vtilitatis testem ideo appellamus Hilduinum, quia Milletto vir locupletissimæ fidei est, & noster aduersarius. Milletus verò ipse octingentis annis Hilduino posterior, licet supra illum sapere voluerit, nihil tamen reuera præstitit, quo afflictam Hilduini opinionem erigeret, & illius originem Carolo Magno vetustiore demonstraret. Etenim vtrūque Milleti opus legatur, & relegatur, nullum Martyrologium, nullus auctor occurreret, qui per annos à Christo octingentos asseruerit eundem esse Parisiensem Dionysium atque Arcopagitam.

*Ex duobus figmentis ortum habuit
Arcopagitica opinio.*

I. Nona vtilitas inde habetur, quòd deprehenderimus, Arcopagiticorum opinionem ex duobus figmentis coaluisse. Siquidem primò fabulati sunt Dionysium à Clemente missum, siqua fides detur Hilduino in Arcopagiticis num. 5. vbi tradit antiquum extare libellum, quo proditur *Dionysius à Beato Clemente in Gallorum gentem directus.* & num. 12. *Fortunatus*, inquit, *in hymno de Sancto Dionysio commemorat eum à Beato Clemente destinatum, &c.* ut suprà. Huic figmento aliud postea inædificauerunt, quo circa Ludouici Imperatoris tempora Dionysium à Clemente missum Arcopagitam esse dixerunt. Sic ortum habuit opinio,

*Displosa mirabilis Areopagiticorum
 inconsequentia.*

I. Decima utilitas suggeritur ex displosa inconsequentia, qua se & lectores suos facete ludificant, qui Dionysium Parisiensem cum Areopagita confundunt. Hi enim dum incidunt in nonnullas historias, quæ incertis narrationibus plenæ Dionysium à Clemente missum referant; vel in quædam Martyrologia, quibus illud exscriptores addiderint, statim concludunt missum à Clemente Dionysium fuisse Areopagitam. Duobus modis eiusmodi displosimus ἀνακολουθίαν, & primò quidem, quod sibi ridiculè concedi velint, Dionysium à Clemente missum, & Clementis tempore unicum fuisse tantum inter Christianos Dionysium Areopagitam, qui in Gallias Lutetiam legari posset. Deinde quod in quibus aliquando scriptis dicitur missus à Clemente Dionysius, in iisdem dicatur à Petro missus, immo vel genere Romanus, vel eo tempore missus, quo nondum Christianus erat Areopagita. Hoc disputandi vitio sanari noluit Millerus, ne totos octingentos annos argumento quamlibet inutili vacuus præteriret. Vide Discussionis cap. 3. num. 2.

Methodius Constantinopolitanus ex quorundam Gallorum commentariis vitam Dionysij conſcripſit.

Vndecima vtilitas ſpectat ad Methodium Constantinopolitanum, cuius opus de Dionysij vita ex quorundam Gallorum commentariis compactum euicimus. Et primò quidem ex Hincmaro Remenſi, qui cùm vitam Dionysij à Methodio Græcè ſcriptam, & ab Anaſtaſio Latinè verſam perlegiſſet: *Recognoui*, inquit, *his, quæ ibi ſcripta ſunt ea, quæ in adoleſcentia legeram; conſonare; videlicet per quos ac qualiter geſta martyrii Beati Dionysij ſociorumque eius ad Romanorum cognitionem, indeque ad Græcorum notitiã peruenerint.* Hæc ille teſtis apud Milletum omni exceptione maior. Deinde ex perfecta ſimilitudine, quæ inter Dionysij vitam cùm ab Hilduino, tum à Methodio conſcriptam intercedit. Quòd autem à Methodio Hilduinus non acceperit quæ ſcripſit; & ſola Methodij lectio declarat, & Hilduinus ipſe palam docet in Areopagiticis num 10. ubi Græcos ſcriptores de obitu Areopagitæ non eſſe locutos tradit, *quia*, inquit, *propter longinquitatem terrarum tranſitus ipſius penitus eis fuit incognitus.* Superest ergo, vt ab Hilduino vel à quibusdam aliis Gallis mutuatus ſit Methodius, quæ de Dionysij martyrio, de geſtatione capitis, de Catula, & aliis memoriæ commendauit.

*Recta quæsitæ ex Hincmaro testimonij
intelligentia.*

I. Duodecima utilitas consistit in vera horum verborum notitia, quæ in epistola Hincmari ad Carolum Caluum leguntur: *Patrem vestrum Dionysium esse Arcopagitam in Gallias à Beato Clemente directum, ex his, quæ Græca testificatio, & Sancta Romana Ecclesiæ attestatio, & Gallicana intimat contestatio ratum in hac causa recognoscunt.*

Quod autem ad Græcam testificationem pertinet, hæc ad Methodium reducitur, nec ultra reduci posse constat, primum ex iis, quæ iam diximus, deinde ex eo quod Sophronius Hierosolymitanus in epistola Synodica apud Phorium, & sexta Synodus actione 8. Dionysium Episcopum Atheniensem & martyrem, non Parisiensem vocent. At Episcopum post suam translationem, & alterius subrogationem, non à prima, sed à secunda sede appellari traditio Ecclesiæ est, cui nullum exemplum opponi potest. Denique ex Hilduino, & ex Hincmaro ipso, quorum ille Græcos auctores de Arcopagitæ obitu nihil tradidisse scribit, hic verò in eadem epistola, Romanos à Gallis, & à Romanis Græcos Dionysianæ vitæ notitiam consecutos docet.

Sanctæ Romanæ Ecclesiæ attestatio in sola Bibliothecarij auctoritate sistit, nec difficile probatur, primò ex eo quod Martinus Papa in Concilio Lateranensi, Agatho in epistola

ad Constantinum Imperatorem, Adrianus primus in scripto ad Carolum de colendis imaginibus, Dionysium Atheniensem Episcopum non Parisiensem appellent. At Pontifices illi Ecclesiasticæ consuetudinis non immemores Parisiensem appellassent, si Romanæ sedis nota fuisset Dionysij in Galliam migratio. Secundò, quòd Pelagius II. epistola prima, & Stephanus VI. epistola quoque prima, necessariam Episcoporum de vna sede in aliam migrationem tractantes, & exemplis Beati Petri & aliorum confirmantes, de Arcopagita verbum nullum fecerint, cum tamen nulla vnquam fuisset facta translatio illustrior, vel inter disiunctiores ciuitates memorabilior. Tertiò, quòd Martyrologia, & diuina Romanæ Ecclesiæ Officia Dionysium Parisiensem ab Atheniensi, perpetuò distinxerint. Quartò, quòd Hilduinus in epistola ad fideles asserat, Dionysij notitiam apud Latinos non modicæ portione tunc oblectam seruari. Quintò, quòd Hincmarus in eadem epistola Romanos à Gallis notitiam gestorum Dionysij mutuatos esse affirmet.

Denique Gallicana contestatio principem habet Hilduinum, qui & tunc quibusdam alijs facile imposuit, in ea potissimum quæstione, quæ populi aures animumque titillaret. Sic igitur omnia ad Hilduinum vt ad primum erroris fontem reuocantur: Græca Methodij testificatio, qui vitam Dionysij ex Hilduini vel alterius cuiusdam Galli commentariis scripsit, & Romana Bibliothecarij attestatio, qui vitam à Methodio Græcè scriptam Latio donauit.

198 *Discussionis Caput XVIII.*

Hæ sunt præcipuæ utilitates, quæ ex habitis ultro citroque velitationibus promanarunt, ubi & historica veritas stabilitur, & inspersa huic veritati mendacia diruuntur, quibus Milleti Vindiciarum opus totum quantum est, sustentatur. Quo fit, ut hæc nobis utilitates veritatis difficultate impeditus concesserit, dum in sua ad Dissertationem Responsione, quam discussimus, indefensa reliquit acta Eugenij martyris, Hymnum Fortunati, gesta Dagoberti Regis, Romanum Græcorum cœnobium, vitam Sanctæ Genouefæ ex Codice Sancti Victoris, Areopagitica Hilduini, & conscriptam ab eodem Dionysij vitam; tum nec amplissimum Hincmari de opere Methodij testimonium infirmavit, nec nostras in eundem Hincmarum observationes elisit, quibus Græcæ testificationi, Romanæ sedis attestationi, & Gallicanæ contestationi epocham defiximus omni termino immobiliorem.

CAPUT XIX.

Légitimâ & à capite derivatâ traditione constat, Dionysium Parisiensem ab Areopagita distingui.

I. **Q**UÆ hæcenus in Discussionem volaticæ Responsionis de Dionysio differuimus, ea nunc relictis parergis in vnum reuocare caput operæpretium est, ut adsit in

promptu, vnde præcipuus Discussionis nostræ scopus & momenta legenti statim obuersiontur. Seligemus illa potissimum, quæ cum aduersariis semel atque iterum in grauissimas quæstiones postularit, tormentis feliciter crepta præ se ferent eliquatissimam veritatem. Si quando tamen nonnihil occurrat affectum difficultate, studiosus lector poterit singula Discussionis capita reuoluere, vbi applicatas optimis auctoribus machinas diffregimus, & suam vnicuique asseruimus libertatem, Quæ in re hanc Tertulliani præscriptionem ante oculos semper habuimus, aliique vt habeant enixè precamur: *Ita, inquit, ex ipso ordine manifestatur id esse verum, quod sit prius traditum, id autem extraneum & falsum, quod sit posterius immissum. Ea sententia manebit aduersus posteriores quasque hæreses, quibus nulla constantia de conscientia competit ad defendendam sibi veritatem.*

Ex quarto seculo.

II. Primus memoratæ traditionis testis est ille scriptor, qui æqualis Diocletiano vel certè suppar æqualium traditione instructus, Passionem Beati Saturnini memoriæ prodidit. Illius fragmentum dabit Gregorius Turonensis, qui lib. 1. Historiæ cap. 26. sic scribit de gestis primorum Galliæ martyrum: *quorum passionum historia apud nos fideliter vsque hodie retinentur.*

Huius, inquit cap. 28. Decij tempore septem

*viri Episcopi ordinati ad predicandum in Gallias missi sunt, sicut historia passionis Sancti Saturnini martyris denarrat. Ait enim sub Decio & Grato Consulibus, SICUT FIDELI RECORDATIONE RETINETUR, primum ac summum Tolosana ciuitas Sanctum Saturninum habere coeperat sacerdotem. Hi ergo missi sunt Turonicis Gatianus Episcopus. & paulò post. Parisiacis Dionysius Episcopus. & paulò post. De his verò Beatus Dionysius Parisiorum Episcopus, diuersis pro Christi nomine affectus pœnis presentem vitam gladio imminente finiuit. Hic Dionysius Parisiorum Præsul, cùm sub Decio in Galliam venerit, non potuit esse Arcopagita. Nunc non moror infelicem Samblacati coniecturam, qua in recuso Palladio illis Consularibus notis vitium obiicit, ac Decij & Grati Consulum loco Catum Decianum reponit Neronis in Galliam Procuratorem, vel Proconsulem. Quid enim? Tacitus, quem citare noluit, libro Annalium 14. coniecturæ causam præbet his verbis: *Sed quia procul Suetonius aberat, Veterani Britannii petinere à Cato Deciano Procuratore auxilium. & post alia: Quâ obade & odiis prouincia, quam auaritia in bellum egerat, trepidus Procurator Catus in Galliam transit.* Parce lector, si tibi ὀνείγον Ὀπέσιον narraui. Vide caput quartum Discussionis.*

Ex seculo sexto.

III. Secundus Gregorius Turonum Episcopus, qui Saturnini martyris Historiam pro-

bando suam fecit. Hic cùm ante & post Episcopatum Parisiis frequentissimè versatus sit, & Dionysij nostri miracula, quæ ad turritum illius tumulum, vt vocat, parabantur, curiosissimè narrarit, Parisiensium de suo Dionysio traditionem non potuit ignorare. Quæ si quis ex vero pensare velit, omnem hac in parte Gregorio concedet auctoritatem. Vide caput quartum Discussionis.

Ex seculo septimo.

IV. Tertius Venerabilis Beda, quem ex antiquis aduersariis Hilduinus, & ex recentioribus Milletus nostrum facillè concedunt. Hilduinus quidem in epistola ad Ecclesiæ fideles, vbi queritur Dionysij Areopagitæ & Parisiensis discrimen *ex autumatione Gregorij Turonensis, & ex subreptione Bedæ* hominum animos suo tempore occupasse. Milletus verò in Vindiciis lib. 2. cap. 4. *Sed ponamus, inquit, Vsuarium nobis aduersari. Quid tanti denique est? ex corrupto Bedæ Martyrologio mendum illud (de duobus Dionysiis) contraxit.* Firmius nullum argumentum est, quàm quod ab aduersariis veritatis pro veritate ipsa sumitur. Fuit igitur ante annos plusquam octingentos aliquod Bedæ Martyrologium, aliudve scripti genus, vbi duo diuersi Dionysij Areopagita & Parisiensis repræsentarentur. In Bedæ aucto Martyrologio, quod inter eius opera editum est, sic scres habet: *Quinto Nonas Octobris: Natale Sancti Dionysij Areopagita, qui ab Apostolo Pau-*

lo instructus credidit Christo, & primus Athenis ab eodem Apostolo Episcopus est ordinatus, & sub Adriano principe post clarissimam confessionem fidei, post grauissima tormentorum genera glorioso martyrio coronatur.

Septimo Idus Octobris; Apud Parisium natale Sanctorum Martyrum Dionysij Episcopi, Eleutherij presbyteri, & Rustici Diaconi: Qui Episcopus à Pontifice Clemente Romano in Gallias directus, ut predicationis opera populis à fide Christi alienis exhiberet; tandemque ad Parisiorum ciuitatem deuenit, & per annos aliquot sanctum opus fideliter & ardentè executus à præfecto Fescennino Sisinnio comprehensus est, & cum eo sanctus presbyter Eleutherius, & Rusticus Diaconus gladio animaduersi martyrium compleuerunt. Neque hîc remorari te debet Clementis nomen, quod exscriptores ex vulgi credulitate addiderunt. Vide caput septimum Discussionis.

Quartus Martyrologus Romanus, cuius codicem Ado venerabilem & perantiquum appellat, eumque non ita pridem Rosuueidus publici iuris fecit: Quinto Nonas Octobris; Athenis Dionysij Arcopagita sub Adriano diuersis tormentis passi, ut Aristides testis est in opere, quod de Christiana religione composuit. Hoc opus apud Athenienses inter antiquorum memorias clarissimum tenetur. Septimo Idus Octobris: Parisiis Dionysij Episcopi cum sociis suis à Fescennino gladio animaduersi. Qui patitur quinto Nonas, diuersis nec exploratis tormentorum generibus martyrium facit. Qui

patitur septimo Idus, certo affectus supplicio martyrium facit, capitis scilicet obtruncatione. Qui patitur quinto Nonas, passionis testem habet Aristidem. Qui patitur septimo Idus, passionis testem non habet Aristidem. Qui patitur quinto Nonas, sine sociis coronatur: qui patitur septimo Idus, cum sociis coronatur.

Ceterum hoc aut par opus Martyrologij cum in Italia, tum in Anglia legebatur. In Anglia quidem, si qua fides habeatur Concilio Cloueshouienſi cap. 13. *Vt per gyrum totius anni natalitia Sanctorum, uno eodemque die iuxta Martyrologium Romanæ Ecclesiæ venerentur.* Hoc autem Concilium anno 747. actum est. In Italia verò quin legeretur dubium nullum esse potest, & id præterea testatur Ado, cui acceptam Martyrologij istius conseruationem referre debemus: *Huic operi, inquit, ut dies martyrum verissimè notarentur, qui confusi in Calendariis satis inueniri solent, adiunxit venerabile & perantiquum Martyrologium ab urbe Roma Aquileiam eidam Sancto Episcopo à Pontifice Romano directum, & mihi postmodum à quodam religioso fratre aliquot diebus præsistum. Quod ego diligenti cura transcriptum, positus apud Rauennam, in capite huius operis ponendum putavi.*

Quintus testis est Remensium Ecclesia, in cuius antiquissimo Martyrologio hæc leguntur. Quinto Nonas Octobris: *Natalis Beati Dionysij Arcopagite, qui ab Apostolo apud Athenas Episcopus ordinatus, I B I D E M glorioso marty-*

204 *Discussionis Caput XIX.*

ris est coronatus. Septimo Idus Octobris: Parisius Beatissimorum Martyrum Dionysij Episcopi, Rustici presbyteri, & Eleutherij Diaconi.

Ecclesia Sancti Symphoriani in vrbe Remensi hæc eadem utroque die canit in suo Martyrologio. Vide cap. 7. Discussionis nu. 9.

Sextus testis est Aruernorum Ecclesia, in cuius vetustissimo quoque Martyrologio hæc leguntur. Quinto Nonas Octobris: *Natalis Beati Dionysij Arcopagita, qui ut liber Actuum Apostolorum indicat, ad predicationem Beati Pauli Apostoli apud Athenas ad fidem Christi conuersus, primus eiusdem ciuitatis Episcopus ab eodem est constitutus. Septimo Idus Octobris: Apud Parisius natalis Sanctorum Martyrum Dionysij Episcopi, Eleutherij presbyteri, & Rustici Diaconi.*

Septimus testis est Autisiodorensis Ecclesia, in cuius tribus Martyrologiis, quorum duo sunt Autisiodori, tertium Lutetiæ in Bibliotheca Thuana, hæc leguntur. Quinto Nonas Octobris: *Natalis Dionysij Arcopagita Atheniensium Episcopi & Martyris. Septimo Idus Octobris: Parisius natalis Sanctorum Martyrum Dionysij Episcopi, Eleutherij presbyteri & Rustici Diaconi. Qui Beatus Episcopus propter predicationis officium à Sancto Clemente in Gallias directus, ibique est martyrizatus. Ex his quæ iam diximus & dicemus postea, satis apparet nomen Clementis ab exscriptore quodam fuisse additum contra veterum traditionem, & Autisiodorensis Ecclesiæ fidem, quæ in Litaniis anno 1536. editis, post Sixtum, Lau-*

rentium & alios Martyres collocat Dionysium nostrum cum sociis. Hæc rursus non animadu-
uerterem, nisi Milletus ex me Autisiodorense
Martyrologium citasset, & nomen Clementis
ut insititium à me probatum dissimulasset.

Octauus testis est Ecclesia illa, quæ veterri-
mo quondam vsa est Martyrologio, quod in
Sancti Vrbani Trecensis capitulo asseruatur.
Quinto Nonas Octobris: *Natalis Sancti Dio-
nysij Arcopagite Episcopi.* Septimo Idus Octo-
bris: *Apud Parisius Sanctorum Martyrum Dio-
nysij Episcopi, Eleutherij presbyteri, & Rustici
Diaconi.*

Nonus testis est illa Ecclesia, cuius fuit Mar-
tyrologium, quod in antiqua Sancti Martini
de Campis Bibliotheca Lutetiæ vidimus. *Quin-
to Nonas Octobris: Natalis Sancti Dionysij
Episcopi & martyris, qui post clarissimam confes-
sionem fidei, post grauissima tormentorum genera
glorioso martyrio coronatus est.* Septimo Idus
Octobris: *Apud Parisius natalis Sanctorum
Martyrum Dionysij Episcopi, Rustici presbyteri,
& Eleutherij Diaconi: Qui Beatus Episcopus à
Pontifice Romano in Gallias predicandi gratia
directus ad præfatam urbem deuenit, ubi per ali-
quot annos commissum sibi opus fideliter prose-
quens, tandem à Præfeto Fescennino unà cum so-
ciis gladio animaduersus martyrium compleuit.*

Hæceadem prorsus habentur in duobus aliis
Martyrologiis, quorum vnum ad Prioratum
Sancti Dionysij de Carcere in vrbe Parisiensi
quondam pertinuit, & hodie in Bibliotheca
Sancti Victoris custoditur: Alterum verò af-

seruatur in Abbatia Monialium Sancti Laurentij Bituricensis Ordinis Sancti Benedicti.

Tria sunt omninò, cur hæc omnia Martyrologia septimo sæculo inclusimus; vnum, quòd simpliciora sint Vsuardi & Adonis Martyrologiis, vt ex mutua collatione satis apparet, tametsi in nonnullis illustriores aliquos è recentioribus Sanctis addiderint Ecclesiæ, quæ illis certa de causa peculiare officium consecrarunt: Alterum, quòd pauciora de Dionysio Atheniensi referant, quàm Vsuardus & Ado, qui Aristidem laudant. Tertium, quòd ante Vsuardum & Adonem Ecclesiæ suas tabulas, suæque Martyrologia habuerint, vt Vsuardus ipse docet epistola ad Carolum Imperatorem, in qua se *ex quibusdam præcedentium Patrum Martyrologiis* opus suum confecisse proficitur.

Decimus testis est historia Sanctorum Fusciani & Victorici, in qua sic habetur: *Quotempore Maximianus Augustus per arua Gallia præsidebat, sancti viri Fuscianus & Victoricus cum duodenario numero sociorum per ordinem glomerati, unà cum venerabili Dionysio Presule, comitibus ceteris, Platone, Ruffino, Crispino, Crispiniano, Valerio, Luciano, Marcello, Quintino & Regulo ab urbe Roma cursu intrepido progredientes intra fines Gallia peruenerunt, &c.* Hic tantum nota Dionysij in Galliam aduentui tempus assignari, quod martyrio assignandum fuit. Quippe Dionysius sub Decio venit in Galliam; & sub Maximiano palmam martyrij reportauit. De ceteris vide cap. 6. Discuf-

tionis. Porro cùm Vsuardus Piatonem Dionysij socium faciat Calendis Octobris, Fusciاني & Victorici historia superioribus octauo sæculis tribuenda est.

Ex octauo sæculo.

V. Vndecimus testis Vsuardus monachus Sancti Germani Parisiensis, in Martyrologio, quod iussu Caroli Magni composuit. Calendis Octobris: *Ciuitate Tornaco passio Sancti Piatonis presbyteri & martyris, qui cum Beato Dionysio, eiusque sociis ab urbe Roma Galliam predicationis causa expetiit, ac postea consummato martyrio migravit ad Dominum.* Ecce tibi Dionysius comes Piatonis, qui sub Maximiano coronatus est.

Quinto Nonas Octobris: *Natalis Beati Dionysij Episcopi & martyris, qui post clarissimam confessionem fidei, post grauissima tormentorum genera glorioso martyrio coronatus est, ut testatur Aristides Atheniensis, vir fide sapientiæque mirabilis in eo opere, quod de Christiana religione composuit. Ille, cuius martyrium Aristides Atheniensis testatur, aliud esse non potest, quàm Arcopagita.*

Septimo Idus Octobris: *Apud Parisum natalis Sanctorum Martyrum Dionysij Episcopi, Rustici presbyteri, & Eleutherij Diaconi: Quis Beatus Episcopus à Pontifice Romano in Gallias predicandi gratia directus ad præfatam urbem deuenit, ubi per aliquot annos commissum sibi opus fideliter prosequens, tandem à Prefecto Fes-*

cennino unà cum sociis suis gladio animaduversus martyrium compleuit. Hic Dionysius cum sit in omnibus Vsuardi exemplaribus Piatonis comes non potuit esse Arcopagita, licet de eo quinto Nonas nullam mentionem faceret Vsuardus. Alias discriminis inter utrumque notas prætereo consultò, quas videre est cap. 7. Discussionis num. 2. Sed cum hæc Lutetiæ scripta sint citra cuiusquam offensionem, quis nunc prudenter reclamaret?

Duodecimus testis est historia Sancti Luciani Bellouacensis, quæ ex tribus manuscriptis exemplaribus producta est capite sexto num. 5. Eodem itaque tempore beatissimus vir Sanctus Lucianus sanctissimo martyri consociatus Quintino, urbe Roma cum Beato Dionysio pariter egressi Gallias adierunt. & post alia. Lucianus à Beato Dionysio presbyteri sumpsit officium, & ad Bellouacensem urbem cursu properauit intrepido, atque tunc Sanctus Dionysius Parisius adiit. At cum Lucianus & Quintinus sub Maximiano triumpharint, Dionysius Parisiensis ad eandem ætatem spectat. Quia verò Audoënus Rotomagensis in vita Eligij lib. 2. cap. 7. Lucianum Quintini collegam facit, hæc quoque Luciani historia ad superius sæculum referri non immeritò potuit.

Decimus tertius Methodius Patriarcha Constantinopolitanus in vita Dionysij: Socij autem Beati Dionysij fuerunt Saturninus, Marcellus & Lucianus. infra. Aquitania verò partibus misso Sancto Saturnino, ipse (Dionysius) cum Sancto Luciano, & Sancto Rustico & Sancto Eleuthe-

Eleutherio Lutetiam Parisiorum venit : Sanctus autem Lucianus presbyterij honore ornatus ad Bellonacorum urbem missus est. Ipse porro Sanctus Dionysius Lutetia Parisiorum mansit, quod oppidum etsi paruum & exiguum, tamen gentilis erroris plenum erat. Quis ista quæso legit, & non videt Methodium ex corruptis quorundam Gallorum commentariis deceptum veterem traditionem interturbasse? Sed cum tam evidenter interturbavit, pro ipsa veritate testimonium perhibet, atque ex eo nostra sententia magis adiuuatur, quam premitur. Quippe Saturninus Tolosanus ex omni retrò traditione, quæ etiam in Martyrologio Baronij retinetur, & auctoritate Gregorij Turonensis confirmatur, in Galliam sub Decio venit. Lucianus verò Bellouacensis, & Marcellus in vetustissimis manuscriptis, quæ ex Bibliotheca Corbeiana & Sancti Germani Pratenfis edidit Millerus, ad Imperium Diocletiani pertinent. Quare Dionysius Saturnini, Luciani, & Marcelli socius non potest esse Arcopagita. Vide caput octavum, num. 3. & 4. vide etiam caput sextum de societate Dionysij cum aliis.

Decimus quartus Metaphrastes in vita Sancti Dionysij: *Quendam ex iis, inquit, qui cum eo versabantur, inclytum Lucianum, qui etiam presbyteri dignitate erat ornatus, misit ad civitatem Insula Beluacensis predicaturum pietatem.* Hæc ille quoque ex corruptis Methodij vel quorundam Gallorum commentariis falsus scripsit, & veterem traditionem intervertit. Sed cum Lucianus ex iis manuscriptis, quæ

produxit Milletus, & ex aliis, quæ nos etiam produximus, ad Diocletiani seu Maximiani tempora referantur, Dionysius Luciani collega nec est nec esse potest Areopagita; sic incerta ad certorum regulam dirigi necesse est. Non moror recentiores, qui Luciani vitam refinxerunt, & eum Areopagitæ discipulum contra octingentorum annorum traditionem fecerunt.

Decimus quintus. Ado Viennensis in Martyrologio. Quinto Nonas Octobris: *Natalis Sancti Dionysij Areopagita, qui ab Apostolo Paulo instructus credidit Christo, & primus apud Athenas ab eodem Apostolo Episcopus est ordinatus, & sub Adriano principe post clarissimam confessionem fidei, post gravissima tormentorum genera glorioso martyrio coronatur, ut Aristides Atheniensis, vir fide sapientiæque mirabilis, testis est in eo opere, quod de Christiana religione composuit. Hoc opus apud Athenienses summo genere colitur, & inter antiquorum monimenta clarissimum tenetur, ut peritiores Græci affirmant. Sic quosdam recentiores Græcos arguit, qui minus periti à maiorum traditione, ut forsitan Gallis gratificarentur, descuerant. Pauciora habet in libello de festiuitatibus Apostolorum & aliorum, qui Apostolis vicini fuerunt. Quinto Nonas Octobris: Natalis Sancti Dionysij Areopagita, qui ut liber Actuum Apostolorum indicat, ad predicationem Beati Pauli Apostoli apud Athenas ad fidem Christi conuersus, primus eiusdem ciuitatis Episcopus ab eodem est constitutus.*

Discuſſionis Caput XIX. 211

Sed pergamus. Septimo Idus Octobris: Apud Parisium natalis Sanctorum Martyrum Dionysij Episcopi, Eleutherij presbyteri, & Rustici Diaconi: Qui Beatus Episcopus à Pontifice Romano ad Gallias directus, ut predicationis operam populis à fide Christi alienis exhiberet, tandem Parisiorum ciuitatem deuenit, & per aliquot annos sanctum opus fideliter & ardentè executus, à Prefecto Fescennino Sisinnio comprehensus, & cum eo sanctus presbyter Eleutherius, & Rusticus Diaconus gladio animaduersi martyrium compleuerunt.

Ex nono & decimo seculo.

VI. Decimus sextus Notkerus cognomento Balbulus in Martyrologio. Quinto Nonas Octobris: Natiuitas Sancti Dionysij Areopagite, qui ab Apostolo Paulo ad fidem deductus, etiam primus Athenarum Episcopus est ordinatus, & sub Adriano principe post clarissimam confessionem fidei, & grauissimorum tormentorum genera martyrio coronatus est. Septimo Idus Octobris: Apud Parisium passio Dionysij Episcopi, Eleutherij presbyteri, & Rustici Diaconi: Qui Beatus Episcopus à Pontifice Romano causa predicationis in Gallias directus, Parisiorum ciuitatem deuenit, ubi per aliquot annos miraculis fidem confirmantibus, cum ad viam veritatis populos conuertere satageret, à Prefecto comprehensus, cum Rustico & Eleutherio martyrio coronatus est. Plures antea discriminis inter utrumque Dionysium notas aduertimus, quas hoc

in Martyrologio vnusquisque adhibere facile potest.

Decimus septimus Folcardus monachus Sancti Bertini in vita Sancti Audomari cap. 6. *Igitur, inquit, plebs Taruanensis, licet ante eius (Audomari) aduentum à Beatissimi Martyris Dionysij sociis Fusciano & Victorico verbum Dei accepisset eo tempore, quo egregius Christi martyr Quintinus apud Ambianenses predicabat. At cum Fuscianus, Victoricus & Quintinus sub Maximiano martyres occubuerint, Dionysius illorum socius Areopagita non fuit.*

Decimus octauus Fulbertus Carnotensis in hymno de Sancto Piato : *Tornacum versus Piatum se direxit inclutus, cum Parisius iret Beatus Dionysius.* infrà. *At Cæsar Maximianus ut Piatum hausit famam virulentis auribus, comprehendendi iussit eum ad necandum protinus.* Hæc ille vir cum primis eruditus & Lutetiæ proximus, & ibi dum Cancellarius Roberti regis fuit, diu multumque commoratus, qui his de causis veras Parisiensis Ecclesiæ traditiones ignorare non potuit. Neque verò solus Fulbertus, sed etiam Ecclesia Carnotensis Dionysium Parisiensem ab Areopagita distinxit. Etenim in suis Calendariis suum vnicuique officium dedicauit. Lege Calendarium Manualis Carnotensis editi anno 1604. vbi sic habetur. Quinto Nonas Octob. *Dionysij Episcopi & martyris tres lectiones.* Septimo Idus Octob. *Dionysij, Rustici, & Eleutherij martyrium duplex.* Lege aliud Calendarium Manualis, editi anno 1490. vbi sic habetur : Quinto nonas Octobris : *Dionysij*

Discussionis Caput XIX. 213

Episcopi. Septimo Idus Octobris: Dionysij, Rustici, & Eleutherij martyrum. quære tandem alia manuscripta Calendaria, vnde hæc quæ adferimus, in lucem prodierunt.

Decimus nonus Letaldus monachus in prologo vitæ Sancti Iuliani Cenomanensis: *Quod epus reuerendum potius, quàm iucundum dixerim, quia cum magna reuerentia gravitate dicenda & scribenda sunt, quæ in conspectu veritatis recitari debent, ne vnde Deus placari creditur, inde amplius ad iracundiam pronocetur, nihil enim ei placet, nisi quod verum est. Sunt autem nonnulli, qui dum attollere Sanctorum facta appetunt, in lucem veritatis offendunt: quasi Sanctorum gloria mendacio erigi valeat, qui si mendacij sectatores fuissent, ad sanctitatis culmen nequaquam ascendere potuissent. Dicenda ergo sunt cum veritate, quæ veritas ipsa gessit, quia si aliquis Patrum aliquod dicitur fecisse miraculum, non illud homo, sed Deus operatur. & post alia. De tempore quidem, quo magnus ille floruerit, ex libro Gregorij Tironensis per coniecturam sumpsi, qui historiarum suarum libro 1. sub Decio & Grato Consulibus à Sixto Romane sedis Apostolico plurimos Episcopos ordinatos asseruit, & in Gallias ad prædicandum verbum Dei directos. Porro cum Beatus Dionysius à Sancto Gregorio ex eorum numero fuisse dicatur, & in gestis gloriosi Patris Iuliani cum eodem Sancto Dionysio prædicaturus venisse narretur; non dubium æstimo, quin sub Decio Valeriano, Gratoque Consulibus, & Sixto Romane sedis antistite fuisse monstretur.*

Duo hîc studiosè pius scriptor exequitur : primò quidem antiquam de Dionysio nostro traditionem retinet ; deinde Christiana pietate inuehitur in eos, qui gesta Sanctorum adulterinis narrationibus corrumpunt , & falsis temporum notis consignant. Quod studij genus cùm laude dignum sit, in eum Milletus temerè stomachatur in epilogo Responsionis.

*Ex posterioribus infra millesimum
seculis.*

VII. Duo sunt præcipuè , quæ non solum in posterioribus, sed etiam in prioribus millesimo sæculis perpetuam de duobus Dionysiis Ecclesiarum traditionem commonstrant : vnum est publica in Ecclesiis Martyrologiorum lectio ; alterum celebris ad inuocandum Deum & ejus Sanctos Litaniarum vsus & recitatio. Martyrologia priùs referamus.

Ecclesia Parisiensis in veteri Martyrologio, quod ante annum 1448. scriptum est , & in alio quod eodem anno exaratum quotidie legitur, hæc habet de utroque Dionysio. Calendis Octobris : *Ciuitate Törnaco passio Sancti Piatonis presbyteri , qui cum Beato Dionysio Episcopo, eiusque sociis ab urbe Roma Galliam predicationis causa expetiit, ac postea consummato martyriomigravit ad Dominum.* Ecce tibi Dionysius noster comes Sancti Piatonis, qui sub Maximiano martyr ad cælos euolauit. Quinto Nonas Octobris : *Natalis Beati Dionysij Episcopi & martyris , qui post clarissimam confessionem*

fidei , post gravissima tormentorum genera glorioso martyrio coronatus est , ut testatur Aristides Atheniensis , vir fide sapientiâque mirabilis , in eo opere , quod de Christiana religione composuit. Hic ille est Arcopagita , cuius Aristides in apologia Christianorum meminisse debuit.

Septimo Idus Octobris ; Apud Parisium natalis Sanctorum Martyrum Dionysij Episcopi , Rustici presbyteri , & Eleutherij Diaconi ; Qui Beatus Episcopus à Pontifice Romano in Gallias prædicandi gratia directus , præfatam urbem devenit , ubi per aliquot annos commissum sibi opus fideliter prosequens , tandem à Præfecto Fescennino unâ cum sociis gladio animadversus martyrium complevit. Fuit qui ante annos non multos clam Ecclesia Parisiensi , cùm hanc Dionysiorum distinctionem molestè ferret , ex septimo Idus hæc verba deleuit (Apud Parisium natalis Sanctorum Martyrum Dionysij Episcopi) & hæc alia inferiùs descripta in illorum locum suffecit , (Lutetia Parisiorum natalis Sanctorum Martyrum Dionysij Arcopagite) tum lectorem notula quadam monuit , ut reliquum ad contextum rediret. Sed quoniam vir incallidus non expunxit , quæ Calendis Octobris de Dionysio nostri Piatonis comite , & quæ quinto Nonas de Arcopagita dicuntur : hinc ignorantia suæ testimonium , inde idoneam adhuc discriminis inter utrumque Dionysium notam reliquit.

Ecclesia Sancti Germani Autissiodorensis & Sancti Sepulchri in vrbe Parisiensi , & Monasterium Sancti Martini de Campis , Sancti Ger-

mani Pratenfis, Sancti Viſtoris, Monialium Sancti Antonij ad urbem Pariſienſem, hæc legunt in Martyrologiis ſuis. Calendis Octobris: *Ciuitate Tornaco paſſio Sancti Piatonis preſbyteri, qui cum Beato Dionyſio Epifcopo, eiufque ſociis, &c. vt ſuprà.* Quinto Nonas Octobris: *Natalis Beati Dionyſij Epifcopi & Martyris, &c. vt ſuprà.* Septimo Idus Octobris: *Apud Pariſum natalis Sanctorum Martyrum Dionyſij Epifcopi, Ruſtici preſbyteri, & Eleutherij Diaconi: Qui Beatus Epifcopus, &c. vt ſuprà.*

Monasterium Sancti Dionyſij in Francia hæc haber in Martyrologio, quod olim publicè legebat, & quod Guido Abbas illius Monasterij commentariis illuſtrauit tempore Philippi Pulcri. Calendis Octobris: *Ciuitate Tornaco paſſio Sancti Piatonis preſbyteri, qui cum Beato Dionyſio Epifcopo, eiufque ſociis, &c. vt ſuprà.* Quinto Nonas Octobris: *Natalis Beati Dionyſij Epifcopi & Martyris, &c. vt ſuprà.* Septimo Idus Octobris: *Apud Pariſum natalis Sanctorum Martyrum Dionyſij Epifcopi, Ruſtici preſbyteri, & Eleutherij Diaconi: Qui Beatus Epifcopus, &c. vt ſuprà.* Hoc Martyrologium membratim inſertum eſt Sanctilogio Guidonis, quod in Bibliotheca Sancti Viſtoris aſſeruatur.

Eccleſia Rotomagenſis, & Monasterium Sancti Martini Pontifarenſis, Sancti Taurini Ebroicenſis, & Beatæ Mariæ de Lira in Diœceſi Ebroicenſi, hæc habent in Martyrologiis ſuis. Calendis Octobris: *Ciuitate Tornaco paſſio Sancti Piatonis preſbyteri,*

qui cum Beato Dionyſio Epifcopo, eiufque ſociis, &c. vt ſuprà. Quinto Nonas Octobris: Natalis Sancti Dionyſij Epifcopi & Martyris, &c. vt ſuprà. Septimo Idus Octobris: Apud Pariſum natalis Sanctorum Martyrum Dionyſij Epifcopi, Ruſtici preſbyteri, & Eleutherij Diaconi. Qui Beatus Epifcopus, &c. vt ſuprà.

Eccleſia Senonenſis, Auguſtodunenſis, Anicienſis, Andegauenſis, & Sancti Martini Turonenſis hæc habent in Martyrologiis ſuis. Calendis Octobris: Ciuitate Tornaco paſſio Sancti Piatonis preſbyteri, qui cum Beato Dionyſio Epifcopo, eiufque ſociis, &c. vt ſuprà. Quinto Nonas Octobris: Natalis Sancti Dionyſij Epifcopi & Martyris, &c. vt ſuprà. Septimo Idus Octobris: Apud Pariſum natalis SS. Martyrum Dionyſij Epifcopi, Ruſtici preſbyteri & Eleutherij Diaconi: Qui Beatus Epifcopus, &c. vt ſuprà.

Eccleſia Sueſſionenſis & Monafterium Sancti Crispini Maioris hæc habent in Martyrologiis ſuis. Calendis Octobris: Ciuitate Tornaco paſſio Sancti Piatonis preſbyteri, qui cum Beato Dionyſio Epifcopo, eiufque ſociis, &c. vt ſuprà. Quinto Nonas Octobris: Natalis Sancti Dionyſij Epifcopi & Martyris, &c. vt ſuprà. Septimo Idus Octobris: Apud Pariſum natalis Sanctorum Martyrum Dionyſij Epifcopi, Ruſtici preſbyteri, & Eleutherij Diaconi: Qui Beatus Epifcopus, &c. vt ſuprà.

Porro Sueſſionenſis Eccleſia feſtum habet plurium Sanctorum, quorum reliquias Niuello Sueſſionum Epifcopus Conſtantinopoli ſuſcepit anno 1205. & inter has reliquias è ve-

terij Processionali eiusdem Ecclesiæ numeratur *caput Dionysij Areopagite*. Qui autem caput illud dederunt, & qui susceperunt, mortuum in Oriente Areopagitam credidère. Vide caput II. Discussionis.

Ecclesia Ambianensis hæc habet in Martyrologio. Calendis Octobris: *Tornaco Sancti Piatonis presbyteri & martyris*, qui cum Beato Dionysio, eiusque sociis, &c. ut supra. Quinto Nonas Octobris: *Natalis Sancti Dionysij Areopagite*, qui ab Apostolo Paulo instructus credidit Christo, & primus apud Athenas Episcopus est ordinatus, &c. ut supra. Septimo Idus Octobris: *Apud Parisium natale Sanctorum Martyrum Dionysij Episcopi, Rustici presbyteri, & Eleutherij Diaconi: Qui Beatus Episcopus, &c.* ut supra.

Monasterium Sancti Ioannis Ambianensis Ordinis Præmonstratensis hæc habet in Martyrologio. Calendis Octobris: *Tornaco Sancti Piatonis presbyteri & martyris*, qui cum Beato Dionysio, eiusque sociis, &c. ut supra. Quinto Nonas Octobris: *Natalis Sancti Dionysij Areopagite*, qui ut liber Actuum Apostolorum indicat, ad prædicationem Beati Pauli Apostoli apud Athenas ad fidem conuersus, tandem primus eiusdem civitatis Episcopus ab eodem est constitutus, qui post clarissimam confessionem fidei, post gravissima tormentorum genera glorioso martyrio coronatus est, ut testatur Aristides, &c. ut supra. Septimo Idus Octobris: *Apud Parisium natale Sanctorum Martyrum Dionysij Episcopi, Eleutherij presbyteri, & Rustici Diaconi: Qui Beatus Episcopus, &c.* ut supra.

Monasterium Pontiniacense in Diœcesi
Autisiodorensi , Monasteriũ Beatæ Mariæ
de Valle in Diœcesi Parisiensi , Monasterium
Beatæ Mariæ de Marcilliaco in Diœcesi Au-
gustodunensi , & alia Ordinis Cisterciensis
monasteria hæc habent in Martyrologiis suis.
Calendis Octobris : *Cinitate Tornaco passio*
Sancti Piatonis presbyteri, qui cum Beato Diony-
sio Episcopo, eiusque sociis, &c. vt supra. Quinto
Nonas Octobris : *Natalis Sancti Dionysij Epi-*
scopi & martyris, &c. vt supra. Septimo Idus
Octobris : *Apud Parisium natalis Sanctorum*
Martyrum, Dionysii Episcopi, Rustici presbyteri,
& Eleutherij Diaconi : Qui Beatus Episcopus,
&c. vt supra.

Vniuersus Ordo Fratrum Prædicatorum
hæc habet in Martyrologio , quod includit
Breuiarium eorundem anno 1254. descriptum,
& Lutetiæ in Conuentus Sancti Iacobi Biblio-
theca asseruatum. Calendis Octobris : *Cinita-*
te Tornaco passio Sancti Piatonis presbyteri, qui
cum Beato Dionysio Episcopo, eiusque sociis, &c.
vt supra. Quinto Nonas Octobris : *Natalis*
Sancti Dionysii Episcopi & Martyris, &c. vt su-
pra. Septimo Idus Octobris : *Apud Parisium*
natalis Sanctorum Martyrum, Dionysii Episcopi,
Rustici presbyteri, & Eleutherij Diaconi : Qui
Beatus Episcopus, &c. vt supra.

Hic notandum est, exscriptorum vitio tri-
buendum esse, quòd in quibusdam Martyro-
logiis ad septimum Idus nomen Clementis
Papæ irrepperit : sed vt tollatur tanquam ad-
uentitium, duo faciunt : vnum est vindicatus

Vsuardi textus, qui Clementis Papæ nomen non habet; alterum, inita Dionysij cum Piatone societas: ut enim Piaton, quem Maximianus necari iussit, sic & Dionysius Piatonis collega, non potuerunt ambo à Clemente mitti.

Calendarium antiqui Breuiarij ad vsu cuiusdam è secunda Belgica Ecclesiæ, quod in memorati Prædicatorum Conuentus Bibliotheca hodiè que seruat, duos distinctos Dionysios, distinctaque Officia sic consignat. Quinto Nonas Octobris: *Dionysii Martyris memoria.* Septimo Idus Octobris: *Dionysii Martyris, sociorumque eius Martyrum duplex.*

Calendarium Antiphonalis cuiusdam Ambianensis, quod aliàs vidimus Lutetiæ in veteri Bibliotheca Collegij Choletæorum, duos pariter Dionysios distinguit. Quinto Nonas Octobris: *Dionysii Areopagite sit.* Septimo Idus Octobris: *Dionysii Martyris, sociorumque eius.* Prioris Dionysij memoria nigro, posterioris rubro caractere signatur.

Calendarium Ordinarij Narbonensis Ecclesiæ, quod Tolosæ typis mandatum est anno 1545. duos quoque Dionysios secernit. Quinto Nonas Octobris: *Dionysij Areopagite Episcopi & Martyris tres lectiones.* Septimo Idus Octobris: *Dionysii Rustici, & Eleutherij Martyrum, nouem lectiones.*

Calendarium Ecclesiæ Venetensis in Armorica, quod excusum est anno 1596. duos cum aliis Dionysios repræsentat. Quinto Nonas Octobris: *Dionysii Episcopi & Martyris commemoratio.* Septimo Idus Octobris: *Dionysii*

fociorūque eius Martyrum semiduplex.

Hæc pauca de multis cū editis, tum manuscriptis Martyrologiis & Calendariis, quæ similia ex aliis Galliarum Ecclesiis produci possunt; sed ea nunc ad demonstrandam traditionis perpetuitatem sufficiunt.

Reliquum est modò, ut videamus, an Martyrologium illud, quod Bellinus Patauij editit ad vsum Romanæ Ecclesiæ, cum nostris Gallicanis conueniat. Hæc igitur habet: Calendis Octobris: *Tornæo Sancti Piatonis presbyteri, & Martyris, qui cum Beato Dionysio Episcopo, eiusque sociis, &c. ut suprâ.* Quinto Nonas Octobris: *Natale Beati Dionysij Episcopi & Martyris, &c. ut suprâ.* Septimo Idus Octobris: *Natale Sanctorum Martyrum Dionysij Episcopi, Rustici presbyteri, & Eleutherij Diaconi. Qui Beatus Episcopus, &c. ut suprâ.*

De huius verò Martyrologij editione & vsum hæc tradit Scardæonius libro 2. Antiquitatum Patauij classe 7. *Bellino non modicæ laudi fuit editio & correctio Martyrologij, quod olim pro sua raritate in Choris tantum & Conuentibus publicè legeretur, nunc huius opera factum, ut ab omnibus legatur.* Hæc duorum Dionysiorum distinctio vsque ad Gregorium XIII. durauit, sub quo Galesinius ex duobus vnum conflauit: de ceteris Ecclesiæ Romanæ officiis vide caput 14. Discussionis.

Ceterum ut Vsuardus ex præcedentium Patrum Martyrologiis & scriptis mutuatus est, quæ de utroque Dionysio scripsit, sic & complures Occidentis Ecclesiæ Vsuardi Martyro-

logium fecerunt suum, & vtriusq; Dionysij distinctionem publico usu assertioneq; confirmarunt. Ex quo fit, vt distinctio vtriusq; Dionysij cum approbatione orbis ferè totius octo sæcula integra steterit, nemine per antiquiorem traditionem contrà mutiente, quia nulla ratio vel auctoritas emergebat, quæ cum omni retrò memoria pugnaret. Cui rei per imprudentiam assentitur Milletus, vbi quæsitam ex Vsuardo rationem conatur eludere in Responsione ad caput 3. Dissertationis paragrapho 1. *Vnius*, inquit, *affertur Vsuardi textus ferè in omnibus Ecclesiis lectitari solitus, quod Molanus in ipsa fronte Martyrologij Vsuardi à se editi, sic testatur: Martyrologium Vsuardi, quo Romana Ecclesia, ac permulta alia vtuntur. Vide caput 6. Discussionis.*

Quod autem pertinet ad Litanias, quæ antiquissimum in Ecclesia precationum genus est, in iis Dionysius noster martyribus non præponitur, qui ante Aurelium Imperatorem passi sunt, & inter eos ferè semper collocatur, qui sub Maximiano & Diocletiano Christi fidem suo sanguine consecrarunt. E multis Litanis paucas ad specimen exhibeamus.

Ecclesia Lugdunensis post Laurentium, Vincentium & Mauricium collocat Dionysium cum sociis.

Ecclesia Rotomagensis, Baiocensis, Abrincensis, Ebroicensis, Sagitensis, Lexouiensis & Constantiensis post Laurentium, Vincentium & alios collocant Dionysium cum sociis.

Ecclesia Turonensis, Redonensis, Andega-

uens, Nannetensis & Venetensis post Laurentium, Vincentium, Mauricium, & alios collocant Dionysium cum sociis.

Ecclesia Autisiodorensis, Niuernensis, & Trecensis post Sixrum, Laurentium & alios martyres collocant Dionysium cum sociis.

Ecclesia Sueffionensis, Nouiomenis, Siluaneensis, Bellouacensis, & Ambianensis post Laurentium, Cyprianum & alios collocant Dionysium cum sociis.

Ecclesia Bituricensis, Claromontensis, Mimatensis, Aniciensis & Lemouicensis post Sixtum, Laurentium & alios collocant Dionysium cum sociis.

Ecclesia Aquensis, quæ caput est secundæ Narbonensis, post Laurentium, Cyprianum & alios collocat Dionysium cum sociis.

Ecclesia Atrebatensis post Laurentium, Fabianum, Sebastianum & alios collocat Dionysium cum sociis.

Ecclesia Parisiensis, Carnotensis & Aurelianensis post Laurentium, Vincentium & alios collocant Dionysium cum sociis.

Hic sisto gradum in Parisiensi Ecclesia, quæ ceteris, si aliter Dionysium collocant, legem in rebus suis iure præscribit. Ergo Litaniæ illæ quarum modò meminimus, quandiu per Galliarum Ecclesias decantabuntur, tandiu inuictæ remanebunt argumenta traditionis, quæ Dionysium Parisiensem sub Maximiano passum constabit. Vide caput 17. Discussionis.

*Sententia de duplici Dionysio conditiones
vere ac legitime traditionis
conueniunt.*

VIII. Quæ tria potissimum consueuerunt ad veræ traditionis assertionem desiderari, illa certè in nostra de vtroque Dionysio sententia perfectè reperiuntur. Primum est, vt de eo, quod in traditione positum contenditur, diuersis & temporibus & locis scriptum sit à pluribus exploratæ fidei viris, qui in testes producantur. Alterum, vt scriptores illi, nisi verbis omnibus, at certè sensu conueniant in testimonio, quod de re traditâ perhibent. Tertium, vt iidem scriptores ad primam rei gestæ originem, quæ caput veritatis est, continuâ serie reducantur. At nulla ex his tribus veræ traditionis conditionibus nobis deest: Non prima quidem, cum & celebrium scriptorum auctoritates, & diuersarum Ecclesiarum Martyrologia, ac Litanæ testentur, permultos fuisse exploratæ fidei viros, qui vtriusque Dionysij, Parisiensis & Atheniensis, discrimen memoriæ prodiderint. Non secunda, cum illi scriptores non sensu tantum, sed iisdem aliquando ferè verbis vtrumque Dionysium designent Parisiensem, & Atheniensem: hunc sine sociis, illum cum sociis: hunc diuersis afflictum tormentorum generibus, sed inexploratis; illum certo cruciatum supplicio, capitis scilicet obtruncatione: hunc passum Athenis, illum Parisiis, qui & insuper Piatonis socius

Arco-

Arcopagita esse non potuit. Non denique tertia, cum quæ de vtriusque Dionysij distinctio-
ne testimonia laudauimus, non sistant in Ado-
ne, vel in Vsuarido, vel in Beda, vel tandem in
veteri Romano Martyrologio, sed & inoffenso
pede vadant ad Gregorium Turonensem, &
ad vetustiore[m] Gregorio historiæ Saturnini
Martyris auctorem, qui Dionysij Parisiensis
martyrio æqualis, aut suppar ex fidei æqua-
lium recordatione scripsit, eundem Diony-
sium sub Decio in Galliam venisse, ac postea
diuersis pro Christo affectum pœnis capite cæ-
sum fuisse. Quæ omnia multum ponderis ac-
cipiunt à Gregorio, qui cum Parisiorum vici-
nus esset, & in hac vrbe frequenter versaretur,
Ecclesiæ Parisiensis fidem de suo Dionysio ac
traditionem ignorare non potuit.

*Contraria opinioni desunt veræ ac legitime
traditionis conditiones.*

IX. Cum vnus rei veritas vna sit, nemo du-
bitat, quin, si veræ traditionis conditiones
nostræ sententiæ conueniant, oppositæ desint,
vri locupletioris doctrinæ causâ demonstra-
mus.

Prima eaque præcipua deest, cum nullus
ante Carolum Magnum exploratæ fidei scri-
ptor sit, qui Dionysium Arcopagitam cum Pa-
risiensi eundem esse asseruerit. Quod ex mul-
tis constat, atque adeo ex ipsius aduersarij ad
Dissertationem de duobus Dionysiis Respon-
sione, in qua nullum adduxit auctorem, qui

224 *Discussionis Caput XIX.*

ante annos octingentos eundem esse tradiderit Dionysium Parisiensem atque Areopagitam. Neque alia in medium profert, quæ æstimatione tantundem valeant; citat quidem Bedam, qui missum à Clemente Dionysium affirmet, sed falsò & contra Hilduinum & seipsum in Vindiciis, vbi queritur, Vsuardum à Beda mendum de duobus Dionysiis contraxisse, tum ex hac missione non sine turpi inconsequentiz vitio legatum Areopagitam concludit. Citat etiam nonnulla Martyrologia, vbi vnicus tantum est Dionysius ad septimum Idus Octobris, sed qui nec Areopagita, nec Atheniensis, nec ab Apostolo Paulo conuersus dicatur. Quinetiam muta cum sint Martyrologia, eloquentissimam illis vocem dabunt alia, quæ hoc capite protulimus affluenter. In Vindiciis verò citat gesta Dagoberti regis, Hymnum Fortunati de Sancto Dionysio, historiam Eugenij Archiepiscopi Toletani & Martyris, Monasterium Græcorum ab Stephano Papa conditum in honorem Areopagitæ, & vitam Beatæ Genouefæ, quæ est in Codice MS. Sancti Victoris. Sed ista omnia tam euidentis imposturæ conuicimus in Iudicio de Arcopagiticis Hilduini, vt in Vindiciarum defensione nihil eorum aduersarius vindicarit. Qua etiam de re antecedens caput legatur.

Secunda deest; cum primi opinionis assertores inanibus omninò & absurdis se dictis implicent: Hilduinus Arcopagitica & vitam Dionysij adeò vitiosè scripsit, vt non priùs legas, quàm repudies. Aduersarius ipse inde-

fenſa atque inulta reliquit, quæ in illius ſcriptis redarguimus. Methodius & Metaphraſtes ſic Dionyſij miſſionem cum Luciani Bellouacenſis, & Saturnini Tolofani miſſione confundunt, vt nobis potiùs, quàm aduerſariis ſuſfragentur, vt capite 9. num. 4. vidimus. Enimvero Milletus pro ſua clementia tribus illis athletis grauiffimam inurit notam, quòd Areopagita Martyrium ſub Domitiano locarint, ſed inofficioſam cenſuram eleuant ſtudia partium, quibus mauult ab auctoriſ ſuis diſſentire, quàm cum Sirmondo conuenire.

Hincmarus pro Areopagita *Græcam teſtificationem*, *Sanctæ Romanæ ſedis atteſtationem*, & *Gallicanam conteſtationem* in epiſtola ad Carolum laudat, ſed planè fruſtrà. Etenim *Græcorum teſtificatio* ad Methodium, qui Dionyſij vitam ex Hilduini commentariis magna ex parte ſcripſit: *Romana ſedis atteſtatio* ad Anaſtaſium Bibliothecarium, qui vitam Dionyſij à Methodio Græcè ſcriptam latinitate donauit: *Gallicana conteſtatio* ad Hilduinum & eius ſocios reducenda eſt: *Recognoui*, inquit Hincmarus; *his, quæ ibi ſcripta ſunt, ea, quæ in adoleſcentia legeram conſonare, videlicet per quos ac qualiter geſta martyrij Beati Dionyſij ſociorumque eius ad Romanorum cognitionem, indeque ad Græcorum notitiam peruenierint.* Quæ cum ita ſint, ad vnum Hilduinum vt ad principem erroris fontem omnia meritò reducuntur. Poſtea ſcriptores non pauci rem ab Hilduino traditam potiùs receperunt, quàm cum aliud fortè agerent, ex certis inueniendi aſſe-

rendique veri legibus examinarunt. Vbi & sedulo aduertendum est, partem eorum maximam duobus abhinc sæculis vixisse, qui vel ex Breuiariis suis à prima traditione recedentibus, vel ex Hilduiniana Areopagitæ historia, vel ex corruptis Martialis Lemouicensis, Austremonij Aruernensis, Saturnini Tolosani, Luciani Bellouacensis, Reguli Siluanectensis, & Eugenij martyris gestis mutuati sunt, quæcunque de aduentu Areopagitæ in Gallias scripserunt.

Tertia veræ traditionis conditio non potest non deesse, cum desit prima, ex qua omnino pendet. Etenim cum ante Carolum Magnum nullus scripserit, Dionysium Parisiensem eundem esse cum Areopagita; fieri quæ posset, ut testes aduentus Areopagitæ in Galliam ad primum vel alterum, tertium vel quartum, quintumve sæculum continuâ serie reducerentur?

Declamator Samblacatus dignus non est, qui hîc audiatur. In prima Palladij editione traditionis suæ epocham constituit in Stephano III. sed, ut ostendimus, mendacem. Romanum quippe monasterium, quod ait ab Stephano conditum, non Stephanus, sed Paulus Stephani successor à fundamentis ædificauit, ut Paulus ipse docet in epistola ad Ioannem Abbatem, & Anastasius in eiusdem Pauli vita. Tum qui monachi ex fundatoris instituto Græcæ psalmodiæ vacarent, (vnde schola Græcorum dici potuit) ab interpretibus non bonis facti sunt Areopagiticæ opinionis fautores. Quod naniarum genus in monasterio Sancti Dionysij fabricatum est.

Deinde Declamator idem in altera Palladij editione duo fabulatur ; vnum , inchoatum fuisse ab Stephano Monasterium, quod contra Paulus Stephani successor à fundamentis erexit. Sed id cum aliis eò fabulatur, vt ab Stephano recuperatæ apud Sandionysiacum monasterium valetudini additum vero falsum conueniat. Quo autem fine Paulus Monasterium illud extruxerit, ipsemet significat in memorata epistola, ex cuius lectione Declamator supinitatis vel fraudis reuincitur.

Alterum, *Gisenum Atheniensem Episcopum, qui vt iter laboresque Areopagita obiret, successorem Athenis ordinasse, Romam profectum esse, tam in Galliam iter instituisse, vt exemplo decessoris fidem ibi predicaret, & flagrantiore in dies Areopagita cultu temporibus Dagoberti & Clodonei illius reliquiis viseret & adoraret.* Hæc ille, quæ alij multo doctiores Areopagitici rectè ignorarunt, quia nulla veritate nituntur, aut cognita tanquam aniles fabulas reiecerunt. Atque ita hanc obseruationem contemptus aliorum fecit in Declamatore singularem. Verùm hic homo vt suo immoriatur puri sinamus, illius in scribendo *ἀπρίαν* mittamus, & in exploranda suis legibus historicarum rerum veritate indiligentiam.

Aassertum traditione discrimen confirmatur viâ negationis.

X. Hactenus affirmationis viâ per lineam Ecclesiasticæ traditionis ostendimus, Dionysium Parisiensem ab Attico scerni ; nunc viâ

228 *Discussionis Caput XIX.*

negationis affirmatū discrimen confirmemus.

Imprimis id euincitur Sulpitij Seueri testimonio, quod antea factum testūque habuimus. Nam si martyres Gallia Marco Aurelio vetustiores nullos vidit, & aliunde Dionysium Parisiensem in Gallia passum nemo nescit, profectò liquet diuersum ac posteriorem Arcopagita fuisse. Quod argumenti genus plurimū à Fortunato constabillitur lib. 8. poematum c. 4. vbi nonnullos cupidè prædicat, qui illustriori martyrio vel cōfessione è Gallia in cælum euolarunt, & inter martyres non Crescentem, vel Zachariam, sed Ferreolum Viennæ tribuit :

Ferreolum, inquit, pariter pulchra Viennæ gerit.
vide caput primum Discussionis.

Secundò. Ante Carolum Magnum Græcis omnibus ac Latinis ignota est Arcopagitæ in Galliam migratio, seu vt Parisiensem Ecclesiam fundaret, seu vt varias Occidentis prouincias Euangelica facelustraret; quemadmodum loquuntur. At fuisset migratio illustrissimi Atheniensium Episcopi celebrior, quàm vt eam per tot annos obruisset silentium omnium scriptorum. Vide cap. 12. Discussionis.

Tertiò. Sardicensis Synodus canone primo asserit, nullum ad illud vsque tempus inuentum fuisse Episcopum, qui de maiori ciuitate ad minorem transisset. Sed Apostolorum ætate Athenis transire Lutetiam, idem est atque nunc dierum Lutetia Meldas immigrare. Et fortè multò minus, cū ad annum Christi 360. Lutetiam Iulianus Cæsar πολίτην, & Ammianus Marcellinus *Castellum Parisiorum* appellent. Quod Methodius, Metaphrastes & Syn-

gelus testes aduersariis omni aliquando exceptione maiores significant. Nam Methodius Luteriam vocat μικρὰν πόλιν, Metaphrastes καλλιμὴν ἢ μεγέθει, ἢ πληθει τῶν ἐν αὐτῇ πόλυ τι τῶν μεγάλων πόλεων ἀπολειπομένην. Syngelus πλίχην. Vide caput 12. Discussionis num. 5.

Quartò. Qui Pontifices aliive ante Carolum Magnum laudarunt Areopagitam in Conciliis vel alibi, eum Atheniensem Episcopum & Martyrem, non Parisiensem appellarunt. At Episcopum post suam migrationem, & alterius in locum migrantis institutionem, non à prima, quam deseruit, sed à secunda sede, quam occupat, appellari constantissima Ecclesiæ traditio est. Vide caput 13. Discussionis.

Quintò. Ioannes Erigena non antiquos sed recentiores illos appellat, qui asserunt, Dionysium Parisiensem eundem esse cum Areopagita, & aliunde irridet Hilduinum & alios, qui tunc contrarium scriptis commendarunt. Vide cap. 8. Discussionis.

Sextò. Areopagitæ non meminerunt Pelagius II. epistola 1. Adrianus II. epistola 27. ad Episcopos Synodi Duziacensis, & Stephanus VI. epistola 1. vbi Episcopatum translationum necessitatem expendunt, & illam Beati Petri & aliorum exemplis confirmant. Non meminit Auxilius, qui, vt accusatum Formosum Papam, quòd relicto Episcopatu Portuenfi, ad Romani apicem nouo more conscendisset, tueatur, quæcunque potest & nouit, Episcopatum translationum exempla congerit in libello, quem ad Leonem Nolanum Episcopum

scripsit. Non meminit Iuo Carnotensis Episcopus in Decreti sui prologo recitans, qui ab vna sede in aliam transierant. At rem tanti momenti tractantes Pelagius, Adrianus, Stephanus, Auxilius & Iuo, si nota & vera fuisset Areopagitæ migratio, illius meminissent quàm libentissimè; aut dicant nobis, cur non meminissent, cùm præsertim inter Latinos frequentes Episcoporum ab vna Ecclesia in aliam transitus non occurrerent. Scilicet nondum ab Hilduino & aliis ficta erat Areopagitæ in Gallias migratio, vel fictam viri veritatis amantes suis auctoribus reliquerunt, ne splendidum iuxta & legitimum scribendi argumentum figmentorum obscuritate fuscarent. Sed sapientium scriptorum vestigia premere cùm Milleus & fœderati renuant, rem profectò faciunt, cui nunquam ab æquis iudicibus adscribetur bonum factum.

Abnutiua sunt ista non simplicia quidem, sed vt sic dicam, coniuncta, quæ ex variis rerum, locorum, temporum, & personarum circumstantiis æquiparantur dicentium asseuerationi.

Hæc cùm ita sint, duplici viâ, qua sese sustentat Ecclesiæ traditio, Dionysium Parisiensem ab Atheniensi distinximus, sempérque fuisse distinctum ostendimus, rudi quidem, sed vera oratione. Quod nobis sufficere docet Isidorus Pelusiota epistola 64. libri 2. *Veritas*, inquit, *omnibus artibus & disciplinis ornamentum adfert, qua si absit, omni ornatu & elegantia carent.*

BEATI
DIONYSII
PARISIORVM
APOSTOLI
ET MARTYRIS
VITA ET MIRÁCVLA.

Ex optima fidei scriptoribus collecta.
UCM

Beatus Augustinus lib. contra Epistolam Manichæi cap. 4.

Vt ergo hanc omittam sapientiam, quam in Ecclesia illa Catholica non creditis, multa sunt alia, quæ in eius gremio me iustissimè teneant. Tenet consensus populorum atque gentium, tenet auctoritas MIRACVLIS inchoata, spe nutrita, charitate aucta, vetustate firmata.

Idem libro de vtilitate credendi
capite 17.

Cùm igitur tantum auxilium Dei, tantum profectum, fructumque videamus, dubitabimus nos eius Ecclesie condere gremio, quæ usque ad confessionem generis humani, ab Apostolica sede per successiones Episcoporum, frustra hereticis circumlatrantibus, partim plebis ipsius iudicio, partim Conciliorum gravitate, partim etiam MIRACVLORVM maiestate damnatis, culmen auctoritatis obtinuit?




IN BEATI DIONYSII
 Parisiorum Apostoli gesta
 & miracula

P R Æ F A T I O.

QVÆ Hilduinus Dionysij Parisio-
 rum Apostoli, & Martyris gesta &
 miracula prætermisit, dū illius historiam
 conscriberet, hīc in vnum colligimus, &
 quam glorioso & illustri sepulchro lu-
 cem eripuit, ex verissimis monumentis
 restituimus. Cur autem & ab Hilduino,
 & recentioribus asseclis neglectum adeò
 pium laborem aggrediamur, in caussa
 potissimum fuēre tria, quæ inter mira-
 culorum fructus & utilitates numerari
 consuērunt. Vnum est, quòd ad pu-
 blicam pietatem pertineat, vt omnes
 sciant, quæ Deus miracula per eum pa-
 trarit, qui primus Lutetiæ fidem Christi
 nuntiatum venit, & eam postea suo san-
 guine consecrauit. Alterum, quòd San-
 ctorum miracula religionem in animis
 communiter excitent, & Deum crede-

re, Deum adorare suadeant, inducânt-
 que. Et reuera vix vllus à pietate tam
 alienus est, qui, vbi rem, euentúmque
 nouum, à natura & ratione distantem
 videt, non statim moueatur intimis præ-
 cordiis, non ictu quodam admirationis
 percelli se fateatur, numen aliquod in
 eo non agnoscat, ad venerationem non
 componatur, & ad fidem gratiâ Dei in-
 tus operante non præparetur. Tertium,
 quòd Sanctorum miracula non apertam
 modò veræ religioni viam sternant, sed
 & veram à falsa certissimè distinguant.
 Primum beatus docet Augustinus con-
 tra epistolam Manichæi, secundum verò
 in libro de vtilitate credendi. Quare
 cùm diuina quadam benignitate, & pro-
 uidentia factum sit, vt olim ad Sancto-
 rum sepulchra & reliquias miracula pa-
 rrarentur, aliis in fide firmandis homini-
 bus, aliis formandis, Christianus nemo
 dubitet, quin maximæ apud nos vtilita-
 tis sit, & solatij, tum quæ ad Dionysij Pa-
 risiensis sepulchrum edita sunt quon-
 dam miracula, recensere, tum recensita
 piis oculis frequenter vsurpare.



CAPVT PRIMVM.

*Dionysij Parisiensis in Galliam aduentus
& Martyrium.*



QVATVOR sunt antiqui scriptores, quibus acceptum referimus Dionysij in Galliam aduentum & martyrium: primus Sancti Saturnini gestorum auctor, & secundus Gregorius Turonensis, qui lib. 1. hist. Francorum cap. 18. illud vtrumque paucis quidem, sed multa continentibus, verbis sic exequuntur: *Huius (Decij) tempore septem viri Episcopi ordinati ad predicandum in Gallias missi sunt, sicut historia passionis Sancti Martyris Saturnini denarrat. Ait enim sub Decio & Grato Consulibus, SICVT FIDELI RECORDATIONE RETINETVR, primum ac summum Tolosana ciuitas habere cœperat sacerdotem. Hi ergo missi sunt Turonicis Gatianus Episcopus, Arelatensibus Trophimus Episcopus, Narbona Paulus Episcopus, Tolosa Saturninus Episcopus, PARISIA-CIS DIONYSIVS EPISCOPVS, Aruernis Stremonius Episcopus, Lemonicinis Martialis destinatus est Episcopus. De his verò BEATVS DIONYSIVS PARISIORVM EPISCO-PVS DIVERSIS PRO CHRISTI NOMINE AFFECTVS POENIS, PRÆSENTEM*

VITAM GLADIO IMMINENTE BINIVIT.

Tertius Fortunatus lib. 1. Poëmatum cap. 11. ubi de eodem Dionysio ita canit :

*Qui feruente fide Christi solidatus amore,
Vertice supposito colla secunda dedit.*

*Membrorum contemptor erat, cupiendo coronam,
Vile putans quicquid ferret amore Dei.*

*Vt moritura caro donum immortale pararet,
Vulnera dilexit, sed caritura nece.*

*Hostili occurrens gladio se misit olympo,
Vnde mori voluit, vota salutis habet.*

Idem lib. 8. cap. 4. de virginitate, seu, vt aliis placet, de gaudiis & spe vitæ æternæ:

*Ipse Parisiaca properat Dionysius ade,
Augustoduno Symphoriane venis.*

Quartus denique Vsuardus monachus Sancti Germani Parisiensis in Martyrologio, & primùm quidem Calendis Octobris: Ciuitate Tornaco passio Sancti Piatonis presbyteri, qui cum BEATO DIONYSIO EPISCOPO, eiusque sociis ab urbe Roma Galliam predicationis causa expetiit, ac postea consummato martyrio migravit ad Dominum. Deinde septimo Idus Octobris: Apud Parisium natale Sanctorum Martyrum DIONYSII EPISCOPI, Rustigi presbyteri, & Eleutherij Diaconi: Qui Beatus Episcopus à Pontifice Romano in Galliam predicandi gratia directus ad præfatam urbem deuenit; ubi per aliquot annos commissum sibi opus fideliter prosequens, tandem à Præfetto Fescennino unâ cum sociis gladio animaduersus, martyrium compleuit.

Ex tribus primis auctoribus colliguntur apertè quatuor; consignatus sub Decio Dionysij in Galliam aduentus, Parisiiorum Apostolatus, martyrium capitis scilicet obtruncatio, & Lutetia ipsummet oppidum, vbi Christi fidem suo sanguine dedicauit. Præter ista ex Vsuardo martyrij tempus habetur, quod in æram Diocletianeam incidit. Etenim cum Piatonem Maximianus interim iusserit, Dionysius Piatonis comes non potest ad eandem ætatem non pertinere, sic Dionysius sub Decio Lutetiam venit, & postea sub Maximiano per illustre martyrium expleuit. Quam & aduentus & excessus Dionysij concordiam repræsentare potuerunt Piatonis vel Fusciani gesta, quibus ante annos octingentos vsus est Vsuardus. Et reuera Gatianus Turonensis Dionysij collega cum annis 50. vixerit in Episcopatu, nihil prohibuit, quominus vitam ad Maximianum vsque protraxerit Dionysius.

Præterea sub Diocletiano reperitur Præfectus nomine Sisinnius, qui vt in actis Cantiani & Cantianillæ Christianos in Italia vexabat, sic & eosdem in Gallia vexare potuit. At Præfectus ille, cuius iussu Dionysius interiit, in Martyrologiis Bedæ & Adonis Fescenninus Sisinnius dicitur; apud Surium verò & alios auctores, suppresso Fescennini nomine Sisinnius tantum appellatur.

BEATI DIONYSII miracula.

C A P V T II.

Referuntur tria Dionysij miracula.

GREGORIUS Turonensis lib. i. cap. 72.
de miraculis , miracula duo memoriæ
prodidit, quæ Lutetiæ in basilica Sancti Dio-
nysij ad illius sepulchrum edita sunt : Gregorij
narrationem consideremus. *Dionysius* verò Epi-
scopus Parisiorum, **VBI** *datum est Martyr*, tem-
pore quo Sigibertus Rex cum exercitu ad urbem
illam venit, & maximam vicorum eius partem
incendio concremanit, quidam de primoribus
eius ad basilicam antedicti Martyris properat,
non orationis deuotione, sed tantum ut aliquid
fraudaret ab eade: scilicet ubi reſerata ostia, ac
vacuum templum à custodibus reperisset, pallam
holosericam, auróque exornatam, & gemmis, quæ
sanctum tegebat **SEPULCHRUM**, temerario
ausu diripuit, secumque sustulit. Veniens autem
ad castra, fuit ei necessitas nauigandi. Cumque
puer eius, quem tunc creditum habebat, suspensis
ad collum ducentis aureis, nauem cum eodem a-
scendisset, subito à nullo tactus, de navi decidit,
oppressusque aquis numquam potuit inueniri. Ille
quoque iudicium Dei in se cernens, per pueri
amissionem & anxi, velociter littori, de quo di-
gressus

gressus fuerat, remeavit, pallamque SEPVL-
CHRI summa velocitate restituit. Et licet hoc
fecerit, tamen diem, in quo hac admiserat, re-
currente anni circulo non attigit.

Alius autem super SEPVLCHRVM san-
ctum calcare non metuens, dum columbam au-
ream lanceâ quarit elidere, elapsisque pedibus ab
utraque parte, quia TVRRITVS erat TV-
MVLVS, compressis testiculis, lanceâ in latere
defixâ, exanimis est inuentus. Id non fortuito
contigisse, sed iudicio Dei gestum, nullus am-
bigat.

E duobus miraculis primum contigit anno
circiter 578. quo Sigebertus fatis concessit, al-
terum verò spectatâ narrationis serie, & Nar-
ratoris affectu non procul ab eodem tempore
contigisse videtur. Hæc porro miracula aut
vidit Gregorius, qui anno 566. factus est Dia-
conus, & anno 574. creatus Turonensium
Episcopus, aut ab iis, qui viderunt, per cer-
tam relationem accepit.

Tertium miraculum seu quoddam mira-
culi genus recenset lib. 10. historiæ cap. 29.
vbi Beati Aredij mortem describit: *Sexta quo-
que eius agrotationis die mulier, qua ab immundo
spiritu sapius vexata, à Sancto emundari non
poterat, ligatis per se à tergo manibus clamare
cœpit ac dicere, currete cines, exilite cines, exite
obuiam martyribus Confessoribusque, qui ad exe-
quium Beati Aredij conveniunt: Ecce adest Iu-
lianus à Briuate, Priuatus ex Mimate, Martinus
à Turonis, Martialisque ab urbe propria. Adest
Saturninus à Telosa, DIONYSIUS AB VR-*

*BE PARISIACA, & nonnulli alij, quos vos
ut Confessores & Dei martyres adoratis.*

Hæc ad Gregorij tempus pertinent, ac proinde certa; in quibus cum ab vrbe Parisiaca Dionysius ad Aredij exequias progreditur, cum in hac vrbe non in pago sepulchrum, unde progrediatur, habuisse intelligimus.

C A P V T III.

*Ad illustre Dionysij Sepulchrum Sacramen-
ta præstantur, & reis Dei scelerum
ulterioris timor incutitur.*

AD Sanctorum loca missos quondam fuisse, ut sese purgarent, qui vel rei essent, vel maximam criminis alicuius suspicionem sustinerent, veterum monimenta satis superque docent. Atque, ut de aliis nunc sileam, id de nostri Dionysij sepulchro testatum reliquerunt Gregorius Turonensis & Fredegarius: Gregorius quidem lib. 5. hist. cap. 33. *Apud Parisius, inquit, autem mulier quedam ruit in crimen, adserentibus multis, quasi quod relicto viro cum alio misceretur. Igitur parentes illius accesserunt ad patrem dicentes: Aut idoneam redde filiam tuam, aut certe moriatur, ne stuprum, aut generi nostro notam infligat. Noui, inquit pater, ego filiam meam bene idoneam, nec est verum verbum hoc, quod mali homines proloquuntur. Tamen ne crimen consurgat ulterius,*

innocentem eam faciam sacramento. Et illi; Si, inquit, est innoxia, super TVMVLVM hoc B. DIONYSII Martyris sacramentis adfirma. Faciam, inquit pater. Tunc inito placito, ad Basilicam Martyris sancti conveniunt, elevatisque pater manibus super altarium iuravit, filiam non esse culpabilem. E contrario verò periurasse eum alij à parte viri pronunciant. His ergo altercantibus, euaginati gladiis in se invicem prouunt, atque ante ipsum altarium se trucidant. Erant autem maiores natu, & primi apud Chilpericum Regem. Sauciantur multi gladiis, respergitur sancta humano cruore Basilica, ostia iaculis fodiuntur, & ensibus, atque usque ad ipsum SEPVLCHRVM tela iniqua desaniunt. Quod dum vix mitigatur, locus officium perdidit, donec ista omnia ad Regis notitiam pervenirent. Hi verò properantes ad presentiam Principis, non recipiuntur in gratiam, sed ad Episcopum loci illius remitti eos iussu est: ut si de hoc facinore culpabiles non inuenirentur, sociarentur communioni. Tunc ab Episcopo Ragnemodo, qui Parisiaca Ecclesie præerat, componentes quæ malè gesserant, in communionem Ecclesiasticam sunt recepti.

Quæ duo ad rem nostram faciunt, ex his verbis facile colliguntur, fuisse nimirum ipsa in vrbe dicatam Dionysio Martyri basilicam, & in hac basilicâ Dionysij Martyris sepulchrum, quod effuso in eadem cruore respersum est.

Fredegarius verò capite 54. Chronici. Anno 43. regni Chlotarij, Vuaracharius Maior do-

mus moritur. Filius eius Godinus animum leuitate imbutus, nouercam suam Bertanem eo anno accepit uxorem. Vnde Chlotarius Rex aduersus eum nimio furore permotus, iubet Arneberti Duci, qui Godini germanam uxorem habebat, eum cum exercitu interficere. Godinus cernens sua vitâ habere periculum, terga vertens cum uxore ad Dagobertum Regem perrexit in Auster, & in Ecclesia S. Apri regio timore perterritus fecit confugium. Dagobertus per Legatos pro eius vita sapiens Chlotario Regi deprecabatur. Tandem à Chlotario promittitur Godino vita concessa, tantum ut Bertanem, quam contra Canonum instituta uxorem acceperat, relinqueret. Qui cum ipsam reliquisset, reuersus est in Regnum Burgundia. Bertane continuo ad Chlotarium perrexit dicens: Si Godinus conspectui Chlotarij presentaretur, ipsum Regem vellet interficere. Godinus iussu Chlotarij per precipua LOCA Sanctorum domni Medardi Sueffionis, & domni DIONYSII PARISIENSIS, eâ præuentione sacramenta daturus adducitur, ut semper Chlotario deberet esse fidelis, ut congruè locus esset reperiendus, quo pacto separatus à suis interficeretur.

Quæ hoc in loco narrat Fredegarius, conriggerunt anno 43. Chlotarij II. qui biennio post è viuis excedens, heredem regni filium Dagobertum reliquit. Hic mihi curæ non est nuperus scriptor, qui cum inter certa & incerta, inter historias, & ægrotantium hominum somnia discrimen nullum poneret, duos ex Fredegario Dionysios inuexit, quorum vnus in vrbe cum suo Sepulchro publicitus colere-

tur, alter verò in pago Parisiensi duabus ab
vrbe leucis incognitus propemodum, & in-
honoratus iaceret, cui postea Dagobertus
debitum honorem sanciuit. Porro verò cum
Dionysium in vrbe sepultum concedat eum
esse, quem Gregorius Turonensis, & anti-
quior Gregorio passionis Sancti Saturnini
scriptor sub Decio collocant, abundè nobis
sufficit, nec est ampliùs, quòd nunc de alte-
rius, & antiquioris Dionysij, omni tunc re-
tro memoriâ incogniti Sepulchro laboremus.

Gregorio iungendus est æqualis Fortunatus,
quem non latuit Dionysij nostri Sepulchrum.
Ita commemorat in Prosopopœa ad carmen de
vita Sancti Martini libro 4. propè extremo.

——— *Veniam tibi posce libelle*

*Contentus tantùm Turonum pete mœnia supplex
Qua Martinus habet veneranda sepulchra sa-
cerdos.*

Cuius honos tumuli faciat sua rura tueri.

Inde PARISIACAM placidè properatis ad AR-
CEM,

*Quam modò Germanus regit, & Dionysius olim,
Si pedo progredieris, venerato sepulchra Remedi,
Atque Pij fratris complectere templa Medardi.
Fortunato ars Parisiaca eadem est, quæ basili-
ca Sancti Dionysij, vbi sepulchrum illius signis
& virtutibus illustrabatur.*

VITAM GLADIO IMMINENTE BINIVIT.

Tertius Fortunatus lib. 1. Poëmatum cap. 11. ubi de eodem Dionysio ita canit :

*Qui fervente fide Christi solidatus amore,
Vertice supposito colla secunda dedit.*

*Membrorum contemptor erat, cupiendo coronam,
Vile putans quicquid ferret amore Dei.*

*Vt moritura caro donum immortale pararet,
Vulnera dilexit, sed caritura nece.*

*Hostili occurrens gladio se misit olympo,
Vnde mori voluit, vota salutis habet.*

Idem lib. 8. cap. 4. de virginitate, seu, ut aliis placet, de gaudiis & spe vitæ æternæ:

*Ipsè Parisiaca properat Dionysius ade,
Augustoduno Symphoriane venis.*

Quartus denique Vsuardus monachus Sancti Germani Parisiensis in Martyrologio, & primum quidem Calendis Octobris : Civitate Tornaco passio Sancti Piatonis presbyteri, qui cum BEATO DIONYSIO EPISCOPO, eiusque sociis ab urbe Roma Galliam predicationis causa expetiit, ac postea consummato martyrio migravit ad Dominum. Deinde septimo Idus Octobris : Apud Parisium natale Sanctorum Martyrum DIONYSII EPISCOPI, Rustisi presbyteri, & Eleutherij Diaconi : Qui Beatus Episcopus à Pontifice Romano in Galliam predicandi gratia directus ad præfatam urbem devenit ; ubi per aliquot annos commissum sibi opus fideliter prosequens, tandem à Præfetto Fescennino unâ cum sociis gladio animadversus, martyrium complevit.

Ex tribus primis auctoribus colliguntur apertè quatuor; consignatus sub Decio Dionysij in Galliam aduentus, Parisiorum Apostolatus, martyrium capitis scilicet obtruncatio, & Lutetia ipsummet oppidum, vbi Christi fidem suo sanguine dedicauit. Præter ista ex Vsuardo martyrij tempus habetur, quod in æram Diocletianeam incidit. Etenim cum Piatonem Maximianus interimi iusserit, Dionysius Piatonis comes non potest ad eandem ætatem non pertinere, sic Dionysius sub Decio Lutetiam venit, & postea sub Maximiano per illustre martyrium expleuit. Quam & aduentus & excessus Dionysij concordiam repræsentare potuerunt Piatonis vel Fusciani gesta, quibus ante annos octingentos vsus est Vsuardus. Et reuera Gatianus Turonensis Dionysij collega cum annis 50. vixerit in Episcopatu, nihil prohibuit, quominus vitam ad Maximianum vsque protraxerit Dionysius.

Præterea sub Diocletiano reperitur Præfectus nomine Sisinnius, qui vt in actis Cantiani & Cantianillæ Christianos in Italia vexabat, sic & eosdem in Gallia vexare potuit. At Præfectus ille, cuius iussu Dionysius interiit, in Martyrologiis Bedæ & Adonis Fescenninus Sisinnius dicitur; apud Surium verò & alios auctores, suppresso Fescennini nomine Sisinnius tantum appellatur.

BEATI DIONYSII miracula.

CAPVT II.

Referuntur tria Dionysij miracula.

GREGORIUS Turonensis lib. I. cap. 72.
de miraculis , miracula duo memoriæ
prodidit, quæ Lutetiæ in basilica Sancti Dio-
nysij ad illius sepulchrum edita sunt : Gregorij
narrationem consideremus. *Dionysius verò Epi-
scopus Parisiorum , VBI datus est Martyr, tem-
pore quo Sigibertus Rex cum exercitu ad urbem
illam venit , & maximam vicorum eius partem
incendio concremauit , quidam de primoribus
eius ad basilicam antedicti Martyris properat ,
non orationis deuotione , sed tantum ut aliquid
fraudaret ab ade : scilicet ubi reſerata ostia , ac
vacuum templum à custodibus reperisset , pallam
holosericam , auróque exornatam , & gemmis , que
sanctum tegebat SEPVLCHRVM , temerario
ausu diripuit , secumque sustulit. Veniens autem
ad castra , fuit ei necessitas nanigandi. Cúmque
puer eius , quem tunc creditum habebat , suspensus
ad collum ducentis aureis , nauem cum eodem a-
scendisset , subito à nullo tactus , de navi decidit ,
oppressusque aquis numquam potuit inueniri. Ille
quoque iudicium Dei in se cernens , per pueri
amissionem & anxi , velociter littori , de quo di-
gressus*

gressus fuerat, remeavit, pallamque SEPVL-
CHRI summa velocitate restituit. Et licet hoc
feceris, tamen diem, in quo hac admiserat, re-
currente anni circulo non attigit.

Alius autem super SEPVLCHRVM san-
ctum calcare non metuens, dum columbam au-
ream lanceâ quarit elidere, elapsisque pedibus ab
utraque parte, quia TVRRITVS erat TV-
MVLVS, compressis testiculis, lanceâ in latere
defixâ, exanimis est inuentus. Id non fortuito
contigisse, sed iudicio Dei gestum, nullus am-
bigat.

E duobus miraculis primum contigit anno
circiter 578. quo Sigebertus fatis concessit, al-
terum verò spectatâ narrationis serie, & Nar-
ratoris affectu non procul ab eodem tempore
contigisse videtur. Hæc porro miracula aut
vidit Gregorius, qui anno 566. factus est Dia-
conus, & anno 574. creatus Turonensium
Episcopus, aut ab iis, qui viderunt, per cer-
tam relationem accepit.

Tertium miraculum seu quoddam mira-
culi genus recenset lib. 10. historiæ cap. 29.
vbi Beati Aredij mortem describit: *Sexta quo-
que eius agrotationis die mulier, qua ab immundo
spiritu sapius vexata, à Sancto emundari non
poterat, ligatis per se à tergo manibus clamare
cœpit ac dicere, currete cives, exilite cives, exite
obuiam martyribus Confessoribusque, qui ad exe-
quium Beati Aredij conveniunt: Ecce adest Iu-
lianus à Briuate, Prinatius ex Mimate, Martinus
à Turonis, Martialisque ab urbe propria. Adest
Saturninus à Telosa, DIONYSIVS AB VP-*

BE PARISIACA, & nonnulli alij, quos vos
ut Confessores & Dei martyres adoratis.

Hæc ad Gregorij tempus pertinent, ac pro-
inde certa; in quibus cum ab vrbe Parisiaca
Dionysius ad Aredij exequias progreditur,
eum in hac vrbe non in pago sepulchrum, vnde
progrediatur, habuisse intelligimus.

C A P V T I I I.

*Ad illustre Dionysij Sepulchrum Sacramen-
ta præstantur, & reis Dei scelerum
vltioris timor incutitur.*

AD Sanctorum loca missos quondam fuis-
se, ut sese purgarent, qui vel rei essent,
vel maximam criminis alicuius suspicionem
sustinerent, veterum monimenta satis super-
que docent. Atque, ut de aliis nunc sileam, id
de nostri Dionysij sepulchro testatum relique-
runt Gregorius Turonensis & Fredegarius:
Gregorius quidem lib. 5. hist. cap. 33. *Apud
Parisius, inquit, autem mulier quadam ruit in
crimen, adferentibus multis, quasi quod relicto
viro cum alio misceretur. Igitur parentes illius
acceserunt ad patrem dicentes: Aut idoneam
redde filiam tuam, aut certè moriatur, ne stu-
prum, aut generi nostro notam infligat. Noui, in-
quit pater, ego filiam meam bene idoneam, nec
est verum verbum hoc, quod mali homines prolo-
quuntur. Tamen ne crimen consurgat ulterius,*

innocentem eam faciam sacramento. Et illi; Si,
inquiunt, est innoxia, super T V M V L V M hoc
B. DIONYSII Martyris sacramentis adfirma.
Faciam, inquit pater. Tunc inito placito, ad Ba-
silicam Martyris sancti conveniunt, elevatisque
pater manibus super altarium iuravit, filiam non
esse culpabilem. E contrario verò periurasse eum
alij à parte viri pronunciant. His ergo altercan-
tibus, euaginatīs gladiis in se invicem prouunt,
atque ante ipsum altarium se trucidant. Erant
autem maiores natu, & primi apud Chilpericum
Regem. Sauciantur multi gladiis, respergitur
sancta humano cruore Basilica, ostia iaculis fo-
diuntur, & ensibus, atque usque ad ipsum s r-
P V L C H R V M tela iniqua desaniunt. Quod
dum vix mitigatur, locus officium perdidit, do-
nec ista omnia ad Regis notitiam pervenirent. Hi
verò properantes ad praesentiam Principis, non
recipiuntur in gratiam, sed ad Episcopum loci
illius remitti eos iussu est: ut si de hoc facinore
culpabiles non inuenirentur, sociarentur commu-
nioni. Tunc ab Episcopo Ragnemodo, qui Parisia-
ca Ecclesie praeerat, componentes quae malè gesse-
rant, in communionem Ecclesiasticam sunt re-
cepti.

Quae duo ad rem nostram faciunt, ex his
verbis facile colliguntur, fuisse nimirum ipsa
in vrbe dicatam Dionysio Martyri basilicam,
& in hac basilicâ Dionysij Martyris sepul-
chrum, quod effuso in eadem cruore resper-
sum est.

Fredegarius verò capite 54. Chronici. An-
no 43. regni Chlotarij, Vuaracharius Maior do-

tur, alter verò in pago Parisiensi duabus ab vrbe leucis incognitus propemodum, & in-honoratus iaceret, cui postea Dagobertus debitum honorem sanciuit. Porro verò cùm Dionysium in vrbe sepulcrum concedat eum esse, quem Gregorius Turonensis, & antiquior Gregorio passionis Sancti Saturnini scriptor sub Decio collocant, abundè nobis sufficit, nec est amplius, quòd nunc de alterius, & antiquioris Dionysij, omni tunc retro memoriâ incogniti Sepulchro laboremus.

Gregorio iungendus est æqualis Fortunatus, quem non latuit Dionysij nostri Sepulchrum. Ita commemorat in Prosopopœa ad carmen de vita Sancti Martini libro 4. propè extremo.

— *Veniam tibi posce libelle*

*Contentus tantùm Turonum pete mœnia supplex
Qua Martinus habet veneranda sepulchra sacerdos.*

Cuius honos tumuli faciat sua rura tueri.

Inde PARISIACAM placidè properatis ad AR-
GEM,

*Quam modò Germanus regit, & Dionysius olim,
Si pede progredieris, venerato sepulchra Remedi,
Atque Pij fratris complectere templa Medardi,
Fortunato ars Parisiaca eadem est, quæ basilica
Sancti Dionysij, vbi sepulchrum illius signis
& virtutibus illustrabatur.*

CAPVT IV.

Quartum B. Dionysij miraculum recensetur.

QUOD ordine quartum Beati Dionysij miraculum vocamus, dabit nobis Audœnus Rotomagensium antistes in vita Sancti Eligij lib. 1. cap. 22. Denique quodam tempore, cum anniversaria PARISIVS S. Dionysij martyris celebraretur passio, dum vigilia à Clero caneretur in Choro, egressus Eligius è templo ad atrium se conferebat, viditque eminus virum cunctis membris contractum, contra S ANCTI SEPVLCHRVM iacere in pavimento; à Deo inspiratus accessit ad hominem, blandèque eum compellens cœpit ab eo inquirere, & tempora claudicationis, & causam agritudinis simul ex eo seiscitans, num spem haberet in Christo, crederetque se quandoque sanandum, itèmq; post mortem resurrecturum, & vel premia, vel pœnas pro meritorum qualitate recepturum. Cùmque illa secutus verba, cuncta hæc credere se fateretur: rursus Eligius: Si ergo hæc, inquit, vt astruis, credis, quid ita inaniter hîc iaces? Roga potius HVNC S ANCTVM, vt intercedens apud Dominum reddat te protinus sanum. Dicente autem illo, se eâ causâ ibi excubare: Eligius eum intuens: Credis, inquit, posse HVNC S ANCTVM istud tibi apud Deum obtinere: illo respondente se sic credere: rursus ad eum Eli-

gins: si sic credis, ait, promitte te iam deinceps Deo seruiturum, & vide, ne vacillet fides tua, & absque mora sanabit te Dominus, illo per omnia fidem dante. Fixit Eligius genua in terra, & prolixè orauit, deinde oculos pariter, & palmas ad cælum attollens, Dominum Iesum fide plenus promissionis fideliter admonuit, quâ dixit, omnia quacunquè orantes petitis, credite, quia accipietis, & euenient vobis. Itémque: qui credit in me, opera, quæ ego facio, & ipse faciet, & maiora horum faciet. Cúmque pleno pectore, ac fide deuotionis deposceret conuersus ad agrum, apprehensâ eius dexterâ ait, Si indubitanter credis, sicut promittis, in nomine Domini Iesu Christi surge, & sta super pedes tuos; atque hac dicens attraxit eum ad se fortiter, & illico nexibus artuum resolutis, eleuatus ager stetit, mómque consolidati sunt pedes eius, & membra, & sanatus est ipsâ horâ. Comminans autem ei Eligius & contestans præcepit, ut si nollet rursus talia pati, nullum aliud de reddita ipsi sanitate verbum ediceret, nisi quod Dominus Iesus per S A N C T V M D I O N Y S I V M eum sanasset.

Haftenus vir Sanctus, in quo certam ad historiæ fidem tria spectanda sunt: Vnum, quod Audoënus, & Dagoberti Regis Auticularius, & Beati Eligij familiaris fuerit, vti ex multis, tum maxime ex lib. 2. vitæ Eligij cap. 2. videre licet: Conuenientes, inquit, simul in ciuitate Rotomagensi 14. die mensis tertij anno 3. Clodouci inuenculi adhuc Regis, die Dominica ante Litanias, consecrati sumus gratis ab Episcopis pariter Episcopi, ego Rotomago; ille Nouiomo. Quare

Audoënus non alia profectò , quàm indubitata , immo & fortassis visa , vel ab Eligio accepta retulit in commentarios . Alterum , quòd non ante annum 665. quo Eligius abiit in cœlum , Audoeenus Eligij vitam & res gestas literis commendavit . Tertium , quòd is ut minimum fuerit Audoeenus Dagoberti Cancellarius , qui nouerit inter pagum & oppidum , inter suburbium & urbem Parisiensem discernere .

CAPUT V.

*Quintum Beati Dionysij miraculum
refertur.*

QUOD modò narraturi sumus miraculum , videre quidem non potuit Hilduinus , sed recentiores Hilduini discipuli videre potuerunt , & in gratiam monasterij sui non obseruarunt . Illud nobis suppeditat Flooardus Presbyter Remensis historiæ lib. 1. cap. 24. sub finem . *Desidiâ verò , vel raritate scriptorum , plurima silentio constat neglecta mirorum . Nos tamen unum , quod nuper comperimus actum , decreuimus inferendum .* Quadam denique Sabbatorum die , iam vesperâ Dominici diei accedente , quaedam paupercula , nomine Gislaidis , ex familia Sancti Dionysij villa Cortis superioris , dum molam manu verteret , manubrium mola ipsius inhasit dextra , ut diuelli posset à nequie : Tandem mola manubrium ex utraque parte manus abscindere cogitur , indicium nolens

secum deferre miserabilis opera. At salutis sue sollicita, quoniam B. DIONYSII tunc Remis ob infestationem paganorum servabantur MEMBRA, veloci gressu ad eiusdem SANCTI MARTYRIS Domini sui contendit accedere PIGNERA. Perueniens igitur, cum magno timore ac reuerentia solo prolapsa, liberationem deprecatur à tanta confusionis miseria. Id cum die peregisset ac nocte, remedium inde non desperans accipere, apparuit in somnis ei quidam clericali habitu, veste indutus candida, facie iocunda, capillo admodum albo, vultu paulisper macilento, dicens illi: Surge hinc, & vade ad Sanctum Theodericum, quia secundâ feriâ, quæ est post cras, ipsius erit festiuitas celebranda, & vide, ne in domo eius appareas vacua: sed accipe ceram, prout tibi ad præsens suppetit facultas, & sic ad Ecclesiam illius perge, & illius, quod imploras obtinebis interuentione. Illa mox euigilans, hac de visione stupefacta, orat ex voluntate Dei sibi confirmari visa, & cum gaudio festinat peragere iussa. Venit igitur ad Ecclesiam Sancti venerande solennitatis diæ, B. scilicet Theoderici, tres septimanas habens, ex quo id discriminis acciderat illi. Tunc se ante sepulchrum illius cum lacrymis sternens, pro salute sua preces effundit. Ibi que totâ nocte perseuerans in oratione veniam de piaculis suis humiliter ac fidenter exposcit. Dùmque adhuc ante campanam iaceret Beati Confessoris Christi, dixit in bene gratiâ, per intercessionem Sancti cepit manus ipsius femine paulatim à ligno disiungi, & absque lesione cuiuslibet doloris aperiri. Sicque deinceps

248 B. Dionysij Paris. Apostoli

tota manus expanditur, & lignum dicto citius in pavimento prolabitur, ac si manui nunquam adhaesisse videretur. Multi verò qui aderant, hoc superna pietatis cernentes miraculum, glorificauerunt mirabilem in Sanctis suis Deum.

Hæc Flodoardus, in quibus nunc animaduertimus duo: Vnum est, hoc miraculum æquè Dionysio Martyri, ac Theoderico Confessori tribuendum esse, vt ex historiæ verbis apparet. Alterum, hoc miraculum non procul ab anno 940. contigisse, quo aut circiter historiæ finem imposuit. *Nos vnum, inquit, quod nuper comperimus actum, (MIRACVLVM) decreuimus inferendum.* Itaque de huius miraculi veritate nihil prorsus est, quòd quis dubitare meritò possit.

C A P V T VI.

Nonnullæ in præcedentem Beati Dionysij historiam obseruationes.

QUÆ exhibuimus Beati Dionysij gesta & miracula, licet certissima sint, & ab sinceris auctoribus memoriæ prodita, nonnullis tamen subiungimus obseruationes, quibus illa partim illustrantur, partim firmanentur, partim ab apocryphis, & incertis obscurorum hominum monumentis defenduntur.

Prima obseruatio. Non multa quidem de Dionysij vita, martyrio, martyriique circumstantiis tradidimus, quia vt veteres de premis

ferè omnibus Ecclesiarum ædicatoribus, ita & de Dionysio Parisiensi pauca tradiderunt. Scimus nonnullas mortis illius appendices ab Hilduino narrari, sed eas illis permittimus, quibus sine antiquiori & probatiori teste placeat. Nam satius esse remur, & Ecclesiæ regulis congruentius, pauca, eaque certa, quàm multa sed incerta piæ memoriæ vindicare. Et reuera Vsuardus & Ado illustres Gallicani Martyrologi de re quapiam non absimili scribunt: quòd *magis eligat sobrietas Ecclesie cum pietate nescire, quàm aliquid frivolum & apocryphum inde tenendo docere.* Quanquam in incertorum recensione nihil esset, cur Milleti rhetoris nostri stilum vererer, cui contra artis suæ professionem istud Aristophanicum non probatur:

Τὴν παλαιάν δ' ἐπαιγῶ

Τὴν παλαιάν· ὑπὸ λίθῳ γὰρ

Παντί που χεῖρ, μὴ δαίμῳ ῥήτωρ, ἀδρεῖν.

Secunda. Certum est, Dionysij miracula, quæ recensuimus, ab Hilduino, dum illius historiam scripsit, & à Milleta, dum Sandionysiaci Thesauri librum Gallicè vulgavit, & à Dubletio, dum monasterij sui antiquitates edidit, prætermissa fuisse. Sed utrum Hilduinus, Dubletius & Milletus tres Sancti Dionysij monachi negligentiam vel industriam prætermiserint, solus Deus novit, & ij, quibus duo postremi adhuc inter viuos religiosè degentes volent aperire. Negligentiam interpretabitur, qui ex illorum libris, quanta sit in scribendo peritia & sedulitas, deprehendet: industriam verò nec fortassis vanè suspicabitur, qui hinc

monachorum credulitatem, inde locum, ubi Dionysij sepulchrum olim extabat, diligentius attenderet.

Tertia. Dubium nullum est, quin verâ miraculorum, quæ populum diu latuerunt, cognitione pietas in Beatum Dionysium augeatur, communes fidelium orationes erigantur, animenturque: immo verò & pietas longè magis augeatur, & orationes erigantur, aut animentur vehementiùs, quàm rebus aliis, tamen si ad speciem splendidioribus, & ad sensum vel cogitationem augustioribus, quæ fingerentur. Scilicet inest quædam vis veritati diuinitus insita, quæ cum in omnibus, tum in sacris hominum animos sic peruat, sic percellit, ut mirabiles in iis nec ad breue tempus duraturos affectus, & effectus producat. Quod, ubi acutissimus Patrum Augustinus inspiceret, dicere veritus non est, de vera religione scribens, *meliozem esse veram stipulam, quàm lucem inani cogitatione pro suspicantis voluntate formatam.*

Quarta. Si quæ miracula Gregorius retulit, in sacris ad populum de Dionysio concionibus expenderebantur, si tam illustris Sepulchri gloria extolleretur, si vindicata etiam in optimatibus violati Sepulchri iniuria prædicaretur, sua certè Dionysio laus verissima constaret, templis, & Sanctorum tumulis reuerentia sanciretur, Ecclesiarum, & sacrorum suppellectilium prædatoribus timor incuteretur. Quinetiam ex eo longè magis, quàm ex Hilduini & sequacium figmentis, hominum animi, voluntatésque in Dionysij cultum accen-

derentur. Quod cum ex multis, tum ex Augustino existimari licet, qui appositam huic operi regulam libro iam laudato præscribit. *Non sit nobis religio in phantasmatibus nostris; melius est enim qualecunque verum, quam omne quicquid pro arbitrio fingi potest.* Repeto quidem istud alibi dictum, nec repetendum esset, nisi homines inepti, vel peruersè religiosi dissimulassent. Sed tandiu Stentorea etiam voce repetendum est, quoad fabulatores tandem aliquando intelligent, inde, ex veris nimirum, legitimam in Dionysium pietatem non minui, unde solum contra debeat, aut possit inter homines verè Christianos augeri.

Quinta. Ex verà miraculorum Dionysij historià multò honorificentius conficerentur Lectiones, quæ in Officiis Ecclesiarum cantari debent ad septimum Idus Octobris, quàm ex Hilduini Arcopagiticis. Etenim si Hilduinum spectemus, quis illuminante Gregorium Turoensem & Audoënum Rotomagensem poneret? Si verò Arcopagitica expendamus, ut alibi expendimus, quis etiam sanæ mentis illa cum iis, quæ cap. 1. & 2. 3. & 4. retulimus, compararet? Enimverò demus Hilduini Arcopagitica non esse apertè fabulosa, sed ea, quæ in Arcopagiticis narrantur, adhuc incomperta, & à grauibus insuper viris, post maturam discussionem aliquo in pretio habita; quis tamen illa exploratissimæ miraculorum Dionysij historiæ præferret?

Huic pio, & ad mentem Concilij Trid. accommodato operi commodè adiungeretur

illa Lectio, quæ ante annos centum in Breuiario Romano habebatur. Vide caput 14. Discussionis. Hæc observatio facta sit saluo meliori illorum iudicio, quos Ecclesia corrigendis sacrorum rituum libris præesse voluit.

Sexta. Quòd Gregorius basilicam fuisse in ipsa Parisiensi vrbe Dionysio consecratam scripserit, à Fortunato sic confirmatur lib. I. opusculorum & poëmatum cap. II.

*Qui cupis egregij structorem noscere templi,
Tam pia non patiar vota latere tibi.*

*Longius hinc olim sacra cùm delubra fuissent,
Et plebs ob spatium sapè timeret iter.*

*Exiguam dederat hîc prasul Amelius arcem,
Christicolam populum nec capiente loco:*

*Quo vitæ claudente diem, pro lege graduque:
Venit ad heredem hoc opus, atque locus.*

*Fundauitque piam debinc Papa Leontius aulam,
Obtulit & domino splendida dona suo.*

*Quam venerandus habet propriam Dionysius
ædem,*

Nomine sub cuius sanctificata nitet.

& post alia:

Nec angusta prius subtraxit sana Sacerdos,

Hec nisi perficeret, quæ modò culta placent:

Affiduè in prisco peragens cerimonia templo

Donec rite sequens consolidasset opus.

Ex his versibus tres à Fortunato memorari basilicas discimus; vna est, quæ primùm extra urbem frequentabatur, sed an fuerit in suburbio, vt Milletus scribit in responsione ad nonum caput Dissertationis, non significat Fortunatus, immo significat potius ab oppido remotissimam fuisse:

*Longius hinc olim sacra cùm delubra fuissent
Et plebs ob spatium sæpe timeret iter.*

Altera, quæ postmodum in vrbe ædificata, & Dionysio consecrata est ad annum circiter 530. quo Amelius Episcopus Parisiensem Ecclesiam regebat. Vti consequentes versus indicant:

*Exiguam dederat hîc præsul Amelius arcem,
Christicolam populum nec capiente loco.*

Tertia basilica, eaque capacior, quam Leon-
tius Burdegalensis ad annum 550. extruxit: vt
isto versu docemur:

*Fundauitque piam dehinc Papa Leontius aulam.
De hac seu altera intelligendus videtur Gre-
gorius, vbi Crescentiæ Virginis sepulchrum
& virtutes exequitur, de gloria Confessorum
cap. 105. Tumulus, inquit, erat in vico Pari-
siorum haud procul à loco, in quo Senior, vt aiunt,
Ecclesia nuncupatur.*

Hæc porrò fuit ædes illa sacra, quam milites
Sigeberti regis expilarunt, hæc Dionysij tumu-
lum inclusit, ad quem pugnantium in eadem
æde hominum tela pertingerunt, hæc propter
patratam tunc cædem diuinum perdidit Offi-
cium, vt loquitur Gregorius, & à Fortunato
vt Episcopalis sic decantata est:

*Nec angusta prius subtraxit fana sacerdos,
Hac nisi perficeret, qua modò culta placent.
Assiduè in prisco peragens cerimonia templo,
Donec ritè seqæns consolidasset opus.*

His opinor, accedunt alij versus poematis de
laude Cleri Parisiensis:

*Celsa Parisiaci Cleri reuerentia pollens,
Ecclesia genium, gloria, munus, honos.*

Carminē Dauidico diuina poemata pangs,

Cursibus assiduīs dulce reuoluit opus.

Cur autem ante Amelium Parisiensibus Christianis templum in vrbe nullum patuit, duo; nō fallor, in causa fuerunt; electorum paucitas, & superstitio idololatrarum, quorum dominatus Lutetiam premebat. Verum ex quo Clodoueus Christi fidem suscepit, plures sensim, vt fit, regis exemplum secuti sunt, nec multo post Amelius Episcopus & alij fideles Lutetiæ basilicam Dionysio consecrarunt; & in ea TVRRITVM ILLI TVM VLVVM excitarunt, siqua fides sanctissimis & oculatistibus habeatur.

Cuinam verò templum, in quo primī Parisiorum Christiani extra urbem synaxes egerunt, dedicatum est, & qua in pagi regione situm illud fuit, ex his duobus versibus nemo coniciet vnquam:

Longius hinc olim sacra cū delubra fuissent,

Et plebs ob spatium sēpē timeret iter.

Quare de vtroque malim ego suspendere iudicium, quàm quod nesciam temerè affirmare.

Ceterum huiusce rei, quam persequitur Fortunatus, vestigium hodièque perseuerat ea in ædē, quæ à Dionysio passo Ecclesia B. Dionysij *de passu* corruptè nuncupatur. Id in hac, quod in aliis quibusdam Parisiensibus basilicis annorum vices obtinuerunt, vt ex Latinis nominibus Gallica locutio nostra primū derivata sit; deinde, vbi amissa est temporum detrimento genuina nomenclatio, ex Gallica locutione

cutione non tam Latinus, quàm barbarus Ecclesiarum titulus os multorum, libròsque occupavit. Testatur hoc Ecclesia Sancti Stephani ad portam San-Iacobæam, quæ, cum non ita pridem *de Gressibus* appellaretur, nunc ex aliena quadam vernaculæ linguæ imagine, & affinitate *de Gracis* appellatur. Illud quoque testatur Ecclesia Sancti Andrea vulgò *de Arcubus*, aut etiam propter Academix confinium *de Artibus* dicta, quæ ex territorio Abbatiæ Sancti Germani subiecto quondam *de Laasso* certissimè vocabatur.

Neque verò audiendi sunt, qui, quam vim, notionemque apud Ecclesiasticos tractatores habeat verbum, (*passus*) illud perinde interpretantur, quasi non qui mortem eò loci, sed qui primos tantum pro religione cruciatus sustinuerit. Siquidem hoc est, susque deque habita priscorum sensa recentiorum figmentis aptare, & offusam nonnullis vicinioribus sæculis noctem reddere obscuriorem: tantum abest, ut accersitâ ex antiquioribus luce depellatur.

Septima. Ex testimonio vitæ Beati Eligij, quod capite quarto retulimus, & quibusdam notis illustravimus, tria colliguntur: imprimis erectum pridem non in pago, sed in vrbe Parisiensi Dionysij martyris Sepulchrum: deinde propter illud editum ab Eligio miraculum, quod seu Dionysio, seu Eligio, seu utriusque tribuatur, semper Deus est mirabilis in Sanctis suis, & Sanctorum sepulchra, & veneratio fidelibus commendantur. Denique sub-

dititia & fabulosa videri, quæ de Dagoberto feram agitante retulit Aimoinus lib. 4. de gestis Francorum. Tunc enim, qui simplicem veritatem vltro oblatam proferre faciliè poterant, mendacia cum labore confinxerunt.

Octava. Miraculum illud, quod Eligius Lutetiæ ad Dionysij tumulum patrauit, in cæussa fuit opinor, cur, vt ait Audoënus lib. 1. vitæ Eligij cap. 32. *Fabricauit etiam Eligius mausoleum Sancti Martyris Dionysij in PARI- SIENSI CIVITATE, & super illud tectum marmoreum mirifico opere auro & gemmis ornatum, itémque cristam & species de fronte magnificè composuit: necnon & axes in circuitu throni altaris auro operuit, & posuit in eis poma aurea atque gemmata. Lectorium quoque & ostia diligenter argento vestiuit. Sed & tectum throni altaris argenteis operuit axibus. Fecit quoque repam in loco anterioris TVMVLI, & altare extrinsecus ad PEDES S. MARTYRIS fabricauit. Tantúmque illic, suppeditante Rege, suam exercuit industriam, atque ita suum declarauit ingenium & artificium, vt penè singulare sit in Galliis ornamentum, & in magna omnium admiratione vsque in hodiernum diem.*

His operibus mirificè perfectis, atque omnibus circumquaque gentibus sedatis, ferocissimis etiam Vacceis ditioni sua hostili gladio subactis, mortuus est Rex magnus & inclytus DAGOBERTVS, & sepultus est in eadem Sancti Dionysij Basilica, sub arcu in latere dextero.

Hæc oculatus testis, quibus in sequenti Gallix miseria tenebræ plusquàm Cimmeriæ superinductæ sunt,

Adhæc, in ista celebri Dionysij martyris basilica sepultus dudum fuerat Dagobertus Chilperici filius, vt auctor est Gregorius Turo-
nensis lib. 5. hist. cap. 35. *Posthæc, inquit, infantulus iunior, dum nimio labore tabescit, extinguitur. Quem cum maximo mœrore deducen-
tes à villa Brennaco PARISIVS AD BASI-
LICAM SANCTI DIONYSII sepelire
mandauerunt.*

In Responsione ad caput nonum Dissertatio-
nis occurrit Milletus, & quæ ex Gregorio, Fredegario & Audœno in oculis omnium defiximus, ea inuoluta & salebroso fingit, vt in gratiam monasterij sui retractata non benè interpretetur: *Vtinam, inquit, nihil inuolutius salebrosiusque moram faceret historia veteri. Nominine Parisiorum, aut etiã ciuitatis Parisiorum non ipsamet vrbs, siue oppidum intelligi debet, sed vniuersus populus, vniuersaque regio, in qua eadem obseruantur viuendi leges. O virum illustrandæ veteri historiæ natum! si veterem historiam sincerè tractasset, nec in ea varias temporum conuersiones confudisset. Quis enim est in rebus Galliæ tam rudis, & imperitus, vt ignoret Gregorij, Fredegarij & Audœni æuonomen Parisius non pro ipsa regione, sed pro solo oppido solitum vsurpari? Quare demum stante Republica & Imperio nomine Parisiorum non oppidum modò, sed vniuersam regionem significari, hoc ad annos excidium Imperij consequentes quid attinet? Quibus regionis nomen ad significandam vrbe[m] ita restrictum est, vt apud Gregorium, Fredegario*

rium, Audoënum, & alios mediæ ætatis scriptores idem sit Parisius vel Parisiensis ciuitas, quod Lutetia.

Sed ne ab Audoëno, vnde orta contentio est, recedam; distinxit ille semper, quæ Sancto Eligio in vrbe & in suburbiis Parisiorum contigerunt. Quid memorem caput 29. lib. 1. vitæ Eligij? vbi sic habetur: *Cum aliquando Parisius commoraretur, & ad necessarium quendam locum abire pararet, explorantes egeni, quâ transiurus esset, cuncti ex more ad pontem sese contulerunt.* Idemne est hoc loco Parisius, ac vniuersa Parisiorum regio? Quid referam caput 36. eiusdem libri? *Sed & alium apostatam cum comperisset plebem euertere Parisius, multa affectum ignominia exterminauit ab vrbe.* Hic, si superis placet; idem Parisius, quod vrbs. Quid adducam caput 18. libri 2. *Vir quidam in Parisiensi suburbio, hand procul à basilica Beati Petri Apostolorum principis morabatur.* Non dicit Parisius, sed in suburbio Parisiensi; quamuis præ nimia vicinitate dici potuerit, vt ab aliis ad illud vsque tempus dictum reperitur. Sed aliud nomine *Parisius* expressum Parisiense suburbium, quod nunc in vrbe est, aliud expressa regio Parisiensis vniuersa, & quodlibet regionis oppidulum. Quid adducam cap. 35. eiusdem libri? *Satagebat regina, vt corpus Beati viri (Eligij) in Calam monasterium eius transferretur, sed è diuerso alij Parisius illud transferre volebant, quibus utrisque sese opponebant Nouiomenses.* Erit igitur interprete Milieto, Parisius idem atque vniuersa Parisiorum

regio, in qua Calense monasterium quatuor aut quinque leucis distat ab vrbe Parisius. Quid producam caput 48. eiusdem libri? *Peste aliquando Parisius grassante, cum aliquot iam virgines monasterij Beati Viri, cui Aurea Abbatissa præerat, migrassent. Utinam nihil inuolutius, salebrosiusque moram faceret historiæ veteri!* Cum in ea igitur nomine Parisiorum non ipsamet vrbs, sed vniuersa regio, intelligitur, hocce Virginum monasterium intelligat Milletus in vrbe vel in Parisiensi pago situm, & cornicum oculos configat. Quid denique memorem caput 2. libri 2. vbi Audoënus scribit, se & Eligium in *Rotomagensi ciuitate* consecratos fuisse Episcopos? Quò loci Rotomagensis ciuitatis nomine interpretetur, si lubet, villulam quandam, vbi consecrati fuerint Episcopi, & illam fortè, quæ nunc Portus Sancti Audoëni vocatur. Quæ ridicula interpretatio non minus aptè cadet in Rotomagensem ciuitatem, quàm accersitus à Milleta & Commentariis Cæsaris locus in Parisiensem ciuitatem, vbi ex Audoëno mausoleum Dionysij martyris Eligius fabricauit.

Hæc cum ita sese habeant, nemo iure dubitet, quin Dagobertus Magnus non in agro Parisiensi, sed Lutetiæ in illa Dionysij Basilica sepultus fuerit. Quippe sepultus est in ea Dionysij Basilica, cuius capite præcedenti mentionem Audoënus fecit; at illa ipsamet est, quæ Dionysij tumulum continebat, quæ operibus ab Eligio affabrè factis decorabatur. Deinde istud ipsum paucis adhuc traditur in vita Si-

geberty Regis filij Dagoberty: *Rex*, inquit auctor synchronus, *Dagobertus tam iuste & prudenter regno utroque ordinato, ne aliquando aliquo modo vel fraires inter se fraterno odio dissiderent, vel regnum in seipso diuisum ciuili belli desolaretur scandalo, anno regni sui 17. mortuus, & Parisius in BASILICA SANCTI DIONYSII sepultus, regnum dimisit ab exteris pacatum gentibus, & in nullo diminutum à suis finibus.*

Sed resistit adhuc aduersarius, affirmâtque, *Dagobertum ea in Ecclesia humatum fuisse, ubi nunc videtur ab iis, qui oculos habent.* Quasi verò tanta foret in aliquibus oculorum acies, ut quo in loco primùm Dagoberty corpus conditum est, intueri valeret, aut discernere? quasi ea, quæ dono seu alia ratione illaudabiliori transferri possint, nunc in vno, nunc in alio non viderentur loco? Quid præterea vetat à monachis, ut Eugenij Archiepiscopi Toletani, sic & Dagoberty Regis tumulum pridem commonstratum fuisse? Nónne in monasterij parietinis pinguntur, quæ & in optimi principis dedecus vertuntur, & nunquam contigerunt?

Nona. Quæ de conspicuo in ipsamet Parisiorum vrbe Dionysij Sepulchro disseruimus antea, manifestè ostendunt Hilduino posteriora esse Genouefæ gesta; seu quæ sub prælo iam sudarunt; seu quæ adhuc manuscripta leguntur. Etenim qui gesta illa post Hilduini tempus identidem reconcinnarunt, non modò variis corruerunt assumentis, ut vidimus, sed vicum Lutetiæ, in quo Dionysius martyrium

fecit, ab vrbe non vno modo remouerunt: alij tribus milliariibus, vt apud Surium; alij sex vt in Codice MS. Sancti Victoris; alij non vicum, sed locum sex à Nannetodoro milliariibus distantem appellarunt, vt apud Textorem in vita Sanctæ Genouefæ; alij vicum simpliciter non paganum, vel vrbantum dixerunt, vt in Codice MS. Cælestinorum Parisiensium, quam antè laudauimus.

Deinde vicum illum seu locum quidam Catullacensem, vt apud Surium; quidam Catholacensem, vt apud Textorem, & in memorato vtroque Codice MS. quidam Catulliacum, vt monachus anonymus Sancti Dionysij in gestis Dagoberti; quidam Syluam Catulacensem vocarunt, vt Milletus in Vindiciis.

Denique nonnulli Catulliacum à Catula gentili muliere dictum voluerunt, vt monachus prædictus in gestis Dagoberti: nonnulli verò, vt recentiores Græci in Menæis, Catulam prius *παργεία* fecerunt, quàm id genus fœminæ in humanis vnquam extitisse probarent, quod tamen ad illius beatitatem non sufficeret; nonnulli forsàn alij in alia pro arbitrio placita abierunt. Sed hæc omnia ad sequioris cæciorisque ætatis intertrimenta spectant, quibus non omninò fidendum, nisi præuertente fabulas antiquitate suffulciatur. Quamobrem ex regula Tertulliani nunquam satis laudatam inter Gregorium, Fortunatum, Fredegarium, Audoënum, & Genouefæ gestorum interpolatores, *determinet temporis ratio ei præscribens auctoritatem, quod antiquius reperietur, & ei*

præiudicans vitiationem, quod posterius revincetur. In quantum enim falsum corruptio est veri, in tantum precedat necesse est veritas falsum.

Decima. Ad caput quintum occasio nobis sese offert disquirendi, unde, & quando Sancti Martyris lipsana Remos translata sint : deinde, quem in locum & quo tempore reposita : tum ex quo tam illustre Sepulchrum Lutetiæ videri desit. Horum fortè omnium disquisitio lucem aliquam daret controuersiæ, quæ obseuris implicata scriptis monachos Sancti Dionysij, & Sancti Emmeramni Ratisponensis vexauit, dum Leo nonus Cathedræ Romanæ insideret. In antecessum tamen habemus, nonnullos ex iis monachis supposuisse Dionysij corpus, cum neutri diuersas reliquiarum partes sibi inuicem concedant, unde singuli corpus Dionysij possidere dicantur, quem vtrique falsò nominant Areopagitam. Sed hanc disquisitionem, quæ ad prisca Dionysij gesta & miracula non spectat, vt ab instituto nostro alienam, fidelibus Monasterij Sandionysiaci Antiquariis relinquimus, qui hæc omnia pro dignitate cum ex notæ, & *αὐθεντικῶν* fidei scriptoribus, tum ex certis inueniendi, asserendique veri legibus exequentur. Qua in re eos de tribus mōitos esse velim. Vnum est, Rigordum & alios Sancti Dionysij monachos ab hac causâ propter eam rationem excludendos esse, quâ monachi Sancti Emmeramni excluderentur, si æquitati consultum velint. Alterum, vt ne absurdis sedictis implicent, quemadmodum sese implicuit Milletus libro tertio Vindiciarum,

vbi capite primo Ioannem Auentinum perinde infectatur, quasi Dionysij corpus à Frància in Bauariam translatum primus scripserit: cuius rei, inquit, narrationem primus Auentinus dicitur confinxisse. Deinde nesciens hunc auctorem ad annum 1460. floruisse, & nomine traditionis abutens capite 7. sic pugnat secum: *Certè quotquot auctores de translatione illa D. Dionysij mentionem fecerunt, Areopagitam dixerunt; eaque traditio iam ab illis noni sæculi sue decimi temporibus totam Germaniam obtinebat.* Si fabulosam translationem primus inuexit Auentinus, qui ad annum 1460. vixit, quî potuit translationis fama totam Germaniam à noni vel decimi sæculi temporibus obtinere? Tertium, vt considerent egregiam Baronij (non multùm ceteroquin in hac translatione fauorabilis) notationem, qua anno 604. verissimè iuxtà & sapientissimè dixit, *accidere interdum solere, vt aliquid vulgò allatum, si quis certos velit examinare testes, an verum sit, neminem id seriò testantem inueniat, fiatque, vt quod ab omnibus dici iactatur, asseratur à nemine, rumorque ille evanescat in auras.*

F I N I S.



V I T A
B E A T I
D I O N Y S I I
A R E O P A G I T Æ,
P R I M I A T H E N I E N S I V M
Episcopi & Martyris,

Ex optimæ fidei scriptoribus collecta.



IN VITAM BEATI
Dionysij Arcopagitæ

P R Æ F A T I O.



Q UOD hîc præfaturi sumus, id potissimum exigit peruersa nonnullorum religio, qui in vtriusque Dionysij assertione Sanctorum cultum minui clamitant, cum si vera sit assertio, vt probauimus, contra vt augeatur Sanctorum numerus, sic & veneratio debeat augeri. Sed profectò inconsiderantiâ, vel potius factione offendunt Ecclesiam, cuius auctoritate sese tueri simulant, & alios in inuidiam rapere nefariis scriptis nituntur. Hoc præ ceteris machinatus est Tolosæ Samblacatus in libello, quem ille quidem Palladium Galliæ, eruditi verò & cordati homines seditiosam Declamationem inscribunt. Sed quæ, vt rudes colorata oratione fallant, adferunt, cum in Concilia reici peræquè possint, Con-


ciliorum prudentiam configunt, si perpetuò iustum ab illis meminerimus, ut Deum & Sanctos eius in spiritu & veritate colamus, ut sacri Ecclesiarum codices emendentur, iis omninò resectis, quæ labentium sæculorum vices corrumperant, vel quæ imprudens pietas & ignorantia in illos codices immiserat. Quid referam Concilium Africanum? quid Trullanum? quid Francofordiense? quid Senonense? quid postremò Tridentinum? ex cuius auctoritate sacri Ecclesiarum libri quotidie reformatur, & ex illis ea tolluntur, quæ, si consensus imperitæ plebis expectaretur, nunquam tollerentur. Illorum ergo Conciliorum decreta legant homines clamosi, notentque prius agendum esse de asserenda Sanctorum historia, quam de cultu, qui historicæ veritati superstruendus est. Hoc autem cum partium studio soluti fecerint, propter honorem Ecclesiæ mentiri desinant, piis Dissertationibus, quæ pro veritate duorum Dionysiorum suscipiuntur, huius vel illius Sancti cultum frigescere vel deteri maiestatem. Replicent Annales Ecclesiæ, quæ Baronius multis & veris disse-

ruit, Iacobum Zebedæi non esse Hispaniarum Apostolum. Qui nec ideo timuit, debitam huic Sancto in Italia, in Gallia, in Hispania, & alibi venerationem minutum iri, vbi fundata sunt dudum ab optimis hominibus Xenodochia quæ peregrinantes in Ecclesiam Compostellanam susciperent, alerentque. Scilicet his omnibus, quæ non parui æstimanda sunt, ampliора iura veritatis esse vir pius æquè ac prudens animaduersum habuit. Sed præsertim inspiciant correctum sub Urbano VII. Breuiarium, vbi ex officio Beati Brunonis ea sublata comperient, quæ ducentis quinquaginta circiter abhinc annis populorum historias, Meditationum libros, Nouitiorum Institutiones, Claustrorum vitra & parietes terribili specie occuparunt. Quæ pro veris habitantibus, ut inquit, ad vitam rectè componendam excitarunt, alios à perditâ vitâ meliorem ad frugem reuocarunt, alios in cœnobia feliciter pertraxerunt. Hæc tamen omnia, quæ nihil habent cum duplici Dionysio commercij, & permagna videntur commoda, non effecerunt, ut Romani censores in nocturnis huius

Sancti Vigiliis relinquerent, quod à veritate alienum crediderunt. Quorsum igitur hæc ? ut vno verbo intelligant Samblacatus & alij, Deo nihil placere, nisi quod verum est, illum quidem velle in Sanctis suis laudari sed verè, & Sanctos ipsos falsa præconia detestari, quod laus veritatis expers, laus Christiana non sit, sed gentilis adulatio. Quæ omnia inter ceteros egregiè docet Cardinalis Damianus, vbi passim de Sanctorum gestis, quæ scribit vel corrigit; aduersus fabulatores sic præfatur: *Nonnulli, inquit, se Deo deferre existimant, si ad deferenda laudis eius insignia, falsitatis argumenta componant; qui nimirum si egregij prædicatoris verba diligenter attenderent, talia non sentirent. At enim Corinthiis: Si Christus non resurrexit, inanis est ergo prædicatio nostra, vana est fides vestra, quoniam testimonium diximus aduersus Deum, quod suscitauerit Christum, quem non suscitauit. Secundùm hæc ergo Apostolica verba falsus testis Dei meritò dicitur; qui indiscretè eum cupiens laudare mentitur; & aduersus Deum proculdubio perhibet testimonium, quisquis in eius laude, perversa molitur arte commen-*

rum. Hæc turbulenti homines nisi concoquere possint, deuorent necesse est, aut certè patiantur, se à Damiano pro falsis Dei & Sanctorum testibus haberi, dum pro vnius Dionysij assertionem Hilduini figmenta recipiunt. Ipsi viderint.





VITA B. DIONYSII

Arcopagita primi Atheniensium

Episcopi & Martyris.

I.



V O N de Dionysio Parisiensi
præstitimus, æquum est, vt
idem de Dionysio Atheniensi
præstemus. Sed de isto vete-
res cum pauca tradiderint,

multa nunc obseruatè dici non possunt, nisi
neglectis historiæ legibus. Illa tamen damus,
quæ occurrerunt inter legendum eos, qui
Concilium Calchedonense antecesserunt. In
hac porro recensione, quæ veræ de Arcopagi-
ta historiæ materiem suggeret:

Primus erit Sanctus Lucas in Actis cap. 17.

*Quidam verò, inquit, viri ei (Paulo) adha-
rentes crediderunt, in quibus & Dionysius Arco-
pagita, & mulier nomine Damaris, & alij cum
eis. Ex hoc loco constat Dionysium fuisse à
Beato Paulo ad Christi fidem conuersum, vbi
egregiam Athenis in Arcopago concionem ha-
buit, cuius ex obuia cuiusdam aræ inscriptio-
ne summa fuit, vt Athenienses posthac Deum
religiosè adorarent cognitum, quem hactenus
superstitiosè adorauerant incognitum. Quam
Pauli concionem, & Dionysij ad Christum*

conuerſionem in annum Chriſti 52. incidiffe Eccleſiaſtici tradunt Annales.

Secundus, Dionyſius Corinthiorum antiſtes apud Euſebium duobus hiftoriæ locis. & primum quidem lib. 3. c. 4. *Adde his Areopagitam illum Dionyſium nomine, quem in Actis Apoſtolorum poſt Pauli conſionem in Areopago apud Athenienſes habitam, ad fidem conuerſum fuiſſe Lucas in Actis Apoſtolorum ſcribit, quémque primum Eccleſiæ Athenienſis Epiſcopum designatum alius quidam Dionyſius Eccleſiæ Corinthiorum paſtor narrat.* Deinde lib. 4. cap. 22. ubi Euſebius rationarium epiſtolarum conficit, quas ille Corinthius ad diuerſas Eccleſias miſit: *Alterâ, inquit, ad Athenienſes miſſa, quæ illos ad veram fidem & ad vitam ex Euangelij præſcripto piè degendam excitet, quâ ſpretâ & contemptâ eos vehementer reprehendit, quòd à verbo Dei penitus ferè ab eo tempore deſciſcere cœpiſſent, quo Publius, qui illis præfuit, martyrium ob perſecutionum tempeſtates tum quidem ingruentes fortè perpeſſus eſt. De Quadrato etiam, qui illorum Eccleſiæ poſt Publium martyrem deſunctum, creabatur Epiſcopus, in eadem epiſtola mentionem facit, atteſtatus, quòd eius labore & industria tum ad Eccleſiam reducti eſſent, tum ardorem fidei propè in iſtis reſtinctum denudò recuperaffent. Declarat præterea Dionyſium Areopagitam à Paulo Apoſtolo ad fidem conuerſum (ſic enim Acta Apoſtolorum referunt) primum Athenienſis Eccleſiæ Epiſcopatum adminiſtraſſe. Ecce tibi ſcriptor Areopagitæ ſuppar, ac proinde teſtis idôneus, cui acceptam referat Euſebius mentionem anti-*

stitij, quo Athenis Arcopagita noster defunctus est.

Tertius, Aristides Atheniensis Philosophus apud Vsfuardum in martyrologio ad quintum Nonas Octobris: *Natale Beati Dionysij Episcopi & Martyris*, qui post clarissimam confessionem fidei, post grauissima tormentorum genera glorioso martyrio coronatus est; ut testatur Aristides Atheniensis, vir fide sapientiæque mirabilis in opere, quod de Christiana religione composuit. Idem Aristides apud Ordericum Vitalem lib. 2. historię Ecclesiasticę: *Dionysius*, inquit, *Arcopagita cum Damari uxore sua credens baptizatus est. Hic postmodum, ut Aristides Atheniensis asserit, Episcopus ab eodem Apostolo (Paulo) Atheniensibus ordinatus est, & post varia virtutum insignia insigni martyrio coronatus est.* En alius scriptor Arcopagitę quoque suppar, & præterea Atheniensis Philosophus, qui & Episcopatu, quem ille Athenis gessit, fidem præstat, & martyrio, quod ibidem pro suscepta fide perpeffus est tertio die Octobris.

Quartus, auctor Martyrologij Constantinopolitani, quod habuit Hilduinus in Arcopagiticis num. 10. *In quo, inquit, diem natalitij eius (Arcopagitę) designatum, & quia Atheniensium Episcopus fuerit, reperimus annotatum. Quod Martyrologium, ut antiquitas eius demonstrat, ex eo tempore constare posse non incongrue remur, quo Constantino iubente martyria Sanctorum Domini de toto orbe collecta, & Casaream sunt conuecta.* Hęc Hilduinus, siqua fides illi detur, conueniunt tamen cum Menologio Sir-

leti. Quinto Nonas Octobris: Certamen Sancti Patris nostri Areopagita Episcopi Athenarum. Hic præter Atheniensem Episcopatum, certus habetur dies, quo apud veteres Græcos Areopagita colebatur.

Quintus, Beatus Chrysostomus lib. 4. de sacerdotio cap. 7. Rursus Areopagita ille superstiosissima civitatis illius civis nonne unâ cum uxore, audita tantum Pauli concione illum secutus est? Idem Homilia 39. in Acta Apostolorum: Sed hæc erant admodum obscura, attamen persuasit Dionysio Areopagita & aliis quibusdam.

Sextus, Beatus Ambrosius lib. 6. Commentariorum in Acta cap. 9. Qui tractat, debet audientium considerare personas, ne prius irrideatur, quàm audiatur. Quando enim Athenienses crederent, quia Verbum caro factum est, & de Spiritu Sancto concepit, qui irridebant, quia resurrectionem audierant mortuorum: Tamen & Dionysius Areopagites credidit, & alij crediderunt in virum, ut in Deum crederent.

Septimus, Beatus Augustinus in tractatu de Epicureis & Stoicis cap. 1. ubi postquam de Pauli apud Athenienses professione locutus est, subdit: Nec defuerunt, qui crediderunt, atque in iis nominatur quidam Dionysius Areopagites.

Et verò licet quæ ex Chrysostomo, Ambrosio & Augustino nunc retulimus; expressiora non sint Actis Apostolicis, tantorum tamen Patrum auctoritas fecit, ut illa non omitteremus. Quinetiam quid veteres de Areopagita

dixerint, ex libris ipsorum cognoscere pio lectori iucundissimum est. Ego, quod verum mihi visum est, id proponere satis habui.

Dionysius igitur Arcopagita ciuis Athenarum vt Pauli concionem audiit, desertâ numinum multitudine vnius sese cultui addixit, & suscepto baptismo in Christi familiam affectus est. Hinc ab eodem Paulo Atheniensium antistes creatus, qui postea Christianam religionem impensè fouit, & in illius propagatione curas integras admouit. tùm ad extremum, editâ perillustri confessione fidei, & toleratis grauium tormentorum suppliciis martyr occubuit, & Athenas suo sanguine consecrauit. hæc est summa, breuis quidem, sed omninò vera vitæ, quam inter Athenienses Christianè vixit Dionysius Arcopagita.

Nonnullæ in præcedentia obseruationes.

II. Prima obseruatio. Nemini hac in parte creptam scribendi libertatem & materiam volumus, immo pergratum nobis faciet, qui alia veterum de isto Dionysio suggeret elogia & annotata, quæ ad præscriptam antè ætatem pertineant. His quippe multò certius, quàm aliis inferioris æui testimoniis historiæ consulitur, quæ est testis temporum, lux veritatis, & nuntia veritatis.

Secunda. Præ ceteris, quæ Methodij, Metaphrastis & Syngeli in conscribenda Arcopagitæ vita negligentiam ostendunt, sanè illud eminet, quo veterem historiam sine commen-

rariis veterum post octingentos annos ediderunt. Neque enim, ut par erat, meminere Dionysij Corinthiorum Episcopi, vel Eusebij, vel Chrysostomi, vel maximè Aristidis, cuius pro Christianis apologia magno tunc in honore apud Athenienses habebatur, ut scribit Ado in Martyrologio ad quintum Nonas Octobris: *Hoc opus, inquit, apud Athenienses summo genere colitur, & inter antiquorum monumenta clarissimum tenetur, ut peritiores Græcorum affirmant.* Ergo minus peritos oportet eos esse Græcos, qui illustrissimum Aristidis apologeticum non legerunt, nec assertam in eo Dionysij Christianam conuersationem, martyrium, & martyrij locum Athenas vindicarunt, sed ad spuria quædam Hilduini & sociorum gesta mentem & calami leuiusculè conuerterunt. Vide caput 9. Discussionis.

Tertia. Cum Chrysostomus hinc Dionysium Athenarum ciuem τὸν τῆς πόλεως appellet, & inde maiorum de eo traditionem melius nouerit, quàm qui post annos à Chrysostomo quadringentos scripserunt; causæ nihil fuit, cur Michaël Syngelus Arcopagitam διασημώτατον προφήτην, & τῶν ἐν ὁρίῳ πατρὶ δικαστῶν προέχοντα & πρέσβειον appellaret.

Quarta. Siquis Hilduini Martyrologium & Sirleti menologium curiosius expendat, non ibit, opinor, inficias, quin ex comuni librorum eiusmodi charactere iudicer primùm, Arcopagitæ natalem in Atheniensi ciuitate notari, cuius cum esset Episcopus, martyr excessit; deinde Arcopagitam Christianum cer-

migrauerant, continuò veterū omnes Annales & historias reuoluit, & ex iis, quinam alij antiques ab vna sede transierant in aliam; imò qui & diuerfas ob prædicationē Euangelij peregrinationes susceperant, eos ex nomine designat. Sed in tanta seu migrantium, seu peregrinantium Episcoporum recensioe nullus Areopagita compareret; licet nulla tunc memoreretur Episcopi migratio, seu peregrinatio; quæ ab hominis ætate, locorū distantia, & Apostolicæ legationis dignitate illustrior fuisset, & augustior.

Ea profectò de causa inter tot antiquos migrantes, vel peregrinantes Episcopos Areopagita non compareret, quia cautissimus homo probat Constantinopolitanos Areopagitæ caput non potuisse Sueffionensibus dare; scilicet quòd tam celebris translatio seu peregrinatio historicis omnibus haud excidisset.

Socrates ab aduersario perperam explicatus.

II. Enimuerò videamus, quonā pacto suis Socratem studiis Milletus conciliet. *Ille*, inquit, *non nisi paucos, & suorū temporum pro maiori parte viciniore adducere statuit.* Recte omninò, tum quia si paucis illis vnū addidisset Areopagitam, multos sine dubio contra quā statuerat, adduxisset; tum quia si antiquiorem Alexandro, qui ad an. 200. vixit, adduxisset, suorum temporum pro maiori parte viciniore non adduxisset. His nobilibus interpretamētis Socrates illustratur. Ingeniosè addidisset Græcū auctorem noluisse illustrissimas quasq; Episcoporum, & præsertim Areopagitæ migrationes referre, cū ex

illis transferendorum antistitum exempla, quæ sedulò quærebat, non petantur commodè.

Insignis sese hîc offert *anagurta* Samblacati, qui in reconcinnato Palladio scribit factâ à Socrate Alexandri mentionem, sed obiter, & Alexandrû à Sirmondo haud bona fide ceteris adiunctum, qui ab vna sede in aliâ migrarant. Sed quàm vanè & ignoranter hæc scribat, ipsa Socratis lectio docet, ad quâ alios remittere non veretur. *Iam verò* (inquit Socrates lib. 7. c. 35.) *quoniam quidem propter Ecclesiæ canonē, quem pro se afferebant, Proclum Episcopum Cyzici iam tum nominatum in sede Episcopali Constantinopolis collocari prohibuerunt, de ea re pauca dicere statui. Qui tum ista asserere aggressi sunt, videntur mihi certè minimè vera dixisse: sed vel inuidia aduersus Proclum eadem confixisse, vel tū Canones, tum alias res ad Ecclesiarum utilitatem non raro gestas penitus ignorasse.* Nā Eusebius Pamphilus in sexto libro historie Ecclesiasticae Alexandrum ciuitatis cuiusdam Cappadociæ Episcopum Hierosolymam voti causa contendentem ab Hierosolymitanis detineri, Narcissi loco in Episcopatus gradu collocari, & reliquum vitæ tempus in illa Ecclesia contrinisse memorat. Itaque res erat planè indifferens apud veteres, quoties Ecclesiarum usus poscebat, Episcopum ab vna ciuitate ad alteram transferre. Hæc Samblacatus intellexit nō secus, ac qui in Eleusiniis apud Aristophanem mysteria portabat.

Publij Meliteni Episc. translatio expenditur.

III. Secundò redimus ad Milletum, ex quo si quæras, cur Martyrologia Adonis & Romanum Rosuueidi translationem Publij Episcopi Me-

Meliteni referunt, non Areopagitæ? Respondebit ille ex penu locorum communium, quia vnus tantum Episcopi, & qui successor esset Areopagitæ, meminisse volunt: ego verò dicerem, quia passum Athenis Areopagitam tradunt.

Quod autem absolute spectat ad Publij Meliteni migrationem, hæc Græcis omnibus scriptoribus ignota est. Immo Eusebius, dum libro 4. Historiæ Publium Areopagitæ successorem facit, non magis illum ex alia sede Athenas translatum significat, quàm Quadratum Publij successorem. Deinde aduersarius mala fide laudat Adonis Martyrologium, vbi non ait Publium ab Ecclesia Meliteni ad Atheniensem migrasse: hæc sunt verba Martyrologij, quod Rosuueidus edidit, 21. Ianuarij: *Item apud Athenas Beati Publij Episcopi ob Christi martyrium coronati.* Petrus de Natalibus ex Adone plura refert, sed quæ aduersario peræquè incommodant: *Publius Episcopus Atheniensis & martyr gloriosus fuit. Hic humana & diuina sapientia clarus, secundus post Dionysium Areopagitam admodum effulsit, Ecclesiâque Atheniensium nobiliter rexit, & præclarus virtutibus ac doctrina præfulgens ob Christi fidem martyrio coronatur 12. Calendas Februarij. Hæc Ado.* Translationis istius non meminit Vsuardi & Baronij Martyrologium, quod sic habet: *Natalis Beati Publij Episcopi, qui secundus post Dionysium Areopagitam Atheniensium Ecclesiam nobiliter rexit, & præclarus virtutibus ac doctrina præfulgens ob Christi martyrium gloriosè coronatur.* Neque etiam Ado in libello de festiuitatibus, quem fortè citare voluit Millerus, translationis men-

rasse in eadem vrbe certamen, vbi primus fidelium ab Apostolo dux constitutus fuerat; denique non alterius vrbis præter Athenas Episcopum egisse, cum nulli sint veteres Græcorum facti, in quibus natalis antistitum ab vna sede in aliam quoquo modo migrantium à prima tantum sede notetur. Vbi quæso natalis S. Procli Episcopi Cyziceni? Vbi Eustathij Beræensis Episcopi? vbi Meletij Sebastix Cilicum Episcopi? quorum primus Cyzico Constantinopolim, secundus Beræâ, & tertius Sebastia Antiochiam transferunt.

Quinta. Cum ex Græcorum menologio & ex Latinorum Martyrologiis Arcopagitæ martyrium adscribatur tertio diei Octobris, vt in pluribus aliis, sic & in hoc errare oportet Methodium, qui passum septimo Calendas Octobris Dionysium scripsit: ἑπαδον, inquit, οὐδὲ μακάριοι μαρτυρῶν τῷ Χριστῷ, Διονύσιος, Ρούσχος, καὶ Ελευθέριος ἐβδόμη καλανδῶν Οκτωβρίου ἐπὶ Δομιτιανῷ βασιλεῖ.

Sexta. Sub quo Imperatore Dionysius è medio abierit, non vna est omnium opinio. Quidam sub Traiano, nonnulli sub Adriano, alij sub Domitiano mortuum tradiderunt. Postremam opinionem, cum multorum sit vtriusque Imperij scriptorum, & insuper antiquiorum, Sirmondus in se recepit, & octauo Dissertationis capite firmissimis rationum momentis confirmavit, quæ quoad steterint (diu autem stabunt) φιλαληθέων assensum merebuntur. Aliud est Dionysianæ mortis tempus ple-

num inuidiæ ratiunculis asserere, & dicendo triumphare; quod studiosè exequitur Milletus cum suis: aliud solidis argumentis & sine fallaci petitione principij quærere, & inuentum prudenter asseuerare; quod ille vir extra quàm eruditus præstat in Dissertatione.

Quòd autem hæc tertia opinio veterrima sit omnium, ex scholiis Sancti Maximi primùm colligimus, qui vt commodè laudatum ab Arcopagita Ignatium probet, hunc ante Domitianum mortem oppetiisse tradit: *Ἰγνάτιος ὁ ἐπὶ Δομντιανῷ μαρτυρεῖ, ὡς περὶ νεώτερος Διονυσίου.* Deinde illud similiter habemus ex vetusto scriptore, qui apud Photium in Myriobiblo quærît, *cur epistolam Ignatiij liber diuinorum nominum citat?* Dionysius, inquit, *Apostolorum temporibus floruit. Ignatius verò Traiano imperante martyrij certamen habuit, & paulò ante obitum epistolam illam, quam hic liber citat, conscripsit.* Hos veteres secuti sunt è Latinis Hilduinus, Hincmarus, Radbertus Corbeiensis, & illi omnes, qui postea in laudem Dionysij Parisiensis Hymnos & Profas composuerunt. E Græcis Methodius, Metaphrastes, Synaxaria, & Anthologium seu Græcorum Breuiarium, quod qui Romæ viuunt, singulis diebus recitant. Ex quo hæc sententia vt verustate & scriptorum multitudine, ita & veritate antecellit. Utinam in ceteris nihil occurreret difficilium, aut inuolutius! Tunc enim in vnam eandemque opinionem nullo negotio conspiraremus, & nos retentam ab omnibus primam

ac legitimam traditionem laudaremus. Sic latissimum aduersarios inter & nos discrimen intercedit. Aduersarij quippe reiciunt illa, quorum auctores non fuerunt Hilduinus, Hincmarus & Radbertus, Methodius & Metaphrastes: nos verò recipimus, quia hoc fermè vnum & verum à maioribus acceperunt. Aduersarij vindicant ea, quæ illi rebus ad originem recens alienissima scripserunt, nos respuimus, quia vnicum veritatis studium delectat. Præterea vide caput 16. Discussionis.

Septima. Quæ Latinorum Ecclesiæ peculiari cultu Areopagitam venerantur, hîc ex antiquis Patribus habere possunt, vnde noturnas vigilias componant, & sese ad piam Concilij Tridentini mentem accommodent, quod, vt emendarentur Breuiaria, & pristinae veritatis nitore restituerentur, sanctissimè iussit, persuasum, veritatem nostro mendacio non egere, nec *Ecclesiam*, vt ait Facundus, *indigam esse falsitatis*. Deinde quæ ex Græcis Patribus num. 1. citata sunt, Breuiarium Græcorum multò congruentius occuparent, quàm desumptæ quædam ex Methodio vel Metaphraste narrationes, quibus & Synaxaria & Menæa sua non ita pridem interpolarent. Hæc tamen omnia dicta sint saluo illorum iudicio, quibus ex Tridentini Concilij auctoritate incumbit Ecclesiasticorum librorum correctioni prouidere.

*Quod sapimus, coniungat amor, quod vult
mus vno*


280 *B. Dionysij Areopag. Gr. vita.*

Conspiret studio, nil dissociabile firmum est.
& post alia:

Pax plenum virtutis opus, pax summa laborum,

Pax belli exacti pretium est, pretiumque periculi.


Prudentius in Psychomachia.



FINIS.







1872
P